

〔重刊訂正本〕

中國醫學大成

錢若利題



【三十一】

〔重刊訂正本〕

# 中國醫學大成

三三三

上海科學技術出版社

期

末

中國醫學大成 (全套共五十冊)

上海科學技術出版社出版

(上海瑞金二路四五〇號)

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數二一,七九〇,〇〇〇

總印張八六二

一九九〇年六月第一版 一九九〇年六月第一次印刷



\*C0159019\*

小兒衛生總微論方

佚名

原編 曹炳章

總審定 裘沛然

總審閱 蕭敏材 朱邦賢 沈麗君



## 重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尙浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於  
上海中醫學院



佚  
名

小兒衛生總微論方

中國醫學大成

## 小兒衛生總微論方提要

不著撰者名氏。論凡一百條。自初生以至成童。無不悉備。論後各附以方。前有嘉定丙午和安大夫特差判太醫局何大任序。稱家藏是書已六十餘載。初不知作者爲誰。詳加採訪。亦未聞此書之流傳。因卽藏板於太醫院。但查原刻本爲明宏治己酉由濟南朱臣刻於寧同府。更名為保嬰大全。其後序云得之於醫者鄭和。而和謂乃自古塚中所發見。其說似過於神奇。不足信也。案北宋錢乙始以治小兒得名。其藥證直訣一書。僅有傳本。亦不免闕略。其他如晁陳二氏所著錄者。有嬰童寶鏡。小兒靈秘方。小兒至訣。小兒醫方妙選。小兒癍疹論諸書。皆不可得見。是書詳載各證。如硬舌、鱗瘡之類。悉近時醫書所未備。其議論亦篤實明晰。自明以來。諸醫家黨同伐異。有各立門戶之習。是編誠保嬰之中庸書也。今據民國十三年湖北蕭北承校勘。及蕭公耀南捐俸之重刊本。復增圈點。重校付梓。

## 蕭序

唐孫真人著千金要方。謂生民之道。莫不以養小爲大。若無小卒不成大。故孫氏方先小兒而後丈夫耆老。實崇本之義。譬夫良苗嘉植。初生之日。不克培其根本。去其蝥賊。鮮有不夭折者。卽幸而長成。其華實亦必不茂。則小兒科之急需講求。洵醫林之先務也。惟小兒氣質微弱。有病每不能自爲陳說。故醫家目爲啞科。最不易治。習是科者。必先於天時之寒暖。地勢之高下。以及人身十二經脈之環周。奇經八脈之起止。三百六十五穴之部位。平日瞭然於心。臨證復察色聽聲。反覆推求。始能洞悉病情。而不致僨事。故尙書謂保民如保赤子。良以保民者必周知民間之疾苦。所惡勿施。所好與聚。而民始治。猶保赤者必誠求赤子之隱曲。時其饑飽。適其寒溫。而赤子始安。余以軫材。奉命巡閱兩湖。督理軍務。兼長民政。夙夜祇懼。不憚博訪諏諮。期舉閭閻之疾苦。掃除而廓清之。爲吾鄉父老昆弟謀樂利而策安全。顧其畢之好惡不同。一人之耳目有限。往往事與願違。力不從心者。時或不免。至此始慙然於保民之難。愈憬然於保赤之不易。適吾宗北承孝廉倦遊。

同鄂。攜有手校小兒衛生總微論方二十卷。余素稔小兒科之難。而善本尤不易得。因捐資付梓。復商之北承孝廉。重加讎校。以免魯魚帝虎。貽誤將來。庶幾保民之願。雖未盡償於目前。而保赤之心。尙幸流傳於後世。至此書爲醫學之寶笈。幼科之金針。前人序論。言之纂詳。茲不贅述。

民國十三年歲次甲子首夏。兩湖巡閱使督理軍務兼湖北省長黃岡蕭耀南敘於武昌節署。

## 何序

余先君有小兒衛生總微論方二十卷。家藏甚久。今六十餘載矣。不知作者爲誰。博加搜訪。未嘗聞此書之流播也。自嬰孩初育。以至成童。所謂保衛其生。總括精微。視古今方書。極爲詳盡。仁哉著書者之心也。宗族親舊間。幼稚有疾。余每口傳指授。效如影響。又取其可以通用於大人者。增湯劑而用之。尤爲神異。豈此書不言之妙。有待於余而發耶。烏可掩爲一家之寶。而不與人共之。於是集二三同志。訂正其謬。寫之於外。鐫於行。在太醫局。以廣其傳。得此者敬而用之。當知余言不繆。



或未免畫蛇添足之譏。不暇顧矣。吁齊魯大臣。史失其名。恨不得詳其人也。  
嘉定丙午立春日和安大夫特差判太醫局何大任序

## 范序

保幼大全者。予同寅朱君時佐之所以壽世者也。其論理至精至密。其制方至詳至備。蓋自人之成形。以至成童。纖悉之證。莫不畢具。惜乎著之者失名耳。相傳謂得之古塚中。雖未必然。而用之療疾。靡有不效。誠天地間一奇書也。朱君攜至宣城。謀與李令宗仁繡梓以傳於四方。且請予序諸首。予惟傳曰。如保赤子。赤子甚不易保也。而是書亦未易得之。得之者不私於一家一邑。而欲傳之於四方。且將以及後世。使凡赤子。皆得所以保之道。而安然於長大壽考之域。二君子之心。不亦公且溥矣乎。夫保赤子。卽所以保民也。使保民者。真能如保赤子。而民有未安者。吾未之信也。是爲序。

弘治二年己酉秋七月望日。賜進士出身中順大夫直隸寧國府知府天台范吉以貞書

# 朱序

保幼大全。即小兒衛生總微論方之別名也。以其制方著論。詳審精密。故復名之曰保幼大全。予素頗有志於濟物。見醫家書。每喜蓄之。揮使鄭君和。精於小兒醫者也。與予友善。予扣其所以精於醫之故。乃出是書焉。予閱是書之異於尋常也。又扣其所以得之之故。則曰相傳農人得之於古塚中。於是求以錄之。鄭君無難色。遂以全集授予。錄而珍藏諸笥者有年矣。間遇小兒疾。按方試之。往往得奇驗。一日偕宣城令李君宗仁。詢民瘼。會於公所。語及是書。宗仁又樂於濟物者也。即取而刊之。以廣其傳。不數月而成。噫。予竊祿明時。無補於吾民久矣。使一二孩提之童。得因是書而濟萬分之一於危迫倉卒之際。予之素心。寧不亦少慰乎。若其爲術之高下。明者當自得之。蓋不待予言者。姑序其所自云。

弘治己酉中秋旦。京闈戊子鄉貢進士寧國府通判世族濟南朱臣時佐書。

# 小兒衛生總微論方目錄

## 卷一

醫工論	一
稟受論	二
初生論	三
回氣論	三
洗浴論	四
斷臍論	五
相視壽夭論	八
初生服藥論	一〇
中寒論	一一
初生不乳論	一一

小兒衛生總微論方 目錄

## 卷二

臍風撮口論	一二
胎中病論	一三
重驚	一四
胎驚	一四
胎熱	一四
胎怯	一四
胎不	一四
胎治	一四
胎病	一四
胎肥	一四
胎赤	一四
胎眼	一四
五氣論	一五
不能行	一五
解顛	一五
乳母論	一六
慎護論	一七
食忌論	一八

一

大小論……………一五

諸般色澤紋證論……………一六

諸色澤候……………一六

諸處紋狀候……………一八

五藏主病論……………二二

諸形證候……………二二

諸死絕候……………二六

卷二

變蒸論……………一

變蒸賦……………三

變蒸治方……………四

脈理論……………六

諸身熱論……………一〇

卷四

身熱治方……………一三

驚癇論上……………一

欲發搐……………一

已發搐……………二

發搐逆順……………五

發搐陰陽天弔附陽搐  
脾風附陰搐……………七

發搐真假……………九

驚癇雜論……………一〇

卷五

驚癇方下……………一

治驚欲發搐方……………一



卷六

治風癇方	六
治驚癇方	一〇
治食癇方	一二
治五藏五畜癇方	一五
治偏搐方	一六
附天弔	二四
治陰搐慢驚方	二六
附慢痺風	三五
治胎癇發搐真假方	四九
驚癇別論	一
驚癇咬牙	一
暗癇	一

驚癇餘證	二
驚癇兼別病	二
治驚癇咬牙方	二
治諸癇通用方	六
治驚癇後餘症方	一一
治驚癇兼別病方	一三
中風論	一九
治心肺中風方	一九
治風痙方	二〇
二證同治方	二一
治中風角弓反張方	二二
治中風口噤方	二三
治中風拘攣不隨方	二四
治中風口眼喎斜方	二五

治風癰不省方……………二六

### 卷七

傷寒論……………一一〇

### 卷八

瘡疹論……………一一三〇

### 卷九

吐瀉論上……………一

瀉論……………三

吐瀉……………五

傷風吐瀉……………五

傷食吐瀉……………六

### 卷十

冷熱吐瀉……………七

吐瀉方下……………一

治吐方……………一

附哕哕……………一七

治瀉方……………一九

附吐瀉後證……………四六

### 卷十一

八利論……………一

治冷利方……………二

治赤白滯利方……………三

治熱利方……………四

治積利方	一五
治疳利方	一七
治蠱毒利方	一七
治休息利方	二〇
治諸利雜證	二一
脫肛論	二四

## 卷十二

五疳論	一
治五藏疳方	四
治疳瀉方	九
治諸疳蟲動方	一八
治諸疳雜證方	二三

## 卷十三

諸蟲論	一
食氣積癖論	一二

## 卷十四

心腹痛論	一
腹脹論	五
腫病論	一一
虛羸論	一六
欬嗽論 <small>痰飲上</small>	一九

## 卷十五

黃疸論	一
客忤論	四
三注論	七

夜啼論	一四
諸汗論	二二
不語論	二六
渴論	二八
血溢論	三〇

卷十六

寒熱論	一
瘰癧論	三
弄舌論	七
魘病論	九
骨蒸論	一〇
腹皮青黑論	一一
難乳論	一二

卷十七

大小便論	一三
五淋論	二二
癰疽論	一
陰腫生瘡論	六
腋氣論	九
頤門腫陷論	一〇
滯頤論	一一
腸癰論	一三
針刺誤傷論	一三
諸物梗喉論	一四
疣子論	一七
諸蟲咬蜇論	一八



撲墜損傷論	二〇
藥毒論	二三

## 卷十八

頭上諸病論	一
頭瘡	一
軟癰	四
禿瘡	五
耳中諸病論	七
耳聾	七
耳中鳴痛	九
眼目病論	一三
目病引論	二二
鼻中病論	二三

面上瘡論	二五
唇口病論	二六
牙齒病論	三〇
舌病論	三三

## 卷十九

咽喉總論	一
項癭論	八
惡核瘰癧論	九
龜胸論	一三
龜背論	一三
手脚拳攣論	一四
風疾癰疹論	一五
疥癬論	一八

卷二十一

金瘡論	二二
湯火傷論	二四
疔瘡論	一
癰癤論	一〇
惡瘡論	一四
浸淫瘡論	一九
爛漿瘡論	二一
凍瘡論	二三
癩瘡論	二四
漆瘡論	二五
月蝕瘡論	二六
蠅蝮瘡論	二八

水毒論	二九
赤遊論	二九
赤毒論	三三
鱗體論	三九
疵醫論	三九

# 小兒衛生總微論方

## 卷一

### 醫工論

凡爲醫之道。必先正己。然後正物。正己者。謂能明理以盡術也。正物者。謂能用藥以對病也。如此然後事必濟而功必著矣。若不能正己。則豈能正物。不能正物。則豈能愈疾。今冠於篇首。以勸學者。

凡爲醫者。性存溫雅。志必謙恭。動須禮節。舉止和柔。無自妄尊。不可矯飾。廣收方論。博通義理。明運氣。曉陰陽。善診切。精察視。辨真僞。分寒熱。審標本。識輕重。疾小不可言大。事易不可云難。貧富用心皆一。貴賤使藥無別。苟能如此。於道幾希。反是者。爲生靈之巨寇。

凡爲醫者。遇有請召。不擇高下。遠近必赴。如到其家。須先問曾請未曾請師。卽問曾進是何湯藥。已未經下。乃可得知虛實也。如已曾經下卽虛矣。更可消息參詳。

則無誤矣。又治小兒之法。必明南北稟受之殊。必察土地寒溫之異。不可一同施治。古人最爲慎耳。

稟受論

人稟父母精血化生。故內經有曰。陽施陰化。謂之有子。聖濟經言。方其受授之初。一月血凝。二月胚胎兆。三月陽神爲魂。四月陰靈爲魄。五月五行分五藏。六月六律定六府。七月七精開竅。八月八景具全。九月氣足象成。十月百神集備。至日滿而生也。又云。一月如露珠。二月若桃花。三月形象成。四月男女分。五月腑臟具。六月筋骨全。七月魂生而動。左八月魄長而動。右九月三轉身。十月足而生。此所未知其始。有謂之妊者。以其陽始而陰任之也。有謂之胚者。以其未成爲器而猶坯也。有謂之胞者。以其已爲正陽而陰包之也。有謂之胎者。以食於母而爲口。臣也。有謂之娠者。以其有時而動也。有謂之懷者。以其有身而依也。原夫此象者。皆陽始陰任在有形之先。次由五行而後化成也。故曰陰陽具而五行立矣。且陰之所任者壬也。一陽壬兆。則人乃肇生。命門主生氣之原。精所藏焉。壬陽水也。合丁之陰火而生丙。故有命門。然後生心。心主血。神所藏焉。丙之陽火。合辛之陰金。



而生庚。故有心然後有肺。肺主皮毛。魄所藏焉。庚陽金也。合乙之陰木而生甲。故有肺然後生肝。肝主筋。魂所藏焉。甲爲陽木。合己之陰土而生戊。故有肝然後生脾。脾主肉。意所藏焉。戊爲陽土。合癸之陰水而生壬。故有脾然後生腎。腎主骨。志所藏焉。故腎與命門一也。此陰陽五行夫婦生化自然之理也。人之賦稟。自受氣至胎化。自成形至生養。亦皆由焉。

### 初生論

兒纔生出母腹中。急當舉之。便以綿絮包裹。抱大人懷之溫煖。雖暑月亦不可遽去綿絮。須漸漸減去之。蓋乍出母腹中。不可令冒寒也。又急以綿裹手指。揩拭兒口眼中。及周圍穢血。皆令盡淨。不可令入口眼也。若舉遲失於包裹。則令兒中寒。若穢血得入口眼。則令兒生病。其證候方論並在後

### 回氣論

兒纔生出母腹中。哭聲遲者。急以葱白細鞭其背。呼父小名卽啼。又兒纔生下氣

欲絕不能啼者。必是難產或冒寒所致。急以綿絮包裹其兒。頓放大人懷中溫煖。若已包裹。須更添之。令極溫煖。且未得斷臍。將胞衣置灰火上燒之。仍撚大紙。卻盛蘸油點著於臍帶上。往來徧燎之。以臍帶連臍。得火氣由臍入腹故也。更以熱醋湯捋洗臍帶。須臾則氣回啼哭。然後如常洗浴斷臍。此法甚良。救者甚多。

### 洗浴論

兒纔生下。須先洗浴。以滌蕩汗穢。然後乃可斷臍也。若先斷臍。則浴水入臍而爲臍瘡等病。及浴水須入藥預先煎下。以瓶貯頓。臨時旋煖用之。不犯生水卽佳。並以後浴之。亦用藥煎湯。揀所宜時日。則大良矣。凡浴宜用寅卯酉日。若初生不值。但於日中選此三時。如時亦不值。唯忌壬午丁巳癸巳日時大凶。而與避之。餘皆可也。今具煎湯用藥下項。

用豬膽汁湯浴兒。則不患瘡癬。皮膚滑澤。用金銀、虎骨、丹砂煎湯。則辟邪惡。去驚。單用虎骨亦得。用李葉切半升煎湯。則解肌熱去溫壯。用白芷二兩、苦參三兩剉碎煎湯。則去諸風。用藜蘆、蔥白、胡麻葉、白芷、葉本、蛇牀子煎湯。退熱。

用苦參、黃連、豬膽、白芨、杉葉、柏葉、楓葉煎湯去風。

用大麻仁、零陵香、丁香、桑甚、藁本煎湯治諸瘡。

用金銀、桃奴、雄黃、丹砂煎湯則辟邪除驚。

用益母草煎湯治疥癬諸瘡。

凡煎湯每用水一斗入藥煎至七升去滓適寒溫用之。冬不可太熱夏不可令冷。須調停得宜乃可用之。兒自生之後須依時洗浴以去垢污。又不可數數。若都不洗浴則皮皴毛落多生瘡疥。凡洗浴時於背上則微微少用水餘處任意。即不可極淋其背亦不可久坐水中則引驚作病。切須慎之。如常能依法用之令兒體滑舒暢血脈通流及長少病無不驗也。

### 斷臍論

兒生下須當以時斷臍。若不以時斷臍者則令臍汁不乾而生寒。爲臍風之由。斷臍之法當隔單衣以牙齦斷之。將煖氣連呵七徧。若用刀斷之須用剪刀先納懷中煖透然後方用。不得使用冷刀多致傷臍生病。宜切戒之。其斷臍帶當令長至



足跌。或云當長六寸。若太短則傷藏。令兒腹中不調。若太長則傷肌。令兒皮枯鱗起。纔斷臍訖。須用烙臍餅子安臍帶上。燒三壯。炷如麥大。若兒未啼。灸至五七壯。灸了上用封臍散封裹之。法須撻治帛子令柔軟。用方四寸許。上置新綿厚半寸。及上置藥末。適緊慢以封之。如不備其藥。即用極細熟艾一塊。置於上封之。但不令封帛緊急。急則令兒吐。又須常切照顧。勿令溼著。及襁褓中亦不可令兒尿溼。恐生瘡腫及引風也。

烙臍餅子

豆 豉

黃 蠟各一分

麝 香少許

右以豆豉為細末。入麝研勻。鎔蠟和劑。看大小捻作餅用。

封臍散

雄鼠糞七枚兩頭尖者是

乾 薑棗大

甌 帶雞子許三綿

灰半兩別燒稱

緋帛灰別燒稱

胡 粉三錢炒黃

麝 香少許

右同研極細末。每用半錢至一錢。傅臍上封之。永不患臍瘡腫。如已因風溼患瘡腫者。看臍帶落與未落。依此用藥便差。



兒已封裹臍了。一切如法。得數日許。忽然怒啼。似衣中有刺者。此乃臍燥。還刺其腹故也。當與解之。易去故帛藥物。更換裹之。如無此證。亦於十日許解視。換時須避風冷。若遇冬月。左右置火。於溫煖處換之。至於尋常換衣用粉。亦當如是。若失於照顧。致傷臍患者。具方於後。

治小兒初生。臍未落時。腫痛水出。

右取故緋絹燒灰。研細末。傅之。

治小兒臍中汁出不止。赤腫。

右以白石脂爲細末。炒令微煖。傅之。日三四次。

治小兒臍瘡。

右以甌帶燒灰。研細末。豬膏和傅。或以桑白皮汁。傅乳上。吮兒飲。

又方 以東壁上土。傅之。治歷年不差者。伏龍肝亦得。

又方 以當歸爲細末。傅之。久不差者。用之神效。

治赤腫或膿血清血出者。

又方 以馬齒莧葉燒灰。研末。傅之。或以露蜂房燒末。傅之。

又方 以乾蚬蚌火煨為灰。研末傅之佳。

又方 以黃檗為細末傅之。治久不差者。

治小兒臍赤腫。

杏 仁半兩

豬頰車骨中髓半七錢

右先研杏仁極爛。和髓傅之。一方研杏仁如脂。和髓中膏傅。

治小兒因剪臍傷外風。致臍瘡久不乾。

白 礬煨

白龍骨煨等

右同研為細末傅之。少少用。如無兩味。但得一味亦可。

又方 以綿燒灰研為細末傅之。新舊皆可。

治小兒臍瘡溼不差。若至百日即危極。胡粉散。

胡 粉一錢細研

乾 薑煨灰一錢細研

白石脂煨存性一錢細研

右同為細末。每用一字。或半錢傅上。

凡小兒患臍瘡未愈。不可乳令大飽。大飽則令兒臍風。

相視壽夭論

兒生下洗浴。斷臍之後。當視其壽命長短。成人不成人。

兒生身不收者死。

兒生魚口者死。

兒生股間無生肉者死。

兒生汗血者死。

兒生頤下破者死。

兒生囊下白或赤者皆死。

兒生陰不起者死。

兒生身如凝血。若無皮者死。

兒生臍小者不壽。

兒生聲絕而復揚急者不壽。

兒初生目自開者不成人。

兒初生頭四破者不成人。

兒初生啼聲散者不成人。

兒初生身軟如無骨者不成人。

兒初生啼聲深者不成人。

兒初生頭毛不周匝不成人。

兒初生汗出不流不成人。

兒初生小便凝如脂膏者不成人。

兒初生常搖手足者不成人。

兒初生枕骨不成能言而死。

兒生膝骨不成能倨而死。一云尻骨。

兒初生掌骨不成扶伏而死。

兒生踵骨不成能行而死。

兒生臍骨不成能立而死。

兒初生陰大而與身色同者成人。

兒初生臍中無血者成人。



兒初生啼聲相連延屬者壽。

兒初生卯下縫通達而黑者壽。

兒初生身體鮮白而長大者壽。

兒初生額上有旋毛者妨父母。

兒初生目視不正。數動或哭而豺聲者。非佳人。

兒初生髮稀少者。不聽人教。

### 初生服藥論

兒初生出母腹。揩拭口眼。淨洗浴了。斷臍畢。裯包訖。且未得與乳。當用好甘草一指節許。擘碎。以水三蜺殼。煎二蜺殼。以綿纏指蘸與兒吮之。若吐出惡汁為佳。若服二蜺殼不吐。即無穢物。不須更服也。此法不問兒虛實壯怯。皆須服之。次看形色。若面色紅潤。啼聲響快者。用擘破黃連。以湯浸取濃汁。調硃砂末。抹兒口中。打盡腹中舊糞。方可與乳。又法。以汞粉半錢。旋旋吮兒。良久臍糞乃下為佳。故聖濟經云。凡兒初生。惡血未納者。拭以綿指。吞而在胸膈者。吐以甘草。入而在腹內者。利以黃連。汞粉皆所以革污穢也。次用好硃砂一大豆許。細研水飛。煉蜜一蜺殼。看稀稠和膏。分三劑。每用一劑。乳汁化。時時滴兒口中。三日內服盡即止。姚和



衆云。成煉硃砂。能溫腸胃。壯血氣也。一日只可一豆許。勿得過也。分三次用。次用真牛黃一大豆許。細研。以煉蜜酸棗大。和成膏。每用一大豆許。乳汁化下。時時滴兒口中。姚和衆云。能去驚辟邪惡之氣。若兒形色不實。怯弱者不宜服之。如胎熱或身體色赤黃者。宜多服。此法在三日外也。

### 中寒論

兒纔生舉遲。或斷臍晚者。令兒冒冷。故寒中之也。又先斷臍。後洗浴。則水氣得入之。或洗時水氣所干。亦爲中寒之候。其證腹中絞痛。天紕啼呼。面青黑。尿清白。當以當歸末爲粉。著於絮上。灸而熨臍腹。日日頻熨。至啼止臍乾爲度。仍不可灸。令大熱。恐引驚也。

### 初生不乳論

初生洗浴斷臍。糊包革穢污。下臍糞都了。經日不飲乳。及不小便者。此因難產。或包裹舉遲中寒。或被風邪微干。傷動藏氣所致。有此候者。多爲撮口。治不可稍緩。

通關散治初生兒不飲乳及不小便。

以石銀器中貯爛汁二合。入四破蔥白一寸。煎取一合藥。注子分臍之。服盡立效。

### 臍風撮口論

兒自初生至七日內外。忽然而面青。啼聲不出。口撮脣緊。不能哺乳。口青色。吐白沫。四支逆冷。乃臍風撮口之證也。此由兒初生剪臍。不定傷動。或風溼所乘。其輕則病在皮膚。而爲臍瘡不差。其重則病入腑臟。而爲臍風撮口。亦如大人因破傷而感風。則牙關噤而口撮。不能入食。身鞭四支厥逆。與此候頗同。故謂之臍風撮口。乃最惡之病也。千金有曰。小兒忽患臍風撮口者。百無一活。皆坐視而斃。良可憫惻。有一法極驗。但世罕有知者。凡遇其患。則看兒齒斷上有小泡子如米狀。急以溫水蘸熟綿子。裹手指輕輕擦破。卽口便開而安。

又方。視小兒口中上下斷間。若有白色如豆大許。便以指甲於當中掐之。自外達內。令匝至微有血出亦不妨。又於白處兩邊盡頭。亦依此掐。令內外氣斷。不必直

破入指甲矣。恐太甚則傷兒。此二法相類。子母秘錄云。於搯破處以蜈蚣末傅之大良。及有治方集之後。勿閉以厭撮口。但令開口。

治小兒斷臍之後。不慎照管。致風溼所乘。令兒不能乳哺。名曰臍風。宜速療之。不久則為撮口也。

當歸去須半兩洗焙

天漿子去殼三箇微炒

亂髮燒一錢灰

右為細末。入麝香一字許。時時傅臍。

又方

黃檗剉

釜下墨煤

亂髮燒一錢灰存性

右各等分。同為細末。用一字或半錢傅之。

治小兒臍瘡不差。因風傳變。欲為撮口。或為發癰者。

金兩黃散

川黃連去鬚一分為末

胡粉研一錢

龍骨紅研一錢煨

右同為細末。每用少許傅之。時時用。

治小兒臍中風。唇青撮口。吐白沫。四支冷。

定命散

赤足蜈蚣半條酒炙令乾

川烏頭尖生三個

麝香少許

右爲末入麝研勻。每服半字。煎金銀薄荷湯調灌。

治小兒初生撮口。

蛇蛻皮一分微炒

鉤藤一分

乾蝦梢先細末已上

硃砂研一分水飛

麝香半錢別研

真牛黃半錢別研

右同研細拌勻。再研。每服一字。取竹瀝一二點。同乳汁調灌下。一方。只蛇蛻、硃砂、麝香各一分。每用半字。津調塗口中。日五七次。

又方 以鹽豉置臍上灸之。

又方 以夜合花枝濃煎汁。拭口並洗。

又方 於兒口傍先刺令見血。碎雀糞汁塗之。

又方 生搗鼠婦並雀糞汁相和。調塗抹口中。漸漸乳得效。鼠婦乃溼生蟲也。

胎中病論



兒自生下。至一臘前後有病者。多是未生之前。在母胎妊之時。母食毒物。胎有所感。至生下之後。毒氣發而爲病。又有母於娠妊之時。失於固養。氣形勿充。疾疢因之。故聖濟經言病生於中者。與生俱生也。今敘於後。

〔梗舌〕兒纔生出母腹。因與揩拭口中惡物。便子細看兒口中。如有皮膜。似蘆葦管中之膜。裹定兒舌。或連舌根者。此名梗舌。乃胎毒所攻而生。或母於娠妊時。愛食飛禽之物。感而所致。便須急以指甲刺破剝去之。揩拭血淨。用燒白礬灰細末。傅半菴豆許。若不摘去。則梗其舌而不能語。令兒啞也。及日數多。亦不能去也。

〔氣閉〕兒初生一二日間。有大小便不通。腹脹滿而欲絕者。此胎毒之氣。鬱閉所致也。便急令一婦人用溫水先漱口了。後吸啞兒前後心。並臍下及手足心。共七處。各五七次。以赤紅色爲度。須臾氣散。則自通矣。不卽爾。無生意也。有此候。用此法。可謂再生。

〔鵝口〕兒自初生。至七日內外。因胎毒上攻。於舌上生白屑如米。連口兩角生黃瘡。及舌下有膜如石榴子大。令兒聲不發者。名曰鵝口。治小兒鵝口保命散。

白 礬一分

馬牙消半兩

硃 砂一分

右同研勻細末。每用一字。取白鵝糞。以水攪取汁調之。先以手指纏亂髮。揩拭兒舌上口角頰中。去垢穢淨。然後用藥傅之。令徧。纏髮措時。以井花水沾用。或以綿纏指頭。沾粟莢汁用。

治小兒鵝口不能乳。

以馬牙消研細。徧搽舌上下兩頰口角內外患處。日三四次。

又方 以桑白皮汁和胡粉傅之。

又方 以雞胗中黃皮燒灰研細乳和傅之。

又方 以白鵝矢汁灌口中。

又方 以黍米汁傅之。

又方 以全蠍七枚。先用薄荷汁浸過。後用薄荷七葉裹之。文武火炮過。焙令乾。

研末。更入黃丹。同研勻細。熟蜜和爲膏。傅病處。

〔垂癰〕兒自初生。至七日內外。因胎毒上攻。血氣不斂。兒口中上齶連喉舌。生物如蘆籜盛水之狀。或作疱。在懸癰之前。塞其氣路不通。令兒危殆。名曰垂癰。又兒

生下即死者。多此病也。人少知之。當急視之。凡遇是病。便以指甲摘破。或以綿纏長針留尖如粟米許刺之。令兒氣泄則活。其疱破則出青黃血水。便用帛子搵拭。及用鹽湯蘸帛振揩令淨。若入喉即傷兒。慎之慎之。如一刺復作者再刺。

治垂癰如聖散。

鉛霜一分研細

真牛黃一分研細

大陰玄精石一分研細

砂水一分研細

右件再同研勻。入白龍腦細末半錢相和。每用抄一字至半錢。搽兒口中。

〔重齶〕重齶兒初生至七日內外。因胎毒上攻。於兒口中。若發於齶上作腫。作兩重之狀。名曰重齶。若發於上下齒齦兩傍。腫如壘斷者。名曰重斷。若發於舌上腫起。初更生一小舌者。名曰重舌。腫悶作痛。令兒多啼。不能哺乳而妨礙。

治重齶重斷。

右以蛇蛻皮燒灰。研細末傅之。

又方 治如前。

右以生蒲黃末傅之。

烏鰂骨散治重舌腫悶。妨礙吮乳。



烏鰂骨一兩

乾蜥蜴半兩燒灰

蒲黃半兩研

枯白礬灰一兩研

右和研如粉。每用半錢。以雞子黃調塗腫上。嚥津不妨。

又方 治如前。

右以蛇蛻皮爲末。乾捻傅舌下患處。不一時便消。不能飲乳者。用之得能飲。或以雞羽蘸淳醋。展藥掠舌下。

又方 以木蘭皮長一尺。廣四寸。削去粗皮。以醋一升。漬之取汁。注患處。

又方 以伏龍肝研細末。牛蒡汁調傅。或以衣魚塗舌上。

又方 以馬牙消末塗舌下。日三。

又方 以三家屠肉。切如指大。以摩舌上。

又方 以黃丹豆許。納管中吹舌下。

又方 以蒲黃傅之。不過三次。差一方。微炒。以紙鋪地上出火毒。研羅細末。先用

溫水蘸帛裹指。輕輕按掠。後摻藥。

又方 以桑白皮煮濃汁。塗乳上吮兒。

治重舌妨悶欲死。



右以亂髮燒灰研細末。以傅舌下。頻頻用。或燒簸箕皮傅上。

又方 治如前。以鹿角炙。適溫熱熨之。或如米粒大。安舌下。

又方 以小豆煮汁。和鹿角灰傅之。日三。或以赤小豆末。醋和傅舌上。

又方 以露蜂房燒灰研細末。醋和膏傅之。

〔尋瘡〕兒自初生至七日內外。因胎毒攻發。身生瘡者。名曰尋瘡。謂在產草上生瘡也。

治尋瘡。

右以黃連爲細末。先用生麻油塗盪子內。將黃連末徧摻油上。倒合在鉢三脚子上。下用艾葉火熏令極乾。刮聚。再入生油。膩粉各少許。和膏傅之。

又方 以澤蘭心細嚼傅之。

又方 以癸根燒灰傅之。

治小兒初生三日。頭面生瘡。緣起身體。壯熱多啼。

升麻

柴胡去苗

石膏各一

甘草

當歸去須各半兩

右爲呔咀。每服一錢。水半盞。煎至二分。去滓時時與。量兒大小加之。

治小兒初生。蓐中生熱瘡。

右以雞子五枚。敲破去白。只取黃。又以亂髮如雞子黃許。二味相和。銚子中煎。熬取汁塗之。更用苦參末傅之。甚奇。劉禹錫云。頃在武陵生子。蓐內便有熱瘡。發於臂腿。蔓延半身。初用他藥無益。狀候至重。晝夜啼號不乳。因閱本草。有云。亂髮合雞子黃煎消爲水。療小兒驚熱下痢。注云。去痰熱百病。又雞子本草云。療熱瘡。因用之。立效如神。煎法。雞子黃亂髮初入銚煎時甚乾。少頃髮焦。遂有液出。旋取置一瓷盃中。以液盡爲度。

〔口噤〕兒自初生至七日內外。忽口噤不能乳。腹急多啼。下青黑糞。或口生瘡如米。名曰口噤。此證牙關急而口噤。與撮口相似。然撮口證面色青。啼聲不出口。吐白沫。此口噤證。面色赤而多啼。口不吐白沫。所以異也。此緣兒在母腹中時。爲風熱傷胎所致。故聖濟經曰。風熱傷胎。生而口噤也。千金云。赤者爲心噤。白者爲肺噤。治初生兒口噤。不開不收乳。立聖散。

乾蜘蛛一個。去足一口。取所竹瀝末。

乾蠍梢七個。

膩粉一錢。

右同研勻細末。每服一字。乳汁調。滴兒口中。時時用。

又方 以鹿角粉、大豆末等分研細。乳和塗乳上。令兒吮服。

又方 以生甘草一分細剉。水一盞。煎至六分。去滓放溫。分數次灌兒口中。令吐出痰涎穢物。後取豬乳汁點兒口中。差亦治撮口。

又方 以真牛黃少許研細。淡竹瀝調一字灌之。次以豬乳滴口中。

又方 以赤足蜈蚣去足炙黃爲末。以豬乳調半錢。分三四次溫灌之。一方用雀糞不開口者五枚。燒灰研細末飲。調服一字。

又方 以白僵蠶二枚爲末。蜜和傅兒口內。如無。以原蠶蛾二枚。炙黃代之。亦治撮口。

又方 以雀矢白水和。圓麻子大。乳服二圓。鷄矢白亦佳。

又方 雞矢白棗大。綿裹。水五合。煮二沸。分服。

治小兒口噤體熱。

右以青竹茹三兩。醋一升。煎取三分之一。溫分數服。

治小兒口噤牙關不開。



右以天南星一個煨熟。急用紙封角。莫令透氣。卻以紙裹近上尖處。剪一竅子。雞頭大。令熱氣出。於鼻孔中熏之。牙關立開。亦治撮口。

〔軀啼〕兒自初生已來。身色青白無血色。好啼哭。晝夜不止。身體仰而軀。夜則甚。腹滿不乳。大便青白。晝夜啼。諸藥不效者。此名軀啼。乃兒未生已前。在胎胞中。時為風冷傷所致。故聖濟經曰。風冷傷胎。生而軀啼。千金有云。小兒有胎寒。則腹痛。軀啼。時時吐乳。或腹中如雞子黃。按之如水聲。便沒。沒而後出。不急治。多變為癇。治小兒胎寒軀啼。養藏湯。

當歸去蘆

沉香

丁香

白朮

桂心

川芎

各半

右為細末。每服一錢。水一盞。薑二片。煎半盞。去滓。滴兒口中。治小兒忽患腹痛。天矯汗出者。亦胎寒也。出千金。

右以梨葉煮濃汁七合。分三四次服。

又方 以當歸為末。每用一小豆許。乳汁調下。日二夜一。病兒大添之。  
又方 以柏子仁為末。每服一錢半。溫水調下。



治小兒胎寒嘔啼。發痢。礬石圓。

右以馬齒礬火煨半日爲末。棗肉和圓。黍米大。每服一圓。乳汁送下。量兒大小增損。以差爲度。有痰亦去。神良。兼治腹脹不嗜食。大便青黃色。

〔血癖〕胎積兒未生之前。在母腹中。藉母經血以滋養焉。至生下時。須拭去口中惡血。及用藥下盡兒腹中穢血之糞。方纔飼乳。若於生時。揩拭兒口中惡血不淨。吞嚥入腹。或腹中舊有穢糞。不曾下之。或下之不盡。因而成癖。故名曰血癖。又名曰胎積。至生下百日內外。兒生頭瘡。眼目赤澀。小便如血。口中氣急。身體紫色。腹脹躁煩。多啼不乳。

治小兒血癖胎積丸。

白丁香二十個

輕粉半錢

滑石半錢

乳香半錢

巴豆

三十個針串燈上燒焦微存性

右爲末。糊丸黍米大。每一二丸。看虛實大小與服。煎柳心七箇。湯放溫送下。連一二服。糞下惡物是效。亦令乳母服和氣藥調養飼兒。若兒服藥後吐不止。大便不通。面黑氣喘者死。

〔胎赤眼〕兒自生下至開眼已後。眼兩眦及瞼眶赤爛。名曰胎赤眼。此因兒生時稍難。留滯時久。或不慎照顧。致惡血入於兒眼。又或生下時揩拭兒眼邊惡血不盡。亦令入兒眼。漬浥以生是病。不急治之。則至長不差。

治小兒胎赤眼。二金散。

黃連去須一錢

黃檗一錢

右先爲粗末。用爛汁同浸一宿。焙乾收之。每用少許。以新綿裹荊芥湯浸之。放溫時時頻洗。

〔胎驚〕兒在母腹。未生之前。因有所驚。胎內感之。至生下百日以來。兒心神不寧。睡臥不醒。壯熱躁煩。啼哭無時。上視發搐。面青腰直。撮口縮腮。糞青黃水者。此名胎驚。方論著於驚疾門之中。

〔胎怯〕兒自生下以來。面無精光。肌肉脆薄。大便白水。身無血色。時時哽氣多噦。目黑睛少。羸羸多哭。此胎怯也。宜天麻浴湯治之。

〔胎肥〕兒生下肌肉厚。徧身血色紅潤。至滿月以後。漸漸肌瘦。目白睛粉紅色。五心熱。大便難。時時生涎。此胎肥也。更看父母肥瘦。肥不可生瘦。瘦不可生肥。治亦

天麻浴湯。

〔胎熱〕兒生下有血氣。時叫哭。身壯熱。如淡茶色。目赤。大便黃赤。糞稠。急食乳。此胎熱也。治亦宜天麻浴湯。

治小兒胎怯。胎肥。胎熱等諸疾。天麻浴湯。

天麻二錢

蠍

尾

去毒為末

硃砂末

各半錢

白礬末

麝香一字

烏蛇肉

酒浸去皮焙乾為末

青黛末

各三錢

右為末勻。每服三錢。水三盃。桃枝葉五七條。煎十數沸。帶熱浴之。勿得浴背。湯

須適溫熱用。

治小兒胎熱。或乳母飲食粗惡辛苦。乳汁不起。兒色如淡茶黃色。瘦瘠不為肌膚。

四支痿癱。服之充悅健壯。

芍藥半

柴胡

去苗二兩

鼈甲

茯苓

去黑皮各一兩半

人參

大黃

各一兩

甘草

乾薑

各半兩如熱即用枳實

右為末。煉蜜和丸。大豆大。百日至一歲兒服一丸。乳服日二。量兒大小增減。

〔胎不治病〕



胎內十二證 一、雙瞽。二、隻眇。三、駢拇。四、六指。五、體殘。六、支廢。七、

獨腎。八、瘖啞。九、缺脣。十、社老。十一、攣拳。十二、侏儒。

胎外十二證 一、睛凸。二、近覩。三、鼻翳。四、耳反。五、結喉。六、項癭。七、

舌短。八、節彈。九、龜胸。十、駝背。十一、膝並。十二、交脛。

〔六指〕兒生下六指者。外科以利刀截一指。外貼生油膏。往往有不見痕跡者。

〔缺脣〕兒生下缺脣。亦能彌縫。然不能掩其痕。十二病中。惟是二種。僅有手段。昔

人之不能。而後人得之。千載之後。必有治。今人不治之病者。

按此書未知成何人手。何序稱家藏六十餘年。而書中往往引聖濟經。則知此書當在南渡之後矣。



# 小兒衛生總微論方

## 卷二

### 五氣論

兒自胎孕以至生成。皆稟五行而分五藏。故自五氣以生五態。而各不同。聖濟經言五行孕秀有異宜。五態委保有殊氣。冲和均賦。體性潛異者。蓋母氣胎育有盛衰之虛實。故其子生也有剛柔之勇怯。又經云。心氣虛而語晚。肝氣微而行遲。脾氣弱而肉瘠。腎氣怯而解顛。如此之類。悉皆是矣。然五藏之氣。稟受殊異。其於怯弱者。聖人亦有方藥以補養之矣。

〔心〕心氣盛者。則伶俐。早言笑。形神清而多髮。心氣怯者。則性癡而遲語。髮久不生。生則不黑。心主血。髮爲血之餘。怯則久不生也。心繫舌之本。怯則語遲也。

治小兒生下無髮。以鯽魚燒灰末。和醬傅之。卽生。

治小兒髮久不生。莖藤丹。

當歸去蘆一兩

生乾地黄去苗土一兩

芍藥

並一兩已上

芎

藤別研一合

胡粉別研半兩

右同研勻細煉蜜和丸黍米大每服十粒煎黑豆湯下兼化塗頭上量大小用。

又方以楸葉中心子杵爛絞汁塗之。

又方以羊屎燒灰淋汁同豉汁洗之三日一次不過十次即生。

又方治血熱髮薄不生以桃柳煎湯入猪膽汁和沐頭髮自生。

治小兒心氣不足從小至數歲不能言菖蒲丸。

石菖蒲二錢

人參去蘆焙半兩

丹參去蘆一錢

天門冬去心焙一兩

麥門冬去心焙一兩

赤石脂三錢

右同爲細末煉蜜丸菉豆大溫水下五七丸至十餘丸量大小增損日三久服

取效爲度無時

又方。

菖蒲九節者良一寸

志甘草水煮一兩

心一兩

黃耆半兩

人參去蘆半兩

黃連去須半兩

酸棗仁湯浸去皮半兩

右爲細末。煉蜜和丸。如雞頭實大。每服一二粒。煎生薑湯化下無時。

又灸法 灸心俞三壯。灸兩足踝三壯。

又方 治五六歲不語。此心氣不足。舌本無力。不能發轉故也。一云風冷傷於少陰。

以赤小豆爲末。酒和塗舌上神效。以社壇餘酢酒與少許飲。

〔肝〕肝氣盛者。則蹻健而早行立。肝氣怯者。則長不能行而脚細。名曰鶴膝。肝主筋。怯則筋弱。故長不能行也。又或眉久不生。眉屬肝。肝氣不榮。故眉久不生也。何以知眉屬肝。且五藏皆有毛。其髮屬心。心爲火。火性炎上。故髮生上搶也。鬚屬腎。腎爲水。水性潤下。故鬚生下順也。是以女人皆無外腎。故無鬚也。毛屬肺。肺在五藏之上而主外。故毛生皮膚之外也。眼睫屬脾。眼輪亦屬脾。脾在右偏。故睫斜生眼輪之上也。眉屬肝。肝在左偏。故眉斜生眼睫之上也。左爲上。右爲下。所以眉在上而睫在下也。

治小兒從小至數歲不能行。麝茸丹。經大驗

麝 香 研

茄 茸 酥塗炙黃

生乾地黃 去苗土焙

虎脰骨 酥塗炙黃

當歸去蘆洗焙

黃耆剉各半兩

右爲細末。用羊髓二兩。煮爛和丸。黍米大。每服十九。摩沉香湯送下。乳前日三服。

又方 羚羊角丸。

羚羊角用尖細節密者銼取末

酸棗仁去皮炒稱

白茯苓去黑皮各半兩

虎脰骨敲破燬

生乾地黄去土焙

當歸去蘆切焙

黃耆切焙各一分

桂去粗皮不見火

防風去蘆切焙

右爲細末。煉蜜和劑。每用一阜子大。食前溫水化下。日三。兒大者加之。

又方 以五加皮爲末。飲服之。

又取葬家未開戶。盜食哺之。日三。便能起行。

又灸法 小兒自小至五歲。不能行者。灸兩足踝各三壯。

又灸法 小兒鶴膝脚細。不能行者。灸膝眼三壯。

治小兒生下無眉毛。欲得生者。以七月中採烏麻花。不拘多少。陰乾爲末。以生烏麻油浸。每夜傅之。



治小兒眉毛眼睫。因癬退不生。名乳頰癬。赤芝散。

野油花是旋覆花也

赤箭天麻苗

防風去蘆各等分

右爲細末。先洗癬淨搵乾。以好油調塗之。後服烏犀丸。

犀角末一錢

猪牙皂角末二錢 乾蟾末三錢

龍腦少許

右爲細末。熊膽汁和丸。菉豆大。每服一丸。溫水下。量兒大小加減。

〔脾〕脾氣盛者。肌肉厚而色紫。耐壯而乳多。脾氣怯則肌虛而喜汗。汗多則肉瘠。脾主肌肉。怯則肌虛。虛則榮衛衰。故汗多而肉瘠也。

治小兒脾怯多汗。丁香散。

陳皮一兩

青皮去穢

訶子肉去核

甘草各半兩

丁香二錢

右爲細末。每服二錢。水一盞。煎六分。食前溫服。兒小分之。

治小兒喜汗。香瓜丸。

大黃瓜黃色者出

川大黃紙裹紙裏

胡黃連

柴胡去蘆

青皮去穢

鼈甲醋炙

黃蘗去粗皮

蘆薈藥各等分

右將黃瓜割頂去瓢。以諸藥爲細末。填瓜內至滿。却將頂蓋口。杖子籤定。慢火內煨熟。取藥並瓜研之。如皮研不爛則去之乾。却入麵糊和丸。菉豆大。每服三二丸。乳後冷漿水下。兒大加之。

粉法。

黃連去須

牡蠣火煨

貝母各七錢

右爲細末。以米粉一升同研勻粉身。與丁香散同用。

〔肺〕肺氣盛者。肌膚瑩白滑膩。髮細黑淺。肺氣怯則肌膚粗敗。若無皮而血凝。故寶鑑亦名血凝。孫真人言。小兒出腹。肌肉猶是血也。漸漸堅化。肺主皮膚。肺氣不充則血沮敗。不成肌膚。故若無皮毛而血凝。面目繞鼻口悉黃。閉目撮面。口中乾燥。四支不能伸縮。哭無聲。不吮乳。此皮毛不斂也。多是不育。千金治以龍膽湯。方具於後。

治初生兒血凝。皮肉不斂。哭無聲。不吮乳。

以胡粉研細。酒和塗之。乾即再。

又方。以白僵蠶爲末。煎湯適寒溫浴之。

又灸法 初生兒血凝。

以臍四邊各去臍半寸。並鳩尾下五處。各灸三壯。

〔腎〕腎氣盛者。顙小而合早。牙齒早生。腎氣怯者。解顙而顙不合。牙久不生。生則不固。面慘目睛多白。腎主骨髓。腦為髓海。怯則腦髓不成。故顙解而不能結也。解顙不差。而百病交攻。極難將護。此最為大病矣。又腎主骨。牙乃骨之餘。怯則牙久不生也。

治小兒解顙。玉乳丹。

鍾乳粉依法煉者半兩

熟乾地黄依法蒸者半兩

柏子仁半兩

當歸去蘆半兩

防風去蘆分兩

補骨脂淨一分煉

或加黃耆、茯苓亦得。

右為細末。入鍾乳粉。柏子仁拌勻。煉蜜和丸。黍米大。每服十丸。煎茴香湯送下。乳後。

又方

細辛去苗

桂心各半兩

乾薑七錢半

右爲細末。以乳汁和傅縫上。乾卽後傅。兒面赤卽愈。

又方 以蛇蛻皮炒焦爲末。用猪頰車骨中髓調傅縫上。日三。一方。只用猪頰髓。

又方 以驢蹄燒灰研細末。生油和傅縫上。以差爲度。

治小兒顙不合。

生蟹足骨 半兩 白 斂 半兩

右爲細末。以乳汁和貼縫上。

又方 以龜甲煮湯。適寒溫漬之。不得用黑者。

治小兒顙不合。鼻塞不通。

以大天南星微炮去皮爲細末。淡醋調攤緋帛子上貼之。仍炙手熱。頻熨立效。

治小兒顙不合。顙腫。顙陷並主之。

蛇蛻皮 半兩 燒灰 細研

防 風 去 蘆

白 芨

大

黃 焦 各 紙 裏 煨 紙 各 一 分

右爲細末。入青黛一分。同研極勻。每用半錢。用猪豬膽汁調勻。將紙一片。依大小長短。剪一紙。花子攤藥在上。仍於四邊各留少白紙。用淡醋糊塗徧。以貼病



上。不住以溫水潤動。一伏時換。

一方

防風半兩

柏子仁

白芨各一兩

爲末。乳汁和傅顙上。十日知。二十日愈。日一易之。

又法 治小兒解顙。顙不合。作頭巾與裹遮護之。久而自合。千金云良法也。

治小兒齒久不生。

以雄鼠屎三十枚。日一枚拭齒斷卽生。其屎兩角尖者。乃雄鼠屎也。一云用雌鼠屎。兩頭圓者。

又方 以黑豆三十粒。於牛糞火內燒令煙盡。細研。入麝香少許。再研勻細。用鍼挑不生齒處。令血出。以藥末揩上。不得見風。忌醋。多年不生者。用之極效。

又方 以尿坑中竹木。正旦刮屑塗之。卽生。

## 乳母論

兒生自乳養者。一切不論。若令乳母乳養者。必擇其人。若有宿疾。狐臭。癰瘰。上氣。

喘嗽。疥癬頭瘡。龜胸駝背。鼻翳緊唇。癡聾啞啞。顛狂驚癇。疽癰等疾。並不可令乳兒也。

凡乳母乃血氣化爲乳汁。則吾性善惡。悉由血氣所生。應喜怒飲食一切禁忌。並宜戒慎。若縱性恣意。因而乳兒。則令兒感生疾病也。若房勞乳母。則令兒瘦瘁。交脛不能行。若醉以乳兒。則令兒身熱腹滿。若蓄熱乳兒。則令兒變黃不能食。若怒作乳兒。則令兒驚狂上氣。若吐下乳兒。則令兒虛羸氣弱。是皆所忌也。

凡每乳兒。乳母當先以手按散其熱。然後與兒吮之。若乳驚汁湧。恐兒嚙乳不及。慮防噎噎。則輒奪之。令兒少息。又復與之。如是數反。則可也。又當視兒飢飽節度。一日之中。知幾乳而足量。以爲常。每於早晨。若有宿乳。須當捻去。若夏月不去熱乳。令兒吐哕。冬月不去寒乳。令兒欬利。又若兒大喜之後。不可便乳。令兒驚癇。若兒大哭之後。不可便與乳。令兒吐瀉。又乳兒不可太飽。恐停滯不化。若太飽。則以空乳令吮。則消。

凡每乳兒。乳母當以臂枕兒頭。令兒口與乳齊。乃乳之。不可用膊。卽太高。令兒飲乳不快。多致兒噎。又乳母欲寐。則奪去其乳。恐睡著不覺。被乳填沃口鼻。別生其

他事。又且不知兒飢飽也。

凡兒生六十日。目瞳子成。能識人。百日任脈反覆。一百八十日尻骨成。能獨坐。二百日掌骨成。能匍匐。三百日臍骨成。能獨立。三百六十日膝骨成。能移步。乳母常須依時按節。續續教引。使兒能會。此是定法也。即不得常常抱持。過時都不教引。致令兒筋骨弛墮。又恐成腰脚之疾也。

### 慎護論

凡乳母慎護養兒。乳哺欲其有節。襁褓欲其有宜。達其飢飽。察其強弱。適其濃薄。循其寒燠。蓋自有道。不可不知也。

凡兒自初生至滿月。宜常常時取猪乳汁滴兒口中令嚥。最爲佳妙。又以珍珠末一大豆許。用蜜一蜎殼和之。分三次或四次。每十日內外與一次。塗兒口中。安心神。鎮魂魄。

凡兒生肌肉未成。不可與煖厚新綿之衣。當與故絮帛薄衣。若與新綿厚煖。則蒸燠生熱。筋骨緩弱。故聖濟經云。襁褓者衣欲舊帛。綿軟故絮。非乃惡於新煖。亦資



父母之餘氣。以致養焉。

凡乳母若遇天和無風之時。當抱兒在日中嬉戲。使數見風日。則血凝氣剛。肌肉硬密。堪耐風寒。若藏幃帳之內。重衣溫煖。譬如陰地草木。不見風日。則脆軟不任。易爲傷損。故聖濟經言。重衣溫厚。幃帳周密。宜與減損。甚則傷皮膚害血脈。是生多疾也。

凡兒常令薄衣。雖冬月但令著兩夾衣。及衲衣之類。若極寒卽漸加舊絮衣。人家多務愛惜。乃以新綿厚衣溫養過宜。適以爲害。薄衣之法。當從秋習之。若至來春稍煖。須漸減其衣。不可便行卒減。恐令兒傷中風寒。

凡兒於冬月。須著帽項之衣。夏月須著背褡。及於當脊。更襯綴一重。以防風寒所感。謂諸藏之俞。皆在於背故也。又常令乳母每日三時。摸兒項後筋兩轅之間。名曰風池。若熱卽須熨之。令微汗則愈。諺云。戒養小兒。慎護風池者是也。

凡兒於春時。不可覆頭裹足。致陽氣不得出泄。則發熱矣。

凡兒常常看覷消息。無令身體有汗。若汗出則致腠理虛。而以受風寒。晝夜寤寐。皆當慎之。須審天氣冷煖。衣服厚薄。及以粉粉之。



凡兒於暑月。時常令在涼處。勿禁水漿。但少少與之。唯是不宜多與。凡兒不可抱於簷下洗浴。又不可當風解脫。恐爲寒感。又啼哭未斷。不可與乳。冒冷衝寒。不可哺飼。恐爲食傷。又不可近神佛之前。驢馬之畔。又不可令兒見怪異之物。及各門異戶。不相識之人。恐爲客忤。凡兒生三日之外。當與少哺。姚和衆云。以粟米煮粥。飲研如乳汁。每日與半蜆殼許。以助穀神。導達腸胃。孫真人云。以粳米飲七日外。與三大豆許。慎不可雜與藥。喫巢氏云。兒生滿三十日後。當哺少物。如二棗核許。至五十日。如櫻桃許。至百日。如大棗許。若乳少。當以意增之。不可多與。恐不能勝。別生病矣。若乳多。不消哺食者。亦須少少與之。以壯腸胃。兒大稍稍增之。當有常劑。聖濟經亦云。兒生三日用。飲過三日用哺。哺之以賴穀氣也。哺之多少。量日爲則。如是則五藏得養。而胃氣壯矣。今之養小兒者。多務愛惜過當。往往至二三歲。尙未與食。致脾胃虛弱。體力怯軟。平生多病。若在半年之後。宜煮陳米稀粥與之。十月以後。漸與稠粥爛飯。以助中氣。則自然易養。少病。惟忌生冷油膩。葷茹甜物。凡小兒乳哺。既有常劑。若忽爾却乳哺少者。此是腹中少有不和也。便當與微微

下之。若都不肯食。但飲少乳者。此傷重。要下之。不可不下也。若不與下。則生寒熱。或爲吐利。及爲癖積。脈大者發癰。皆不早治之由也。孫真人亦曰。小兒寒熱。亦當下之。乃差。又小兒乳哺。不能無痰癖也。常當節摘之。若稍不進乳食。便以微藥剋化。紫圓最妙。後方在不得行。駛藥轉利。又不得爲無事而遷延。致病大。卽難治爾。小兒微患。便與微下。則損不甚而易愈矣。若於春夏之時有疾。千金云切勿不可妄行吐下。及微疾亦不可亂行鍼灸。蓋鍼灸傷經絡。吐下損腑臟故也。若誤行轉瀉。則使下焦虛而上焦熱。變成大病也。故巢氏有言。小兒春夏。自非甚病。決定不可吐下者是也。

食忌論

凡小兒有不可食之物。不可不知。今具於後。  
小兒不可多食粟子。令兒氣弱行遲。熱食則氣壅。  
小兒不可食蕨菜。令兒立則無力。久不能行。  
小兒不可食芡。令兒不能行。

小兒不可食黍米、雞肉、胡瓜。令兒腹中生蟲。經方云小兒未斷乳食  
小兒不可食越瓜。令兒發痼疾。  
小兒不可食麥。令兒髮落。麥是養  
小兒不可食鳧茨。令兒臍下痛。  
小兒不可食鱗魚。令兒生癰瘰。  
小兒不可食炒豆、猪肉。令生氣壅致死。

## 大小論

經言六歲已上者爲小兒。十八已上者爲少年。據此之言。則十八已下者皆爲小兒也。此乃古之所論爾。以今時校之。則時世相異。理或未當。且禮云男子三十曰壯有室。又曰男子三十而娶。是古之男子皆三十已上方娶。故十八以下得爲小兒之稱。今之時則不然。男不過十五而娶。至十八已有生一二子者。豈得爲小兒也。以今時言之。當以十四以下爲小兒治。其十五已上者。天癸已行。婚冠既就。則爲大人治耳。



諸般色澤紋證論

經云。小兒六歲已還者。經所不載。有病難治。無承據之事也。詳之。此謂嬰兒未能言者。有病則無由問其所苦。故無承據也。若能言者。必能問之。小兒豈有六歲尙不能言者哉。其不能言者。唯一二歲兒也。故先賢言嬰兒未能言者。最爲幼小。有病則肌膚未全。寸關不辨。變蒸交互。氣血細微。若憑診切。實難明曉。惟在觀其形色。參其證候。乃知病之所在者矣。其觀視之法。須要安神定志。勿令情意惑亂。不得於兒哭斷之時。睡起之際。則色不正矣。須於辰時之後。巳時之前。夏卽未熱。冬卽未溫。外色不雜。內氣閑雅。乃可向明而觀察之也。聖濟經曰。通識之士。必察剛柔勇怯。視其盛衰虛實。適以寒溫。平以陰陽。病之輕重緩急。隨證以治之。不必蔽於難治也。諸所論繁紊。難以執據。今採其當者。敘而次之。

諸色澤候

〔面上五藏部分色〕左頰主肝。右頰主肺。額上主心。鼻上主脾。唇上主腎。色



青爲風。色赤爲熱。色黃爲食。色白爲氣。色黑爲寒也。

〔面上五藏四時色〕經言五藏之色。皆外榮於面。故死生疾病係焉。肝主春。其色青。心主夏。其色赤。脾主長夏。其色黃。肺主秋。其色白。腎主冬。其色黑。是謂五藏之色。隨四時各榮於面也。其色不深不淺。應常光潤者爲平和也。若色重深者其藏實。淺淡者其藏虛。

〔面上五藏生死色〕經曰。滋榮者其色生。青如翠羽。赤如雞冠。黃如蟹腹。白如豕膏。黑如烏羽。枯夭者其色死。青如草茲。赤如衄血。黃如枳實。白如枯骨。黑如炆煤。〔面上五藏部分相乘色〕肝色青者本色也。赤者心乘肝也。黃者脾乘肝也。白者肺乘肝也。黑者腎乘肝也。心色赤者本色也。青者肝乘心也。黃者脾乘心也。白者肺乘心也。黑者腎乘心也。脾色黃者本色也。青者肝乘脾也。赤者心乘脾也。黑者腎乘脾也。白者肺乘脾也。肺色白者本色也。青者肝乘肺也。赤者心乘肺也。黃者脾乘肺也。黑者腎乘肺也。腎色黑者本色也。青者肝乘腎也。赤者心乘腎也。黃者脾乘腎也。白者肺乘腎也。

〔面上五藏四時相乘色〕經言青赤見於春。赤黃見於夏。黃白見於長夏。白黑見

於秋。黑青見於冬。是謂五藏之生。五行相繼也。爲病輕。若肝色見青白。心色見赤。黑脾色見黃青。肺色見白赤。腎色見黑黃。是謂真藏之色。五行相剋也。爲病重。

〔面目死生色〕內經曰。凡病面黃目青。面黃目赤。面黃目白。面黃目黑者。皆不死。聖濟經云。脾真爲本。而面黃必生者。以真氣外榮故也。若面青目赤。面青目白。面青目黑。面黑目白。面赤目青者。皆死。謂無脾色外榮。而真氣已絕故也。

〔鼻上色〕聖濟經曰。鼻端青爲腹冷。黑爲水氣。白爲無血。黃爲胸寒。赤爲有風。鮮明爲留飲。

〔目內色〕赤者心熱。淡紅者虛熱。青者肝熱。淺淡者肝虛。黃者脾熱。無精色腎虛。

〔金匱死色〕凡小兒病者。有黑色滿面。或繞口入口。或延眉繞目。或暗人中者。皆死。有青色延面連目入耳者死。目無精光。眼中有物如橫紅針者死。

〔外臺死色〕凡小兒病者。面上有青黑色如紗蓋定。從髮際至印堂者。不以疾狀淺深。六十日死。至鼻柱者。一月死。至人中者。十日死。滿面者。卽日死。

諸處紋狀候

耳後完骨上有青脈如線三兩路。臥不靜者。此癇疾候。當刺。搯破令血出。以爲小治。若自腫破者。死候也。

手大指後白肉魚際之上。有筋絡色青黑者。胃中有寒。赤黃者有熱。赤青黑雜者寒熱。若青而小短者少氣。

又手處手大指第二指之間虎口上。有筋脈如線。看其顏色曲直。以決其病。若紋直者是驚。曲者是傷。沉隱爲風。曲外有冷。曲內爲食。

〔歌曰〕 虎口青紋直。情知四足驚。黑色元因水。赤乃火飛禽。淡紅人

驚發。灣紫有傷尋。外冷內爲食。沉隱定風生。長大疾須重。短小得

安平。但看叉手處。病候驗虛真。

第一指上仄三節。名曰三關。小兒有男左女右看之。有八般筋脈紋狀。以驗其病。名曰八片錦。最下一節。名爲氣關。有紋過者。病纔覺重。諸病既生。則氣不調順。故名氣關也。

第二節。名爲風關。有紋過者。須發驚風。漸加困重。故名風關也。

第三節。名爲命關。有紋過者。則病極而命危殆。故名命關也。



人魚刺形。主初驚。在氣關主壯熱吐瀉。在風關主初驚。纔發。在命關驚極難治。

〔歌曰〕 形如魚刺是初驚。 遍體如湯面色青。

吐瀉躁煩如似此。 通腸和氣便惺惺。

——垂針形。主瀉痢。在氣關主傷冷吐瀉。在風關瀉傳驚風。在命關驚傳慢驚風極候。

〔歌曰〕 形如懸針瀉痢多。 發驚身熱定違和。

此病若變驚風慢。 命關已度是沉痾。

水字形。主肺驚。在氣關涎痰欬嗽虛積。在風關發驚喘哽涎。在命關困不治。

〔歌曰〕 形如水字肺家驚。 虛積相傳面色青。

鬲上有涎須與治。 命關若過更無寧。



乙字形。又曰中曲。主食驚。在氣關主食傷吐痢。在風關傳變風。肝乙形屬肝在

命關傳慢脾風不治。

〔歌曰〕 形如乙曲病因肝。 眼慢驚啼癇癇偏。

冷積為傷傳變此。 慢脾風已度三關。



去蛇形。主內實外虛。來蛇形。主外實內虛。蛇中卷形。內外俱虛。此數樣皆曲蟲。又曰曲蛇。在氣關主疳積。在風關主勞帶驚。在命關不治。


〔歌曰〕 形如蛇曲病因深。脾積疳勞又帶驚。

未過二關宜早治。若過三關更莫論。

長者弓形。短者環形。主疳積。積在氣關吐逆疳熱喫泥土。在風關疳極羸瘦。在命關不治。

〔歌曰〕 形如環弓疳氣黃。好食泥土是尋常。

此病早求良醫治。三關已到命飛揚。

亂紋形。主蟲痛。在氣關主氣不和。有蟲積食諸生物。在風關主蟲齧心腹痛。在命關病困極難治。

〔歌曰〕 紋亂縱橫蟲上尋。曉夜啼號不可禁。

神佛求徧都無應。安蟲取積得康寧。

○珠形死候。此候不拘三關上下。見者皆為死候。

〔歌曰〕 流珠死候不須醫。便是沉痾莫療之。

三關若見都休望。安排後事更無疑。

〔諸紋總歌〕 魚刺初驚候。懸針瀉痢多。

水紋驚肺積。乙樣是肝訛。

曲蟲驚疳病。環弓一論過。

亂紋蟲蛟甚。流珠病已痼。

## 五藏主病論

### 諸形證候

〔肝藏〕肝主風。肝病實。則目直叫哭。呵欠頓悶項急。治當肝病虛。齧牙多欠。口中氣熱。則外生風。口中氣溫。則内生風。治當肝熱則擗衣捻物。熱甚則目直視不搖。風主動。又風淫末疾。熱即風動於四末。故手擗衣捻物也。熱入於目。牽其筋脈。則兩眦俱緊。不能轉視。故目直也。治當肝有風則目連劄。風甚則身反折強直不搖。凡病新久皆引風。風動上於頭目。目屬肝。風入於目。則目上下左右如風之吹。

不輕不重。兒不能任。故目連劄也。風甚則風入於筋脈。筋脈緊急。故身反強直也。  
肝治當腎爲肝有熱有風。甚則皆兼驚證。不搐者。謂未得心熱故也。若心熱乘於肝。則  
子母俱有實熱。風火相搏。而乃發搐。其抽掣之勢。如風蕩火也。治在驚疾。若肝熱  
擲衣捻物。壯熱飲食喘悶者。肺乘之也。治當肝於四時。冬相春王。夏衰秋絕。若在  
春肝王之時。亦早晨反見肺病乘肝者。是肺強肝怯也。治當母能肺補其腎今肝虛補  
子母俱補。輕者肺病退則愈。重者目中淡青必發驚。若更有赤者。當發搐也。謂怯  
則目淡青色。有心熱則赤。故當發搐。肝虛實皆主風。若外感生者。則呵欠頓悶。口  
中氣熱。治當發散。若能食飲水不止者。當微下之。餘不可下也。  
〔心藏〕心主驚。心病實則叫哭發熱飲水。惕跳上竄發搐。治當心病虛則臥而悸  
動不安。手足搖縱。治當心病虛實皆主搖。心實則喜仰臥。謂心氣實則氣上行。澀。  
若合面臥。氣則不通快。故喜仰臥。使氣得上下通也。治當心熱則視其口中氣溫。  
或合面臥而就冷。及上竄齧牙也。謂心熱則胸亦熱。兒雖不能言。有就冷之意。故  
合面臥也。治當熱若邪熱乘心。則爲驚啼。治當安神心於四時。春相夏王。秋衰冬絕。若在  
夏心王之時。亦日中反見腎病乘心者。是腎強心弱也。治當強而勝肝心者。謂腎主虛。



而無實瀉其膀胱之輕者腎病退則愈。重者悸動不已。當發搐也。

〔脾藏〕胃附脾主困。脾病實則困睡身熱。飲水能食。治當下之脾病虛則身溫四支冷。吐瀉生風。治當補之脾寒者夜啼。脾屬陰冷。即夜間發痛。故兒啼哭。治當溫中脾熱者弄舌。脾熱則舌絡緊。故時時舒吐也。或時飲水。熱則津液少故也。治當分其熱不可用涼藥下之。醫者多疑其飲水為熱。便以涼藥下之。加面黃肌瘦。五心煩熱。則為疳也。治在疳疾若不因脾熱。大病未已。弄舌者凶也。又脾藏冷熱皆主吐瀉困倦。若吐乳色黃者傷熱。吐乳色青者傷冷。四時之間。秋冬春三時皆冷多。唯夏暑時有熱多。

〔胃〕附胃熱者。若吐瀉昏睡。露睛者虛熱也。若吐瀉昏睡。不露睛者實熱也。胃久虛熱。多生疸病。胃冷者。若吐痰白沫綠水。不食腹痛。或瀉青白利。穀不化者。胃虛冷也。若胃虛怯有汗者。但上至項。下至臍也。若面眇白。目無精光。口頻撮。口中氣冷。不思食者。胃不和也。又小兒筋骨未成。血脈未全。自小多啼哭者。胃啼也。脾胃二者。府藏表裏。人之司命。故同病也。脾於四時。王在四旁。謂四季若於王時。反見他藏病乘脾者。是脾弱也。如春季三月木位土王之時。見肝來乘之。之類是也。他做之治當補弱為強。隨證治之。輕者所乘之藏病退則愈。重者面目赤黃。脾怯也。

〔肺藏〕肺主喘。肺病實則身溫悶亂。氣促喘急。治當肺病虛則身熱哽氣。長出氣。治當肺熱則手搯眉目鼻面。甚則吐稠涎。及咯血者。久則肺虛。治當若虛熱則唇深紅色。治當解熱若實則涎痰潮吐。治宜肺氣盛而熱。又復有風冷者。則胸滿短氣悶亂。喘嗽上氣。治當後散風冷。若肺只傷風者。不胸滿也。治當散風只又肺有虛實寒熱。效嗽者。並於效嗽門論之。治當肺於四時。夏相秋王。冬衰春絕。若在秋肺王之時。治當日反見肝病來乘肺者。是肝強肺怯也。肺怯則唇色白。若病而悶亂氣粗。喘促氣哽者。難治。為肺虛損也。唇白謂肺脾病久也。脾為肺之母。母子皆虛。不能相營也。故名曰怯。治當肺而肺也。其輕者肝病退則愈。重者唇白枯者死。白澤者吉。

〔腎藏〕腎主虛。腎病無實。唯斑瘡腎實。則變黑陷。餘無實病。腎病虛則身冷無精光。畏明。體骨重。蓋腎氣不足。則下竄而骨重。惟欲墜於下而縮身也。又腎屬水。陰也。虛則畏明。若因他病致腎虛者。非也。又腎虛者。謂本怯。由胎氣不成。精神不足。目中白睛多。面眇白無光。多解顙。此皆難養。縱長不過八八之數。若恣色欲。多不及四十而亡也。治並當腎於四時。秋相冬王。春衰夏絕。若在冬腎王之時。治當夜半反見心病來乘腎者。是心強腎弱也。治當補腎心。輕者心病退則愈。重者下竄不語。腎



怯虛也。凡病必視其新久虛實。假令肺病又見肝證。若齧牙多欠者則易治。謂肝虛不能乘肺也。若目直叫哭。項急頓悶者則難治。謂肺病久則虛。肝強而實。反勝其肺也。虛則補其母。實則瀉其子。又病必視其五藏衰王時候。參其相乘勝負虛實。其順易治。微邪是也。逆者難治。賊邪是也。五藏相反。隨證治之。凡病先虛。或已經下之。有合下之者。必先實其母。後下其子也。假如肺虛而痰實。此可下之證。當先益其脾。後乃瀉肺也。諸病放此。凡病有熱者。或疎利解化之後。無虛證者。勿得用溫補之。若用之。熱必隨生。

諸死絕候

〔喬岳五藏絕歌〕

〔心藏〕吐瀉變為痢。血黑渴難當。心主血。心絕則血色黑。渴難當。心主舌。絕則不能收。兩臉如脂赤。如脂久則面當無色。今面色反無語。口生瘡。則不能語。若向夏中得更莫細思量。肌瘦難行坐。虛舌不縮藏。

〔肝藏〕眼目時時遊。渾身似醉人。頻頻只要睡。心煩又多嗔。肝主目。目絕則不能開。又肝主怒。絕則多怒不止也。唇白眼胞腫。狂躁足啼聲。東方應此候。病則不宜。



春。

〔脾藏〕面色黃時好。不可見相傳。體弱憎寒甚。蟲行覓食餐。脾主肢體絕則體弱。故發熱憎寒。脾絕則胃熱。故蟲不安。而上吐。出嚙乳唇無力。齒露蓋時難。掩其齒。又不能吮乳。眼傾休下。

〔肺藏〕肺候應白色。莫使見絕形。鼻青孔燥黑。腹脹眼胞傾。肺主鼻。絕則肝逆。乘無涕。故孔黑燥也。肺主眼胞。絕則陷之。肺項直喘氣急。胸凸沒迴聲。氣絕則胸中滿凸。但有出氣而無回氣也。秋間逢此候。四方別托生。

〔腎藏〕冷汗時時有。尿多夜裏驚。腎之絕則陰陽相離。故冷汗出而小便不禁。精者屬陰。遍身生粟疥。手足冷如冰。充陽盡不能項倒頭難舉。面黑沒精神。腎絕則天柱黑無精。神也。此候應壬癸。冬得殞其身。

〔王叔和死證歌〕眼上赤脈。下貫瞳人。顙門腫起。兼及作坑。鼻乾黑燥。肚大青筋。目多直視。都不轉睛。指甲黑色。忽作鵲鳴。虛舌出口。齧齒齦人。魚口氣急。啼不作聲。蛇蟲既出。必是死形。用藥速急。才無一生。

〔錢乙死證〕瀉不定。精神好。大渴不定。止之又渴。吹鼻不噴。病重口乾不

睡。時氣唇上青黑點。頰深赤如塗胭脂。鼻孔開張。喘急不定。面有五  
色。不常不澤。

〔諸般死證〕病困汗出。如珠不流。頭毛上逆。唇口枯乾。口鼻冷氣。頭足  
相抵。臥正如縛。四支垂輶。手足掌冷。

〔通真子死候歌〕

頰陷唇乾目直視。口中冷氣臥如癡。  
身形強直手足軟。掌冷頭低盡莫醫。

# 小兒衛生總微論方

## 卷二

### 變蒸論

小兒在母腹中。胎化十月而生。則皮膚筋骨府藏氣血雖已全具。而未充備。故有變蒸者。是長神智。堅骨脈也。變者易也。蒸者熱也。每經一次之後。則兒骨脈氣血稍強。精神性情特異。是以聖濟經言。嬰孺始生。有變蒸者。以體具未充。精神未壯。尙資陰陽之氣。水火之濟。甄陶以成。非道之自然。以變爲常者哉。故兒自生。每三十二日一次者。以人兩手十指。每指三節。共骨三十段。又兩掌骨共三十二段。足亦如之。以應之也。太倉公曰。氣入內支。長機骨於十變者。乃是也。聖濟經又曰。變者上氣。蒸者體熱。上氣者。則以五藏改易。而皆上朝藏真。高於肺也。體熱者。則以血脈敷榮陽方。外固爲陰使也。故變蒸畢。而形氣成就是也。亦由萬物之生。非陰陽氣蘊熱蒸。無以榮變也。兒自生三十二日。爲第一變者。屬腎。又三十二日再變。



且蒸者屬膀胱。腎與膀胱爲表裏。共六十四日也。其變則耳與髀骨皆冷者。腎爲水。水數一。故爲變蒸之始也。又三十二日爲第三變。屬心。又三十二日爲第四變。且蒸屬小腸。心與小腸爲表裏。共一百二十八日也。其變則汗出而微驚者。心爲火。火數二。故爲變蒸之次二也。又三十二日爲第五變。屬肝。又三十二日爲第六變。且蒸屬膽。肝與膽爲表裏。共一百九十二日也。其變則目不開而赤者。肝爲木。木數三。故變蒸之次三也。又三十二日爲第七變。屬肺。又三十二日爲第八變。且蒸屬大腸。肺與大腸爲表裏。共二百五十八日也。其變則皮膚熱。或汗或不汗者。肺屬金。金數四。故爲變蒸之次四也。又三十二日爲第九變。屬脾。又三十二日爲第十變。屬胃。脾與胃爲表裏。共三百二十日也。其變則不食腹痛而吐乳者。脾爲土。土數五。故爲變蒸之次五也。後又六十四日復一大蒸。四次積二百五十六日。大蒸畢。凡五百七十六日。大小蒸變數足。其血脈充榮。則手受血而能握。足受血而能步。此亦手足之應也。其變蒸之候。體熱微驚。耳冷眵冷。上脣頭有白泡起。若魚目珠子。脈亂或汗或不汗。不欲食。食則輒吐。目白者重。目赤黑者微閉而不開。至變蒸了。自然明矣。其輕者五日而衰。重者十日而衰。或先期五日。或後之五日。

或十日之中。熱乃除耳。若熱甚。違日不歇。不得驚動。勿令傍邊人多而語雜。不可妄行灸刺。但少與紫丸微利之。則熱便止矣。或用孫真人肘後散。黑子粉香散調治亦可。唯不可餘治。若傷寒時行溫病。及驚熱溫壯等候。雖與變蒸頗皆相似耳。熱飢熱。脣上無白泡珠。乃爲他病。各從其證爲治。若以變蒸內有寒。加之寒熱交爭。臍腹夭矯。啼不止者。熨之則愈。

### 變蒸賦

看病嬰兒。先明四時。既有變蒸之狀。還如溫壯之推。寒熱初來。慎一七而方退。周期未滿。當四八以重期。原夫魂魄將成。筋骸始榮。開舒腠理。通徹奇經。運用而陰陽以正。往來而血氣初平。頓覺精神嬰嬰。全然有異。未知蒸變。一一子細須明。肝者幹也。東方所屬。爲木象之三數。發形證於兩目。渾身壯熱。令瞳子以無輝。遍體昏沉。爲神魂而未足。四數於金。二由在火。欬嗽頻頻。汗珠顆顆。兩日間嚏噴仍加。數夜裏虛驚又可。暗增骨髓。學反復以番身。漸長性情。畏傍人而戀我。脾土五呼。腎水一稱。穀氣暗引。精志時增。乳哺甘甜。尻骨成而獨坐戲。經絡流利。掌骨具而



匍匐能。次後筋脈之稍更。膝踝之漸變。氣血先榮於四支。光彩遂滋於滿面。亭亭立猶未穩。嘍嘍語尙聲顫。手足受血。移步行而堪憐。耳目通神。意智生而可羨。斯由呼吸以定。肌體乃厚。兩氣而外陽內陰。一息而入鼻出口。期來應節。自然府藏充盈。將養乖宜。致得風邪甚有。於是髮豎無潤。乳嘔吐口。珠起丹脣。冷浸眦耳。或腸鳴而微利。或驚啼而勿喜。經云。蒸即蒸。血肉之堅。變即變。形神之正矣。

### 變蒸治方

紫丸 治小兒身熱。變蒸不解。及溫壯傷寒。乳哺失節。宿滯痰癖。腹滿吐嘔。便利不調等疾。亦治食癩。先寒後熱。

代赭石

火煨醋淬十次

赤石脂

各一兩

巴

豆

三十箇去心油

杏

仁

五十粒去皮尖

右上一二味爲細末。下二味搗成膏。相和更杵二千下。相得。若硬入少蜜。同杵作劑。密器中收之。三十日兒服。麻子許分圓。乳汁送下。候食頃之後。方與少乳。勿得多與。至日中當小利。即熱除。若未除。明旦更一服。百日兒小豆許。以此準量加減。夏月多熱。喜令發疹。每二三十日。輒一服甚佳。



黑散子 治嬰小身熱。變蒸不解。及挾時行溫病。

麻黃去根節二分 大黃一分 杏仁一分去皮用二

右都燒存性。爲細末。每服一字。或半錢。量大小加減。以水半銀盞。煎少許。須抱兒於煖溫避風處。連進二三服。取微汗。候身涼。以粉香散撲之。一方只炒黑用。

粉香散

蚌粉不以多少研極細水飛過 麝香少許

右勻末。用綿裹撲兒身。如已涼。胃氣未和。不快美乳。服觀音散。方在後。

熨法 治小兒變蒸內有寒。加之發寒熱交爭。臍腹夭矯而痛。啼不止。

灶中灰 食鹽

右二味。量其相等和勻。炒令熱。以重帛裹。適溫熱熨兒。仍不可太熱。恐驚烙兒也。

以上凡兒於變蒸之內。若遇身熱脈亂。汗不出。不欲乳食。乳食後輒吐者。必審其日數。度是變蒸之時者。雖有是證。無所苦也。陳知軍云小兒變蒸但以四君子湯神各半兩甘草炙三錢同末薄荷湯下調一錢慎不可餘治及服驚藥恐冷傷胃氣也

## 脈理論

凡兒稟受藏府氣血。榮衛形體。雖有生皆全。然於未語之前。變蒸之際。則血氣未充。膚革未固。筋骨未堅。脈狀未成。若有病也。難爲診切。又難訪問。以是賢聖言嬰小之病難治者。以無承據也。故立其觀視形色之法焉。兒自生積五百七十六日。大小變蒸數畢。則氣血榮精神異。筋骨壯。脈理全。然後方可診切。又能言問也。或以謂小兒之陰與壯老不同者。是不達診治之大體也。凡脈之長短遲速。在因形以別之。不必拘於至數。經言小兒脈多雀鬩。要以三部爲主。其脈小數小細者平也。諸家所言甚衆。今擇其當者具之。孫真人云。小兒之脈。固難分表裏。今撮其要者。不出數條。其總目歌曰。

小兒有病須憑脈。

一指三關定其息。小兒臂短難以布其三指。以分三關也。以一指診之。

浮洪風熱數爲驚。

虛冷沉遲實有積。

浮脈爲風。秋得之曰平。餘時得之。主傷風寒。頭疼壯熱。或夜熱晝涼。欬嗽嚏噴。鼻塞清涕。嘔逆不食。

〔歌曰〕 浮爲風兮秋日平。 餘中風寒頭目疼。

壯氣夜極鼻清涕。 嚏噴欬嗽吐食頻。

洪脈爲熱。夏得之曰平。餘時得之。主風熱壅盛。身體溫壯。瘡瘍血泄。

〔歌曰〕 洪爲應候夏時和。 餘須發熱壯溫多。

風壅作驚或瘡腫。 有時泄下血滂沱。

數脈爲驚。春得之曰平。餘時得之。主驚風抽掣。脈數小者。多睡惕跳。直視怕怖。盜汗非時。齧牙吐舌微吐喘息。脈數大者。一兩日間。必發搐搦也。

〔歌曰〕 數爲驚候春日長。 餘時小數睡驚揚。

喘息直視舌頻吐。 大數潮搐發沉殃。

沉遲爲虛冷。冬得之曰平。餘時得之。主脾胃虛弱。泄瀉滑腸。脫肛吐痢不止。日漸尪羸。以成脾困。或作疳勞。

〔歌曰〕 沉遲之脈冬日安。 餘時脾胃弱虛言。

泄瀉滑腸肛脫出。 吐痢尪羸瘦變疳。

實脈爲積滯。四時得之。皆主食傷積聚。面黃腹脹。髮焦煩渴。吐衄腹痛。



〔歌曰〕

實脈含傷積滯言。

壯熱腹脹髮毛乾。

吐利肚疼或爲癖。

四時無異一般看。

寶鑑四時脈。謂春弦夏洪。秋浮冬沉。四季緩。各推其王相表裏以察病。假令春得弦而浮者。病在表在府。爲陽爲順。病則易治。若得弦而沉者。病在裏在藏。爲陰爲逆。病則難治。餘時放之。

〔王氏脈歌曰〕

小兒乳後輒吐逆。

更兼脈亂無憂慮。

弦急之時被寒纏。

脈緩卽是不消乳。

緊急細駛亦少苦。

虛濡邪氣驚風助。

利下宣腸急痛時。

浮大之脈歸泉路。

脈經曰。小兒之脈駛疾一息七八至曰平。不及曰損。太過曰至。

〔通真子歌曰〕

小兒三歲至五歲。

呼吸須將八至看。

九至不安十至困。

短長大小有邪干。

〔又曰〕小兒脈緊是風癇。

沉脈須知乳化難。

腹痛緊弦牢實秘。

沉數有熱在骨間。

〔死證脈〕脈來三動而止不見者死。脈來速如弓弦硬直者死。脈來瞥然不見者死。

〔歌曰〕三動而止不來凶。

速硬如弦勁在弓。

瞥然至而反不見。

皆為死脈定由宗。

〔諸般病脈〕脈弦者為風寒。弦數者為瘧。脈急者為氣不和。或為客忤。脈緊者為痛。緊數者驚癇。脈浮者為風。浮緊者驚風。浮大者傷寒。浮虛者盜汗。浮數者風熱。脈伏者為氣滯。脈緩脈細者皆為冷。為乳不化。脈虛脈濡者為虛弱為驚。虛濡者慢驚風。虛緊者伏熱。脈沉重者為有積。沉數者骨間冷。一云骨間熱。沉遲者虛冷。沉緩者傷食。脈牢緊者癖聚。牢實者腸秘。心脈滿大肝脈小急者驚癇。心脈數小者疳淋。數急者熱。寸口脈直上直下者為驚。寸口脈大小脈不勻亂者變蒸。左手寸口無脈心痛中熱嘔逆口瘡。或欬嗽喉中哽聲頭汗出而熱。此乳母食冷以乳兒所作也。又脈亂者吐逆。

右手寸口無脈。胸滿短氣。吐逆噫噦喉中響。此乳母抱兒衝冒風寒所作也。凡脈如雀啄而緊者風癰。

凡脈大小不依部次者惡候。

凡小兒脈駛。呼吸八至曰平。九至曰病。十至曰困。

凡小兒脈虛者病亦虛。輕手得也。脈實者病亦實。重手得也。故急驚脈促急。慢驚脈虛微。

### 諸身熱論

凡小兒有病。皆須身熱。其證不一。今條而具之。

小兒於某時間發熱。過時即退。至來日依時發熱。晝夜此為潮熱。欲發驚也。

小兒身熱。但一向壯熱不已者。此為壯熱。甚則發驚也。

小兒身熱。但溫而不甚壯熱。此為溫熱。

小兒身熱。口中氣熱。叫哭無時。呵欠頓悶。面目青色。此為風熱。甚亦發驚。

小兒身熱。飲水悸惕。手足搖動。上視弄舌。印內青筋見。掌中赤。怕物生涎。此為驚



熱。

小兒身熱。面赤時久不退。睡覺顛叫。氣急發渴。胸高熱壅。此爲積熱。與壯熱相似。但胸高涎壅爲異。乃藏府積蘊熱毒。三焦鬲腕壅滯也。又搖頭項硬者。亦三焦鬲腕壅也。以上皆甚則發搐。治在驚門中

小兒身體發熱。氣促鼻塞。清涕嚏噴。寒毛立。眼淚出。或出痰水。此爲傷寒。治在傷寒門中

小兒身熱。時發時退。退但肚熱。或夜發熱。面黃腹脹吐瀉。乳食不化。糞酸臭異常。

此爲食傷。治在傷食門中

小兒夜發熱。曉即如故。多涎喜睡。此肺虛發熱也。此與食傷夜發熱相似。須要識之。况二證餘候。各皆不同。食傷者可下。肺虛者不可下。下之則失津液。發渴引飲。昔錢乙治朱監簿子五歲。夜發熱。曉即如故。衆醫作熱。以涼藥解之不愈。其候多涎喜睡。又以藥下其涎。病益甚。至五六日。大引飲。請乙治之。乙曰不可下。乃取白朮散煎湯三升。使任意取足服。朱曰飲多不作瀉否。乙曰無生水不能作瀉。縱痢亦不足怪。但不可下耳。朱又曰先治何病。乙曰止瀉治痰。退熱清神。皆此藥也。服盡。又作兩次與服。其子不渴無痰。又投阿膠散二服而安。是此證也。錢乙方本集

載之。小兒每早食後發熱。至夜則涼。此為血熱。治方在後

小兒身熱形瘦多渴。飲食不為肌肉。此為疳熱。治在疳門中

小兒血氣旺盛。發渴引飲。大便黃緊。小便赤少。四支身體翕然而熱。此為胃實熱也。治宜下之

小兒身熱微驚。耳冷眦冷。上脣頭有白泡起。如魚目珠子。或汗或不汗。此為變蒸。治在變蒸門中

小兒身熱。昏睡驚悸。喜噉噴。耳尻冷。此為瘡疹候。治在瘡疹門中此與食傷變蒸相似。傷寒耳尻皆熱。變蒸脣上有白疣泡珠子為異。

小兒身熱者。更有內外。在內者多飲水得之。在外者多因風寒得之。錢氏有云。小兒身熱飲水者。熱在內。身熱不飲水者。熱在外。此大概之驗也。在內者宜下之。在外者宜散之。若小兒積蘊內外。感傷表裏。渾身俱熱。頰赤口乾。小便赤。大便焦黃少者。先以四順清涼飲子。利動藏府。熱即退矣。既而復熱者。是裏熱已解。而表熱未除。復以惺惺散。或紅錦散。加麻黃微發其汗。表熱乃去。既去又復發熱者。世醫盡不能曉。再下再表。皆為不可。誤傷多矣。此表裏俱虛。氣不歸元。陽浮於外。所以



再發熱也。但以六神散和其胃氣。則收陽歸內。身便涼矣。閻孝忠論小兒壯熱。傷風溫疫。傷寒風熱。瘡疹傷食。率皆相似。未能辨認之間。但與升麻葛根湯。惺惺散。小柴胡湯服之。甚驗。蓋此數藥通治之。不致誤也。惟傷食者。則大便酸臭。乳不化。畏食或吐。宜與微下之。孫真人論小兒內外氣盛。眠時小驚。或微覺傷風傷食。又慮變蒸身熱者。但以紫圓。方已在前。或龍膽湯為治。此二藥無所不療。雖微利動。以減盛氣。亦不虛人。小兒糞黃而臭者。此腹中有伏熱也。宜服龍膽湯。若糞白而酸臭者。此挾寒不消也。宜服紫圓。但少與令內消。甚者小增。令微稀瀉。皆須節乳哺一兩日。令胃氣平和。若不節。則病易復。復則復下。傷其胃氣。令腹脹滿。若至再三下之。則過傷矣。

### 身熱治方

治小兒潮熱溫壯。勝金散。

雄黃一錢  
水飛

白附子半錢  
荊芥穗一分

甘草半兩

芍藥半兩  
水焙乾



右爲末。每服半錢。水一小盞。入薄荷三葉。煎至五分盞。去滓。溫服無時。

治小兒潮熱發燥。金花散。

川大黃一兩 秦艽去蘆半兩

右爲末。每服一字。或半錢。水一小盞。入青蒿三兩葉。葱白二寸。同煎至五分盞。去滓。溫服。若變骨蒸勞氣。用童子小便浸青蒿。葱白煎藥。

治小兒潮熱減食蒸瘦。秦艽散。

秦艽去蘆切焙 甘草炙各一兩 乾貓兒薄荷葉切半兩焙

右爲末。每服一二錢。水一中盞。煎至五分盞。去滓。食後溫服。

治小兒虛熱潮作。亦治溫壯。及解傷寒。地骨皮散。

知母 柴胡去蘆 甘草炙 半夏湯洗切焙

人參去蘆 地骨皮去骨 赤茯苓去黑皮各等分

右爲末。每服二錢。水一盞。生薑五片。煎至六分。去滓。食後溫服。量大小加減。

治小兒溫壯身熱。臉赤煩渴燥悶。涼肌圓。

龍膽草去蘆二兩 玄參去蘆一兩 當歸去蘆洗一兩

右爲細末。煉蜜和圓。綠豆大。每服二十圓。竹葉湯下。兒大增之無時。

治小兒溫壯風熱。牛黃膏。

寒水石四兩

雄黃一兩

山梔子仁半錢

甘草一分

牙消一兩

鉛白霜半兩

右爲細末。入麝香少許。煉蜜和旋。取阜子許。薄荷水化下。乳食後。

治小兒溫壯風熱。睡臥不穩。欬嗽喘急。剋效散。

龍腦薄荷葉二兩 白殭蠶去絲半兩 玄胡索去皮半兩

右爲末。每服半錢。或一錢。蜜湯調下。無時。

治小兒風熱驚熱。眠睡不安。鎮心丹。此胡御帶祕方許宜贊傳

鐵粉一分

蛇黃一兩七次

代赭石半兩十次

馬屁勃半兩

麝香別研一分

右爲細末。煉蜜入糊圓。如小豆大。每服一粒。磨剪刀鏝水化下。食後。亦治驚癇。

發搐。

治小兒風熱昏塞。燥悶不食。梨汁粥。

右以鵝梨三枚切碎。以水二升。煮取汁一升。去滓入粳米一合。煮粥食之。

治小兒驚熱如火。亦治溫壯。龍齒散。

右以龍齒爲末。調服。或以爛龍角研濃汁服一二合。

又方 人參牛黃散。

右以人參、牛黃等分爲末。以薄荷水調下最佳。

又方 治如前。

右以竹瀝二合。溫之。分三四服。無卽刮竹茹。以醋煎溫服。

治小兒積熱啼叫。三焦壅滯。青金丹。

青 黛四兩

甘 草二兩  
生末

蟬 殼  
去足一兩末

麝 香一錢  
研

辰 砂一兩  
飛分研

牛 黃別研

腦 子  
各三錢

龍齒末半兩

天竺黃半兩

右爲細末。以飴糖和圓。雞頭大。每一粒。分四服。溫水化下。無時。

治小兒積熱痰實。三焦蘊毒。及風熱面赤。大小便秘澀。犀角圓。

生犀末一分

人 參半兩  
去蘆

黃 連一兩  
去鬚

枳 實  
去穢半兩炒



檳榔半兩

大

黃二兩酒浸切片以巴豆一百箇去皮貼在大黃上紙裏飯上蒸三次切碎炒黃焦去巴豆只用大黃

右爲細末。煉蜜和圓。如麻子大。每服一二十圓。臨臥時熟水下。未利加圓數。疏導極穩。

治小兒諸熱。四順飲子。

地骨皮去骨

防

風去蘆井又枝

山梔子

去殼取仁

連

翹各等分

右爲細末。每用一錢或二錢。水一小盞。入銚心。竹葉少許。煎至五分盞。放冷服。無時。

治小兒諸熱。甘露散。

牙硝一分

龍腦薄荷葉一兩

大黃半兩

甘

草半兩炙

芎藭一分

雄

黃一分水飛

右爲末。每服半錢。蜜水調下。無時。

治小兒諸熱煩躁。牛黃散。

右鬱金大者。溼紙裹。慢火煨熟爲末。入牛黃少許。冷水調下。大者一錢。小者半錢。無時。

治小兒身熱不痊。

右以熟湯研郁李仁。如杏酪。一日服二合。

又方

右以雞卵一枚。和白蜜服之。

小兒於立夏之後。有病身熱者。慎勿妄爲吐下。但以除熱湯浴之。除熱粉粉之。赤膏摩塗之。出千金。

除熱湯

右以白芷根苗。苦參等分爲粗散。用清漿水煎。更入鹽少許。以浴兒。浴畢用粉粉之。

又方

白芷。苦參。秦皮煎湯。或無衆藥。但得一味。煮湯皆可。

又方

右切李葉一升。水七升。煎至五升。適溫煖用之。澡浴。或只用楮葉亦可。  
涼肌粉

右以白芷、楓葉、葉本、苦參、黃連等分爲細末。每用三錢。以蛤粉二大塊同研勻。細入生絹袋子。每浴了。以撲身徧令勻。亦治夏月伏喝。徧身生赤癩子。用之極妙。

赤膏

丹砂

雷丸

芒硝

戎鹽

大黃各三兩

右切碎。用苦酒半升。浸四物一宿。以煉成猪脂一斤煎。三上三下。去滓入芒硝成膏。每用以摩心下及塗臍中。

治小兒血熱。早食後發熱。至晚則涼。猪膽圓。

胡黃連

宣黃連去鹽各半兩

赤芍藥一兩

右爲細末。以積猪膽汁和成劑。卻入在膽皮中。懸鉗上。用漿水煮。勿令漿水入。煮熟取出。圓如菉豆大。每服三十圓。米飲湯下。食後臨臥日三。有生瘰癧一證。亦早食後身熱。頗相似。但以鼻衄泄瀉。宜審辨之。

牛黃膏。治小兒疳熱引飲。亦治傷風溫壯。



雄黃研水

甘草末

川甜消各一

鬱金末一錢

腦子研一錢

寒水石飛研一兩

萊豆粉半兩

右同爲細末。煉蜜和成膏。每用半阜子大。薄荷湯化下。食後。

治小兒裏熱。頭昏煩赤。口內熱。小便赤。大便少。要微挨動藏府即安。四順清涼飲子。

又治睡臥不寧。五心煩熱。四支抽掣。及乳哺不節。並寒溫失度。熱久連綿。欲發驚癇。目赤口瘡。瘡疹餘毒。

大黃溼紙裏煨熟一方生用

當歸洗去鬚

赤芍藥

甘草炙各等分

右爲末。三歲上兒每服一錢。水一盞。煎至七分。盞分二服。更量大小加減。食後

溫服。

治小兒外熱。要微發汗即愈。惺惺散良方。名桔梗散。治小兒風熱。及傷寒時氣。瘡疹發熱。

桔梗去蘆

細辛去苗

人參去蘆

甘草炙

白茯苓去黑皮

括樓根

白朮各等分

右爲細末。每服一錢。水一小盞。入薄荷三葉。同煎至六分。去滓溫服。凡傷寒溫壯。變蒸瘡疹未辨。皆可服。

治小兒風溼體熱。頭目不清。紅錦散。

白殭蠶去絲嘴

天麻一兩

天南星二兩薄切片

蘇木節別研

右爲細末。每服一錢。水一小盞。入錦少許。同煎至五分盞。去滓溫服。若傷風有表證發熱者。於本方中入去節麻黃半錢同煎。若有裏熱。心躁煩渴者。入滑石末半錢同煎。

治小兒發熱。已經汗下。仍熱者。六神散。

人參去鬚

白茯苓去黑皮

乾山藥

白朮

甘草炙

白扁豆

右爲細末。每服一錢。水一小盞。入棗一枚。擘破。生薑三片。同煎至五分盞。通口服。此藥用處甚多。治胃冷加附子。治瘋證加天麻。治諸痢加罌粟殼。若服之熱

猶未退。更與銀白散治之。

銀白散。

乾山藥

白朮

白茯苓去黑皮

知母

人參去蘆

白扁豆

甘草炙

升麻各一分

右爲細末。每服一錢。水一小盞。棗一枚。同煎至五分盞。溫服無時。

治小兒溫壯驚風。及傷寒身體發熱。或作瘡疹。於初身熱未辨之間。並宜服此。升

麻葛根湯。

乾葛細剉

升麻

芍藥

甘草炙各

右爲粗末。每服二錢。水一小盞。煎至五分盞。去滓。溫服無時。

治如前。小柴胡湯。

柴胡去苗

黃芩

人參去蘆各

半夏夏湯錢七

甘草炙三分

右爲粗末。每服二錢。入生薑三片。棗一枚。水一小盞。同煎至五分盞。去滓。溫服

無時。



龍膽湯 治小兒自出腹來。血氣實盛。發熱不歇。及食不消。變蒸不解。客忤鬼氣。溫壯寒熱。並諸驚癇。悉皆主之。

龍膽去蘆

鉤藤

柴胡去苗

黃芩

桔梗去蘆

芍藥

茯苓去木

甘草炙各一分

蜨

二箇去翅足炙焦

大黃

金一分剉碎微炒干

右為粗末。每服一錢。水一小盞。煎至五分。去滓。溫服。無時。治嬰小壯熱。未能服藥者。粉方。

寒水石

芒硝

滑石

石膏

赤石脂

青木香

大黃

甘草

黃芩

防風

去蘆又枝

芎藭

麻黃根各等分

右為末。每用藥末三合。入牡蠣粉一升。細蛤粉亦可。相和再羅細。用以粉兒。日二次。

桔梗散 治小兒風熱溫壯。或傷寒時氣。瘡疹未發。並宜服之。仍兼小黑膏服尤善。

桔梗去蘆

細辛去苗

人參去蘆

栝樓根

白朮

甘草

川芎

白茯苓去黑皮各等分

右爲末。每服二錢。水一盞。入生薑三片。薄荷三葉。同煎至七分盞。三歲已下兒。作四服無時。

小兒黑膏

川烏

南星各一枚火者

右入一小瓶子內。用溼紙密搭封口。慢火燒之。候火滅取出。削取中心所存白處。如阜子大用之。須燒數枚。擇中度者方用爲末。次入薄荷葉、玄參末各五錢。研勻。煉蜜和成劑。每用旋擥豆許圓之。葱白湯下。頻頻服。若筋脈或緩或急。加乳香同葱白湯下之。

治小兒發熱極甚。因伏留心經。昏冒不省。或誤服熱藥。畜熱所致。用之神效。

以生梅花腦子半字或一字。取新殺猪心中血一兩。滴同研。作一圓。新汲水少許化下。大良。未省卽再服一粒。

治小兒驚熱。

以水磨犀角汁服之。

薄荷散 治小兒風熱溫壯。及傷寒傷風。瘡疹未辨之間。皆可服之。

薄荷葉

藿香葉去土

荊芥穗

甘松去土

白芷

防風去蘆並枝

川芎

桔梗去蘆

白僵蠶去絲

甘草炙

藁本去土各一兩

細辛去苗

右爲末。每服一錢。茶調溫服。亦治大人風氣不順。頭面風等疾。大能清利頭目。止昏眩。聰明耳目。



小兒衛生總微論方 卷三 身熱治方

# 小兒衛生總微論方

## 卷四

### 驚癇論上

#### 欲發搐

小兒驚癇者。世俗之總名。須分輕重也。輕者但身熱面赤。睡眠不安。悸惕上竄。不發搐者。此名驚也。重者上視身強。手足拳發搐者。此名癇也。其發搐之病。最爲重大。必有因漸。亦有將發之候。以明之也。養小兒之家。若能辨之。求治於未發之前。不惟易愈。又不至於危殆。今集欲發搐候下項。

目上視喜惕者。欲發搐也。身熱項強。常汗出者。欲發搐也。手足喜振掉者。欲發搐也。搖頭弄舌者。欲發搐也。喜欠目。直面青者。欲發搐也。潮熱或壯熱不歇者。欲發搐也。睡中時笑。或狂語言。手足搖動者。欲發搐也。鼻中燥。大便小便不利者。欲發搐也。髮上逆。啼面暗色不變者。欲發搐也。身熱

吐呢喘粗者。欲發搐也。噫氣下而妄怒者。欲發搐也。鼻口青。喜忪悸者。欲發搐也。齧牙甚者。欲發搐也。目直色赤或青者。欲發搐也。瞳子卒大異常者。欲發搐也。面色青黃。上竄氣急者。欲發搐也。眼斜視者。欲發搐也。嚙乳不和或噎乳。脣舌緊者。欲發搐也。涎盛兩壅。呀呬有聲者。欲發搐也。臥而不安。身熱不乳。數惕跳者。欲發搐也。體熱口中氣亦熱。面目青。呵欠頓悶者。欲發搐也。掌中赤。印內青筋見。怕物生涎者。欲發搐也。吐利不止。厥痛時起者。欲發搐也。脣口頰頰青。手足心皆熱。喜冷者。欲發搐也。目癡昏悶。撮口吐舌者。欲發搐也。身熱小便難。或目直視。或視不精。皆欲發搐也。孫真人曰。小兒眠睡不穩。或身熱之時。見有諸小驚之證。輒紫圓微下之。減其盛氣。令終不病癇發搐也。月用一次甚佳。方已在前。變蒸門中。

已發搐

發搐之候。世俗所說者多矣。有言一證屬一藏。一證屬一府。喬岳歌曰。小兒驚候有多般。不顯根源見病難。睡裏齧牙驚入腎。非時弔眼病歸肝。夜啼到曉元因肺。脣白面青一般看。前後心煩四支熱。面紅如火向心間。乾嘔吃水脾驚患。脈微氣



喘一同言。漢東王氏言。非時弔眼驚入肝。睡後齧牙驚入腎。夜啼到曉驚入小腸。面青乍白驚入膽。氣喘吃水驚入肺。面紅臉赤驚入心。五心煩熱驚入脾。喉中鋸響驚入大腸。乾嘔無時驚入胃。睡中啼哭驚入三焦。如此之類。言至百種。叢脞無據。何以爲治。又有言驚發三次爲癇者。第一次發。兩太陽左右青脈朝眼。第二次發。山根青脈見。第三次發。眼下臉連金匱青脈見。又言發搐面赤。指內青紋見者。爲癇。又云耳後完骨上青脈如線者爲癇。此等之論。亦爲臆說。大抵不發搐者爲驚。發搐者爲癇也。千金論癇證。大體只分三種。一曰風癇。因解脫衣袂。觸冒風邪而作。其證先屈指如數乃發。口中氣熱。呵欠頓悶。手足搖動。治當發散。二曰驚癇。猛聞大聲。或撲仆驚怖而作。其證先叫啼乃發。心神不寧。不可下之。下之內虛。則病益盛。治當安神去熱。三曰食癇。因乳哺失節。或有積而作癖。其證先不乳而吐。先寒後熱乃發。其證身體或溫或熱。多睡喜唾。吐逆腹脹。故小兒有癖積。脈大者必發癇。治當下之。此三種內。風驚二癇。時時有之。食癇者十中無一下之便愈。詳此三種。雖諸病皆能變癇。莫不緣於風驚食之所作也。又內經有云。五藏主五畜。其間發重者。各見其象。肝爲犬癇。目直視。身反折。手拳犬鳴。心爲馬癇。張口搖頭。

背強硬馬叫。目一云心爲羊。脾爲牛。癇目癡腹滿牛叫。肺爲雞。癇搖頭反折。手縱搐。雞叫。腎爲猪。癇目橫身直如尸。吐沫猪叫。以上論癇發者。乃諸書精要也。然不若錢乙所論發搐者。乃心肝二藏爲病也。其理有據而妙。肝主風。心主火。風火相加。發而爲搐。前論小兒諸病。新久皆能變癇發搐者。以人有病。則飲食退減。脾胃不旺。肝必凌之。引動肝風。肝又主掣。若不得心火。則不能發搐。又人有病。則氣血錯亂。心神不寧。引動心火。心又主驚。若不得肝風。亦不得發搐也。須肝心二藏相爲子母。俱有實熱。風火相搏。驚掣相持。乃能發搐。其狀亦如風之蕩火。焰熾掣然也。故肝心二藏爲病之源。餘藏雖不正主。亦有相乘兼見之證。及所發亦有其時。假如錢論潮熱變發搐。在早晨寅卯辰時有。此肝用事之時也。身體壯熱。目上視。手足搖動。口生熱涎。項頸強急。此肝旺也。錢治補腎瀉肝。是謂補其母而瀉其子也。發搐在日中巳午未時者。此心用事之時也。心惕目上。白睛赤色。牙關緊急。口內涎生。手足搖動。此心旺也。錢治瀉心。心熱退。則肝母亦不能旺。是謂子能令母虛也。發搐在日晚申酉戌時者。此肺用事之時也。目微斜視。不甚搐而喘。身熱睡露睛。手足冷。大便黃水。錢治瀉其肝心。而補其脾。發搐者。心肝實爲病之源。故



瀉之。手足冷大便黃水者。脾虛候也。故補之。發搐在夜間亥子丑時者。此腎用事之時也。不甚搐。眠臥不穩。身體溫壯。目睛緊斜。喉中有涎。大便銀褐色。乳食不消。多昏不納津液。錢治但瀉其心而補其脾。且心肝二藏爲病之源。今獨瀉其心而不瀉其肝者。此本因潮熱所作。發在腎用事之時。是腎虛心熱極也。故但瀉其心。熱退則肝亦平矣。若更瀉肝。則腎轉虛矣。其大便銀褐色。乳食不消。不納津液。皆脾衰之證。故補其脾也。以上四藏分主十二時。脾藏爲兼見之證。此潮熱發搐。治則惟瀉心肝者。蓋二藏俱實。爲病之源故也。其肺藏有虛實之證。見虛則補。見實則瀉。況發搐是心火旺所作。而肺金實證亦罕。惟偏搐者有之。外腎藏但主虛而無實。見其虛則補之。內經有云。虛則補其母。實則瀉其子。先補其母。後瀉其子。子能令母虛。母能令子實。錢乙論此發搐原由。爲治次第。乃謂得聖人之經旨深意也。可謂出羣拔萃矣。今更以錢論三事參之。一者發搐逆順。二者發搐陰陽。三者發搐真假。及各於逐項之下。以錢治法爲證。後學之士。將此三事參推五藏。審別形候。察其虛實。觀以時刻。依法爲治。則小兒發搐之病。無以外也。

### 發搐逆順



男發左搐。或手大指屈外。或目左視無聲者順也。若發右搐。或手大指屈內。或目右視有聲者逆也。女發右搐。或手大指屈內。或目右視無聲者順也。若發左搐。或手大指屈外。或目左視有聲者逆也。順者相勝也。左肝爲木。右肺爲金。一負一勝。故無聲也。逆者戰也。二藏俱實。木金相擊。故有聲也。順者易治。逆者難治。男逆稍易。女逆極難。更當參其發時。以補瀉爲治。昔錢乙治李寺丞子三歲發搐。自卯至巳。目右視。大叫哭。乙見曰。逆也。男爲陽。本發左視無聲則順。右視有聲則逆。所以然者。左肝木也。右肺金也。逆則二藏相戰。金木相擊。而有聲也。治乃瀉強補弱。假令女發搐。目左視。是肺來勝肝。肝不能任。故叫哭也。當瀉其肺。後治其心。續治其肝。若病在秋。時日西肺兼旺位。當大瀉其肺。若病在春。時日晨此肝旺之時。尙不能勝肺。是肺強而肝大弱也。當補其肝腎。大瀉其肺。若男發搐。目右視。是肝來勝肺。而叫哭。當瀉其肝心。若病在春夏。時日晨肝心旺時。當大瀉其肝。若病在秋。時日補此肺旺之時。尙不能勝肝。是肝強而肺極虛也。當補其肺。大瀉其肝。所以言目反視者。乃肝主目也。凡搐則是風熱相搏於內。風屬肝。故引見於目也。今此病男反女。故稍易治於女也。先瀉其肺。不悶亂。以知肺病退也。後補其腎。續治其肝心。五日

而愈。乙又治徐氏子三歲。每日西發搐。身微熱。目微斜。露睛。四支冷而喘。大便微黃。請乙與一李醫同治。乙問李曰。病搐何如。以何藥治之。李對不當。乙曰。搐者心肝實也。身微熱者。日西肺用事之時。肺主身溫。今且熱者。肺虛也。目微斜露睛者。肝肺相乘勝也。四支冷者。脾虛也。肺若虛甚。則脾母亦弱。木氣乘之。四支即冷。治當先補脾肺。得脾虛證退。然後治其心肝。九日乃愈。此亦逆搐。肝肺相乘。目斜者必當右視也。今舉此以明逆順為治之法爾。

### 發搐陰陽

天弔附陽搐  
脾風附陰搐

小兒發搐。為急慢驚者。古書無有。惟曰陰癇陽癇。所謂急慢驚者。乃後世名之也。以陽動而速。故陽搐曰急驚。陰靜而緩。故陰搐曰慢驚。此陰陽驚癇發搐之別也。陽搐者。身大熱。面赤引飲。口中氣熱。大小便赤黃。眼上視連劄。手足搐急。牙關緊噤。項背強直。涎潮響。此因心熱極則生風。風屬肝。心肝子母。風火搏熾。動而發搐也。及其發定。則了然如故。此陽盛陰虛。治當利驚以除風熱。不可與巴豆駮藥大下之。恐蓄虛熱不消。小兒痰壅積熱於心。因聞大聲。或誤驚觸。則動而發搐。若熱極者。雖不因聞聲驚觸。亦自發搐。小兒本實者。多此候也。



〔天弔〕附小兒心膈壅滯。涎盛熱積。不得宣通。或因母飲酒食肉無度。致煩毒之氣流入於乳。因以乳兒。令兒宿滯不消。熱毒乘心。發爲驚搐。眼目翻騰。壯熱不休。甚者爪甲皆青。狀若神祟。俗謂之天弔。此非天能弔人。以其眼弔上視。故取意名之。况小兒發搐。未有不眼上者。實亦陽搐之候也。治宜去涎熱。昔錢乙治廣親宅七太尉弟八使者發陽搐。自寅至午。於未發前。錢乙見其目直視而頤赤。此心肝俱熱。更坐石杌子就冷。此熱甚也。又肌體素肥而本實。其脈急促。發搐自寅至午。皆心肝用事之時。治乃瀉其心肝。而補其腎。病遂得愈。此亦瀉強補弱也。陰搐者。身溫面眊白。手足似搐不搐。但時時痠癢。昏昏似睡。而無精神。眼露睛微微上視。或胃痛而啼作鴉聲。或不能啼哭。脣口白色。脈沉弱。此因大病之後。或吐瀉過甚。致脾胃虛損而生風。荏苒乃成。此陰盛陽虛。治當補其脾胃。瀉去肝風。小兒虛弱。雖不因吐瀉取轉。直發陰搐者亦有之。本怯者多此候也。

〔慢脾風〕附小兒因傷風冷。或病吐瀉。醫以溫藥補之不已。復用涼藥治之。又不已。本謂傷於風冷。醫亂治之。致脾虛而內不能散。外不能解。至十餘日。其證昏睡露睛。大便不聚而瀉。此脾虛風入。風在脾胃之間。故大便不聚而瀉。時痠癢。身體



四支口鼻中氣皆冷。小兒亦有因驚所傳。或諸病久變。見此證者。皆因脾胃虛怯。而生風所爲也。故俗謂慢脾風矣。實乃陰搐之危候。治當去脾間風。風退利止。以補脾胃。昔錢乙治王氏子病吐瀉。他醫以藥下之。至虛變陰搐。其候睡露睛。手足痠瘓而身冷。乙見曰。此慢驚也。與藥以實脾胃。即開目身溫。王疑其子不大小便。又令他醫以藥利之。而復身冷。尙欲令乙利小便。乙曰。不當利。利之必身冷。王曰。已身冷矣。乙曰。不能食而胃中虛。若利大小便。使脾腎俱虛。當閉目身冷。即死。今此兒幸胎氣實而難衰。乙復補脾胃。則微能飲食。所以然者。謂利大小便。脾胃虛寒。當補脾而不可別攻也。後不語。他醫作失音治。乙曰。既失音。何開目而能飲食。又牙不噤而口不緊。他醫不能曉。乙曰。此因用清藥利小便。致脾腎俱虛。今脾已實。腎尙虛故也。遂以藥補腎。及依法爲治。半月能言。一月而痊。

### 發搐真假

真者兒在母胎中時。血氣未全。精神未備。則動靜喘息。莫不隨母。母調適乖宜。喜怒失常。或聞大聲。或有擊觸。母驚動於外。兒胎感於內。至生下百日以來。因有所犯。引動其疾。則身熱吐衄。心神不寧。睡臥昏騰。躁啼無時。面青腰直。手足搐搦。口

撮頤縮。目瞪氣冷。或眼閉膠生。或瀉青黃水。是胎癇也。是內藏感病。發爲真搐。然亦發稀而難治。不過三兩次必死矣。假者兒生出母腹。百日以來。肌膚嫩怯。血氣軟弱。被外風傷之。入客於內。每遇則兒不能任。故發搐搦。口中氣熱。呵欠嚏噴。此風癇之候。重者亦不呵欠嚏噴。與胎癇相似。然發頻者輕。輕則易歇。故也。治當發散。昔錢乙治李司戶孫生。百日來發搐。日三五次。請衆醫治。或作熱天弔。或作胎驚。或作驚癇。治皆無應。後請乙治。乙曰。嬰兒初生。肌骨嫩怯。被風傷之。兒不能任。故發搐也。然頻發者輕。以客風在內。每遇不任。即搐輕則易歇。故發頻也。搐稀者。是內藏發病。不可救也。乙用微劑以散風邪。兼塗顙浴法。治之乃愈。仍不可多服。蓋兒至小。易爲虛實。多即生熱。止一服而已。兼用塗無不效。已上錢乙所用方。並本集載之。

驚癇雜論

凡小兒急驚。雖搐甚。不用忙擾。亦不足畏。慢驚。雖微搐。切當救。乃危候也。方搐之時。但與扶持。慎勿擒捉。蓋風氣方盛。恐流入筋脈。致手足曲戾不隨。或成拘攣。凡小兒急驚。閻孝忠云。當其搐勢減。與鎮心治熱藥一二服。如麝香圓。抱龍圓。辰



砂圓、紫雪之類。候驚勢已定。用藥下其痰熱。如麝香圓、軟金丹、桃枝圓之類。如此則心神安寧即愈。

凡小兒慢驚。若因吐瀉。已成虛損者。閻孝忠云。當與速生胃氣。以理中丸。並研金液丹末。煎生薑米粥調灌之。多服乃效。候胃氣生。手足漸煖。四支猶然痠癢。即減金液丹一二分。增青州白圓子一二分。同研如上服。漸漸以意減金液丹。加白圓子。兼用異功散、羌活膏、鉤藤飲之類調理。頻頻與粥。雖至危者。往往死中得生。凡小兒急慢驚。陰陽異證。切宜辨而治之。急驚合用涼藥。慢驚合用溫藥。世人多用一藥。不能分別。誤小兒多矣。殊不知藥性自有溫涼。豈可泛用。初虞世謂治陰陽癇。寒溫藥性。當於方中用時增損。則無失矣。又閻孝忠言慢驚藥中。宜去龍腦。縱須合用。必以溫藥為佐。或少少用之。惟涼故也。

凡小兒於天陰雷發聲之時。必掩塞其耳。或作雜聲以亂之。恐猛聞大聲而發搐。凡小兒發搐。時醒而身軟者為癇。若發搐不時醒。身硬者為瘳。又名乃中風之候。

論在中風門

凡小兒驚癇洩瀉等諸病。煩渴者皆津液內耗也。不問陰陽。煎錢氏白朮散。使任



意取足飲之。彌多彌好。

凡小兒驚癇藥中。能不用水銀、輕粉者尤佳。如不得已而用之。僅去其疾即止。蓋小兒腸胃易損。亦傷口齒。今所集之方。多不用銀粉。如須用之者。當依此酌量減損。

凡小兒欲生瘡疹。有發搐者。當從瘡疹爲治。餘諸病有與驚癇相兼。可以一方爲治者。依法用之。若不可以一方爲治者。則各用所主藥。相兼治之。

凡小兒驚。蜣蜋爲治第一。世醫多不學。未見有用者。若用之。須擇不傷水者。傷水即不堪用。去其頭翅足。炙令焦。乃入藥。

凡小兒吐瀉後。精神困頓。多睡。不吃乳食。四支逆冷。欲變成癇者。以神麴爲末。入腦麝各少許。溫水調服。若已成癇。哭如鴉聲。面色青黃。手足瘳瘳。咽中不利。更入硃砂同末服之。若變癇滑利者。以麴末蜜圓如雞頭大。溫水化下。

又一方。麴末一兩。琥珀、甘草各二錢。硃砂、雄黃各一分。同末。蜜圓如雞頭大。名太乙丹。治小兒百病。

# 小兒衛生總微論方

## 卷五

### 驚癇方下

治驚欲發搐方

定心膏 治諸熱。安心神。截驚癇欲發。

生葛根取汁半合如無生者乾葛細

竹瀝法半合依

大麻仁味一分三

菉豆粉別一兩

硃砂研飛

牛黃研一錢

麝香研一錢

右同和如稀粥。更入少菉豆粉。相拌得所。石臼中杵三二百下。成膏。圓雞頭子

大。每服一丸。煎人參湯化下。量大小增損。用無時。

琥珀丹 治如前。

琥珀一兩

白僵蠶去絲嘴炒半兩

臘月牛膽製天南星一兩

天麻一兩

白附子半兩

香白芷半兩以細末硃砂一兩研

龍腦研一錢

右拌勻。煉蜜圓。如雞頭子大。每服一圓。煎人參薄荷湯化下。量大小增減。用無時。

生葛飲子 治熱極不已。欲發驚癇。

生葛汁一合

竹瀝一合

牛黃如杏仁許別研

右相和。每服半合。量大小與之。無時。

鈎藤飲子 治發熱時時戴眼。口吐涎沫。欲發癇搐。

鈎藤半兩

蚱蟬七枚去翅足微炒

人參去蘆一分

黃芩一分

大黃一分

右粗末。每服一錢。水一盞。煎至六分。入竹瀝半合。再慢煎數沸。下牛黃一小豆許。細研入之。攪勻。放溫。量大小與服。得微汗為妙。乳母忌蒜麵炙煖之物。

治小兒心胸積熱。毛焦。睡中狂語。欲發驚。

硃砂半兩研飛

牛黃六分

右同研如粉。每服一錢。摩犀角水調服。量大小與之。無時。



治小兒熱盛。夜後狂語欲發驚。以竹瀝一歲兒連夜飲二合。少少頻與。兒大以意加之。無時。

參苓散 治小兒忽作驚狀。目上視。手足強。未可服驚藥。宜先與此服之。

人參去蘆 茯苓去黑皮 甘草炙一分

右爲末。每服一錢。溫湯調下。食空服。

茯神散 治小兒煩熱心悸。手足搖動。欲發驚癇。

茯神去木 龍齒研細 牛黃別研 犀角屑各半

寒水石一兩 石膏研飛 川大黃一錢

右爲粗末。每服一錢。水一盞。煎五分。去滓。入竹瀝半合。更煎一二沸。量大小與

服。無時。

又方 治如前。

茯神去木 龍齒研 升麻 甘草炙半

寒水石 石膏研飛 麥門冬去心

右爲末。每服一錢。水一盞。煎至五分。去滓。入竹瀝半合。更煎一二沸。量大小與

服。無時。

辰砂金箔散 治小兒心膈邪熱。神志不寧。悸惕煩渴。睡臥不穩。弄舌齧齒。痰實欬逆。咽嗑不利。發驚欲癇。

辰砂七錢

桔梗五錢

人參三錢

白茯苓三錢

蛤粉八錢

牙消三錢

甘草二錢

腦子半字

金箔二片

右爲細末。百日以下兒用半字至一字。薄荷水調膏塗舌上。令自嚥。百日上兒或大便澀者。蜜湯調一字與服。一歲上者半錢。咽喉腫痛。口舌生瘡者。以少許摻病處。嚥津必效。

牛黃散 清心涼膈。截驚癇欲發已發。

牛黃半兩

硃砂一分

麝香一分

蠟梢一分

天竺黃一分

鈎藤一枚

右同拌研勻。每用一字。新汲水調下。無時。雌黃圓 治眼直惡聲。嚼舌吐沫。欲發驚癇。

雌黃一兩研 黃丹一兩微炒 麝香一錢

右同研細。用牛乳半升。熬成膏和劑。圓菜豆大。每服三圓。溫水下。日三。如無牛乳。用羊乳亦得。

急風膏 利胸膈。清心神。截欲發已發驚癇。

硃砂半兩研 天漿子十四箇微炒取

青黛一分 乾全蠍十四枚為末

膩粉一錢

右拌研勻細。入龍腦細末半錢。再同研勻。用軟飯劑成膏。圓阜子大。每服一粒。煎人參荊芥湯化下。無時。

消驚膏 治小兒風熱涎盛。截除驚癇。安鎮心神。定寧搐搦。利膈腕。去壅滯。

龍腦半錢 硃砂研水 天南星 白附子生末

天麻末 蠍梢末 半夏湯洗淨生為末各二錢

水銀結砂 膩粉各一錢

右同勻細。用石腦油盞內重湯煮過。搜和藥末為劑。圓如黑豆大。每服一二圓。薄荷湯化下。更量大小加減。服無時。



神效硃砂圓 治小兒溫壯驚風積熱。一切壅滯。能化痰清神。利膈消驚截搐。

硃砂研細

膩粉各一分

連六金箔七片

乾蠍十箇全者

天麻一分

白附子炮一分

半夏湯洗七次去滑焙乾一分

白僵蠶炒去絲一分

右同為細末研勻。煮棗肉和如小豆大。每服二圓。煎荊芥薄荷湯化下。無時。

剪刀股圓 治小兒驚風欲發。未見的證。但先服一圓。無不消退。用之常驗。

五靈脂去砂石一分

乾蠍緊小者

龍腦別研

牛黃別研細一分

乾蟾淨洗去五藏四分慢火炙令黃色一分

蛇黃火煨醋淬七次別研如粉半兩

白僵蠶直者去絲嘴畢微炒用

天竺黃別研半兩

硃砂研一錢水飛

麝香別研半錢

右順手研令極細。糊圓櫻桃大。每服一圓。金銀薄荷湯。以剪刀股研化服之。三歲下者。只半圓。無時。

治風癇方

蜣蜋散 治小兒風癇發搐。

乾蛻蜋三分微炒

天麻半兩

防葵半兩

蠍梢一分

威靈仙半兩先洗焙以

川芒消

天竺黃各一分研細

右同拌勻為散。每服一字或半錢。乳香湯調下。量大小加減與服。無時。

麻黃蠍梢散 治如前。

麻黃半兩去根節

蠍梢十四箇

右將二味碎之。用薄荷葉裹徧外。更用紙裹了。於水蘸溼。慢火中煨紙及葉乾透。取出為末。每服半錢。金銀薄荷湯調下。無時。

芎犀散 治風癰多困不省。

川芎

犀角散

獨活去蘆各半兩

蠍梢

人參

天麻各半兩

右為細末。每服半錢。溫酒調下。無時。

慈湯圓 治風癰發搐。痰盛壅熱。

天南星炮裂為末

蠍梢一分微炒

半夏一分洗七次

寒水石煨熟為末

硃砂半錢飛

僵蠶炒去絲

右爲細末。麵糊圓菜豆大。燒葱白泡湯送下三五圓。量大小加減。無時。  
人參化風膏 治風癇發搐。涕欬無時。

天 麻酒浸

全 蠍微炒十四箇

僵 蠶去絲嘴微炒

人 參去蘆

川 芎

白附子各半

羌 活去蘆

獨 活去蘆

防 風去蘆並叉枝各一分

右爲細末。煉蜜圓如皂子大。每服一圓。荆芥湯化下。量大小與之。無時。

治小兒風癇

以鼈甲去裙襴。炙黃杵末。每服一錢。乳汁調服之。或以蜜和圓。如小豆大。服之亦可。無時。

雞蘇散 治小兒風癇。

雞 蘇

木 賊

荆 芥

右各等分爲細末。以茶清調下半錢或一字。無時。

阜莢煎圓 治如前。

肥嫩不蛭阜角十錢去淨盡將汁熬成膏別頓

號 丹不拘多少於



炭火煨至炭  
過吹去其灰

右研號丹為細末。量其所用。入阜莢膏和劑。圓菜豆大。每服五七圓。溫湯送下。  
乳食前。

榴梅散 治如前。

以大石榴一枚。割頂去子。剝作甕。入全蠍五個在內。卻以頂蓋之。紙筋搥黃泥封裹了。先用微火炙乾。漸加大火煨通赤。良久去火。放冷去泥。取其中焦者。細研為散。每服半錢。乳調下。搗者服之便定。不會服者灌之。兒稍大用防風湯調下。無時。

大青膏 治風癰發瘡。

青黛一分

麝香別研一字

天麻末一分

白附子生末錢半

蠍尾去毒錢一

硃砂半錢研

烏蛇肉酒浸一宿去骨焙取末一錢半

天竺黃五分

右為細末和勻。生蜜劑膏。每用月中兒。粳米大。百日兒。半阜子大。一歲兒。一阜子。同牛黃膏溫薄荷水化開。一處服之。五歲上者。同甘露散一處服之。

牛黃膏

雄

黃

小棗大一塊用獨蒜蘿蔔根同醋一大盞煮至醋盡為度

甘

草

三錢末

川甜消 三錢

硃砂末

半錢別研水飛

龍

腦

一字

寒水石

五錢末並炒

右為細末研勻。蜜和劑。溫薄荷水化。如前法服之。無時。

甘露散 一名玉露散

寒水石

半兩嫩而帶青中有細文者是

石

膏

半兩堅白有牆壁者是

生甘草 一分

右同為細末。每服一字或半錢。溫湯調下。食後。

治驚癇方

蟬殼散

治驚癇熱盛發搐。

蟬

殼 去土半兩飛炒

人

參

去蘆半兩

黃

芩

一分

茯

神

一分

升

麻 一分以細末

牛

黃

別研一分

天

竺

黃 一錢研

牡

蠣

粉研一分

右同勻細。每用半錢。煎荊芥薄荷湯調服。無時。

鎮心膏

治驚癇發搐熱盛悶亂。

遠志甘草水煮防己半兩茯苓去心人參去蘆

大黃半兩微炮辰砂研飛雄黃一分金箔三十片

銀箔三十片龍腦一錢

右拌勻。煉蜜和膏。每服一皂子。薄荷湯化下。無時。

金銀丹 治驚癇發搐。安神定志。解煩熱。化痰涎。

羌活去蘆人參去蘆茯苓 川芎

山藥 南星 蛇黃火煨醋碎七次

蜈蚣三分腦子一錢乳香一分全蠍一分

雄黃一分蟬殼去土僵蠶炒去嘴鐵粉各半

麝香一錢硃砂半兩

右為細末。麵糊和圓。作二三等圓子。隨大小量圓數服。無時。

安神湯 治驚癇搐搦。精神傷動。心意不寧。

白茯苓一兩白鮮皮一兩菖蒲一兩九人參去蘆

遠志甘草水煮石膏半兩甘草一分犀角末一分



右爲細末。每服一錢。水一盞。去心麥門冬少許。煎至五分。去滓放溫。時時與服。

鎮驚圓 治驚癇發搐。中焦壅熱痰盛。

茯神去皮及木 人參去蘆

防葵

鐵粉研

硃砂研水飛 雄黃研水

犀角屑

龍齒別研

大黃蒸一分 牛黃研

龍腦研各一分

金銀箔各三十片

右爲細末。煉蜜和圓。小雞頭大。每服半圓。或一圓。薄荷湯化服。量大小加減。無時。

治食癇方千金用紫圓方具前寒蒸門中

真硃圓 治食癇發搐。

滑石末三錢 輕粉三錢

乾蠍七箇

南星末一錢

巴豆四十箇去皮出油盡用

半夏麴末二錢 麝香少許

右爲末。蒸餅和圓。菉豆大一歲下者一圓。上者二圓。葱湯下。乳食前。

蚘蟯散 治食癇發搐。身熱眼上視。

乾蠍

白附子

硃砂各一錢

膩粉半錢

巴豆二十箇去油研出

天漿子三箇去殼

麝香一字

右同研細。每用一字。薄荷湯調下。量大小虛實加減。乳食前。

大青圓治食癰發搐。及有驚積。許宜

青黛錢炒五

蜈蚣一對全

蠍二十箇全者微炒

巴豆皮二十箇去心膜出油

用盡

右爲末。用鵝梨汁煎。萊豆粉作糊和圓。豌豆大。每服一圓。酒一匙。水一匙。薄荷汁少許。同化下。食癰或急驚發搐。服之立效。乳食前。

銀湯圓治如前

天南星醋煮透切焙乾

棘岡子十四箇去殼

蠍梢十四箇

巴豆心十四箇去皮

雄黃末錢炒一

硃砂五分

右爲細末。煎薄荷湯調麵作糊。圓如黍米大。每服五圓。煎金銀湯下。乳食前。更量大小加減。

妙聖丹治食癰發搐。利胸膈。

蠍梢四十九箇微炒

木香一分

代赭火煨醋碎

牙消一分

大黃上先為末以膩粉半分 硃砂半兩研 麝香別研

腦子半錢 巴豆七箇去皮心

右為細末。滴水。和圓。黍米大。每服三五圓。沉香湯下。乳食前。

蟾酥丹 治食癇毒盛。湯藥不下。

蟾酥一分 真珠末一分 甘草遂火一分。煨黃 牡蠣粉一分

犀角末一分 巴豆七箇去皮心。出油盡 杏仁皮尖細研

麝香一分

右拌研勻。細糯米飯和圓。黍米大。每服三圓。煎荊芥湯放溫送下。量大小加減。

乳食前。

靈硃圓 治食癇乳食不消。心腹壅滯。四支抽掣。

五靈脂石去砂 硃砂各研一分 巴豆五枚去皮心

右同研細如粉。燒粟米飯和圓。黃米大。一二歲兒。溫水下二圓。取或利或吐效。

更在量大小加減服之。乳食前。

三癇丹 治癇證發。未能分辨。皆可治之。



黑錫一兩水銀半兩二味同結砂子研極細

蠟梢半兩

木香半兩

天南星炮裂半兩

僵蠶去絲嘴半兩炒黃

參去蘆半兩

半夏洗七次

防風去蘆並叉枝半兩

右爲細末。石腦油半盞。研極細。入麝香一錢。腦子半錢。各研細。與衆藥末拌勻。棗肉和圓。黍米大。每服三五丸至十丸。煎荊芥薄荷湯下。無時。

### 治五藏五畜癰方

治肝病犬癰 伏日取犬齒。水磨汁服。

又方 取犬頷骨爲末服。

治心病羊癰 三月三日取羊齒。水磨汁服。

又云心病馬癰 取馬齒。水磨汁服。

又方 取馬毛燒灰爲末。水服。一云馬蹄。

治脾病牛癰 取牛齒。水磨服。烏牛齒最佳。

又方 取白牛屎中豆服之。

又方 燒蹄末服。

又方 取牛鼻中木燒灰服。

治肺病雞癇 取白雞腦水調服。

治腎病猪癇 五月五日取猪齒水磨汁服。

又方 取猪乳服。

五色圓 治五藏五種癇並主。

硃砂半兩研

水銀一分

雄黃二兩研

真珠末研極細

鉛三兩同銀熬

右爲末煉蜜和圓麻子大每服三四圓煎金銀薄荷湯化下無時。

露蜂房散 治五種癇搐發口吐涎沫。

露蜂房淨焙乾

石菖蒲節一兩洗

桂心半兩

遠志甘草水煎

人參半兩去蘆

牛黃一分

杏仁湯浸熟炒去

硃砂一分研

右同爲細末每用半錢麝香湯調下無時。

治偏搐方

雙劍金 治驚癇偏搐。

赤足蜈蚣一條 紫色大螳螂一箇

右晒至乾。以利刀當脊分切作兩畔。各逐左右。別研爲細末。不得交錯。各用貼于盛之。於貼子上號記左右。遇其患者。每用一字許。鼻內任搐之。左治左。右治右。俱搐者。任右則右住。任左則左住。左右任皆住。

雙金散 治前。

右以蜈蚣一條大者。去頭足尾。用真酥塗。慢火上炙黃。置枯子。面南用快竹刀子當脊縫中停利作兩半。用兩貼子號記左右字。不得交差。差則誤矣。又以麝香一錢。亦分左右兩處。先將左分一半在左字貼內。與蜈蚣同研作細末。卻入左字貼內盛訖。次將右分一半入在右邊貼內。與蜈蚣同研作細末。卻入右字貼內盛訖。不得相犯。每遇病者。眼睛弔上。止見白睛。搐搦不省。不能出聲者。用細葦筒子置藥少許在中。隨搐者左右鼻孔中吹之。用藥不可多。若眼弔全未下。卽添些小。以意度量。其眼隨手便下。搐亦便止。餘同上法。二方相犯。

保壽散 治驚癇偏搐。



雄黃研細飛

茯苓去黑皮

人參去蘆各一分

硃砂研飛

牙消一錢

右爲末細勻。每用半錢。熟水調下。一歲用一字。無時。

治陽搐急驚方

軟紅膏 治急驚潮搐涎盛。

天南星爲末一兩生

硃砂半兩研

水銀油一分用真石腦同研細

乾蠍梢爲細末四十九箇

右拌勻。入腦麝各一錢。再研棗肉和劑。入石臼中杵三五百下。圓如皂子大。每服一圓。煎薄荷湯化下。神驗。無時。

硃粉丹又名鶴頂丹 治急驚壯熱吐涎發搐。

硃砂半兩研

膩粉一分

蠍梢半兩微炒

巴豆七箇去心皮膜出油盡用

一方只用五箇

右爲細末。糊圓黍米大。每服三兩圓。煎桃仁湯下。一方無巴豆。但作散。每服半錢。湯使如前。無時。

百靈圓 治急驚。化涎定搐。

黑鉛一分 水銀同結砂子二味 天南星炮裂一分 白附子炮裂一分

乾蠍微炒一分 天麻一分 蟬殼分去土微炒一 麝香研一錢

牛黃研一分

右爲末勻細糯米飯和圓。黍米大。溫酒下三圓。量大小加減。服無時。

天漿子圓 治急驚發搐。

天漿子蟲者去殼有十四箇 黃別研一分 麝香研一錢 白附子炮裂一錢

犀角末一分 半夏洗七分湯 蟾酥一錢 猪膽一箇

右爲細末。入猪膽汁和劑。如汁少入少麵糊圓。黍米大。每服三五圓。薄荷湯下。

無時。

硃砂散 治如前。

硃砂水飛一分研 膩粉半錢 麝香研半錢 蘆會別研二錢

胡黃連一錢 蠍梢七箇 白附子二錢 金箔七片

僵蠶十箇去 赤足蜈蚣炙一條 甘草炙二錢

右爲細末。二歲上兒半錢。以下者一字。金銀薄荷湯調下。三歲上者一錢。如口噤不開。灌入鼻中。無時。

白金散 治如前。

天南星一兩四破之大者 仆

消兩半

白礬一錢

甘草半兩

右爲粗末。用水五盞。慢火一處煮水盡爲度。焙乾爲細末。入硃砂末一錢拌勻。每用半錢。煎金銀薄荷湯。放溫調下。無時。

七寶牛黃圓 治急驚目睛上視。手足發搐。

硃砂水飛

粉霜別研

輕粉

雄黃研水飛

牛黃半錢別研

腦子一字

麝香一字

右爲細末。糯米粥和圓。小豆大二歲下兒半圓。上者一圓。金銀薄荷湯磨化服之。月內兒一圓分四服。百日者分三服。看兒大小壯怯。及病勢輕重。以意加減。無時。

水銀圓 治急驚。痰壅發搐。悶亂口噤。

水銀許一分入棗肉少

膩粉一分

南星炮一分



乾 蠟一分

右爲末。再用棗肉和圓。黍米大。每服五七圓。乳香湯下。量大小加減。無時。

小硃砂圓 治急驚發搐痰壅。

硃砂一分 飛研

巴豆三十箇 去心皮

半 夏湯洗七抄 焙

錢二

杏仁五箇 熟灰內炮過

右爲細末。麵糊和圓。菉豆大二歲兒一圓。荆芥薄荷湯下。三歲加一圓。五歲者三圓。如有驚在內者。利動至病盡藥圓乃出。如無驚者。藥不下也。甚妙而穩。乳食前。

至聖膏 治急驚發搐。手拳緊。多睡啼叫。煩熱膈實。

硃砂一分 飛研

天南星臘月牛膽 鐵粉一分

蠟十四 梢十四

續隨子去皮四箇

腦麝各少

右爲細末。煉蜜和圓。菉豆大。薄荷溫湯化下一圓。如涎多加輕粉半錢。更量大

小加減。無時。

牛黃散 治急驚搐搦。壯熱膈壅痰盛。

乾全蠍七箇

巴豆二枚去皮

輕粉半錢

雄黃仁飛

川鬱金一分剉用莢阜半錢

硃砂水飛

右爲細末入腦麝各少許每用一字薄荷湯下或得吐瀉或得睡汗皆愈如牙關噤卽先用藥摻開然後服之開噤方在後

蜚蠊散 治急驚風潮搐

以全蠍中緊實者去尾尖上毒炒焦爲末每服一錢濃煎防風湯調下予相識王宣教諱循一子病驚搐得此方治安渠恐再發遂與常服之妙選同與烏蛇散服之尤佳

四聖散 治一歲至六歲兒急驚潮搐

天漿子一枚

硃砂二枚

全蠍一枚

麝香豆大小

右同研膏每服少許薄荷溫水化下無時

治小兒卒得急癇

鈎藤

甘草炙

右剉碎以水五合煮取二合分八服日五夜三

治急驚風搐痰盛。

天漿子三筒去殼生用

乾

蠟七枚生用

硃

砂一錢水飛

右同爲末。軟飯和圓。粟米大。每服二圓。荊芥湯下。不計時。更量大小加減。

又方 治如前。

以全蠍一枚。薄荷四葉裹合。火上炙令薄荷葉焦。同研細末。分作四服。溫湯調下。亦治大人風涎。只作一服。無時。

治急驚發癇。迷悶不省。嚼舌仰目。瘈瘲。

以真牛黃一大豆許。研細和蜜水服之。

以犀角末半錢。溫水二合分服。

以真熊膽二大豆許。以乳汁或竹瀝服之。能去心中涎。即愈。

以虎睛研末。以水調灌之。量大小與一方用一豆許。炙乾研末。猪乳三合和之。綿纏蘸浸。與兒吮之。頻頻以多爲佳。

治小兒卒驚。似有痛處。而不知疾狀。

以刺雄雞冠血滴少許。入兒口中。



治小兒初發驚搐。壯熱痰壅。嘔吐不止。

蠍炙一枚

麻黃去節一尺不

薄荷炙四葉

右爲細末。量大小用藥。以水六分。煎一呷。溫服。

牛黃膏 治驚風邪熱。痰盛膈壅。時發潮搐。痰嗽不時。上視咬牙。服之退驚化涎。

涼膈鎮心。祛邪止嗽。美進乳食。

牛黃別研

人參去蘆各

甘草炙二

牙消枯

硃砂研水飛

雄黃水飛錢半

蛤粉三錢

金箔一片

銀箔一片

龍腦少許

右爲細末。煉蜜和劑。每九錢重。分作一十圓。以金箔爲衣。每服一圓。溫薄荷水化下。乳後。

附天弔

治孩童天弔癇搐。

以東行桑根取汁與服。亦能傅鵝口瘡。

保生圓 治天弔搐搦。壯熱藏府壅滯。

蠍生五枚

天南星炮裂一枚

巴豆皮七枚去心

右於清明時初夜。將藥露北極下一宿。明旦杵羅為末。以豉四十九粒。口含不語。津潤至脫去皮。研爛和圓。黍米大。隨年圓數。溫水下。乳食前。

治天弔備急塗頂法

川烏末生一錢

藝薺子末生三錢

右用新汲水調塗。貼頂上立驗。一方用稀糊調塗顙上。

一字散 治天弔眼上。能退風爽神。

大天南星炮裂

蟬殼分微炒

乾蠍一分

僵蠶去絲嘴一分

右為細末。次入蕎麥麵一分。用酸石榴一個。去穰子留殼。將諸藥入在內。鹽泥封裏。於竈內慢火燒至泥乾燥為度。取出再研極細。每服一字。溫酒調下。無時。

蠶魚膏 治天弔目睛上視。手足脣口搐掣。

右以壁魚兒乾者十箇。溼者五箇。用乳汁相和研爛。再入乳汁少許灌之。

琥珀散 治天弔驚風發搐。

琥珀末一分

真珠末一分

硃砂末半

鉛霜半

赤芍藥分半

右拌勻。每服一字。煎金銀薄荷湯調下。無時。

僵蠶散 治天弔目上視發搐。

白僵蠶去絲嘴

馬牙消半兩

鬱金半兩

乾蠍半兩

右爲末。每服一字。乳汁調下。急者服半錢。無時。

治陰搐慢驚方

犀角散 治吐瀉變慢驚。發瘈瘲。

犀角屑一錢

白朮二兩

甘草炙半兩

橘皮去白半兩

右爲細末。每服半錢。水一盞。入金銀薄荷煎至七分溫服。連進三服。無時。

銀白散 治吐瀉生風。發慢驚癇。此藥滌涎醒脾去風。

右用大天南星一個。重一兩者。換酒浸七伏時取出。置新瓦上。周圍以炭火炙

令乾裂。頓於地上去火毒。用瓷器合之。候冷取出。杵羅爲末。次入硃砂細末一

分拌勻。每服半錢。荊芥湯調下。早辰午前各一。

青金膏 治因吐瀉變慢驚癇。



烏蛇肉一分宿焙乾 蠍梢一分 天麻一分 白附子一分  
大附子一分 去一分 皮膚裂 青黛一分 麝香一分 天竺黃一錢  
右為細末。入研藥拌勻。煉蜜和膏。圓阜子大。煎人參薄荷湯化下。量大小與服。  
無時。

睡驚圓 治慢驚身熱。癰瘰昏憤。

硃砂末一錢 香墨末一錢 青黛末一錢 蘆會末一錢

膩粉一錢 龍腦半錢 使君子二錢 去末

右拌勻細。寒食麵作糊和圓。桐子大。薄荷湯化下。一圓無時。

附子散 治慢驚身冷。癰瘰昏困。保生名

大附子一枚 生用九錢 上錢 天南星二錢 生用 半 夏佛湯洗七

白附子半一錢 硃砂二錢 飛錢 麝香一錢

右為末同勻。每服一字。薄荷湯調下。無時。

羌活膏 治脾胃虛而生風。或因吐利。或取轉過度。發為慢驚。

羌活去蘆 川芎 人參去蘆 白附子炮

赤茯苓去皮各半兩

天麻一兩

僵蠶去絲嘴酒浸

乾蠍去毒炒一分

附子炒去皮二錢

白花蛇酒浸肉焙一分防風去蘆並叉枝二錢

牛黃研半

麻黃去根節

肉豆蔻煨裏藿香葉去土

沉香

雞舌香母丁香也

木香各二錢真珠末研

麝香各半錢

輕粉一字

腦子半字雄黃研水

辰砂研水飛各二錢半

右爲細末同勻煉蜜和劑。旋圓如大豆許。每服一圓。薄荷湯或去心麥門冬湯

下一二圓。量大小加減。若急驚者勿服此藥。性溫故也。服之無時。

溫白圓 治脾困瘦弱。或因吐瀉。或久病成慢驚。身冷瘰癧。

天麻半兩

僵蠶去絲嘴炒一分

白附子生一分

乾蠍去毒一分

天南星湯洗七次剉碎一分

右爲細末。以湯調食麵作糊圓。菴豆大。圓了頓寒食麵中養七日畢。取而用之。若急用。未足日數亦可用。每服五七圓。至一二十圓。量大小加減。生薑米飲下。空心服。看病勢漸加圓數。多與服妙。

鈎藤飲子 治陰癇多昏睡。手足冷。時瘵癰。直視不乳。

鈎藤鈎子三分

僵

蠶去絲  
嘴炒

川芎

甘草炙

蟬

殼去土並頭  
足炙

蛇

蛻炙黃焦  
各一分

蜣

螂翅三箇去頭  
足炙黃

右爲末。每用二錢。水一盞。生薑五片。煎至七分。去滓。量大小與服。小者分三四次與服。不會服。卽灌之。若審是陰癇的。當用藥末二錢。入炮過附子碎。用指面許。依前煎之。溫服。日三夜一。急驚不用附子。服之無時。

七聖圓

治陰癇體虛。羸瘦多困。

烏

蛇酒浸軟去皮  
骨只取肉用

蠍梢

白僵蠶絲炒去  
嘴

青黛

白附子各一  
分

蜣

蜋五箇去頭翅  
足炙令焦

蟾酥二皂  
子大

右爲細末。煉蜜圓桐子大。如遇病者。先以半圓湯泡薄荷水化開。灌兒鼻中。如得嚏則可醫。以金銀湯化下一圓。日二三。若灌藥不嚏難治。服之無時。

天漿子散

治陰癇昏困多睡。時時瘵癰。

天漿子三箇去  
殼用蟲

白僵蠶三箇  
微炒

乾全蠍三箇  
微炒



右爲細末。每服一字。煎去根節麻黃湯調下。日三。得汗出爲效。服之無時。

七神丹 治陰癇面青口噤。喉內涎吼。手足癱瘓。搐搦。

硃砂飛研水

牛黃研

羌活去蘆各一分

天南星炮裂

麝香研一錢

蠍尾炒

僵蠶去絲嘴炒各七箇

右爲細末。以熟棗肉和圓。菉豆大。薄荷湯下二三圓。兒小化服亦得。無時。

天南星煎圓 治陰癇慢驚癰瘕。

天南星至一兩細剉水二盞慢火熬至半盞去滓再煎成膏

白附子炮裂

天麻一兩

乾蠍一兩

右下三味爲細末。入膏和圓。菉豆大。三歲兒二圓。五兒歲三圓。薄荷湯送下。日

二服。無時。

五靈脂圓 治如前。

五靈脂石去砂

白附子生

天南星生

乾蠍生

蟬殼去土生各一兩

右爲細末。用醋二盞。先以藥末一兩同熬成膏。入餘藥和圓。菉豆大。未滿月兒

以乳汁化下一圓。二歲下二圓。大者以意加之。金銀薄荷湯化下。服畢鼻上汗出是效。無時。

蜆殼膏 治如前。

右以螻蛄一箇。去頭翅足。入麝香、輕粉各黃米許。同研極細。以新水少許就之。用蜆殼灌之。立效。

必救丹 治如前。

赤足蜈蚣一條去頭足 蝎梢七箇 生犀尖剉末一錢 染坯半錢

硃砂半錢研 麝香一字

右為細末。煎豬脂油圓。黍米大。每服三五圓。用大金散下。無時。

大金散

辰砂五錢 真鐵粉一錢 輕粉一錢 金箔片一大

右為細末。分作九服。如遇患者。將一服分二處。每一半。用童子小便並酒共半盞。煎三四沸。放冷調藥一半。送下。必救丹。如行五里許。再一服。約半日後。便下驚痰惡積。便安。如已經取轉虛者。即用井花水調大金散下。必救丹。須認是慢

驚者。方可與服。立見其效。氣雖絕。心頭溫者。灌下藥即醒。

驚陸香圓 治虛風慢驚。發搐癰瘕。安神魂。定心氣。

血竭半兩 研乳香別一粉

右研細。於火上炙。鎔為圓。如乾即入少許水和。如酸棗核大。每服一圓。薄荷酒化下。兼治婦人產後血暈。不省人事。無時。

如神散 治如前。焦大官

蜈蚣一條全者 蠍十四箇全

辰砂一錢

右為細末。百日兒一字。荆芥湯調下。漸大以意加之。無時。

天雄膏 治如前。

赤頭蜈蚣一條日曬乾卻用好

天雄一錢慢火研 白附子一錢

硃砂半錢 研細辛去苗

輕粉半錢 雄黃半錢

白朮一錢 鬱金一錢 半夏一錢 洗淨切焙乾

右為細末。入腦麝各少許。煉蜜和圓。雞頭子大。薄荷湯化下一圓。無時。

塗顛法 治陰癇慢驚。



右以天南星洗十遍。為細末。用生薑自然汁煮糊。調塗顙頂上。

妙聖散 治慢驚久不差。兩手瘰癧。抽掣不定。

赤足蜈蚣 一條 蔥汁浸 焙乾

草烏頭尖 十四箇 薄荷生薑自然汁 浸一伏時 焙乾 同為末

麝香 一錢 研

龍腦 半錢 研

右拌勻。每用半字。以小筆筒吹入兒兩鼻孔中。候兩手定時。方可兼服別藥。

天麻鈎藤湯 治因吐利脾胃虛而生風。變慢驚。

鈎藤 三分

天麻

蟬殼 去土

防

風 去蘆並 又枝切

人參 去蘆

麻黃 去根

僵蠶 去絲嘴

蠍

尾 去毒 兩

甘草 炙

芎藭 各一

麝香 一錢 研

右同為細末。每用二錢。水一盞。煎至六分。量大小與服。如冷多面青唇白。四支

冷。入附子末半錢。無時。

喝起散 治因吐瀉生風。變慢驚。或作慢脾風。

半夏 一兩 湯洗

薑 四兩 研取汁和 半夏末 拌作餅如稀入少麵

硃砂 水飛

滑石

白礬 生各

沒石子 三箇

右爲細末。每服一字。煎冬瓜湯調下。如一服醒。便止後服。無時。

生銀散 治慢驚乍靜乍動。手足瘳瘳。時發時止。

生銀末

半錢

蛇

黃

三分

黑

鉛

水一錢

天南星

七錢

磁

石一錢

鐵

華

粉

二錢

硃

砂

水一錢

麝

香

一錢

右爲細末。每服一字。煎犀角屑湯調下。如見沉困者。用薄荷乳汁調下。汗出爲效。

治陰癇者。多用性溫熱之藥。有至癇證已退未退之間。卻生熱證。或反爲急驚者甚多。凡治病必當先問病者之家。所患幾日。因何得之。曾服何藥。如此詳審。若服熱藥太過。可用解毒藥治之。無不效者。

豆卷散 治陰癇慢驚。服溫熱藥太多。而卻生熱證。反爲急驚。

大豆卷

黃水浸黑豆生芽是也曬乾時用

貫衆

板藍根

甘草

炙各一兩

右同爲細末。每服半錢或一錢。白水煎放冷服。甚者用藥三錢。漿水入油數滴煎之。又治吐蟲。無時。

龍腦散 治如前。

大黃 蒸過

半夏 湯洗滑淨薄切用薑汁浸一日焙乾炒用

甘草 炙

金星石

銀星石

寒水石

禹餘糧石 醋火煨

不灰木 火煨

青蛤粉 即青黛也

右等分爲末。入龍腦一字再研。新水調下一字或半錢。量大小加減。此舊方也。錢乙入甘松兩枝。霍香末一錢。金牙石一分。却減大黃一半。服之無時。

附慢脾風

銀白散 治慢脾驚風危困者。

天南星末 生薑自然汁和劑

白附子末 薄荷自然汁和劑

右同爲細末。每服半錢或一錢。煎冬瓜子湯調下。

羌活膏 治慢驚及脾風。身體冷。四支硬。危急將不救者。

羌活 去蘆

獨活 去蘆

人參 去蘆

茯苓 去皮

防風 去蘆並枝

桂末 去麋皮先爲各一錢

乾蠍 一錢酒炒研

水銀 半錢

硫黃 半錢與水銀同研如泥後入

麝香 一字



右先研硫黃。次入麝香、水銀。研至無星極細。又入諸藥末拌勻。煉蜜和膏。圓阜子大。薄荷湯化下。保生治胃虛吐瀉生風。羌活、天麻、防風各半兩。人參、茯苓、蠟、桂各一分。硃砂、水銀、硫黃各一分。服之無時。

大天南星散 治吐瀉。或服轉藥過度。脾虛生風為慢驚。或作脾風。危急之候。

右以天南星一枚。重八九錢。至一兩者。先掘一地坑。深三寸許。用炭火五斤。燒通赤。去火。入好酒半盞在內。然後入天南星。却用炭火三兩條。蓋却坑子。候天南星微裂。取出剉碎。再炒令勻熟。不可稍生。放冷為細末。每服一字或半錢。濃煎生薑防風湯調下。無時。

又方 治如前。

梓州厚朴

去麁皮生薑製一兩細剉

半

夏汁一錢湯洗七次生薑汁浸半日控乾用

右用米泔三升。同浸一百刻。周一伏時。以水盡為度。如至百刻水未盡。加少火熬乾。去厚朴。只用半夏為細末。每服半字或一字。薄荷湯化下。無時。

辰砂膏

治陰癇搐掣昏困。傳為脾風。

右以大附子一枚。重六七錢上。微炮去皮臍。於頂頭剜一竅子。入粉霜、硃砂各

半錢。却用取下附子末填滿。於火上燒存性。次用天南星半兩炮裂。蠟梢一分。羌活去節一分。硃砂半兩研。同為細末。煉蜜和圓。雞頭子大。每服一丸。麝香薄荷湯入酒三兩滴化服。無時。

丙丁散 丙日製作藥

天南星

烏蛇肉酒浸去骨各三錢

天麻

麻黃 去根節各半錢

大附子 一枚重半兩上者炮裂去皮臍

全蠍 半錢

白附子 半錢

白僵蠶 去絲嘴四錢

右為末。以水一升浸三日。濾去其滓。用寒食麵一袋和勻。踏作麴。楮葉罨七日。取出。以紙袋盛。弔起。十四日可用。遇小兒吐瀉。精神昏困。多睡不乳。四支逆冷。欲發慢驚者。以麴一兩為末。入腦子末一字。每服半錢。或一錢。溫水調下。若已發慢驚者。此五藏俱虛。皆受其病。心主血。病則血亂。肺主氣。病則氣并。肝主筋。病則抽掣。脾主困。病則昏困。腎主寒。病則身冷。故病者血亂氣并。四支抽掣。吐瀉昏困。唇口色白。身體冰冷。神情忪悸。面青喉響。哭如鴉聲。將上件已成藥。更入朱砂末一錢半。當抹勻。服依上法。若慢驚吐利。傳為脾風者。用麴末一兩。硃

砂末一錢半拌勻。煉蜜和丸。雞頭大。名丙丁膏。溫水化下。又別以麴末一兩。硃砂末、雄黃末各抄一錢。琥珀末、甘草末各抄二錢。拌勻。煉蜜圓雞頭大。名太乙丹。治小兒百病。此方陳易簡家藏。服之無時。

閻孝忠云。小兒吐瀉。脾胃虛而生風。以爲慢驚。或傳成脾風。大便不聚。至虛損危。備者。當速生胃氣。宜與理中丸。並研金液丹作末。煎生薑米飲調灌之。多服乃效。服至二三兩無害。候胃氣漸生。手足漸煖。陰退四支。猶然癰癧。卽減金液丹一二分。却用青州白圓子一二分。同研如上法與服。以意詳之。漸減金液丹。加白圓子。兼用異功散。此乃溫中正氣治虛吐瀉藥方。具吐瀉門。羌活膏。溫白圓。鈎藤飲子之類。方並依此治之。仍頓與粥食。雖至危殆。往往死中得生。十有七八。予於岳太尉處得一方。稱自王運使所傳。治小兒急慢驚風。吐瀉不止。危不可治者。名爲安胃圓。與上相似。大同而小異。

好青州白圓子三十粒

好金液丹三十粒

全蠍一枚

麝香少許

右同研爲細末。以糯米飯和丸。黍米大。每服三二十丸。煎蘿蔔、糯米湯下。無時。



麝香牛黃丸 治小兒急慢驚風。慢脾風。

牛黃 一錢

麝香 一錢

蠍梢 一錢

乳香 一錢

沒藥 一錢

蜈蚣 一條

花蛇肉 去骨一錢  
天南星 二錢

草烏 二錢半

天麻 二錢半

防風 去苗二錢半  
雄黃 半錢

硃砂 八錢

右為細末。酒糊和劑。如阜子大。一歲至三歲兒每服一圓。研細煎金銀薄荷湯調下。七歲至十歲服二丸至三丸。煎人參湯調下。慢驚風細研三丸灌下。大有神效。無時。

麝香餅子 治小兒吐瀉之後。脾虛生風。目睛斜視。背脊強硬。手足癱瘓。及治心

肺中風。昏塞不省。此方與前方相犯而小異。

川烏 炮去皮一分

天南星 炮一分

白花蛇 酒浸一宿。去皮骨。取肉焙乾。用一分。

蠍梢 一分

蜈蚣 一條。去頭足。以先為細末。

硃砂 半錢

麝香 一分

乳香 半錢

鐵粉 半錢

牛黃 半錢

右為末。同勻細。酒糊圓如雞頭大。捏作餅子。每服一二餅。煎人參薄荷湯化下。

聖脾散 治慢脾風。

香附子炒去毛 一合

小黑豆炒 一合

甘草 半分

右爲細末。每服半錢。飯飲調下。無時。

急慢驚通用 治小兒急慢驚風。聲已不出。危殆命在須臾者。男左女右。屈中指在手心橫紋當中點炷。及與乳頭上同時下灸。壯如麥粒。甚者不過三壯。聲回即止。此灸法。王運使傳鈔。

天麻膏 治小兒急慢驚風。及慢脾風。搐搦癰癧。昏塞牙噤。一切惡候。及吐瀉等疾。

全蠍 一分

牛黃 一錢

白附子 四錢

天麻 二錢

雄黃四錢研

訶子去核六錢

白朮 二錢

藿香葉去土四錢

白豆蔻仁 三錢

縮砂仁 三錢

白僵蠶去絲嘴四錢炒

右爲細末。煉蜜丸如雞頭大。每服一丸。煎薄荷湯化下。甚者兩丸。泄瀉者煎冬瓜子湯下。嘔吐者煎丁香湯化下。並不拘時候。更量大小。臨時加減。亦看病之輕重用藥。則無失矣。

牛黃丸 治急慢驚。發歇不止。

牛黃研

天竺黃研

犀角屑

胡黃連各半

芎藭

人參去蘆

白茯苓

丁香

鈎藤

龍齒研各分

麝香研一錢

腦子研半錢

右爲細末。煉蜜和萊豆大。每服三丸。粥飲下。無時。

黑神圓 治急慢驚。

膩粉研一錢

香墨一錢

白麵一錢

蘆薈一錢

牛黃別研

青黛

使君子去殼麩裏煨熟用各半錢

腦子一字

麝香一字

右爲末。糊圓桐子大。每服半圓。薄荷水下。要利動服一圓。楚州小醫王鑑。因此藥致富。甚保惜之。未嘗傳人。予得之。乃睡驚丸小異耳。治驚極效。垂死一服立差。無時。

青金丹 治如前。

雄黃末一錢

硃砂末一錢

鐵粉二錢

乳香末一錢



南星末二錢

蠍微炒二錢

輕粉

青黛各三錢

麝香一字

花頭蛇一條酒浸一宿取肉焙

右爲末。以梨汁和劑。分三等圓之。黍米麻子。菴豆大。量大小與之一圓。薄荷水送下。煎金銀湯亦得。無梨汁用薄荷汁。無時。

雄硃丹 治如前。

雄黃水飛

硃砂水飛等分

右爲細末。用白項曲蟾一條。放藥中令纏溼。以竹篦子刮下。丸如芥子大。每服三丸。金銀薄荷湯下。其曲蟾却須放了。不可壞死。服之無時。

軟金丹又名聖丹

治小兒急慢驚風。三癇癰癧。頭項動搖。目睛上視。或牽斜偏搐。

背脊強直。或反折如弓。口噤牙緊。或屈指如數。或溫壯連綿。或服涼藥過多。內生虛風。或因傷寒變搐發渴。或因吐利生風爲癇。一切諸證。乳食不進。昏冒不省。凡此急候。服之皆愈。但不喘急者。此藥必效。如已喘急者。更須審詳虛實。若涎實者。同水銀圓化此藥服之。二藥引化驚涎。則潮搐立止。虛者但只服此藥。即便放下眼來。如小涎熱風熱。有諸驚證。服之便差。更無變動。又治大人卒中。

風病。涎潮不省。此藥神聖救人。不可具載。

牛黃別研

丹砂飛研水

雄黃飛研水

生犀剉末

天麻

僵蟲去絲

半夏湯洗七

蟬殼洗淨焙

南木香

使君子取肉各

肉豆蔻煨裏

香墨各半

天南星炮裂

白附子炮裂各

膩粉一錢

水銀三錢半用黑

七錢結砂

白花蛇

烏蛇二蛇取頂後粗處肉各一兩酒

螺青一兩

麝香一錢

龍腦半錢

附子一枚炮裂去

之

蜈蚣中者二條生

全蠍三十

天漿蟲二十去殼

大檳榔二枚

丁香一錢

蟾酥三阜

金箔

銀箔各十片

右爲末。逐件旋入研之細勻。用不艸阜莢一銚。刮去皮弦。以好酒半斤。浸一宿。按揉取汁。去滓。入石腦油三錢。銀器內文武火煎十數沸。放冷。別煉蜜少許。投內和諸藥得所。大者圓棗大。小者阜子大。別以金銀箔爲衣。每服一圓。金銀薄荷湯化下。涎實者用水銀圓化下。小兒量大小與。大有神驗。水銀圓具譚氏方。

也服之無時。

奪命大青金丹 治小兒諸驚。此東京西瓦內出資馬兒栗家方。

天竺黃末一斤

墨二錢下計大小麝香研一錢

硃砂水飛研

水銀半兩

錫半兩

右於鉢內先鎔錫化。入水銀結砂子。乳鉢內研開。次入諸藥末研勻細。方用濃墨水和丸。彈子大。以灰頓盆內鋪紙於紙上布藥浥乾。十歲兒一粒。分三四服。七八歲兒作四服。五六歲兒分六服。三四歲兒分十服。一二歲兒分十六服。新生百晬兒分三十服。並微利。常服者須隔旬日服一服。小兒風熱發癇。潮搐涎盛。嗽喘。並臨時加減。如吐瀉後生風。服亦不妨。此藥性溫。宜少服。並用湯化下。如煎湯不可犯鐵器。入口如聖。服之無時。

治急慢驚發搐

乳香研半兩

甘遂一錢

右同研細。每服半錢。乳香小便調下妙。

又方 治如前。



蠍 梢二十箇 硃砂許水飛 麝香豆許

右同為末。每服一字或半錢。用赤小豆拌勻。薄荷溫酒調下。無時。

定命丹 治急慢驚風。弔眼撮口。搐搦不定。壯熱困重。

蟾酥 一錢乾者 蠍 七枚 南星末 一分 白附子末 半錢

青黛 半錢 麝香 少許

右勻細末。粟米粥和丸。菴豆大。別以青黛為衣。每服一丸。荊芥薄荷湯下。服藥後困睡無疑。凡病者先化半丸點鼻中。得噴者必效。如新生兒用膩粉二捻。生油一滴。新水半茶脚。化一丸服之。取下胎中所受病。更無諸驚邪熱。服之無時。

麝香餅子 治如前。

烏頭蛇 一對酒浸 梢 半兩 白附子 炮 一兩 天南星 炮 一兩

白僵蠶 去絲嘴 乳香 半兩 硃砂 水飛 兩 天漿子 四十粒

麝香 一錢 金箔 十片

右為細末。煉蜜和丸。桐子大。捏扁作餅子。用金銀荊芥湯化服。大小加減。無時。此便是除風膏。若以麥飯和丸。便是麥飯膏。此黑孩兒柏防禦真方也。

如聖散 治如前。

白附子二錢

僵

蠶妙去絲

全

蠍二錢中者用麵炒去足留身尾甲

人參去蘆

草

烏半兩炮去皮

牙

消二錢

丁

香見火錢不

膩粉半錢

天竺黃一錢

天南星米泔浸一宿焙乾稱二錢

龍齒二錢

鬱金一錢

腦

麝各少許

右爲細末。十歲下兒半錢。上者一錢。冷薄荷湯調下。如兒驚結大小便不通。連進二三服。無時。

南星湯 治如前。

右以大天南星一枚。重四錢者。細研爲末。用漿水一碗。冬瓜子四十九粒。同煎至一盞。去滓。取清汁半盞。分三服。病愈。以四君子湯補之。一方每用南星末一錢。上下以水半盞。漿水半盞。或薑汁亦得。入生薑三片。冬瓜子數粒。煎至半盞以下。分二服。尤治慢驚。服之無時。

南硃膏 治如前。

右以大天南星二兩爲末。用臘月黃牛膽取汁和之。却入膽中。如膽汁少許。量

可用之。審乾為細末。入硃砂末一錢。麝香少許。煎甘草膏子和劑。九雞頭子大。每一歲半丸。熟水化下。量大小加減。如一膽盛南星末不盡。用二膽亦得。服之無時。

硃金湯 治如前。

右以代赭石火煨。醋淬十次。為細末。水飛過。日中曬乾。每服半錢。或一錢。煎真金湯調下。量大小與之。連進三服。兒脚脛上有赤癍點者出。不可治也。服無時。如聖青金丹 治忽發身熱。吐逆變急。慢驚潮搐。

龍腦一錢

麝香研

膩粉研各一分

白麵三錢

香墨一錢半

青黛研二錢

使君子去殼二箇。麵裹慢火煨熟為末。

金箔

銀箔各五片

右細勻末。滴水丸雞頭子大。慢驚用冷薄荷湯化下一丸。須臾便睡。睡覺立愈。更服三兩服。急驚化下半丸。下涎一合以來。神效。無時。

滾涎膏 治慢驚風。潮搐無時。

龍腦一字

硃砂半錢

鵬砂末三錢

馬牙消五錢



鉛霜二錢 水銀二錢結 牛黃一字 麝香一字

右同研。自然成膏。丸。楊梅核大。梨汁化下一丸。量大小加減。無時。

牛黃丸 治急慢驚發搐痰壅及吐瀉生風。

牛黃一錢 牛膽製天南星末一錢 滴乳香末一錢

人參一分 天麻一分 防風枝去蘆一分 白僵蠶炒去絲一分

茯神去心一分 砂水三錢研 麝香一分 全蠍一分

腦子少許

右為細末。煉蜜和。丸。雞頭實大。荊芥薄荷湯化下一丸。相宜加減。無時。

罷搐丸 治急慢驚發搐牙關噤身反強。

水銀二錢黑鉛二錢 天麻半兩 花蛇肉酒浸炙取

人參半兩 天南星炮半兩 白附子半兩 乾蠍去毒半兩

硃砂半兩 青黛一分 腦子 麝香各少

右為細末。石腦油研和。丸。小麻子大。每服一丸。薄荷湯化下。無時。

虎睛丸 治急慢驚搐涎熱多睡及諸惡證。

虎 睛一對碎刀酒浸一宿焙乾

通明天麻半兩 白茯苓去心兩

白附子一分

天漿子五十箇炒黃去殼 使君子一百箇切碎焙乾去殼

硃砂二兩飛

全蠍半兩去毒

牛黃半兩

天南星一兩二錢慢火炮裂

京墨半兩燒過

青黛半兩

麝香

輕粉各一分

右同勻細末。酒糊丸。桐子大。每服一九。薄荷湯化下。有急病加作二三丸極妙。無時。

烏蛇散 治急慢驚。搐如弓。危困難治療之者。此方主之。

烏蛇肉酒浸三錢去皮

赤足蜈蚣二條去頭足

全蠍二錢去毒

天麻半兩

白茯苓半兩

黑附子半兩炮裂去皮

白附子一分

麝香少許

右爲細末。每服半錢。用舊斷并索煎湯調下。其效如神。如急用無斷并索。煎荊芥湯代之。無時。

治胎癇發搐真假方

虎睛丸 治自生蓐內至百日以來。壯熱驚搐。凡發在百日內者。雖發搐真假相

似。然發頻者。多是外風傷之也。

虎 睛一對酒浸微炙取二箇

牛 黃別一分

硃 砂一分研

雄 黃一分研 麝 香一分

右爲細末。煉蜜和丸。菴豆大。以乳汁研化三五丸。

爲金膏 治胎癇發搐頻併。

烏 蛇一條用水浸去皮骨只取肉別用酒浸一宿焙乾

蠶 紙燒灰張

蟬 殼去土半兩

全 蠍半兩上 硃 砂半兩

麝 香半錢

腦 子半錢

金 箔三十片

右拌勻。煉蜜和膏。丸阜子大。當每服一粒。煎人參薄荷湯化下。服無時。

牛黃丸 治自生至百日以來。五藏多熱。而發驚搐。

牛 黃一分 龍 腦一分 黃芩末半兩

硃 砂半兩

乾 蠍一分 犀角末半兩

右同研如粉。粟米飯和丸。麻子大。溫水化一丸與服。無時。

羌活膏 治胎癇發搐。昏困不省。



羌活去蘆一兩 烏蛇肉一兩酒浸焙乾 獨活去蘆一兩 天麻半兩

全蠍半兩去毒 白僵蠶半兩去絲嘴 人參半兩去蘆

右為細末。煉蜜和膏。每服一皂子大。麝香荊芥湯化下。無時。

銀硃丹 治如前。

乾蠍一分微炒 天漿子一分微炒去殼 硃砂半兩研飛 牛黃一錢研

露蜂房一分微炒 水銀一分用黑錫結砂子 麝香半錢

右同拌勻。麵糊和丸。黍米大。每服三五丸。金銀薄荷湯化下。兒小乳汁化下亦

得無時。

甲灰圓 治生下便喜多驚。

右翦父母兩手爪甲燒灰研細。麵糊和丸。麻子大。井花水化下一丸。無時。

生摩膏 治新生兒肌膚幼弱。為風邪所中。身體壯熱。手足驚掣。

甘草 防風去蘆並義一兩 白朮二十銖 雷丸二錢半

桔梗去蘆二銖

右㕮咀。以豬肪脂一斤。煎油入藥。微火上煎之良久。視稠濁得所。膏成乃去滓。

丸如彈子大。每服一粒。炙手摩兒百遍。寒者更熱。熱者更寒。小兒無病。早起常以摩顙上及手足心。甚辟風寒之邪。

硃砂散 治一臘至月內兒發驚。轉為慢驚。

硃砂一分 飛牛 黃別一分 麝香一錢 乾蠍十四箇

天漿子黃十四箇水炒色

右各研細。一處再研極細。散每服半錢。乳汁調抹兒口中。以乳汁送下。無時。

保生散 治新生兒胎驚。此在母胎中時。因有所驚乃感。至生下百日之內。心神不寧。睡臥不醒。壯熱躁煩。啼哭無時。面青赤。腰直身冷。搐縮口撮。或糞青黃水。

胡黃連半兩 鵬砂研 鐵粉輕粉各一

右為末。每服一字。薄荷乳汁調下。服藥後有青赤物下是效。如無。隔日服琥珀丸。服之無時。

琥珀丸

乾全蠍二枚 琥珀令研 鐵粉炒各二錢 輕粉  
南星炮 白附子炮各一錢 龍腦半錢

右爲末。酒糊和丸。黍米大。薄荷溫湯下一二丸。如服此藥。眼反牙噤如魚口者。乃死候也。服之無時。

治嬰小初生未滿月。驚著似中風欲死者。此方主之。

以好硃砂用新汲水磨濃汁。塗五心上神驗。

治嬰小新生中風。

以麝香一分。驢前背交脊上會中毛。拔取手指大許一把。以乳汁和令得所。於銅器中慢火炒令焦燥。與麝香同研如粉。每服一字。乳汁調下。日三服。



小兒衛生總微論方 卷五 驚癇方下

# 小兒衛生總微論方

## 卷六

### 驚癇別論

#### 驚癇齧牙

小兒驚癇發搐。有齧牙不休。及未發。發過時亦常齧牙者。予在行朝。有李統制一子。病證如是。遂請衆醫詢治。有言是驚入於腎者。此乃喬岳漢東王先生歌中睡裏齧牙驚入腎之句。其意謂牙爲骨。骨入腎。故以言之。此常流無據語也。古書無有。亦無驚入腎之理。果用藥無驗。今詳校其證。特爲明之。乃足陽明之病也。足陽明爲胃之經。起鼻交額。循鼻外入齒中。還出俠口。環脣下。交承漿。過頤後。出大迎。循頰車。且發搐爲風。風屬木。胃屬土。木能刑土。是以牙齒受風則痒。頰車邪干則緊。故使齧牙不休。以緩頰車之急。以解牙齒之痒也。胎中風去。

#### 暗癇

暗癇其病似驚癇。又似中風瘖病。遇其發時。則暗地急。至令人僵仆。心神昏塞。志意迷悶。氣亂不省。手足彈撥。戰掉搐搦。喉中涎響。或吐痰沫。或作吼叫。其脈三部陰陽俱盛。每發遠則終日。或半日。近則一兩時辰。發過便起。卻如不病之人。俗呼謂之癇病。稍輕者謂之暗風。古人又云。小者發則爲驚。大者發則爲癇。小者氣血怯嫩。發即難當而傷多。大者氣血壯盛。發即易任而失少。

驚癇餘證

小兒驚癇搐搦。至發定之後。有諸餘證不退者。雖大勢已罷。而病本尙在。或服冷熱藥過多。或汗下之失宜。故癇搐難退。而有餘證也。

驚癇兼別病

小兒病久發搐。則五臟俱虛。並受其病。故發則血亂。肝氣搐搦。肝昏困脾。體冷。腎又有因虛而別病兼發。或別病而因帶驚癇。或有一方兼治之者。並採而具之。

治驚癇咬牙方

蟬花散 治驚風咬牙。并夜欬嗽。

蟬花 和土

僵

蠶 去絲嘴直者  
酒浸炒熟者

甘草 各一



玄胡索去皮半分

右爲細末。一歲上兒一字。至三四歲者半分。煎去土蟬殼湯調下。無時。

小鎮心圓 治諸驚。齧牙不寧。大便色青。

硃砂水飛

鐵粉

京墨各一兩

腦子

麝香各一字

右爲細末。陳米飯和。圓菴豆大。每服二三圓。荊芥湯化下。無時。

治暗癇方

真熊膽研半兩

生天南星末半兩

粉霜一分

硃砂研半兩

雄黃半兩

腦子半錢

麝香一錢

右勻研細。用獾豬膽汁和丸。粟米大。每服五七丸。至十五丸。金銀薄荷湯下。無

時。

神烏散 治暗風癇極妙。

〔歌曰〕 臘月烏鴉一個全。

麻纏烏嘴安瓶內。用瓶藏或

半兩硃砂口內填。鹽泥固濟火中安。火焙乾

黃昏上火天明住。用木炭一兩半取出篩羅為末研。

每服一錢麝酒下。一日三服服之十日定須痊。

又方 名同治同前。

渾黑老鴉全者一箇 胡桃七枚 蒼耳心子七箇

右用一藏瓶入逐藥味在內。鹽泥固濟。木炭火煨煙盡為度。取出研細。每服一錢。空心熱酒調下。如患疝氣腎腫。陰囊偏墜。更入新生孩兒胎衣一副同燒。亦依上法。蔥椒熱酒調下。看大小加減。

異聖散 治癇病日發數次。諸藥不能差。

豬蹄甲不拘多少淨洗去帶毛處剉碎於鍋內炒令煙盡取出於地

金星石 銀星石 青礞石各半斤三石同入一合內以馬糞和泥固濟曬乾先用熟火漸

漸燒之次添炭火煨令通赤取出仍先令擲一火毒為細末

右用豬蹄甲末二兩。石末一兩半。再研勻細。入生麻油半兩。再研極勻。每服半錢。以漿水研百遍調下。空心食前服。小者減之。

日應丹 治癇病連年不差。

黑錫

硫黃

水銀

鐵粉各一兩

金箔

銀箔各三片

右先將錫於鐵銚內鎔化。次入水銀。不住手攪令勻。次入硫黃諸藥。同炒攪勻。離火再炒良久。都傾出。用紙襯地上。頓一宿。出火毒訖。再研令勻細。以熟軟粟米飯和丸。菴豆大。每服五七粒。煎人參湯送下。無時。接生如聖丸。治癰病暗風。年深不差。

赤石脂二兩

消石半兩

白礬枯過一分

右爲細末。糯米粥和丸。菴豆大。每服十丸十五丸。溫水送下。食後。日三服。如日一次發者。服半月即愈。

啄木散 治多年癰病。

臘月啄木鳥一個。用無灰酒三升。先以瓦罐子一個。底鋪荊芥穗葉厚一寸。上頓啄木鳥。又用荊芥穗葉蓋一寸厚。傾酒在內。仍用紙封合。鹽泥固濟。炭煨之。候酒乾。青煙出爲度。去火放冷。只取啄木鳥研爲末。次入下項藥。

石膏二兩

鐵粉用漿水半升煮盡

硃砂一分



附 子炮裂一兩正生者  
裂去皮臍

麝香研一分

腦子研一錢

右同勻細末。每服一錢。先令病人呷溫水三兩口。以溫酒一盞。先少許調藥飲之。餘酒送之。服畢便就枕睡少時。臨發時一服。候一兩日更服一次。每兩日一服。不過十服即愈。予有一親姓王。患病十餘年。發即涎潮。手足僵蹇。顛仆不省。服此藥百服而愈。小兒可減服。

又方。取芭蕉自然汁。時時呷一兩口。甚者服及五升必愈。前有親姓王。同服此得效。二者恐不可並廢。此亦治驚癇搐搦。邵通直云。加麝香尤妙。

治諸癇通用方

開關散 治諸癇潮發。牙關緊急。口噤不開。不能進藥。

蟾酥片一小 鉛白霜一字

右研令極細。用烏梅肉醮藥。於兩口角揩擦良久乃開。以進別藥。

蠟梢散 治如前。

蠟梢七箇 朴消一錢

右同研細。每用一字或半錢揩牙。須臾即牙關口噤自開。然後進別藥。

定命丹 治諸癇發搐壯熱昏塞不省。

蠍七箇微炒

天南星炮裂爲末一分

白附子炮過爲末半分

青黛半錢研

蟾酥一錢乾者酒浸一宿麝香一字研

右爲細末粟米粥和丸。萊豆大。別以青黛爲衣。新生兒用細粉一捻。油兩滴。新汲水一蜺殼化藥一米粒許與服。便當小利。取下胎中舊糞。則驚熱諸疾不生。若患驚癇困重者。用荊芥薄荷湯化下一丸。得困睡無疑。至覺乃愈。但有患者。先化下一丸。滴入鼻中。得嚏者爲必差。不嚏者難治。

人參扶神湯 治諸癇發搐精神昏憤。

羚羊角屑 人參去蘆 扶神剉去心木以各一兩

天門冬去心 白鮮皮以上各半兩 天竺黃 甘草各一分

右爲末。每服一錢。水一盞。入薑二片。薄荷三葉。同煎半盞。去滓溫服。無時。

鐵粉丹 治諸癇搐搦。包絡有涎。胸膈不利。

鐵粉一兩研 硃砂半兩研飛 牛黃一分研 乾蟾一隻生薑自

炙焦爲末 蠍七箇

右爲細末。糯米飯爲丸。黍米大。每服三五丸。煎人參湯下。無時。

大驚丸 治諸癇發搐。神志昏亂。痰涎壅塞。

雄黃研飛一錢

青礞石火煨研一錢

鐵粉二錢

硃砂研飛三錢

蛇黃火煨醋淬九次研飛二錢

蝦蟆灰半一錢

右研勻。以水浸餅和丸。桐子大。每服一圓。煎薄荷水。磨剪刀股化下。日二三。

此藥治驚化涎。不用銀粉。服之則無他苦。不拘時候。

睡驚丸 治諸驚癇搐搦。痰壅昏憤。咽膈不利。

鐵粉研末重羅

茯苓

蛇黃火煨赤米醋淬七次將醋煮乾爲度

使君子肉

天南星研爲粉以薄荷汁和爲餅炙乾

右各秤八錢末。入金銀箔各一十片。麝香一錢。腦子半錢。拌研勻細。糯米稀糊丸。阜子大。硃砂爲衣。每用五歲上兒一丸。分二服。三歲下兒分三四服。並薄荷湯磨下。無時。

豬膽半夏丸 治諸般癇搐。

右以半夏一兩。湯洗七遍。用豬膽三個。取汁浸半夏於瓷器中。日曬乾。切片。



焙燥為細末。生薑自然汁煮麵和丸。桐子大。每服五七丸。至十丸。煎麥門冬熟水下。食後臨臥各一服。忌動風毒物。其效如神。

天麻防風丸 治一切諸癰。抽掣搐捻。精神昏憤。痰涎不利。及風溫邪熱等疾。

天麻

防

風去蘆井

人

參去蘆各

乾

蠍

白僵蠶

去絲嘴並 砂水飛

雄

黃各研

甘

草炙各

牛黃

麝

香各研各

右為細末。煉蜜和丸。桐子大。每服一二丸。薄荷湯化下。無時。

神聖辰砂南星丹 諸癰發搐。服之曾經大效。

右以天南星四十九個。一般大者。於五月五日。取活蠍四十九個。與南星同頓在一瓦器中盛之。用鹽泥固濟。外邊周密。弔於淨室中。至臘日取出。揀天南星曾被蠍蜇者用之。曾經蜇者有小竅子為驗。其不曾經蠍蜇者不用。將可用南星以酒浸一宿。焙乾。杵為末。次用好辰砂一分。真牛黃、麝香、龍腦各一錢。研細。一處拌勻。生薑汁和丸。桐子大。每服一二粒。煎人參薄荷湯化下。無時。

蟬螂散 治諸癰經驗。

右以蛭螂三十枚全者。用一大石榴割開頂上。取去穰子。作一甕子。入蛭螂在內。卻以割下頂子蓋之。紙筋黃泥固濟。厚半指許。初近火炙。漸至乾。入火燒令通赤。良久放冷。取其中焦黑者。細研為散。每服一字。乳汁調下。兒稍大用半錢。防風湯下。無時。

白金散 治諸癇潮發。不省困重。

白僵蠶去絲嘴直好者半兩。湯洗焙黃為末。

天竺黃細研一分。

真牛黃別研一錢。

麝香研

龍腦研各半錢。

右拌研勻細。每服半錢。生薑自然汁調灌。服無時。

神授至聖保命丹 治一切驚癇風痊中風。并胎驚內弔。腹肚堅硬。夜啼發熱。急慢驚風。惡候困重。上視搐掣。角弓反張。倒仆不省。昏憤悶亂等疾。

全蠍青十四個。

硃砂水飛二錢。好者。

麝香半錢。

防風去蘆并叉枝一錢。

金箔十片。

天麻二錢。

白僵蠶去絲嘴直者一錢。

白附子好者二錢。

天南星一錢。

蟬殼去土泥二錢。

右為細末。粳米飯和丸。櫻桃大。以硃砂為衣。初生兒半丸。周晬兒一丸。乳汁或

薄荷水化下。三五歲有急候者。用二丸。五七歲至十歲常服只一丸。此藥性平溫不冷不熱。大能鎮心神。退驚癇。安魂定魄。祛風逐邪。化涎消痰。甚有神效。世之名醫固多妙藥。如或未得此方。請試合一料。驗之方知。子細養小之家。能自合之。庶不為銀粉藥所誤。兼緩急亦可救人。服之無時。

青金定命丹 治諸驚癇抽掣瘈瘲等疾。

水 銀研膏

辰 砂水飛

全 蠍小者

天南星生

犀角屑各八分

天 麻

白附子燒存性

白僵蠶去絲嘴直者各一兩

青 黛半兩

麝 香二錢

右同為細末。先用煮熟棗肉與水銀研膏。至無星為度。然後和藥末。如硬更入棗肉。候得所即丸。如雞頭大。每服一丸。薄荷溫湯下。無時。

治驚癇後餘證方

延壽散 治癇搐止後。再被驚者。仍要發搐。

雞舌香一錢

黃 耆一分蜜炙黃

辰 砂二錢水飛

五靈脂去砂石半錢

右為細末。嬰小用一字。二三歲半錢。四五歲一錢。糯米飲調下。無時。



迴魂散 治癇搐差後。多吐逆腹脹。氣急不食。及罷驚之後。一切虛候皆主之。

人

參去蘆

茯

苓

去黑皮

甘 草

白僵蠶

去絲

硃

砂水飛各一分

白附子

半錢炮

全 蠍 一錢

蟬

殼

去土淨洗去足二十個

右爲細末。每服半錢或一錢。煎冬瓜子薄荷清米飲調下。量兒大小與之。乳食前。

仙烏豆 治因發驚癇之後。心神失守而癡。

號

丹二兩

晉

礬二兩

右同爲末。入一合子盛。先用蛤粉封口縫。後以鹽泥固濟。炭火煨通赤。放冷取出研末。以水一斗。黑豆五升。同藥末於鍋中煮至水盡爲度。曬乾任意與食。服無時。

通關散 治驚癇退後。只是聲啞不能言。

右以天南星炮裂爲細末。嬰小半字一字。二三歲至四五歲兒半錢。六七歲兒一錢。豬膽汁調服。嚥下便能言語。昔錢乙治王氏子慢驚退後不語。他醫作失音治之不差。乙曰。旣失音。何開目而能食飲。又牙不噤而口不緊也。諸醫皆

不曉。乙曰。此前患驚癇時。曾用清藥利大小便。致脾腎俱虛。今補脾實而治驚。已退。腎尚虛怯。不能上接於陽故也。遂以地黃丸補數日。能言。其方本集載之。  
天茄散 治驚癇退後。筋脈不舒。不能行步。或因汗出驚退。而汗出不通所致。  
茄 種見霜者半兩 附子半兩炮裂 羌活去蘆一分  
右爲末。二三歲兒一字。五七歲半錢。七八歲一錢。麝香酒調下。日三。疾愈止服。不拘時候。

### 治驚癇兼別病方

麝香餅子 治慢驚因虛而風邪。又從背俞襲之。入傷心肺之經。爲相合之病。成

慢驚。本證之外。更加胸滿短氣。冒悶不省。汗出無時。外但心中風者具中風門中

川烏頭半兩炮去皮臍

天南星半兩炮

白花蛇酒浸一宿去皮

乾蠍梢半兩

赤頭蜈蚣二條酒浸酥炙

麝香半兩

乳香一分

硃砂一分

鐵粉一分

牛黃一分

右同拌研勻。細酒糊丸。雞頭實大。捻扁。每服一餅。人參薄荷湯化下。

烏梢丹 治如前。

烏梢蛇水浸去皮

天漿子微炒去殼 天一個 麻一兩

防風去蘆并叉

天南星微炮

乾全蠍去毒

白附子炮

大附子去皮臍

半夏一兩湯洗七次

人參去蘆

右都一處。好酒浸三宿。取出焙乾為細末。次用水磨雄黃一兩。辰砂一兩。同研

細。水飛焙乾。麝香二錢。龍腦一錢。各研細。與上件同拌勻。糯米飯和丸。黍米大。

每服五七粒至十粒十五粒。量大小加減。金銀薄荷湯送下。神驗。不拘時候。

乾漆蕪荑散 治諸般蟲證。傳帶驚癇。齧齒直視上竄。叫呼搐搦。漸成危急。

乾漆杵碎炒令盡即止 白蕪荑去皮各等分

右為末。每小者一字。大者一錢。米飲調下。日三。量大小加減。以差為度。乳食前。

絳朱丹 治驚癇涎痰。欬嗽喘滿。

南星二兩炮

半夏三兩湯洗白

礬枯過秤

滑石二兩火

鉛霜半兩研

右為末糊丸。麻子大。硃砂為衣。每服十丸。生薑湯送下。乳食前。

緩息湯 治虛而生風。發搐喘滿。此慢驚候。



桑白皮三兩

白茯苓

去黑皮二兩

白僵蠶

去絲嘴一兩

杏

仁

去皮尖炒黃別研二兩後

入

甘草

炙半兩

人參

去蘆半兩

桔

梗去蘆半兩

白朮一兩

陳皮

去白一兩

右爲末。每服一錢。水一盞。入生薑三片。同煎至六分。去滓放溫。時時呷之。此黑

孩兒柏防禦方也。服之便定。

青金丹

治諸癰。諸疳。諸蟲。瀉利等疾。

青黛

雄黃

各二分

硃砂

二分

胡黃連

膩粉

熊膽

溫水化

蘆薈

各一分

白附子

腦子

麝香

各半

蟾酥

子一大

水

銀硃子大一塊

右爲末同勻。用豬膽汁熬過。浸少蒸餅和丸。黃米大一歲兒二丸。量大小增減。如諸癰潮搗。先以一九溫水化破。滴鼻中令嚏。弔眼者自下。搗搗亦定。更用薄荷湯化下一二服。如變蒸寒熱。亦薄荷湯化下。諸般瀉利。米飲下。諸疳粥飲下。疳蟲蚘蝨。苦楝子湯下。疳蝕口瘡鼻爛。乳汁研塗。疳眼雀目。白羊子肝一片。竹刀批開。研藥作末。摻在肝片內。麻纏米泔煮熱。空心服。乳母常忌魚大蒜雞

鴨豬肉。

如聖青金丹 治一切風癇搐搦。及寒熱腹痛。諸蟲五疳入利。肚大脚細。泄瀉無時。天弔胎驚。暗風癇病。熱疳口瘡等疾。悉能主之。

青 黛 半兩

瓜 蒂 一分

硃 砂 水 一分

輕 粉 一分

蟬 殼 三 分

雄 黃 水 一分

蘆 薈 一分

胡黃連 一分

熊 膽 化 一分

麝 香 少許

右爲末。勻細。用豬膽汁和丸。桐子大。瓷合貯之。諸般驚癇。風疾搐搦。上視。溫水化一丸。滴鼻中。嚏噴立效。更用薄荷水化下一丸。久患泄瀉。腹脹肚大。脚細諸疳。米飲化下。餘同前方。

麝香丸 治諸癇諸疳等疾。

草龍膽 去蘆

胡黃連 半兩 各

木 香

蟬 殼 去 一分

瓜 蒂

龍 腦

麝 香

牛 黃 錢 各 一

右爲末。勻細。豬膽汁和丸。作兩等丸。大者如菉豆。小者如黍米。治疳眼。用豬肝湯下五七丸。至一二十丸。量大小用藥增減。疳渴者。豬肉湯下。驚癇發搐。上視。

薄荷湯下。更研一九。滴鼻中。牙疳鼻疳口瘡。研末傅之。蟲痛煎苦楝湯或白蕪  
荑湯下。百日內兒大小便不通。水研封臍中。諸蟲證加乾漆。麝香各少許。入生  
油一兩。滴溫水化下。驚疳或秘或瀉。清米飲下。病急者研碎服之。病緩者浸化  
服之。若極虛慢驚者。不得與服。急驚痰熱。尤宜服之。

奪命丹 治一切諸般驚風天弔。暗風癇病。胎驚發搐。上視身直背強。及治五疳  
肌瘦羸瘠。肚大脚細。髮稀饒渴。又治便利膿血。水穀不化。洞泄下注。并溫壯身  
熱。口瘡煩躁。叫啼等疾。

硃砂半錢研

麝香研

麒麟竭研各半錢

牛黃研

龍腦研

沒藥研

熊膽研

粉霜一錢研

青黛三錢研

使君子十個去殼末

右相和再研勻細。取井花水滴水為丸。如豌豆大。每服一粒。以薄荷自然汁半  
蜆殼許化開。入溫湯半茶脚調勻服之。若諸疳瀉利不止。或驚熱涎盛。弔眼發  
搐者。以三丸化下。更量大小加減。

治諸驚癇客忤 以麝香當門子一粒。好硃砂一塊。如當門子大。同研極細。溫熟



水調下。未能服者灌之。

治驚癇夜啼。以仙人杖安兒身邊令睡。仙人杖乃筍欲成竹時立死者

### 中風論

小兒血氣柔弱。肌肉脆薄。若寒溫失度。則膚腠開而爲風邪所中。始著俞穴而行經脈。次隨血氣而入府藏。從其所著。卽生病焉。其入府藏者。唯心肺二藏居膈膜之上空隙之處。又俞穴亦在於上。故風乃易中。而有患者。其狀昏困不省。手足抽掣。心胸滿。氣短多汗。此尤爲急。大抵其餘府藏。皆居膈膜之下。疊實之處。又俞穴亦在於下。故風乃難中。而無患者。其入於經脈者。爲病甚多。今採其有患者具之。風瘧者。風一云瘧風邪傷中陽經也。或因解脫。或臍瘡未合。爲風所傷。皆令發瘧。其狀口噤不開。項背身體強直。耳中策策而痛。一向昏憤不省。其脈如弦。直上下也。雖與驚癇相似。然發而時醒身軟者。驚癇也。若發不時醒。身輒強直者。風瘧也。其卒然身瘧者死。風角弓反張者。亦由風傷陽經也。故令腰背反折。不能俛屈。如角弓之狀。此亦頗似瘧病。然瘧病身體強直。此病身體反折。所以異也。風口噤者。

手三陽之筋入絡頰頰。足陽明之筋上夾於口。風邪中於諸陽之筋。使機關攣急不利。故使口噤不能開也。診其脈遲者生。風拘攣及不遂者。風邪寒熱入於經絡。搏於筋脈。筋脈受邪。冷則四支拘攣。熱則緩縱不遂也。診其脈。脈急細如絃者。筋急拘攣也。若脾脈緩弱者。四支不遂也。風口眼喎斜者。由風邪入於頰頰之筋。其脈偏急。故令口眼喎斜。目不能平視。語不能正也。診其脈浮而遲者可治。又云夜臥當耳有隙。因風入耳。亦令人口喎也。風癱不省者。由風邪先中於陰。病發於五藏。其狀奄忽不知人事。喉中噫噫有聲。舌強不能言。汗出身軟。眼下鼻兩邊人中左右有色白可治。若一黑一赤吐沫者難治。汗不出體直者死。

### 治心肺中風方

半金散 治心肺中風。昏困不省。心胸滿悶。抽掣短氣。汗出不休。

烏蛇肉酒浸去皮 天麻一兩 全蠍去毒一 僵蠶去絲嘴炒

硃砂半兩 飛龍腦一錢

右為末拌勻細。每服半錢。溫湯調下。無時。

比聖丹 治如前。

乾全蠍去毒一兩微炒

羌活去蘆半兩

白附子半兩

天南星生半兩

黑附子一枚重半兩上炮裂去皮臍

右爲細末。入膩粉一錢。研勻。煉蜜和丸。菴豆大。每服五七粒。荊芥湯下。無時。

白花蛇散 治心肺中風。聲不能出。

白花蛇腰以上者酒浸去皮骨炙黃一兩

羚羊角屑一兩 桂心一兩

葛蒲者一寸九節人參一兩

川烏頭半兩炮裂去皮臍稱

右爲細末。每服一字。或半錢。麝香荊芥湯調下。併二三服。無時。

治風瘳方

通聖散 治中風瘳病。口噤體強。耳中策痛昏憤。發不時醒。

蠍尾二十個去毒

晚蠶蛾十四個

天漿子去殼十個

白附子半兩已上爲末

硃砂一分

麝香一錢

右拌研勻。每服一字。或半錢。薄荷湯入酒兩滴調下。

天南星膏 治如前。

天南星一兩爲細末酒調慢火熬成膏

赤頭蜈蚣半兩炙

全蠍半兩



烏蛇肉酒浸去皮骨半兩已上先為末

硃砂水飛兩

牛黃研一分

麝香研一分

右同勻細入南星膏和劑。石臼中杵膏。軟硬得所為度。每服一皂子大。薄荷自然汁入酒一滴同化服之。無時。

### 二證同治方

烏犀煎 治心肺中風。及風痙病。

烏犀屑一兩 天南星微炮半兩

白附子炮半兩

天麻半兩

白花蛇酒浸去皮骨炙黃半兩

蠍梢去毒半兩

右為細末。用無灰酒兩大盞。銀器中同熬成膏。每用皂子許。麝香湯化下。無時。

### 奪命散 治如前。

乾蛇頭炙黃一個酒浸赤頭蜈蚣炙黃一條酥

乾全蠍去毒一分

麻黃去根節一分

草烏頭黃一個去皮尖炒已上為末

硃砂研一分

牛黃研一分

龍腦研一錢

右拌勻細。每服一字。溫酒調下。無時。

為蛇散 治如前。及治風角弓反張。并一切諸風之病。

為蛇肉生一兩 石菖蒲節者良九 天麻半兩

僵蠶妙去絲半兩 附子一枚半兩者

人參去蘆半兩 半夏一分湯洗 白附子一分

右為麤末。每二錢。水二盞。生薑十片。薄荷五葉。同煎至一盞。濾去滓。放溫時時滴口中。

治中風角弓反張方

歸魂散 治中風腰背反折如角弓之狀。

蠍梢半錢 赤足蜈蚣半條 水銀粉一字 川烏頭尖二個炒令

白花蛇肉酒浸取炙一錢 天南星一切碎生薑自然汁浸

腦子一字 麝香一字

右勻細末。三歲下兒一字。上至四五歲兒半錢。金銀薄荷湯調下。量大小虛實加減。無時。

水銀丸 治如前。

水銀

蛇

黃

燒赤米醋  
淬七次

輕

粉三錢

雄

黃

研水飛  
各一錢

生犀末半錢

右同爲末勻。以青州棗肉和丸。大豆大。一歲兒蜜水化一丸。無時。

治中風口噤方

石膏湯 治中風口噤。領頰緊急。冥冥如醉。

石膏

獨

活

去蘆

川升麻

各一兩

麻

黃

去根  
節

桂枝

赤芍藥

防

風

去蘆  
義枝

細

辛

去苗  
半兩各

甘草一分

右爲末。每服一大錢。水一盞。入薄荷竹葉各數片。煎至五分。去滓溫服。無時。

羌活紫湯 治中風口噤。身體強直。

右以羌活一兩。去蘆頭剉碎。酒三升。浸一宿。用黑豆一升。淨淘炒煙出。乘熱就

鍋中以酒藥沃之。放溫去滓。每服一注子。瀦之日二三服。無時。

雀矢丸 治中風口噤。聲音不出。飲食不下。

右取雄雀糞研末。糊丸麻子大。飲下三二丸。薄荷湯亦得。大良。雀矢白亦佳。



又方 治口噤領急。風中陽經。

右以白棘燒灰研爲末。水調一錢匙服。

又方 治卒口噤不開。

右以附子末。蘆管吹入口中。甚良。

治牙噤不開。以天南星一枚煨熟。乘熱用紙封裹。不令透氣。仍於上尖處翦一

雞頭大竅子。透氣於鼻中立開。

治中風拘攣不隨方

獨活黃耆湯 治中風四支拘攣。

獨活

黃耆

酸棗仁湯浸一火 麻

黃去根

羚羊角屑

桑白皮剉

肉桂去粗

芎藭各半

右爲細末。每服一大錢。水一盞。入生薑、薄荷各三片。煎至五分。去滓溫服。無時。

赤箭湯 治中風半身不隨。

赤箭一兩

僵蠶去絲嘴微

白附子半兩

獨活去蘆

麻黃去根

白花蛇酒浸去皮

杏仁三十個

後入

右同爲末。每服一錢。水八分。煎入石榴皮少許。煎至五分。溫服無時。

治中風口眼喎斜方

防己湯 治中風口眼喎斜。視不能平。語不能正。

漢防己

川升麻

天麻

川芎各一

桂心

羚羊角屑

麻黃去根節各半兩

右爲細末。用杏仁一分。湯浸去皮尖。炒黃研細拌勻。每服一錢。水一盞。入生薑三片。薄荷三片。同煎至五分。去滓稍熱。時時與服。

二聖散 專治中風口眼喎斜。

蟬

殼去土一兩五月五日取東南枝上者

寒食麵一兩

右同研勻細。每用半錢。以醪醋調攤薄紙上。如膏藥花子。貼患處。左斜貼右。右斜貼左。如口正急。以水洗去之。

全蠍散 治中風口眼喎斜。語言不正。手足偏廢不舉。

全蠍去毒

僵蠶去絲嘴直者炒

川芎

黃芩

大天南星湯洗七次去皮臍切焙

甘草炙

桂火不見

赤芍藥

麻

黃去根節各三錢

天

麻六錢

右爲粗末。每服二錢。水一盞。生薑七片。煎至六分。溫服無時。

硃砂丸 治中風口眼喎斜。筋急牽引。

硃

砂半兩研飛

乾

蠍微炒

天

麻

白附子炮

牛黃

白僵蠶去絲嘴微炒

乾

薑炮剉

麝香研各一分

右爲細末拌勻。軟粳米飯和丸。黍米大。每服三錢。乳汁送下。日三服。無時。

又方 名同治同。

硃

砂飛研水

乾

蠍去毒微炒

僵

蠶去絲嘴微炒

天南星炮裂各

白附子一分

右爲細末。糊丸菉豆大。一歲兒一丸。薄荷湯下。隨數加之。無時。

治風癱不省方

槐子煎 治中風癱困不省。

槐

子微炒

白僵蠶

去絲嘴微炒

防

風去薑

白附子炮各

乾

薑炮

麻

黃去根節

半

夏

湯洗七次各半雨爲末熬膏



硃砂半兩

牛黃一分

麝香一分

金箔二十片

右用好醋兩大盞。與前藥慢火熬成膏。次後入後藥和勻成劑。圓萊豆大。每服五丸。溫酒送下。量大小加減。牙關噤者。幹灌之。

急風散 治如前。

白附子

四枚大者去尖生用全

蠍去毒五枚炙

天南星一箇剉炙

夏十箇湯洗七次去滑盡

天麻一分

膩粉半錢

右爲細末。每以一錢分四服。薄荷酒調下立效。能治一切諸風。更量大小與之。

愈風湯 治如前。

香附子炒毛

川芎

羌活去蘆各等分

右爲細末。每服一錢。水半盞。入酒兩滴。同煎至七分。溫服。急者湯酒調服。

小兒衛生總微論方 卷六 中風論

# 小兒衛生總微論方

## 卷七

### 傷寒論

經曰。傷寒有五。有中風。有熱病。有溫病。有中溼。有傷寒。其所苦各不同。此五者配入五氣。隨四時爲病。故春風。夏熱。秋溼。冬寒。中溫而傷寒則居一焉。其細論集在傷寒類證中其四時之病。皆謂之傷寒者。乃總概之名也。內熱病者。乃盛暑之時。炎熱之氣中人爲病也。又名曰中暍。溼病者。乃雨露霜霧。烟嵐水漬。溼氣中人爲病也。小兒無此二病。謂小兒不治家事。未有幹辦。早臥晚起。不致衝冒故也。外傷風傷寒溫病。小兒有此三病。謂嚴寒厲風溫氣。無所不至。小兒肌肉脆軟。氣血柔弱。易爲傷之故也。是三病者。其證其脈。不可診切。兒稍大者。可切脈而別之。傷風之脈。陽浮而陰弱也。傷寒之脈。陰陽俱盛而緊瀋也。溫病之脈。行在諸經。未知何經之動。隨其經之所在而取之也。若嬰小未能診切者。但看其形候耳。



傷風者。乃四時八方爲厲之風傷人。其候昏睡呵欠頓悶。口中氣熱。或自汗惡風發熱。鼻鳴乾嘔。熱多寒少。面光而不慘。手足皆熱煩躁。治當發散。有飲水者。有能食者。有不能食者。其飲水能食者。可微下之。餘不可下也。

傷寒者。乃冬時嚴寒之氣傷人。入於腠理。當是之時。壯者氣行而已。怯者則著而

爲病。其即發者爲傷寒。至春發者爲溫病。一云在夏至之前夏發者爲熱病。在一云

至之後非中其候面赤。渾身壯熱。頭痛體疼。鼻塞聲重。清涕欬嗽。寒毛立。氣促急。

或嘔吐白水。寒多熱少。面色慘而不舒。手足指末微冷。不煩燥而惡寒。傷風者不

也。其惡寒者不惡風而惡寒。其惡風者當風而乃憎寒。治者若脈洪盛。身體壯熱。頭

痛面赤。四支暖者爲陽證。宜汗之。若脈微細。身冷不甚。頭痛體疼。面青四支冷者

爲陰證。宜溫之。

溫病者。四時之間。非節候邪氣傷人。如春應溫而反寒。夏應熱而反冷。秋應涼而

反熱。冬應寒而反溫。言此時通行此氣爲病。無少長略同。故名天行時氣。又名時

行溫病。其候頭痛身重。壯熱體疼。與傷寒相似。但臨時看其脈與其證。屬何經受

病。隨經而分別之。以爲治也。以上三病。通以傷寒爲治。邪在外者。解之。汗之。邪在

內者。溫之下之。當隨證按法而行之。錢乙言傷寒男體重面黃。女喘急面赤。各憎寒。口中氣熱。呵欠頓悶。項急。此乃不分傷風傷寒而概言之也。況傷風傷寒。證候傳變多端。自有專經可憑。孫真人云。治小兒與大人無異。惟減用湯劑極少耳。更有傷風寒而兼食者。俗呼謂之夾食傷寒也。其候壯熱煩渴。鼻塞聲重。四支困倦。眼黃腹中脹痛。涎唾嘔逆。或呵欠頓悶。治者不先攻所傷。但先解表。候表解然後下之。則病與食自然去也。若不顧其表。便以藥攻之。多致結痞也。又有因失飢而食寒飲冷。傷於脾胃。而中風寒。其候胸膈不快。腹脹而痛。面色唇口皆青。手足逆冷。脈沉細者。此寒傷於脾。病屬太陰。庸工不識。以爲胸膈不快。妄用針灸。或便投駃藥。則胸膈愈不快而吐利。只一兩日間。便致危殆。此不明之誤。非其治也。所謂傷寒。本經藥證甚多。難以具述。今採其小兒常所患者之方。及有所兼見之證。略爲條敘。傷風寒手足冷身熱。面赤頭痛者。此脾怯也。宜先和脾。然後發散。傷風寒自利者。脾虛也。宜先補脾。然後發散。未差者先調順其中。有下證者微下之。有驚者退之。

傷風寒腹脹而喘者。脾虛也。宜先補脾。去脹定喘。候喘定。然後發散。



傷風寒得下後。大勢已退。而餘熱未解者。是下之太過。胃虛而熱乘之故也。胃中虛熱者。飲水無多。當生胃中津液。津液得生。則熱與渴皆止矣。已上錢乙論其治方本集載之傷風寒其熱在外者為表病。若未入於裏而下之太早。裏虛氣逆。熱結胸中。堅鞭而痛者。此為結胸。但若鞭滿而不痛者。此為痞氣。若因飲水得者。則為水結。若三四日外熱入於裏。則腹滿痛。內實有燥糞者。當下之。若熱入大腸。則為大便秘澀不通。若熱入小腸。則為小便難澀不通。熱入大小腸。則為大小便不通。熱入脾胃。脾胃屬土。候於肌肉。熱盛蘊蒸於外。則為發黃。熱熏於心胸。則為煩躁。津液耗減者。則為發渴。熱上衝咽喉。口舌者。則生瘡腫疼痛。有血泄者。血得熱則流溢妄行。從鼻出者。則為衄血。從口出者。則吐血。從大便出者。則便血。從小便出者。則遺血。若壯熱未汗。躁喘鼻鳴。因衄一升數合而熱得歇者。病則解矣。若出至二三升者。危矣。若熱毒積滿於內。不得時下。致毒乘瘀血。則煩盛發狂。若鬱塞昏冒。悶亂者。死。若胃有寒氣相搏。則嘔哕欬逆。若肺有寒相搏。則欬嗽氣急。若氣怯者。傳變入陰。則四支厥逆。面青體冷。下利清穀。並當隨證施治。

錢乙論傷風、傷寒、瘡疹、傷食、壯熱、昏睡一皆相似。若倉卒未能辨認之間。但與升



麻葛根湯、惺惺散、小柴胡湯。此數藥通治甚驗。

聖惠方云。嬰孩傷寒。不可用性燥藥發汗。燥加府藏。熱極傷心。則厥逆而難治。又不可用性熱藥。乃助陽。陽極則陰爭。四支汗出如油。手足或冷或熱。多致發狂。顛癇搐搦。爲難治。又不可用性寒藥。寒則陽受其冷。則寒熱相擊。一向叫啼不睡。使熱上衝於腦。則頭骨縫開。爲難治。予流落錢塘。就館於親家蘇伯正防禦家。伯正以醫治傷寒名聞。予常觀其用藥次第。若小兒傷寒壯熱。頭痛體疼。脈大鼻塞聲重。嚏欬呵欠。惡風憎寒。病在表可汗者。用銀白散。熱多者甘露散。有食飲宿滯。脾胃不和者。以安胃丸間服。胸膈不快者。以香殼散間服。煩渴飲水。或作寒熱者。苓砂散間服。有驚者。天麻防風丸。人參化風膏。涎盛欬嗽者。小珍珠丸。如此施治。隨手得愈者。十有八九。餘一二者。乃病久傳深。或已成壞證。方纔請召。亦依法調治。乃得痊可。其所用之藥。多非古方。性不燥熱。率皆溫平。是謂達南北之異地。識寒熱之所宜。深通古人治病之大體也。予盡得其方。今與諸方共敘於後。

銀白散 治傷寒壯熱。頭痛體疼。脈大。解表發汗。夾驚者皆可服。

右以煨熟寒水石半斤。研極細。入炒熟黃丹一錢半。研勻。如淡即添入些小。以

紅粉色爲度。每服一錢。生薑湯調下。未能飲者。稠調抹口中。以乳汁送下。無時。  
甘露散 治傷寒壯熱。頭疼體痛。解表發汗。及熱多者。

右以好滑石二兩研細。入甘草末半兩拌勻。每服一錢。以濃煎蘿蔔湯調下。一方更有防風半兩爲末。同研勻。滑石可用桂府白色者妙。

安胃丸 乃化滯丹  
小丸子也

香殼散 治傷寒心胸滿悶不快。

右以橘皮洗去穢。爲細末。每服一錢。生薑湯調下。乳食前。

苓砂散 治傷風寒溫熱。表裏未解。頭痛發熱。口燥咽乾。煩渴引飲。或水入即吐。  
小便不利。或作寒熱。及汗出表解。而煩燥不止。

右以五苓散半兩。入硃砂細末一錢。同研勻。每服一小錢。米飲調服。無時。

天麻防風丸 人參化風膏。二方俱具驚癇門。

小珍珠丸 治風壅痰實。利咽膈。除欬嗽。止煩熱。清頭目。

半

夏 湯洗七次焙  
乾爲末一兩

白

礬 燒汁盡研  
末一兩

寒水石

煨通赤出火  
毒研一兩

右拌勻研細。麵糊和丸。黃米。麻子。棗豆三等九子。每服五七丸至十丸。溫生薑

湯下。食後量大小加減與服。

歡喜散 治傷風寒。發熱頭痛。無汗惡風。或溫熱鼻塞清涕。淚出嚏噴。

防風去蘆井 人參去蘆 甘草炙 天麻去蘆

前胡去蘆半 細辛去苗 柴胡去蘆半 白茯苓去黑

桔梗去蘆各 枳殼去穢炒 川芎三錢

右爲細末。每三歲已上抄一錢。水六分。薄荷兩葉。同煎三兩沸。通口服無時。

紅綿散 治傷風寒。及夾驚取汗。

麻黃去根 全蠍炒 大黃紙裏煨 甘草炙

白附子 蘇木剉炒 天麻生各

右爲細末。一歲下兒服一字。已上兒半錢。四五歲一錢。水一小盞。以綿少許。裹

藥煎之。至綿紅色即去綿。溫服。

疳煎散 治傷風寒。夾驚潮發。頭痛體熱。欬嗽手足冷。

麻黃去根節 人參去蘆 茯苓 白僵蠶去絲

全蠍 天麻 白附子 甘草炙各



硃砂二錢 川烏炮去皮尖一錢半

右爲末。每服半錢至一錢。水五分入坯子胭脂一豆大。薄荷兩葉。葱白一寸。同煎至四分。放溫服。不拘時。

千金丸 治傷寒夾風夾驚夾食。取微利。

硃砂末一錢 全蠍七箇 白丁香七箇 膩粉一錢

麝香半錢

右爲末。勻白飯和丸。蘿蔔子大。薄荷湯下。一歲兒三丸。量大小加減。無時。

茯苓散 治傷寒數日。胸膈不利。調中養胃。

赤茯苓一兩 陳皮三分 桔梗去蘆一兩 甘草炙半兩

右爲末。每服一錢。水六分。入生薑二片。煎至四分。溫服。無時。

枳實散 治傷寒已汗未汗。卒胸膈痞痛。

右以枳實炙炒黃爲末。每服一錢或半錢。米飲調下。無時。

竹瀝 治傷寒數日。煩躁不解。

右以竹瀝新汲水各半。茶脚和勻。服無時。

真珠散 治傷寒口乾。心神煩躁。

真珠末研

龍腦研

牛黃研各半錢

瓜蒌根

茯神去心

硃砂研各一分

牙硝

寒水石煨半

右為末勻。每服半錢。蜜水調下。無時。

秦艽煎 治傷寒心神煩躁。口乾煩渴。

右以秦艽半兩。去蘆細剉。用牛乳半盞。煎至六分。去滓放溫。分三四服。無時。

藕汁蜜 治傷寒煩渴。

右以生藕搗取汁。半茶脚許。入蜜一錢。調勻服。無時。

葛根湯 治傷寒發熱煩渴。

葛根

人參去蘆各半兩

麥門冬去心

白茯苓

甘草炙

澤瀉各一分

右為末。每服半錢或一錢。水半盞。薄荷兩葉。煎至四分。去滓溫服。無時。

百合散 治傷寒腹中滿痛。

右以百合半兩。炒黃為末。每服半錢或一字。米飲調下。無時。

黃芩散 治傷寒五六日。大便不通。熱燥悶亂。

黃芩

枳

殼去穢炒

大黃

大腹子各半

右爲粗末。每服一錢。水半盞。煎至四分。去滓服。不拘時。

犀角散 治如前。

犀角屑

川大黃炮

柴

胡去苗各

人

參去蘆

朴硝

甘草各半

右爲末。每服半錢。水五分。入棗一箇。煎至四分。去滓溫服。量大小加減。

石燕散 治傷寒小便不通。小腹痛滿。

右以石燕火煨爲末。葱白湯調下一字。以通爲度。無時。

又方 右以萱草根煎湯。調五苓散服之。乳食前。

葛根汁 治傷寒衄血不止。

右以生葛根汁一小盞。分三四服。即止。無時。

立應散 治如前。

蒲黃

乾葛根末

石榴花焙乾分



右爲細末。每服半錢或一字。生地黄汁調下。併二三服止。無時。

又方 以黃藥爲末。每服半錢或一字。新汲水調下。無時。

金汁蜜 治傷寒衄血。數日不止。

生地黄汁剗半

白蜜剗半

蒲黃半兩

右和勻微煖過。每服半茶脚許。無時。

神白散 治傷寒吐血衄血咯血。大小便利血。

槐花一分

蛤粉半兩

右同爲細末。每服一錢或半錢。煎柳枝湯放溫調下。如脩合不及。但以柳枝爲末。新水調下亦可。

香墨圓 治傷寒衄血。兒小不能服散藥者。

右以好細墨爲末。雞子清和圓。黍米大。每五七圓。飲下或灌之。

地黄汁 治傷寒吐血。心胸不利。煩渴不已。

右以生地黄杵絞取汁。量大小與之。亦治衄血。

麥門冬湯 治傷寒欬嗽喘急。

麥門冬去心

款冬花梗去枝

人參去蘆

紫苑洗焙各一兩

桂心半兩

甘草一分

右爲末。後入杏仁二十枚。麩炒去皮尖。研細拌勻。每服一錢。水一盞。生薑二片。煎至六分。去滓溫服。無時。

一捻金散 治傷寒風熱欬嗽。

白僵蠶去絲嘴一錢

甘草炙半兩

延胡索去皮一分

右爲細末。每服一捻。蠶汁調下。無時。

潤肺散 治傷寒鼻塞。涎壅欬嗽。肺氣不利。語聲不出。

麻黃去根節

人參去蘆各一兩

杏仁麩炒去皮

貝母去心麩炒

甘草炙半兩

陳皮去白一分

桔梗去蘆一分

阿膠蛤粉炒如珠

右爲末。每服一錢。水八分。煎至六分。去滓溫服。無時。

赤芍藥散 治傷寒陽證欬逆。

右以赤芍藥沸湯浸七徧。每徧以瓦盆蓋少時。數足取出。炒燥爲末。每服一錢。豆豉三粒。生薑一片。水七分。煎至五分。放溫服。無時。

葦良湯 治傷寒寒多欬逆。

葦澄茄

良薑各等分

右爲末。每服一錢。水六分。煎數沸。入醋少許攪勻。帶熱服。

苓砂膏 治傷寒脈數。熱入胃嘔吐。

澤瀉

瀉二兩半

桂去皮一兩

猪苓

苓去皮

赤茯苓去皮

白朮

朮去蘆各一兩半

右爲末。煉蜜和膏。雞頭大。每服一丸。生薑自然汁化破與服。只末用便是五苓散。亦治發熱煩渴飲水。水入卽吐。或小便不利。痞熱在裏發黃。濃煎茵陳蒿湯調下。餘病飲調。

四味人參湯 治傷寒脈遲。胃冷嘔吐。

乾薑

薑炮

黃芩

黃連去鬚

人參

參去蘆各等分

右爲粗末。每服一錢。水六分。煎至四分。去滓溫服。無時。

附子薑朴丸 治傷寒寒多嘔吐手足厥冷。

附子

子炮去皮半兩

乾薑

薑炮一分

厚朴

朴去粗皮生薑製一分



右爲末糊丸。麻子大。每服五七丸。米飲下。無時。

半夏湯 治傷寒嘔逆不下乳食。

右以半夏半兩。湯洗七次去滑。生薑一兩。同剉碎焙乾。每服一錢。水一盞。煎至五分。去滓。時時與服。無時。

蘆根飲子 治傷寒乾嘔及反胃嘔吐。

生蘆根

切碎

青竹茹

各二合

糯米

半合

生薑

半兩

右呖咀。先以水一升。煮千里鞋底。取半升澄清。下藥再煮。取二三合。隨意服。量大小加減。

小半夏湯 治傷寒乾嘔欲死。

半夏

生薑

各一兩

右呖咀。以水一大盞。入藥煎。留半盞去滓。分數服。

三黃散 治傷寒發黃。

川大黃

半兩剉

黃芩

一分

黃連

去鬚一分

右爲末。每服半錢。水六分。煎半去滓溫服。無時。

大麥苗汁 治如前。

右取大麥苗搗爛絞汁與服。小麥苗亦得。

人參柴胡飲子 治體虛傷於寒邪。渾身壯熱。頭目昏重。項背拘急。支體疼痛。乾噦嘔逆。或作寒熱。發歇無時。煩渴不食。

人參 去蘆

柴胡 去苗

白朮

白茯苓

青皮 去穰

桔梗 去蘆

麥門冬 去心

川芎

白芍藥

甘草 炙

桑白皮

升麻 各等分

右爲末。每服一錢或二錢。水一盞。烏梅一箇。煎至六分。量大小分服。無時。

治傷寒時氣。頭痛不可忍。

右以朴消研細末。生油調塗頂上。

治傷寒毒攻手足痛者。

右以羊桃汁。雜鹽豉汁漬之。

黑龍散 治小兒傷寒在表。服冷藥寒伏於中。危困不得汗。

麻黃 三分 去根節

竹茹 一分

蘇木 一分

蠅梢 二箇

烏龍土一分乃火團也

右爲末。每服半錢。水五分。煎至三分。溫服無時。

雞白調散 治傷寒傷風。發寒熱似瘧。久不差。漸變骨間蒸熱。

硃砂水飛

白礬枯

鐵華粉

粉霜

鉛白霜錢各一

輕粉

白附子錢各二

蠟梢六箇

龍腦

麝香各少許

右爲末。每服半錢。入雞子白。并花水共約一茶脚。調勻服。無時。

茵陳散 治傷寒發黃不可下。

茵陳一兩

白朮半兩

甘草半兩

右爲散。每服半錢。沸湯調下。小便不利者。加茯苓一兩。

絳雪丹 治傷寒五六日。發黃小便不利。煩躁熱悶。飲水煩躁不解。

硃砂半兩

硝石二兩

龍腦少許

右同研勻細。白米飯和丸。雞頭子大。沙糖水化下。量大小服。

商陸散 治傷寒咽喉腫痛。



右以商陸根切碎。杵爛炒熟。用手帕子裹之。熨腫處。冷即易之。

甘桔湯 治傷寒咽喉妨腫。

桔

梗去蘆一宿焙乾用

甘草二兩

右爲末。每二錢。水一盞。煎六分。放溫冷。細細呷服。

黃檗蜜 治傷寒熱毒。口舌生瘡赤爛。

右以黃檗去粗皮。用蜜漬一宿。微煎過。含之。嚥汁勿絕。或以黃檗爲末。同煎膏含之。量多少。

黃芩湯 治傷寒口舌諸病。舌黃舌黑。舌腫舌裂。舌上生芒刺。舌上出血皆治。

黃芩三錢

赤芍藥二錢

甘草二錢

右咬咀。每二錢。水一盞。煎至六分。去滓溫服。亦主鼻衄。

勝金餅子 治傷寒結胸氣痞。並主之。

大黃半兩

枳

殼去穢一兩

右爲細末。煉蜜和劑。捏作餅子。如小錢大。結胸者用芒硝半錢。同生薑水化半餅。或一餅服之。痞氣者煎陳皮湯化下。無時。

生熟散 治傷寒結胸硬痛。

右以草烏頭二箇。一生一炮。同爲末。生薑自然汁和勻爲丸。如雞頭子大。每一丸用蜜湯化下。

芫花熨法 治傷寒因飲水心下結痞硬痛。名水結。

右以芫花醋拌勻。慢火炒熟。用綿裹熨之。冷卽易。再炒用。以效爲度。

藍靛 治傷寒熱毒乘心。神志冒悶。煩躁昏亂。

右以藍靛一字或半錢。新水調下。

苦參酒 治傷寒熱毒結在胸膈。六七日望死。

右以苦參半兩剉碎。用酒一盞。煎至半盞。去滓放溫。分三四服。連併服之。須臾吐出苦膽汁立愈。

黃連湯 治傷寒熱入腸胃。下痢膿血。

黃連去鬚微炒二兩

黃檗微炒一兩剉

阿膠粉炒一兩蛤

梔子仁半兩

右爲粗末。每服一二錢。水六分。煎至四分。去滓溫服。無時。

梔子仁湯 治傷寒熱毒攻於腸胃。下赤汁。或如爛肉鴨肝。壯熱腹痛。

梔子仁二十箇

豉二合

薤白一握切

右以水二大盞同煎至一盞去滓量大小分作數服無時。

烏仙散 治陰證傷寒四肢厥逆。

右以川烏不拘多少童子小便浸不計日數直至浸脫皮時用水淨洗切碎曬至八分乾便以紙袋盛弔於當風處用時旋取爲末臘茶調下半錢量大小及病勢與之。

燒附散 治傷寒陰盛隔陽身冷厥逆脈沉細而煩躁體冷。

右以大附子一枚半兩者入急火燒微存中心二三分取出用瓷器合蓋放冷爲末更入臘茶末一大錢同研勻細每服半錢水一小盞蜜少許同煎半盞去滓溫服服訖須臾躁止得睡汗出而解。又一方燒附末每一字或半錢酒調下頻服取汗出差小兒本怯者最宜服。

茱萸熨法 治傷寒陰證厥逆。

右以茱萸半升酒和勻溼用絹袋二枚盛蒸令熱甚以熨脚心冷即易之候氣通暢勻暖即止。



牛蒡根汁 治傷寒汗後。餘熱不退。煩躁發渴。四支無力。不能食。

右以牛蒡根杵爛。絞取汁服。看大小多少與之。

玉女散 治傷寒汗後。潮熱日發。諸藥不效。

右以川烏一兩。火炮去皮臍。爲細末。每服一錢。或半錢。水一盞半。入生薑七片。棗一枚。煎至四分。溫服無時。

傷寒之病。傳變證候甚多。予嘗編傷寒類證論方。亦頗詳備。今集小兒傷寒截方。如或有證候未盡者。請照類證。依法爲治耳。

# 小兒衛生總微論方

## 卷八

### 瘡疹論

瘡疹之候。古今皆云大率與傷寒相似。然亦有小異也。其初覺之時。頭痛體重。面赤氣粗。壯熱多睡。驚悸呵欠。頓悶欬嗽。嘔逆噎噴。此皆同也。其瘡疹者。不惡寒而惡熱。面色與四支俱赤。眼睛黃。手足厥。脣紅。耳尖冷。尻骨冷。小便赤。大便秘。其脈三部皆洪數絕大不定。是其候也。此小異耳。傷寒者宜發散解之。瘡疹者宜溫平處方。惟不可妄發妄下。又不可令受風冷。其瘡疹乃兒在母胎中之時。食母血穢。滋養兒五藏之氣。至生下已後。其毒不拘何時。須當出矣。惟年小者。皮膚嫩軟。瘡出駛易。謂數歲已下者若長大者。皮膚厚韌。瘡出艱難。謂數歲已上者然小兒所蓄胎中穢毒。因中寒溫蘊發生熱。三日已上。熱運入皮膚。始如蚊蚤咬成赤點。或如沙粟癰疹風痂之類。漸漸出而作瘡也。前人言瘡疹有表裏證。其瘡皮厚如赤根白頭。漸加赤

腫有膿。差遲者謂之大痘。此謂裏證。發於藏也。其瘡皮薄如水泡。破即易乾者。謂之水痘。此爲表證。發於府也。此言雖簡。然未盡善。此但言膿疱、水泡二種。外斑疹。又不知屬何所主也。不若錢乙所論。其瘡出有五名。以屬五藏之液。其狀有五象。以屬五藏之色。肝爲水泡主。淚以淚出清如水。其色青而大。肺爲膿疱主。涕以涕出濁如膿。其色白而大。心爲斑主。血其色赤而稍大。脾爲疹主。裏血其色黃赤而小。腎爲倒靨主。其色黑。細說諸藏內惟涕淚出多。故水泡、膿疱皆大。血營於內。所出不多。故斑疹、疹子皆小也。又病水泡、膿疱者。涕淚俱少。以液從瘡出故也。譬如泡中容水。水去則泡瘦矣。凡瘡疹初欲出之時。則五藏證皆見。以熱併動於五藏也。及至已出時。乃得歸一藏者。以一藏受穢多而毒氣盛也。亦有兩證三證同出者。所受同而併發也。細說昔錢乙治睦親宅十太尉疹子。與衆醫坐上問曰。疹未出何屬。一曰胃熱。一曰傷寒不退。一曰在母腹中時有毒。乙曰。若言胃熱。何乍涼乍熱。若言傷寒不退。七日之外。則爲再經。何證不相應。若言母腹中之毒。今發屬何藏。皆無以對。乙復曰。兒在母胎中。至六七月已成形。食母腹中穢液。入兒五藏。至十月即穢液滿胃。至生時兒口中猶有不潔。產母以物拭清。又以黃連、汞粉下其



臍糞之穢。此母穢液不潔餘氣。在兒藏中。因遇寒溫邪氣相搏。而發熱出成瘡疹也。未出欲作之時。熱動五藏。則五藏之證皆見。呵欠頓悶肝也。時發驚悸者心也。乍涼乍熱。手足冷者脾也。面頰赤。欬嗽嚏噴者肺也。惟腎無證。以其腎在府下。不能食其胃液。其候平者。但鼈冷耳冷者是也。鼈耳俱屬於腎。居北方。主冷故也。瘡既出則歸一藏。肝爲水泡。肺爲膿疱。心爲斑。脾爲疹。腎雖無證。其候惡者。瘡變倒靨而黑陷。則歸腎也。此由不慎風冷內虛所致。瘡黑陷鼈耳反熱者逆也。今十太尉疹子無他證。當用平和藥爲治。用抱龍圓數服而愈。其方在本集載之。凡瘡疹欲出者。身必發熱。其發亦自有時。隨藏所主。如早晨發熱不已爲水泡。日午發熱不已爲斑。晡時發熱不已爲疹。日晚發熱不已爲膿疱。發熱三日已上。熱運入皮膚卽出也。其熱重者瘡亦重。其熱輕者瘡亦輕。方其身熱瘡未出之時。須審認證候子細。不可有誤。誤則爲害大矣。且瘡疹欲作之時。皆身熱。熱則瘡亦未出。熱至三四日乃歇。瘡方出也。若腹痛者是腹中先出。眼澁者是眼中先出。咽喉口舌痛者。嘴先出也。若三日已後不出。或出不快。熱留膚腠之間故也。當以藥微發之。止可服升麻葛根湯。抱龍圓之類。平平者藥。或兒身不甚熱者。與少胡荽酒。

飲之。此微發不出。即加藥發之。既發之後。出不多。脈平無他證者。即是瘡本稀也。不可更發。若不能審察病勢輕重。但務多以熱藥發之。則熱藥熏蒸。瘡出轉難。別生熱證。大小便不通。更以駛藥下之。便致危殆。此誤之甚矣。若瘡欲發之時。有大熱甚者。只可與利小便。如覺熱極毒盛。服常藥不可及者。宜微與利之。以減其毒。不可大利。須是子細。常與看覷。雖夜間亦不住用燈觀照。若未有赤紅點子出時。乃可與微利。若已有出者。則不可利也。錢乙有曰。身熱煩渴。腹滿而喘。大小便秘澁。面赤悶亂。大吐者。當利小便。不差者。微導利之。此亦瘡疹未出之前。有此熱壓之證。解而不減。乃可與微利之。張渙亦曰。瘡疹未出。脈洪數甚大不定。而小便赤大便秘者。此證正宜疏利。渙頻年在禁中。及在外治此證甚多。皆獲安愈。亦與上證並同者也。若紅點未出之前。無此熱實之證者。亦不可利。朱肱曰。傷寒身熱在表。固不可下。瘡疹身熱在表。亦不可下。蓋傷寒與瘡疹一體之病。是以傷寒證中有出瘡疹之候也。世人不學。妄云瘡疹初覺未出時。宜先利。其毒已出者。不可利。若出已定。膿血太盛者。亦可與利。此皆非也。大抵瘡疹首尾皆不可下。此言甚善。醫者當務從之。若能審察瘡疹於未出之前。別無熱毒之證者。不可與下。有熱毒



之證。輕者與利小便。重者利小便不減。方可與微下。若已出者。慎不可下。至出足已定。亦未可與下。須直候瘡痂焦落。美飲食。能舉動之後。方可與解餘毒藥下之。亦不可用駛藥過多。如此則無誤矣。是以瘡疹變黑陷者。多因誤投冷藥。妄亂下之。及不慎風冷。乳食不飽。內虛脾弱所致也。故兒病瘡疹。不得令受風冷。冬月必在暖處。夏月雖不可壅遏。亦須避其風涼。在涼蔭處則可。又當頻頻喂飼乳食。常令飽足。無令飢餒。今俗輩多禁食餌。殊不知飢則內虛。脾胃氣弱。別生他證也。且瘡疹欲發之時。身必壯熱。二三日漸涼。瘡方始出。其出快瘡紅肥脈浮大而數者。毒氣出也。若瘡出多。卻身熱疼痛者。是內熱外瘡。熅之所作。至出盡則涼也。庸工不明。見身熱疼痛。以爲熱盛。便投涼藥。致身反涼而瘡出不快。變黑靨倒陷。脈沉細壞亂。到此病家方覺。醫者拱手。如是天傷。誠可哀惜。昔倉公扁鵲論小兒疾證。湯藥有可服不可服之別。宜先順陰陽。次調榮衛。然後方利藏府。古聖立言垂法。爲後世逆治之戒。豈可忽諸。故衆病之中。惟瘡疹切忌妄下爲最。昔錢乙治睦親宅一大王兒疹子。始用一李醫以藥妄下之。其疹稠密。乃召乙。乙見大驚曰。若非轉下。則爲逆病也。王曰。已下之。乙曰。疹始出。未有他證。不可下。但用平和之藥。頻



與乳食。不受風冷可也。如三日外。出不快者。當依次發之。有大熱者。當利小便。如瘡痂起能食者。微利一兩行即止。今先下早。瘡未盡出而稠密已盛。爲難治。此誤也。縱雖得安。其病有三。一者疥。二者癰。三者赤目。李不能治。經三日黑陷。復召乙。乙曰。幸不發寒。未致困也。蓋瘡黑者歸腎。腎旺勝脾。土不能制水。脾虛寒戰。則難治也。今未發寒。乃用藥瀉膀胱之府。府若不實。則腎之藏自不盛也。乃得安愈。或曰。何不瀉腎。以腎主虛。而不受瀉。若二服不效。加寒則死矣。乙之治方。本集載之。凡瘡疹欲作。有發驚搐搦者。以疹瘡由熱所生。心主熱而爲驚。又熱則生風。風屬肝。心肝二藏風火相搏。故發驚搐也。輕者瘡出熱去則自愈。重者亦當瀉其心肝之盛也。又有因驚而發瘡疹者。驚本亦由熱作。治當退熱定驚。庸工不明。更以熱藥發之。致發熱入表。表熱而斑出也。昔錢乙治四王宮五大尉。因墜秋千發驚搐搦。前醫以熱藥發散不愈。召乙。乙曰。本乃急驚。後生大熱。初當合用利驚藥治之。今發散乃逆也。乙用藥退解之。至三日肌膚尙熱。乙曰。更二日不愈。必發瘡疹。蓋熱不能出也。後二日果瘡疹出。以藥治之。七日愈。其錢乙治方。本集載之。凡瘡疹出有輕重逆順。輕重者若只出一般。或出作數次者輕。若三兩般同出。或

一次便出盡者重。出稀者輕。出密者重。裏紅外肥者輕。外黑裏赤者重。裏外俱黑者大重。瘡端裏有黑點如針孔者。勢劇也。青乾紫陷。昏睡汗出不止。煩躁熱渴。腹滿而喘。大小便不通者。困也。逆順者。先發膿疱。後發疹子者順。先發水疱。後發疹子者逆。先發膿疱。後發水疱多者順。少者逆。先發水疱。後發疹子多者逆。少者順。先發疹子。後發斑子順。先出疹子。斑子者。後必更出水疱。膿疱。先出水疱。膿疱者。後必不出疹子。斑子。蓋以水疱。膿疱重而毒氣出甚。斑子。疹子輕而毒氣出微。甚者必帶了微者也。微者不帶甚者故也。予家有數小兒。皆先出疹子。次出水疱。次出膿疱。共三次而已。其先出疹子者。或恐有斑子兼出。以斑疹相似。此兩般乃子母之藏。故又輕重順逆更看時月。大抵瘡疹之病。在表屬陽。出則爲順。不出則爲逆。春夏病之則順。秋冬病之則逆。又冬月腎旺寒冷之時。病者多歸腎而變黑也。又當辨春膿疱。夏黑靨。秋斑子。冬疹子者。亦不順也。病雖重。瘡紅肥猶當十活四五。若黑陷者。無問何時。十難救一。其候寒戰牙噤。或身腫瘡黑紫者。急以藥瀉膀胱之府。以減腎氣而救之。若服藥後身熱氣溫欲飲水者可治。以脾氣生而勝腎。寒冷去而溫熱生也。若服藥之後。惡寒不已。身冷汗出。耳聾反熱者。死候也。以腎



大旺。脾虛不能制也。

凡瘡疹出多稠密偏身。其勢太甚。兒甚苦之。及變黑倒靨不出者。急以豬血腦子救之。沈存中侍郎有方。治瘡疹欲發。及伏陷危困者。取臘月豬血瓶盛掛風中令乾。每用半棗大。加生龍腦豆許。溫酒下甚效。予家有小女病傷寒。但腰痛晝夜號哭。手足厥冷。日加昏困。形證極惡。予疑是倒發瘡子。先不畜此藥。急令就屠家處買少生豬血。時盛暑。投之血已敗惡。無可奈何。遂多以龍腦和而灌之。一服遂得少睡。須臾一身瘡點出。獲安。不爾幾死。

凡瘡疹若黑陷而忽瀉。便膿血并痂皮者。此卻爲順也。如水穀乳食不化者逆也。何以然。且瘡黑屬腎。今脾氣本壯。或舊服補脾藥。脾氣得實。腎雖用事。脾能制之。今雖入腹。爲膿血及痂皮得出。是脾強腎退。即出而安也。若瀉米穀。乳食不化者。是脾虛不能制腎。則自洩也。此必難治。

凡瘡疹若嬰小及乳下兒病者。不可與稚一等爲治。妄施湯藥。小者宜少少服藥。惟忌多服。服則反爲累也。又令母慎口。又不可令兒失飢。避其風冷。及用藥調理乳母爲佳。若斷乳兒患者。亦當審其輕重大小用藥。如至八九歲以上。至十歲外



者。方可施藥也。

凡瘡疹兒病大盛。徧身潰爛。膿血沾黏衣衾。睡臥不得。及有瘡成片段無皮。或作竇穴。痘癰膿血多。盛者用臘月黃牛糞日乾。燒灰鋪一寸許厚。令在上臥之。及摻其瘡潰無皮之處即愈。一方用黑牛糞燒灰傅亦得。

凡瘡疹兒病面上有者。纔膿出急以真酥潤之。頻潤爲佳。纔有痂。便揭去更潤之。縱雖揭損有少血。亦不妨。但以酥或麵油塗潤之。若不潤及揭遲。則瘡痂乾硬不落。有礙肉生。即隱成癍子也。此理昭然。人多不曉。反謂揭早成癍。甚誤也。

凡瘡疹切忌雜人。恐有汗氣狐臭觸之。又不可令兒聞穢惡臭物也。故左右不可闕於胡荽。以胡荽能禦汗氣。及辟諸惡氣故也。家有數兒。一兒既患。餘兒次皆及之。便當爲備以防之。以穢氣轉相傳染也。兒能食者。可時與少葡萄食之。蓋能利小便。及取惡穢出快之義也。

凡瘡疹兒患者。切不可洗面。恐生水入眼。即損眼也。若初欲發時。驗得的當。急以胭脂或藥塗兒面目周圍。令瘡不上面入眼也。若瘡入眼者。是毒氣入於肝經。上衝於目。若瘡初出時。覺眼腫痛。便與時時開眼看之。睛上無瘡。即不妨矣。若有瘡。

須服藥治之。睛破者無奈也。若瘡乾以後。無故眼腫痛者。是餘毒不盡所攻也。又瘡疹已發。及或入眼。切要慎口。止可食粥及鯽魚、青魚、鰻子、餘魚及豬羊等物。皆不可食。最忌者雞卵鴨子。食之即目盲。漫若卵白之狀。其應如神。

凡瘡疹兒病出盡。至痂焦落。身已涼。喜飲食。能起動者。以清涼飲子濃煎。量大小與服。微利一兩行。去其餘毒。即安。無後病也。若不下。則後恐發熱爲腫腮、鼻衄、下利。世人不用此法者。於此數證。或不能免也。

凡瘡疹治療之法。初覺之時。身熱未出。證候未明。未能辨認者。與升麻葛根湯、消毒散服。若熱二三日。證候已明者。則塗面目。辟穢氣。若出快。別無他證者。平和藥調之。出不快者。發之。出太盛者。散之。變黑靨者。救之。又毒攻咽喉口舌。則腫痛生瘡。毒衝心胸者。則煩渴躁悶。毒入大小腸。則大小便不通。或遺瀉下血。毒攻肝經。則目生障翳。瘡生於睛。則損瞳人。以至滅瘡癍。退餘熱。一切諸候。皆隨證用藥。其乳下兒患者。可令乳母同服其藥。則病得易愈。

升麻葛根湯 治瘡疹初覺未出。身熱不能辨認。恐是傷寒驚風。變蒸溫壯。疑惑之間。皆可與服。



升麻

葛根

芍藥

甘草炙各等分

右爲粗末。每二歲上兒用二錢。水一盞。煎至六分。去渣溫服。無時。

消毒散 治瘡疹已未出皆可服。未出卽消毒。已出卽減。

牛蒡子

紙襯炒

甘

草半兩

荆芥穗一分

右爲粗末。每服一大錢。水一盞。煎至五分。去滓溫服。下利者不可與服。若咽喉腫痛者尤宜服之。一方更有防風一兩。荆芥穗亦一兩。此千金方中。

紫草飲子 治如前。

右以紫草二兩細剉。用百沸湯一大盞沃之。

化毒湯

治如前。

本方治瘡疹欲出。身壯熱。情意不佳。不思飲食。服之卽內消。已出十解。六七全出者。當日須三服。立效。

嫩紫草

去粗梗

升麻

甘草炙各半兩

右剉如麻豆。以水二盞。糯米五十粒。同煎至一大盞。去滓放溫。量大小三四次與服。一方瘡疹未出。服之內消。已出減輕。全出卽當日焦痂。三服立效。

人參散 治瘡疹纔覺出。便服。令稀少輕可。

人參

白朮

貫衆

甘草炙



羌

活

去蘆各等分

右爲細末。每服一錢。水一盞。煎至六分。去渣溫服。無時。

紫草如聖湯。治瘡疹纔初出。便急與服之。令減毒輕可。乳下兒與乳母兼服之。

斷乳令自服。

紫

草

去粗梗二兩

陳橘皮

去白焙乾一兩

右爲末。每服一大錢。水一盞。入葱白二寸。煎至六分。去渣溫服。無時。

臘胭脂。瘡疹纔初出。使用塗眼周圍。以防瘡子入眼也。左右悉塗之。

黃礬膏

又名護目膏

瘡疹纔出。急用以塗面。從耳前眼眶邊厚塗之。以防瘡子入眼。

及面作癍痕。能早用卽能護目。及面上不生。若用遲。縱出亦少。塗畢後可用胡

荑酒噴髮。

黃

礬

一兩去粗皮一方只剉碎用

新萊豆

方一兩揀淨一兩半

甘

草

半兩生一方用四兩分兩少者出錢氏只三味薑級方同

右爲細末。用好生芝麻油調爲膏。從耳前眼眥外及腮面塗之。日三五次。

胡荑酒

右以胡荽四兩細切。用酒三盞煎沸。沃胡荽。便以物合之。勿令透氣。候冷濾取胡荽焙乾。以紅絹袋子盛之。縫合。令乳母并兒帶之。其酒吸一兩口。從兒項下噴及肩背胸腹四支令徧。不得噴頭面。餘酒與乳母飲之。為佳。能令瘡出快速。妙選不論及噴。餘皆並同。又於兒左右常令多多頻帶胡荽。能辟汗穢之氣故也。

鼠粘子湯 治瘡初生。纔作赤點。毒氣未得透皮膚。出作瘡。恐出不快。而微發之。

鼠粘子二兩

荊芥穗一兩

甘草半兩

防風去蘆并枝

右為末。每服二錢。沸湯調服。及利喉膈。化涎止嗽。一方只鼠粘子一兩。甘草半兩為末。每服二錢。水一盞。煎至八分。去渣溫服。無時。

紫草散 治如前。

鈎藤鈎子

紫草茸等分

右為細末。每服一字。或半錢。溫酒調下。無時。此先微用藥發之。經夕未出。加藥發之。

必勝散 治瘡疹出。未能徧勻。服之能透肌解毒。

右以牛蒡子不限多少炒令香熟爲細末。每服一錢。入荊芥二穗。水一盞。煎至七分。放溫服。無時。

龍腦膏子 治瘡疹未透。心煩狂躁。氣喘妄語。或如見鬼。

右以生龍腦半錢研細。旋滴豬心血和丸雞頭肉大。每服一圓。煎紫草湯化下。少時心神煩躁便定得睡。瘡子已發得透了。自然依常法取安。此方亦治黑陷倒靨者。如用以溫酒化下。

又方 只用豬血一椀斗許。腦子一小塊。研細。酒少許和服之。極有神效之驗。此沈存中所用之方也。

安斑散 治瘡疹出快肥紅。平調之。

川升麻

赤茯苓

綿黃耆

羌

活去蘆各一兩

人參去蘆

枳殼去穢炒

桔梗去蘆

甘草各半兩

右爲細末。每服一大錢。水一小盞。入紫草薄荷各少許。煎至五分。去滓溫服。無時。

快斑散 此方治病如前。



貫

衆淨一兩煉洗

赤芍藥一兩

甘草半兩

川升麻半兩

枳

殼麩半兩去

右爲末。每服一錢。水一小盞。入竹葉七片。煎至五分。去滓溫服。無時。其效如神。

抱龍圓

治如前。

天南星爲末。用臘月牛膽汁和成劑。再釀蔭百日而乾。四兩。如無。只以漿水或新水浸天南星三日。候透軟。煮三五沸。取出。乘軟去皮臍。只取白軟者。薄切焙乾。炒黃色爲末。用八兩。以甘草二兩半擘破。水二碗浸一宿。慢火煮至半碗。去渣。旋旋灑入天南星末內。慢慢研之。令甘草水盡。次入於餘藥。

天竺黃一兩

雄

黃研飛

辰

砂研飛

麝

香研半兩

右同勻末。煮甘草膏子和圓。阜子大。溫水化服。百日兒一圓。分三四服。五歲兒一圓。若用臘月中雪水煮甘草和藥尤佳。此藥治傷風傷寒。溫疫風熱。痰實欬嗽。驚風潮搐。蠱毒中毒溫壯。及室女白帶。錢乙治瘡疹出快紅肥。只以此藥平調最好。

小品犀角地黃湯 治瘡疹太甚。解散之。

赤芍藥一分

生地黃四兩

牡丹皮去心

犀角屑半兩無卽以升麻代

右爲粗末。每服二錢。水一小盞。煎至六分。去渣溫服。有大熱如狂者。加黃芩半兩。更量大小與服。

木香湯 治瘡疹太盛煩痛。

青木香一兩

丁香

薰陸香

白礬各半

麝香二錢

右爲粗末。每服二錢。水一小盞。煎至六分。去渣溫服。熱盛者。加犀角屑半兩。輕者去白礬。大效。

豬膽醋 治瘡疹內發盛者。

醋四兩

大豬膽一個取汁用

右合煎三四沸。每半合上下。量大小與之。日四五服。無時。

萊菔汁 治瘡疹出不快。

右以開花蘿蔔煎汁。時時與飲。

紫草茸汁 治如前。

右以紫草茸水煎汁服。

活血散 治如前。

時。右以白芍藥爲末。每服半錢。或一字。溫酒調下。如只欲止痛者。溫熱水調下。無

蟬蛻飲子 治如前。

右以蟬蛻十枚。去泥土。洗淨碎之。用水三大盞。煎至八分。去渣分二服。出不快者。帶熱服之。若出多要消退者。放冷服之。神效。

四聖散 治瘡疹出不快。小便赤澀。心腹脹滿。一切惡疾。亦治倒靨。

紫草茸一兩

木通細剉四兩

枳殼麩炒去

黃耆炙剉半兩

甘草半兩

右爲末。每服二錢。水一盞。煎至六分。去滓放溫。時時呷之。

川芎升麻湯 治瘡疹已出。未能勻徧。或毒氣壅遏。雖出不快。此藥禦風透肌。發瘡甚效。

川芎

川升麻

當歸洗淨

白芍藥各半兩



右爲粗末。每服一錢。水七分盞。煎至五分。去渣溫服。不拘時候。

解毒湯 治藏府蘊熱。積毒發泄。斑瘡稠密。膿血大盛。狂躁發渴。咽啞不利。偏身潰爛。苦無全膚。不能轉側。疼痛不任。

生地黃 四兩

犀角屑

白芍藥

牡丹皮 半兩去心各

右爲粗末。每服一錢。水七分盞。煎至五分。去渣放溫服之。

黑龍散 治小兒瘡疹纔發。服冷藥。伏壓三日。間危篤。急進此藥。

麻黃 三分去根節

竹茹 一分

蠍梢 二個

蘇木 一分

烏龍土 一分火團也

右爲細末。每服半錢。水五分。煎至三分。溫服。

白虎化斑湯 治瘡疹赤黑。出不快。毒盛煩躁。或云白虎湯。有爲大人藥者。殊不

知。孫真人言。大人小兒。爲治不別。但用藥多少耳。

石膏 四兩碎

知母 半兩

甘草 炙三分

人參 半兩去蘆

右爲末。每服二錢。水一盞。入粳米二十粒。同煎至半盞。去渣溫服。小兒量大小分減。初春深秋。冬月寒時。加棗煎服。并乳母兼服。大妙。斷乳兒。只自服。

神通散 治瘡疹倒靨。伏陷不出。毒氣稍輕。大小便通利者。

地

龍緊者去土。微炒一兩。砂別研。

生乾地黃一兩。已上。

右同拌勻。每服一字。煎胡荽酒少許。同溫湯調下。無時。

如聖散 治瘡疹已生。反倒靨內陷。舌縮。啼聲不出。腹脹肚急。一切惡證。

右用蛇蛻皮。於燈焰燒。先用碗一隻在下。纔燒焰絕。放在碗內。急用碗一隻覆之。不令透氣。良久揭開。細研為末。每服一字。或半錢。用薑香湯調下。若變紅活時。則用牛蒡子炒熟為細末。每服二錢。水一盞。煎至六分。放冷澄清。以匙抄清汁。頻頻與服。能滋潤咽喉肺經。大解瘡毒。

七神散 治瘡疹毒氣內攻。黑紫倒陷。伏靨。危惡之候。

臘月積豬血

新瓦罐盛。密封至。參泣乾。秤一兩。

牙硝一兩

硼砂

牛黃

麝香

龍

腦各一錢。細研。別入。

餘血依舊封收之。以備再合要用。

右拌勻。研細。以瓷盒貯之。每二歲兒用一錢。新水調服。利下惡物。瘡子紅活為度。又一方。更有硃砂細末一錢。餘並同。名救生散。治如上。甚者不過再服。神

驗無比。又一方。無礬砂。卻有膩粉。硃砂各一錢。同研勻。名無比散。小兒瘡尾上血三五滴相拌。小者一字。乳汁調抹口中。大者半錢。新水調下。餘並同。

宣毒膏 治如前。曾經大效神妙。

硃砂 一兩 研

乳香 一兩 研

甘草 半兩 末

牙硝 半兩 研

麝香 一分 研

生龍腦 一分 研

右於臘月八日。取豬尾後刺血一升。用新瓦盆盛入諸藥。同拌攪勻。以一寬大舊竹筒底留一節。都入在內。用紙數重密蓋緊繫封合。卻於筒口邊通一竅。予以麻索繫垂在大糞坑屋梁上。至清明日取出曝乾。更入龍麝各一錢。研細勻。滴水和圓。阜子大。每服一圓。煎人參湯化下。若毒盛瘡子倒靨變黑。服之則紅活而長。

猪血腦子 治瘡疹黑紫。倒靨不出。

生龍腦 一字 細研

猪尾上取血 半盞 始

右二味相和。以帛子裹薄荷揉汁半合。調上件藥勻於湯中盪溫。作一服飲之。神驗。一方。取小豬兒尾尖血三五滴。研生龍腦末少許。新水調下。治如前。



又一方。治瘡疹黑靨惡候。醫所不治者。用豬猪第二番血清半合。酒半合。研龍腦細末少許。和攪令勻服之。利一兩行。十救十人。大驗。小者量與。又一方。治瘡疹發。心間有熱。或誤服熱藥。致畜熱在心。昏冒不省人事。瘡子黑靨。用新殺猪心一個。取心中血。以生龍腦一字。同研合作一圓。新汲水化下。未省者再服。又一方。治瘡疹黑靨倒陷。於臘日收生猪血。新瓦瓶中密封。候自然滲泣至乾。每用半錢許。研散入麝香少許。同勻細。新水調下。其瘡變紅便出。已上數方。皆與沈存中龍腦膏相似。少有異爾。並經大驗。今俱錄之。

人齒散 治瘡疹黑靨發搐危困。

右以人牙齒三五枚。炙令黃。一方存性研爲末。入麝香少許。每半錢。溫酒少許調下。一方用乳香湯調下。沈存中言。屢見人用之效。

白母丁散 治如前。

右以白丁香爲末。入麝少許。研勻。每服一字。米飲調下。無時。

桃膠湯 治如前。

右以桃膠煎湯。飲之大效。一方以水熬成膏。溫酒調下。無時。

又方 治如前。

右以黑狗一隻。牢繫住。不與物喫。一兩日。候腸中舊糞盡。與生粟米喫。候粟米糞下。於活水中淨淘。只留化不盡米。曝乾收之。每用二錢。再淘淨。研爲細末。入麝香少許。新水調下。頃刻間瘡變紅活。

百祥圓。牛李膏。錢乙用此二藥。治瘡疹惡候。見於皮膚之下。不出。或出而不長。反變黑紫。倒靨內陷。一切危急。用百祥圓以瀉膀胱之府。減腎氣不旺。用牛李膏爲治。則病得從順也。董汲云。汲小年自病此幾殆。父母已不忍睨。服此牛李膏得安然。此方得於世甚久。惟收得不知早晚。故無效。今以收得併敘載之。

百祥圓一名南陽圓

右以紅牙大戟。不拘多少。陰乾。漿煮軟。去骨。日中曝乾。復納汁中。煮汁盡。焙乾爲末。水和圓。粟米大。每服一二十圓。研赤脂麻湯送下。無時。吐利是效。

牛李膏又名必勝膏

右以牛李子不拘多少。須於九月後取之。乃野生道邊。至秋結實。黑子成穗。九月後乃得成熟者。氣全故也。爛研絹濾取汁。於石銀器中熬成膏。可圓時。每

膏二兩。入研細麝香末半錢和勻。圓桐子大。每二歲兒一圓。或圓作阜子大。量大小分減用。以漿水煎杏膠湯化下。凡瘡疹黑紫倒靨者。不過再服。當取下惡血。或如魚子惡物。其瘡黑陷於皮下者。即紅大而出。

保生方。論小兒瘡疹。誤服涼藥太過。身冷瘡陷。不紅活。脈沉細者。急投金液丹麻子大一二百粒。或有可生之意。至兒困極。則無及矣。方在和劑集中。

調肝散 治瘡疹平調肝經。使毒氣通流。瘡不入眼。

生犀角一錯屑一分

草龍膽去蘆半分

黃耆炙半兩

甘草一分

大黃炒過一分

桑白皮炙一分

鈎藤鈎子一分

麻黃根節一分去

石膏研半兩

栝樓實去皮半兩

右爲散。每服二錢。水一盞。煎至五分。去滓溫服。無時。

兔肝圓 治瘡疹入眼。初覺眼腫痛。便時時看之。若睛上無瘡。即無害。若有時。須先服清涼飲子。每日食後一服。取微利。以去其毒。然後服此二藥。雖有赤白障膜遮交其睛。但瞳子不破陷者。皆可治。

黃柏去皮一兩

蒼朮半兩 石決明生一兩



右爲細末。煮兔肝爛。搗和圓。菉豆大。每服三十圓。米泔水送下。食後、臨臥時服。  
龍蛤散 與前藥服。

龍膽草去蘆 蛤粉等分

右爲細末。每服二錢。積猪肝半兩。薄批。摻藥在中。以線纏定。用米泔於銀石沙銚內。炭火慢慢煮至肝熟爲度。食後少頃食之。以汁送下。日三。須先以清涼飲子利動。方服此二藥必效。

煎柿散又名通聖散 治瘡疹入眼。

穀精草去根 白菊花無卽用 菉豆皮各一分

右爲細末。每服一錢。用柿子一個。粟米泔一盞。同煎至水盡。取柿子喫之。日三。一月驗。一云淺者五七日效。重者半月日效。

仙靈脾散 治瘡疹入眼。

仙靈脾 威靈仙去蘆等分

右爲細末。每服半錢。米湯調下。食後。  
珍珠散 治瘡疹入眼。瞖膜赤痛羞明。

栝樓根一兩

蛇蛻皮全者炙一錢

右爲末。用羊子肝一葉。批開去筋膜。摻藥末二錢。麻縷纏定。米泔煮熟。任意食之。乳下兒未能食者。以肝研爛和圓。黃米大。生米泔下十圓。乳頭餵亦可。日三。令乳母兼食之佳。

浮萍散 治瘡疹入眼。痛楚不忍。恐傷其目。

右以浮萍草陰乾爲末。每服一二錢。用羊子肝半片。入盆子內。以竹杖子刺碎爛。投水半合。絞取肝汁。調藥服之。食後不甚者一服便差。若目已傷者十服差。

蛇蛻散 治瘡疹入眼。瞖膜侵睛成珠子。

馬勃一兩

阜莢子十四箇

蛇蛻皮全者一條

右入一小罐子內。泥封燒。不得出煙。燒存性。研爲末。溫水調下。食後。

仙朮散 治瘡疹入眼。生障膜丁子。先用硃砂水銀粉各一錢。粉霜三錢。一處拌勻。入一小砂鍋子內。盛訖。新盞一隻蓋口。黃土泥縫。炭火燒赤。少時取出。放冷收之。如左眼有病。即取藥一豆大。綿裹塞左耳中。右眼有病。塞右耳中。然後服此仙朮散。

紫蘇一兩

蒼

朮

米泔浸二兩一穀精草去根

青蛤粉一兩

右爲末。每用豬肝一片。批開摻藥三錢在內。麻縷纏定。米泔熟煮。先於氣上熏眼。然後食之。

養肝散 治瘡疹入眼。諸藥不效。

青葙子

草決明

車前子

蜜蒙花各等分

右爲細末。用羊子肝竹刀薄批開。摻藥二錢在內。荷葉裏。麻縷縛定。石器內煮熟。任意喫。

如聖湯 治瘡疹毒攻咽喉腫痛。

桔

梗去蘆一兩

甘

草一兩

牛蒡子炒一兩

麥門冬去心

右爲末。每服二錢。沸湯點。細細呷。入竹葉煎之更妙。食後。治斑瘡入眼。

夜明砂半兩

木

香半兩

淡竹葉半兩

右爲細末。每服半錢或一錢。井水調下。食後。

紫雪 治瘡疹毒攻咽喉腫痛。水漿難下。方載於和劑集中。



通關散 治瘡疹心經有熱。煩躁發渴。口舌生瘡。及大小便不通。

大黃

瞿麥

木通

山梔子仁

滑石

甘草各半兩

地扁竹一兩

車前子半兩

右爲細末。每服一錢。水半盞。入紫草少許。同煎三兩沸。放冷溫服。乳食前。甘露飲 治瘡疹已發。熱毒上衝。牙斷宣腫。不能嚼物。并乳母可俱服之。

生乾地黃切焙

熟乾地黃切

天門冬去心

麥門冬去心

枇杷葉去毛

黃芩去心

石斛去根

甘草炙

枳實去穢炒

山茵陳葉去土各一兩

右爲末。每服二錢。水一盞。煎至七分。去滓溫服。無時。

青黛 治瘡疹熱盛。心神煩躁。

右以青黛細研。每半錢。溫磨刀水調下。日三。

敗毒散 治如前

白芍藥

甘草炙

雄

黃醋煮水飛各一分

右爲末。每服一字或半錢。蜜水調下。無時。

牛黃散 治瘡疹毒氣入胃。便血日夜無度。腹痛啼哭。

鬱金一兩 牛黃一錢

右研勻細。每二歲兒半錢。漿水半盞。煎至三分。和滓溫服。日二。

升麻湯 治瘡疹已愈。餘毒未解。瘡痂雖落。癍色黯慘。或凹凸肉起。宜用此滅癍消毒。

右以川升麻不限多少細剉。水一大盞。煎至七分。取汁以綿蘸洗拭瘡癍。

青金散 治瘡疹愈而癍不消。

白蒺藜半兩

山梔子半兩

青黛半兩

膩粉錢

右拌勻。每用少許。生麻油調塗癍上。

又方 治瘡疹癍子。

右以蜜陀僧細研爲末。水調夜塗。明旦洗之。

又方 右以真玉時時磨瘡疹癍子。久則平滑。

清涼飲子 治瘡疹後解去餘毒。

大黃溼紙裏煨

當歸

赤芍藥

甘草炙各等分

右咬咀。每服一錢。水一大盞。入薄荷兩葉。同煎至半盞。去滓溫服。食後更看虛實。以意分減。

神朱散 治瘡疹後解去餘毒。

赤小豆炒二錢

槐花炒二錢

麝少許

右爲細末。每服半錢或一字。溫酒調下。臨臥只一服。微利之。



小兒衛生總微論方 卷八 瘡疹論

# 小兒衛生總微論方

## 卷九

### 吐瀉論上

小兒吐瀉者。皆由脾胃虛弱。乳哺不調。風寒暑溼。邪干於正之所致也。其證不一。今條敘之。附曉

吐逆自生下便吐者。此是兒初生之時。拭掠口中穢血不盡。因咽入喉故也。

吐逆胸膈滿悶。氣急者。此因兒啼哭未定。氣息未勻。乳母忽遽以乳飼之。兒氣尙逆。乳不得下。停滯於胸膈之間。因更飲乳。前後相沓。氣不宣通。故氣逆而乳隨出之爲吐也。宜調其氣而止吐。古書亦曰。大哭之後食乳者。多成吐瀉也。

吐逆腹脹喘息。乳不化。夾青水面青脣白者。此因乳母冒寒取涼。食冷飲寒。致冷氣入乳。變壞其汁。而不捻去。仍以飼兒。或能食者。因以冷物飼之。其冷乳冷食入腹。與氣相搏。傷於脾胃。則氣逆而吐也。其證若此。宜溫胃止吐調氣。若傷重

有停滯者。以穩藥磨化。不可駛下。恐脾胃愈虛而生風也。凡風冷變壞之乳。當捻去之。暫斷乳兒。令乳母服藥溫腹。然後飼兒。若不捻去。非只令兒吐逆。腸胃虛者。冷因得入。亦下利也。

吐逆身熱。吐瀾成片子者。胃有熱也。此因乳母冒熱。或因飲酒。熱入其乳。變壞其汁。而不捻出。仍以飼兒。或兒乘熱哺啜。致熱氣入胃。與氣相搏。致氣逆而吐也。其證若此。如久有積熱者。必四肢生瘡。多渴而面黃。宜微下之。虛者以穩藥磨化。後調其氣。

吐逆身熱。鼻青呵欠頓悶。口中氣熱。夜間發躁者。此傷風吐也。因解脫失宜。風冷襲之。搏於血氣。故身熱呵欠頓悶。口中氣熱也。氣不得順。故逆而作吐也。宜調氣止吐。發散風冷。

吐逆脣黑。面黃多啼。有痰吐氣臭者。此脾胃有傷也。宜先下之。後調其氣。

吐逆早晚發熱。睡臥不安者。此驚吐也。心熱則生驚。故睡臥不安。而神不寧也。心神不寧。則氣血逆亂而吐也。宜與鎮驚去熱止吐。

吐逆面眇。白無精光。口中氣冷。口頻撮。不思乳食。吐水者。胃氣不和也。宜補脾胃。



吐逆痰涎色黃稠黏上壅者。胃熱也。若吐痰涎白沫。或吐沫者。胃虛冷也。熱者宜微利之。冷者宜溫補之。

吐逆痰涎及有血者。此肺熱也。久則肺虛成痿。昔錢乙治段齋郎子四歲。身熱吐痰。嗽數日而咯血。他醫以桔梗湯。防己圓治之不愈。涎上攻。吐喘不止。遂請乙治。乙下褊銀圓一大服。復以補肺湯補脾散爲治。乙曰。此子咯血。肺虛也。肺雖咯血。有熱故也。久則虛痿。今涎上潮而吐。當下其涎。若不吐涎。則爲甚便。蓋吐涎能虛。又生驚也。痰實上攻。亦能發搐。依法只宜先下痰。而後補脾肺。必涎止而吐愈。爲順治也。若先補肺爲逆耳。乙所用藥方。本集載之。此所謂識病之輕重先後爲治也。

哕者。比吐逆異也。吐者乃邪搏胃氣。逆而上行。穀不能傳化。隨氣出也。哕者但氣逆而欲吐。吐則穀無所出。故俗謂乾嘔也。哕者乃兒因吮乳汁過多。胃滿而上溢出也。故俗呼謂之噫嘔。當便與空乳令吮即定。若頻久吮之。亦能爲病。

### 瀉論

瀉色白者。冷瀉也。此由小兒腸胃虛弱。因解脫風冷干之。或因食寒飲冷。入於腸

胃。冷氣相搏。爲下利也。其色白面白。或腹痛者。並宜調中。若又傷風冷。前後重沓。冷甚則瀉不止。而爲泄注也。

瀉色赤者。熱瀉也。此由小兒腸胃本挾虛熱。而風冷乘之。入於腸胃之間。熱氣相搏。而爲利下。故其色赤也。宜微下之。以導其熱。後調其氣。

瀉色乍赤乍白。或水或穀者。此冷熱瀉也。由小兒腸胃先因有冷。而復傷熱。或先有其熱。而復傷冷。腸胃宿虛。冷熱交攻。而爲利下。宜調其冷熱。和養其氣。

瀉色黃赤紅黑者。皆熱也。赤黑者有毒。並微下之。然後調氣。

瀉色青發熱。有時睡臥不安者。此驚瀉也。小兒糞黃。脾胃土之本色也。色青者。肝木爲風。肝木來刑脾土。宜早治之。不爾。則變脾風。而發癰癥。則難治也。所謂糞青者。須纔便下。便色青是也。若初下時黃。良久乃青者。非也。小兒安者。皆然。不可認爲青糞也。若瀉青色白。穀不化者。此謂冷也。宜溫補脾胃。發散風冷。

瀉膿下色赤白。腹大上青筋見。髮稀饒啼。或喫泥土。時有虵蟲。此疳瀉也。宜止瀉

退疳。治方具於疳門之下

瀉多日。唇口及糞色皆白。糞頗多者。久因成冷。脾胃衰困。恐變脾風發癰。宜以藥

防備而溫養。補助脾胃。

瀉於暑熱時多患者。謂時熱及飲食皆冷故也。不傷於熱。必傷於冷。若傷熱伏暑而瀉者。則心藏煩熱。必小便不利。清濁不分。瀉色赤黃。宜利小便。解暑熱。若小便快而瀉者。冷瀉也。色必青白。穀不化。宜溫脾胃止瀉。瀉者不可急以熱藥止之。多變為痢而下膿血也。當審察冷熱證候。詳度緩急施治也。

### 吐瀉

吐瀉多病於春夏秋三時。惟冬時絕少者。蓋吐瀉皆因脾胃虛冷熱所致。以冬時陽氣在內。多食溫暖。少飲水漿故也。設有患者。必因傷於乳食也。若春時病吐瀉者。多因於風。夏時病者多因於熱。秋時病者多因於冷。凡治吐瀉者。必當參其時候。觀其形證。察其溫涼寒熱。如此則無誤矣。

### 傷風吐瀉

傷風吐瀉。身溫。乍涼乍熱。呵欠頓悶多睡。口中氣粗而熱。大便黃白色。嘔吐乳食不消。時欬嗽。宜散風補肺。如先已曾經下。或無下證。慎不可下也。此由脾肺受



寒。不能入脾也。更有五藏兼見之證。發散者化大青膏服之。補脾者後服益黃散。此錢乙所用藥也。方在本集。

傷風吐瀉。身熱多睡。能乳呵欠頓悶。口中氣熱。飲水不止。吐痰大便黃水。此爲胃虛。熱渴吐瀉也。當生胃中津液。以止其渴。錢乙用白朮煎湯服之。然後發散風冷。亦用大青膏。又云吐瀉昏睡露睛者。胃虛熱也。吐瀉昏睡不露睛者。胃實熱也。

傷風吐瀉。身涼吐沫。瀉青白色。呵欠悶亂。不渴。哽氣長出。昏睡露睛。此傷風荏苒輕怯。因成吐瀉。當先補脾。錢乙先用益黃散。後發散其風。用大青膏。此二病於春冬多也。

傷食吐瀉

吐瀉乳食不化。其吐及糞。皆有酸臭氣者。此傷食吐瀉也。凡吐乳瀉黃赤者。傷熱乳食也。若吐乳瀉青白者。傷冷乳食也。並宜微下之。後和胃氣。虛者以緩化滯藥漸磨化之。

吐瀉在初生三日內。壯熱不乳。大便乳不消化。或白色者。是傷乳。當微與下。後和

胃氣虛者以緩化滯藥漸磨化之。吐瀉在初生三日已上至十日。身溫涼。不思乳。大便青白。乳不消化。此上實下虛也。更有五藏兼見證。瀉其所實者而補其脾胃虛者也。

吐瀉有兼藏證者。兼肺則睡露睛喘氣。兼心則驚悸飲水。兼脾則困倦饒睡。乃脾胃之病。兼肝則呵欠頓悶。兼腎則不語畏明。

昔錢乙治馮承務子五歲。吐瀉壯熱。不思食。乙見兒目中黑睛少。白睛多。面色眊白。乙曰。此子必多病。面色眊白者。神怯也。黑睛少者。腎虛也。本怯而虛。故多病也。縱長成。必肌膚不壯。不耐寒暑。易虛易實。脾胃亦怯。更不可縱於酒欲。若不保養。不過壯年也。面上常無精神光澤。如婦人之失血也。今吐瀉不食壯熱者。微有傷食也。又虛怯則不可下。下之虛入肺則嗽。入心則驚。入脾則困倦。入腎則加虛。但當以藥磨化之。為微有食傷也。若重傷則須下之。不下則成癖也。若實食在內。乃可下也。下畢補脾必愈。隨其虛實。無不效者。乙所用藥。其方在本集載之。

### 冷熱吐瀉

吐瀉在五月中已後。身壯熱者。此熱也。小兒藏府中十分中九分熱。此因傷熱乳。或胃熱入內。吐乳不消。瀉深赤色。宜與解熱。錢乙用玉露散。

吐瀉在六月中已後。身大溫而似熱。藏府中六分熱。四分冷也。嘔吐乳食不消。瀉色黃多白少似褐。或食乳或不食乳。宜少補脾。而大解熱。錢乙少用益黃散。多用玉露散。更宜審察冷熱。如兒大熱。瀉色赤黃者。此熱多。依五月中後治之。昔錢乙治廣親北宅四大王宮五太尉。六月中吐瀉。米穀不化。衆醫用溫藥。一日而加喘吐不定。乙曰。當用涼藥治之。謂傷熱在內也。衆醫皆言吐瀉多而米穀不化。當補脾胃。何得用涼藥。王信衆醫。又用補脾溫藥。乙曰。不可服。此三日外必腹滿身熱。飲水吐逆。三日外一如所言。謂六月熱甚。伏入腹中。而令引飲。熱傷脾胃。即大吐瀉。他醫又行溫藥。即上焦亦熱。故喘而引飲。三日當死。衆醫不能治。復召乙。乙見有熱證。以白虎湯三服。更以白餅子下之。一日減藥二分。二三日又與白虎湯二服。四日用石膏湯。及旋覆、麥門冬、黃芩、腦子、牛黃、天竺黃、茯苓。以硃砂爲衣。竹葉湯下五圓。熱退而愈。乙所用方。本集載之。

吐瀉在七月中已後。身溫藏府中三分熱。七分冷也。不能食乳。多似睡。悶亂哽氣。



長出。昏睡露睛。脣白多吮而不渴。錢乙於食前令多服補脾益黃散。於食後少服解熱玉露散。更宜相度冷熱。若身大溫。瀉後黃者。依六月中已後爲治也。昔錢乙治廣親七大尉七歲吐瀉。是時七月。其證全不食而昏睡。睡覺而悶亂。噤氣乾嘔。大便或有或無不渴。衆醫疑睡作驚治之不愈。乙曰。當先補脾而後退熱。與使君子圓補脾。石膏湯退熱。次日以水銀硫黃二物末之。生薑水調下一字。乙曰。凡吐瀉五月內。九分下而一分補。八月內十分補而無一分下。此皆是脾虛瀉。醫妄治之。至於虛損下之。卽死。故只當補脾。若以使君子圓恐緩。已又留溫胃益脾藥止之。有一李醫問曰。何食而噤。乙曰。脾虛不能食。津液少卽噤。逆。又曰。何瀉青褐水。乙曰。腸胃至虛。冷極故也。乙治而愈。其方本集載之。

吐瀉在八月中已後。身冷無陽也。不能食乳。乾嘔瀉青褐水。錢乙只用益黃散補脾。不可下。

吐瀉所論冷熱時月。此錢乙以中原之地言也。今較之江浙。則氣候不同。今江浙之地。二三月尙寒。四五月溫暖。六月入伏之後。纔熱。七月熱盛。八月熱尙未退。雖冬月晴多便暖。雖夏月陰多便寒。不可槩以中原冷熱時候。便爲定論。經所

謂東西南北之異地。溫涼寒熱之異宜。況每歲寒熱。自隨時令早晚。難以拘定月日也。候之者乘其至也。謂至其熱則從熱治。至其溫則從溫治。至其寒則從寒治。至其涼則從涼治。此乃隨四時之氣。各適其宜。

吐瀉於夏秋大熱之時。伏暑傷冷。則心藏煩躁。小便不利。清濁不分。陰陽二氣相干。名曰氣亂。亂於腸胃之間。名曰霍亂。其證乘熱傷冷。氣逆而喘。腹脇脹滿。身熱脈亂。頭痛體疼。如傷寒之狀。上即大吐。下即大瀉。重者四肢厥冷。脚脛轉筋。法當調順其氣。分別清濁。升降陰陽。若只伏暑吐瀉者。則小便不利。其證雖與上證稍同而輕。非霍亂比。瀉色赤黃。此但只名伏暑吐瀉。不爲霍亂也。治霍亂吐瀉。若熱多而渴者。五苓散。寒多不渴。而心腹身體疼痛。及煩躁渴不能飲者。可服理中湯。寒甚腹痛轉筋。四肢拘急者。理中湯加附子。汗出惡寒。手足厥冷。下利清穀。內寒外熱。脈微欲絕者。並四逆湯。已上諸證。並可與香薷散服之。以他藥不能療此證也。治伏暑吐瀉。若小便不利。與五苓散利小便。及與香薷散解伏暑。坯蓮散。救生丹止吐。吐瀉不拘何時。則令脾胃虛弱。多致生風。而爲脾風慢驚也。以脾土衰而肝木來

刑故爾。當先補脾胃。不令困弱。則風不生。而病易愈也。  
吐瀉已定。未定煩渴者。皆津液內耗也。不問新久。宜煎錢乙白朮散。使滿意取足。  
飲之多。卽愈好。不爾。卽津液內耗。而引飲不止。內生其熱。外邪相干。則證變百  
端。以成他病。漸至危困也。



小兒衛生總微論方 卷九 吐瀉論上

# 小兒衛生總微論方

## 卷十

### 吐瀉方下

#### 治吐方

木瓜圓 治自生下便有吐證。此因初生時。拭掠口中穢液不盡所致。

乾木瓜末

麝香

膩粉

木香末

檳榔末各一

右研勻。麵糊和丸。粟米大。每服一二丸。甘草水下。無時服。

壅氣丸 治啼哭未定。便令食乳。氣逆停滯。心胸滿悶。氣急吐逆。

巴豆三個去皮胡椒十個

丁香十個

青橘十個湯浸每一

個入巴豆一分為十片胡椒一個丁香一個以麻線纏之餘並同

右用釀米醋一椀。煮藥至醋盡為度。取出細切焙乾。同為細末。粟米糊和丸。粟

米大。每一二歲兒三二丸。三四歲兒四五丸。飲下。日三服。此藥利胸膈。然後復進觀音散一二服補氣。食前。

和胃膏 治哭啼飲乳。氣逆噎塞。及胃虛氣不升降。胸膈痞滿。吐逆不時。

人參去蘆

藿香葉去土

水銀

枇杷葉先炙去毛生薑汁塗炙令

熟香

白茯苓各一兩

甘草炙半兩

肉豆蔻煨熟

硫

黃研細入鐵銚同水銀一處拌勻於火上炒不住手研如泥放冷各半兩

右同為末。次將硫黃水銀砂勻入之。再研勻細。煉蜜和膏。每一歲兒桐子許。生薑棗湯化下。量大小加減。亦治人番胃。服一皂子許。

白附子丸 治傷風冷吐逆。及治糞青下瀉。

白附子一分

蠟梢一分

舶上硫黃半兩

右先將半夏半兩。湯洗淨。生為末。生薑自然汁和劑。捻作餅子。小錢大。沸湯內煮至熟。取出研成膏。入三味藥末和之。如乾添少湯。丸蘿蔔子大。每服二三十丸。米湯或乳汁送下。無時。

羌活膏 治傷風吐逆。亦能截痢定瀉。



羌活去蘆

獨活去蘆

人參去蘆

白茯苓

防風去蘆并枝

肉桂去粗皮不見火

全蠍炒各一分

硫黃三錢

水銀至一錢與硫黃同研青色

右同為細末。煉蜜和膏。每用量大小。旋學嬰孩大豆許。三二歲雞頭大。五七歲

兒龍眼大。並薄荷水化下。

託養丸 治傷食吐逆。心胸滿悶。陰陽痞。手足厥冷。煩熱躁悶。

硫黃各半兩同研

附子半兩炮

木香半兩 當歸去蘆洗淨 大黃一兩溼紙

右為細末。煉蜜和丸。櫻桃大。每服一粒。生薑湯化下。無時。

硃砂丸 治驚吐不止。

硃砂各一 乳香半 夏薑汁浸一個洗淨七次

右同為細末。薑汁糊丸。黃米大。每服五七丸。乳香湯下。無時。

紫霜丸 治如前。

硃砂五分 杏仁三十粒去

右同研細。糊丸麻子大。每服五七丸。桃心湯下。乳食前。

三香丹 治挾驚吐逆不止。

藿香葉去土

丁香

香各半

麝

香半錢門子

膩

粉半分

半

夏七錢湯浸乾龍

腦半錢

右爲末拌勻。生薑自然汁糊和丸。黍米大。每服十丸。人參薄荷湯送下。無時。

四季散 治驚吐及番胃。諸藥不效者。服之立驗。

右以好硫黃半兩。研細。入水銀一分。同再研至無星。如墨煤色。再用一錢或半錢。以生薑自然汁同酒各半同煎。用少許調藥空心服之。服畢覆臥。當自汗出乃愈。

集香散 治脾胃不和。氣虛吐逆不食。漸成羸瘦。

丁香

沉香

木香

白朮

藿香葉去土

製厚朴各半

白茯苓

白豆蔻各一

右爲細末。入麝香少許拌勻。以水半升。蜜四兩。大棗十五箇。生薑十五片。於銀器內慢火熬成膏。去薑棗不用。以膏和藥丸如皂子大。於當風處簪乾。每服一

丸。米飲化下。量兒大小加減。乳食前。

人參白朮散 治胃氣不和吐逆。不思乳食。亦治霍亂吐逆。

厚朴去粗皮生薑製二兩人參去蘆白朮半夏湯洗七次陳皮去白各一兩

右為細末。每服一錢。水一小盞。生薑二片。煎至六分。去滓溫服。

人參去蘆汁微炙

藿香葉去土半兩白朮剉炒枇杷葉去毛薑汁炙令香熟

丁香良薑

甘草炙

右為細末。每服一錢。水一小盞。入木瓜一片。煎至五分。溫服無時。去滓通口藿香散 治脾胃氣不和吐逆。心腹脹滿。

藿香葉去土

半夏麴

甘草炙

陳皮去白

厚朴去粗皮生薑製各二兩人參去蘆

白朮各半

右為細末。每服半錢。或一錢。水一小盞。生薑二片。煎至六分。去滓溫服。無時。



萬安丹 治胃虛傷冷吐逆。

半夏一分湯洗 白朮一分

附子一個炮製 硫黃一分

硃砂半兩

右三味先為末。入研藥拌勻。生薑汁和丸。黍米大。每服十粒。米飲下。乳食前。

聖石散 治如前經驗。

礞石四兩炭火 不灰石二兩炭火 母丁香一兩 木香一兩

人參去蘆 白茯苓一兩 半夏半兩湯洗 真陽起石半兩先同

阿魏湯化去砂石以麝 巴豆 杏仁各十四個並

作炭略存性

右同勻細。湯泡蒸餅細丸。荔枝子大。每服一粒。水一大盞。入薑阜子大。擘破同

煎。至五分清溫。時服之。煎藥須用銀石器。

厚朴散 治胃冷氣逆。吐不思食。

白茯苓五錢 肉豆蔻半兩 厚朴去皮生薑 枇杷葉炙去毛

右為細末。每服一錢。水一小盞。生薑二片。煎至六分。去滓空心溫服。無時。

人參膏 治脾胃虛冷。乳食不化。逆連併。不喜乳食。

人參 去蘆 滑石 藿香葉 半兩

丁香 一分

甘草 炙 二錢 硃砂 研 水飛 一錢五分

右為末。煉蜜和膏。每用阜子大米飲化下。無時。

枳皮湯 治胃冷吐逆正氣。

右以枳木皮煎湯汁服之。

溫脾散 治寒溼吐逆。

厚朴 去皮塗薑汁炙 一兩

丁香

白朮

乾薑 兩 焙 肉桂 一分

右為細末。每服一錢。煎人參湯調下。無時。

香參湯 治寒痰吐逆。

丁香 藿香葉 去土

丁香 皮

人參 去蘆

白茯苓 各一

青皮 去穢

木香

甘草 炙 兩

右為末。每服一錢。水一小盞。生薑二片。煎至五分。去滓溫服。無時。

三黃散 治傷熱吐逆。

五靈脂

大黃

雄

黃

各等分  
研水飛

右為細末。每服一字。磨刀水調下。無時。治熱吐尤佳。

槐花散

治熱吐不止。

皁

角炷盡

白

礬枯

槐

花炒

甘

草等分

右為細末。每服一錢。白湯調服。無時。

丁香益胃湯

治胃虛挾熱吐逆不止。

丁香

人

參去蘆各一兩

桂去皮

大

黃炮色黑

訶黎勒皮一分

右為細末。每服一錢。水一小盞。生薑二片。煎至五分。去滓溫服。無時。

人參桂薑湯

治熱氣不調吐逆。腹滿脹痛。

人

參三分

桂去皮

良

薑各一兩

甘

草半兩

右為細末。每服一錢。水一小盞。生薑三片。煎至六分。溫服。無時。

白朮湯

治吐逆熱煩而渴。津液燥。



白朮

乾葛根

人參去蘆各一兩

木香

藿香葉去土

白茯苓

甘草炙各半兩

右爲細末。每服一錢。水一小盞。生薑三片。煎至六分。去滓溫服。或用生沸湯調下。無時。

香朴散 治冷熱吐逆。調順其氣。

厚朴去皮薑製一兩 人參去蘆一兩

丁香香半兩 麥門冬去心半兩

右爲細末。每服一錢。水一小盞。入生薑二片。棗一個。同煎至五分。去滓溫服。無時。

坯蓮丸 治一切冷熱。吐逆不止。

半夏夏一兩湯浸洗七次搥碎

胡椒炒紫黑色一分二味同

丁香香九個 蓮子心個一百

右爲末。薑糊和丸。菜子大。每服三二十丸。煎坯子石蓮湯送下。無時。

清膈飲子 治伏暑吐逆。

淡竹葉只取葉焙乾

香薷一兩 檀香半兩

人

參去蘆半兩

半

夏半兩湯洗七次焙乾

白茯苓半兩

甘草半兩

白粳米一合

右爲粗末。每服一錢。水一小盞。煎至六分。去滓溫服。時時如熟水服。

銚蒼圓

治伏暑吐逆。頭目痛。四支厥冷。煩躁不解。

半

夏二兩薑製

硫

黃一兩

白善土一兩

右爲末。滴水。和丸。大豆大。每用一二丸。以針穿於燈上燎過。吐逆者鹽艾湯下。煩躁者生薑湯下。四支冷者熱酒下。頭痛者臘茶下。兒小者服一丸。

雙金圓

治霍亂吐逆不止。又治番胃及沉積赤白惡痢。

五靈脂

去砂石二錢研揀丁香爲末

巴

豆

半兩去殼并心皮細研入上二味和勻

右以棗肉和丸。黃米大。每用量大小虛實加減。二歲上五七丸。三歲上十丸。煎丁香藿香湯放冷送下。服藥畢。須候兩時辰。不得與乳食。候大便過一兩次。服補藥四聖圓。如吐後躁熱。心間煩悶。服四順飲子。此三藥乃一宗也。兒本壯。食傷積滯者。宜服。虛者更宜斟酌。

四聖圓

白豆蔻

肉豆蔻

去麴裏煨

草豆蔻

去皮

乾薑

炮

良薑

藿香葉

去土

丁香枝杖

各等分

右爲末。醋糊和圓。菴豆大。每服三十圓。煎人參或白朮湯下。如止瀉米飲下。無時。

### 四順飲子

地骨皮

去骨

防風

去蘆

又枝

山梔仁

連翹

去隔各等分

右爲末。每服二三錢。水一盞。生薑三片。煎至五分。去滓。臨臥溫服。如大便秘澀。煎燈心竹葉湯放冷服。亦治諸熱。心胸煩躁懊悶。乳吮散。治嬰兒吐乳不定。

枇杷葉

炙一分。焦黃色。母丁香一分。

右爲末。每服少許。或半字一字。塗乳上。吮兒便止。

馬通汁。治嬰兒吐乳黃色。

右以新馬糞一塊。絞汁。量大小分減。灌之。

葛根粉。治小兒吐逆壯熱。不下食。



右以葛根粉二大錢。水二合調勻。瀉入沙鑪中。側轉令遍。如盪粉皮法。重湯內煮令熟。以糜飲相和食之。亦治痢。

白魚灰散 治百日內兒涎壅吐乳。

右以書中白魚七枚。燒灰研細。乳汁調服一字與服。或傅在乳上吮之。

丁香散 治胃虛氣逆。嘔吐不定。霍亂不安。精神困弱。

丁香 香一分

人參 半兩

藿香葉 去土一分

右爲末。每服一錢。水半盞。煎三五沸。入乳汁三五滴。更煎一兩沸。帶熱服。無時。頻頻服效。

聖白圓 治小兒吐逆。

半夏 半兩。湯洗十次。竹刀切作片子。焙令乾。

丁香 香半兩

右於木臼中同杵爲末。生薑自然汁和丸。麻子大。每服十丸。十五圓。溫湯送下。無時。

白朮散 治小兒吐逆。或加喘促。

白朮 二兩

乾山藥

白茯苓 各一

人參 去蘆

木香

白扁豆炮

藿香去土各半兩

甘草炙一分

右爲末。每服一錢。紫蘇湯下。喘者陳皮湯下。無時。

附子散 治小兒虛風呵欠吐逆涎盛。

白附子炮

南星炮各半兩

黑附子炮去皮一分

右爲末。每服一錢。水一小盞。生薑二片。同煎。仍不住手攪。煎至半小盞。分三服。量大小與甚效。

滑石散 治胃熱吐瀉食。

白滑石

白善土好者等分

右爲末研勻。每服半錢。葱白煎米飲調下。

坏蓮散 治一切吐逆及煩渴。

枇杷葉

大者五片洗刷去毛盡塗蜜炙焦黃色

麥門冬去心一分

紫蘇葉四十葉九葉

丁香一百粒

石蓮心一百個

藿香葉去土半兩

甘草炙一分

右爲末。每服半錢。煎坏子胭脂石蓮湯調下。無時。

白茅散 治吐逆不定。

丁香

花桑葉

人參去蘆

藿香葉去土

白茅根剉各一分

右爲散。每服一錢。水一小盞。煎至五分。去滓。量大小分服。無時。

白附散 治小兒吐逆不定。虛風喘急。

白附子

藿香葉去土等分

右爲細末。每服半錢。或一錢。米飲調下。無時。

油滴散 治小兒胃氣虛冷。痰盛吐逆。

半

夏大者十枚

胡椒四十枚

右爲粗末。每服半錢。水一小盞。入生油七滴。煎至五分。去滓。服無時。

二白剉散 治小兒膈上痰壅。吐逆不食。漸生驚候。胸中滿塞。咽嗑不利。

大天南星

一個炮裂出火毒

大半夏七次去湯洗

右並剉作塊子。以水一大盞半。入生薑七片。慢火煎至一呷。服之。入冬瓜子同

煎。更妙。

五香半夏圓 治小兒膈滿。氣不升降。吐逆痰壅。或作欬嗽。



沉香

麝香

丁香

木香各一分

藿香葉去土半兩

半夏湯洗七次薑汁拌炒黃三兩

肉豆蔻麵裹煨去淨油

人參去蘆

陳皮去白各一分

右為細末。薑汁糊丸。黃米大。每服三十丸。生薑湯下。乳後。

定吐香銀圓 治小兒脾胃氣弱。挾於風寒。嘔哕。亦治便青泄利。

丁香

乾葛各一兩

半夏湯洗七次切焙 水銀後入各半兩

右上三味先為末。入水銀研勻。生薑汁和圓。麻子大。每服三五圓。至十數圓。量

兒大小與服。藿香湯下。無時。

龍虎救生丹 治一切吐逆。不下食。

水銀半兩

硫黃一兩二味同研至無星為度

丁香半兩

半夏麴一兩

人參去蘆一分 天南星炮半兩

白附子炮一分

右為末。生薑汁煮糊和丸。蘿蔔子大。每服一二十丸。煎藿香湯下。伏熱吐者。煎

蓮子心湯下。量大小服。又治妊婦阻病立效。

枇杷葉湯 治一切吐逆煩渴。

枇杷葉一兩拭去毛盡炙微黃

丁香半兩

人參去蘆半兩

甘草炙 白茯苓各半兩

右爲細末。每服半錢。煎紫蘇湯調下。無時。

定命丹 治一切吐逆不止。

巴豆十箇去油 丁香一兩炒香黑色

右爲細末。以煮酒蠟就劑。旋圓如菉豆大。每服三五丸。米飲湯下。腹脹。皁兒湯下。夜啼。硃砂湯下。兒本壯實者。有積食宜服。

五倍子散 治吐逆不定。

右以五倍子二箇。一生一熟。甘草一寸。用溼紙裹煨。同爲細末。每服半錢。米泔調下立差。

壁錢湯 治如前。

右以壁錢窠煎湯飲之。一方用二七箇。其蟲似蜘蛛。作白幕如錢於壁上。土人呼爲壁璽。

麻仁子 治如前。此李諫議方嘗用極妙

右以麻子仁二兩杵爛。熬以水。研取汁。入鹽少許。服之立效。

丁香散 治如前。

丁香

藿香 去土

代赭石 火煨醋淬不計遍數以易碎為度

甘草 炙各一分

右為末。每服半錢。煎薄荷湯下。如吐瀉更與木香白朮散同服。方具於治瀉門中。

生薑湯 治吐逆。百藥不差。

右以生薑一兩。細剉米豆大。將七合於銀器煎取四合。空腹旋呷。大者和滓服。

羊糞酒 治無故吐逆酸水不止。或三五口。食後如此。

右以羊糞十顆。好酒二合。煎取一合頓服。未愈再服。更量大小加減。

附 嘔 嘔

羊乳 治嘔嘔。乾嘔煩熱。

右以羊乳一升。煎至減半。分五服。無羊乳只牛乳亦得。小者減之。一方與生薑汁合煎牛乳二合。薑汁一合。銀器中慢火煎五七沸。一歲兒服半合。



鹿角粉 治如前。

右以鹿角粉、大豆末等分相和。乳汁塗上。令兒吮服之。

枇杷葉汁 治如前。

右以枇杷葉拭去毛淨。煮汁飲之。亦治欬嗽。

玉真散

白朮半兩

半夏七個湯洗七次

胡椒半錢

右爲末。每用半字。以水一呷調下。大者一字。

消乳丸 治飲乳過多。嘔吐不消。好令常服。

丁香

木香

青皮去穢炒黃

肉豆蔻煨麩裏

牽牛子炒黃各半兩

右爲末。滴水丸。針頭大。每服三五丸。乳上沾吮服。

蟻糞飲 治嘔乳不止。

右取田中曲蟻糞一兩研末。空心米飲調下半錢匕。一二服立效。兒小減服。

蘆蟲湯 治飲乳嘔吐不入腹。

右取蘆中蟲二枚。煮汁飲之。須破蘆取。蟲似小蠶。

治瀉方

粟煎湯 治腸胃受風寒。下瀉不止。身體壯熱。

白朮

當歸

去蘆  
燒焙

川芎

人參

去蘆

肉桂

芍藥

去粗皮  
各一兩

右爲末。每服一錢。水一盞。入薑三片。粟米半匙。煎至米熟。去滓溫服。

惺惺散 治傷風挾驚。下瀉日久。脾困不食。及恐作脾風發癇。

天麻

全蠍

半錢  
炒

糯米

一錢  
微炒

甘草

一錢  
炙

木香

白扁豆

一錢  
炮

山藥

一錢  
焙

茯苓

一錢  
微炒

人參

一錢

微炒

右爲末。嬰孩一字。二三歲上兒半錢。水半銀盞以下。棗半個。煎三五沸溫服。

白附子圓、羌活膏。皆治傷風或驚。泄瀉不止。方已具於吐門之下。

人參生犀散 治風寒驚悸痰嗽。服尋常藥即瀉。

前胡

桔梗

去蘆  
半兩

人參

三兩  
去蘆

甘草

二錢  
炙黃

杏 仁去皮尖  
五錢末

右。上。四。味。爲。末。後。入。杏。仁。拌。勻。細。羅。羅。過。每。服。二。大。錢。水。一。盞。同。煎。至。八。分。去。渣。溫。服。無。時。

訶子湯 治傷冷瀉不止。

訶黎勒皮

人

參去蘆

木 香

白茯苓各一

甘 草炙

陳

皮湯浸去白  
各半兩

右爲末。每服一錢。水一小盞。入生薑二片。煎至五分。溫服無時。

訶黎豆蔻丹 治如前。

訶黎勒皮

草豆蔻各一

白 朮

乾 薑炮

川黃連去鬚

當

歸去蘆洗焙  
各半兩

右爲細末。粟米飯和丸。黍米大。每服十粒。飲湯下。無時。

肉豆蔻散 治胃寒下瀉。

肉豆蔻煨  
麝

白枯礬各一

右爲末。溫米飲調下一錢。或半錢。空心服。



益脾散 治脾胃傷冷。泄瀉腹痛。全不入食。

陳皮去白一兩 青皮去穢半兩 訶子肉半兩 甘草半兩炒

丁香香二錢 乾山藥二兩

右爲細末。每服一大錢。水一小盞。生薑三片。棗一個。煎至六分。去滓溫服。與益兒圓間服甚妙。

川椒圓 治夏月傷溼冷。泄瀉不止。

川椒一兩去目并閉口者不用 肉豆蔻半兩裏煨

右爲細末。粳米飯和丸。黍米大。每服十粒。米飲下。無時。

柏葉 治瀉泄洞下。

右以柏葉煮汁服之。或焙乾作末煎服。

爲薑丸 治脾虛泄瀉。不入食。

生薑二兩切 黃連去鬚二兩劉豆色大 肉豆蔻二十個入丁香二

個共五十個在內訖別用生薑研爛取汁和麵裏煨熟和麵研之

右同爲細末。滴水。和丸。芥子大。每二三十九。棗湯下。乳食前。

龍香散 治腸胃虛弱。滑泄無度。腹痛腸鳴。或疳瀉不止。

當歸淨洗

龍骨煨

赤石脂

烏魚骨

白朮

香白芷

人參去蘆各等分

右爲細末。每服半錢至一錢。溫米飲調下。乳食前。

如聖散 治傷熱生風。聚瀉不定。或時驚悸。睡臥不寧。

板藍根肥者二兩。熬令黃色

丁香香半兩

甘草炮一兩

乳石兩半

井泉石半一兩

右爲細末。每服半錢。米飲調下。併服三服立效。如驚風。薄荷湯調下。

治小兒水穀不調。

右以枳實麵炒黃枅末。米飲服半錢匕。二歲下兒一錢匕。量大小加減服。

溫脾散 治瀉泄食不化。

蒼朮半兩。米泔浸一宿。去黑皮炒

甘草炙

厚朴去粗皮。生薑製

訶子炮

木香

乾薑炮

茯苓

人參去蘆

桔梗去蘆各一錢

右爲末。每服一字或半錢。米飲調下。食不化者紫蘇鹽湯調。瀉不止者木瓜湯調下。乳食前。

二和圓 治瀉不止。

黃連去一兩

南木香一兩二物各半生半炒

右爲末。醋糊和圓。菉豆大。每服三四十丸。米飲下。乳食前。

還肌散 治洞瀉聚瀉。疳瀉等。肌膚瘦弱。乳食不進。

肉豆蔻一個

訶子三個

沒石子一個 慢火煨黃熟勿令烟出

右爲細末。每服半錢。米飲調下。如人行五里久再一服。須用陳米飲下神效。

和中散 治痰逆胃虛泄瀉。

白朮

陳皮去白

厚朴去粗皮

甘草炙各等分

右爲細末。每服一錢。水一小盞。生薑三片。棗一個。同煎至六分溫服。一方更有藿香葉減半。

附子散 治胃寒泄瀉不止。

右以半兩附子一枚。炮裂去皮臍。爲細末。每服一錢。水一盞。鹽半錢。煎至五分。



溫服。亦治洞泄。乳食前服。

赤石脂丸 治泄瀉虛滑無度。

赤石脂

乾薑炮等分

右爲末。糊丸麻子大。每服一二十丸。米飲下。空心服。

豆蔻丸 治泄瀉米穀不化。

肉豆蔻一兩裏煨

木香

青皮去穰炒

黑牽牛一分

右爲細末。滴水。和丸黍米大。每服十丸。生薑米飲下。乳食前。

建胃散 治泄瀉身熱煩渴。

厚朴去粗皮生 川黃連去鬚一兩

白朮

肉豆蔻一兩裏煨

縮砂仁半兩 乾薑炮半兩

木香半兩

右爲細末。每服一錢。水一小盞。入生薑粟米各少許。煎至五分。去滓溫服。無時。

順胃丹 治泄瀉蟲煩腹痛。

白朮

良薑

乾漆炒烟

肉桂各一兩

肉豆蔻半兩裏煨

右爲細末。麵糊和丸。黍米大。每服十粒。米飲下。乳食前。

建中丹 治泄瀉腹痛多啼。

胡椒

蓬莪朮煨

全蠍各一錢

肉豆蔻麵裹煨

右爲細末。麵糊和丸。黍米大。每服十粒。米飲下。乳食前。

茱萸散 治脾胃弱。食不消。泄瀉無度。

吳茱萸

揀淨半兩。用鹽二錢。水一盞。煮之。如此換水煮。至水盡。偏數足。曬乾。炒令紫黑色。

甘草半兩

陳皮

去白。二兩。炒令香熟。

右爲細末。每服一錢或半錢。沸湯點服。無時。

乳香豆蔻丸 治泄瀉不已。腸中有惡氣。故爾。

右用肉豆蔻一枚。研分兩半。中間剝開。安乳香一阜子大在內相合。以線紮定。

和白麵裹如胡桃大。煨熟爲末。陳米飯和丸。茱豆大。每服二十丸。陳米飲下。空

心食前。

香礬丹 治泄瀉浸久不差。

白礬

一兩。慢火燒。研成粉。

木香一兩

訶黎勒皮半兩。微炒。

酸石榴皮半兩炒黑

右爲細末。煉蜜和丸。黍米大。每服十粒。粥飲下。乳食前。

二白丸 治泄瀉滑數不止。

白石脂

白龍骨煨等分

右爲末。滴水。和丸。黍米大。每服三五丸。紫蘇木瓜湯下。無時。

溫白丸 治久患泄瀉。脾虛不進飲食。或食訖仍前瀉下。米穀不化。

白朮一分米泔浸一時切焙乾

半夏一錢半湯洗七次丁香香半錢

右爲細末。生薑自然汁糊丸。黍米大。每半歲兒三丸。三五歲兒五七丸。淡生薑湯下。早晚各一。

沒石子丸 治泄瀉白濁。及滑腸腹痛。亦治疳利。

木香

黃連去鬚各一分

沒石子一個

肉豆蔻二個麝香裏煨

訶子肉三個

右爲細末。飯和丸。麻子大。米飲下。量大小加減與之。無時。  
銀白散 治脾胃不和。泄瀉不止。不思飲食。身體煩熱。



人參去蘆

白茯苓

白扁豆炒熟

甘草炙

白朮炒各一分

罌粟米微炒二錢別研

右爲末同勻。每服半錢或一錢。紫蘇湯調下。無時。

乾薑散 治水瀉無度。

右以乾薑末。粥飲調下半錢或一字。量大小與。

椒紅丸 治如前。

右以椒二兩。去目用醋二升。煮至醋盡。焙乾爲末。糊圓菉豆大。瓷盒收之。每服十丸十五丸。米飲下。一方治嬰小水瀉爛疳。以椒一分。去目爲末。酥調少少傅腦上。日三。

烏藥散 治乳母冷熱不調。變壞乳汁不好。兒因飲之。心腹時痛。下瀉如水。

香附子研棟白者

良薑

赤芍藥

天台烏藥各等分

右爲細末。每服一錢。水一盞。煎至六分溫服。心腹痛者。入酒少許同煎。只水瀉者。米飲調下。量大小與服。

白石脂散 治水瀉形羸。不勝大湯藥。

右以白石脂半兩。研如粉。和白粥空心與服。

檠皮丸 治熱瀉。

右以黃檠削去粗皮。焙杵爲末。用薄米飲和丸。粟米大。每服十丸。米飲下。食前。清胃散 治挾熱下瀉頻數。

川棟子 去核

黃 檠 炙

地 榆 炙

當 歸 洗 焙

黃 連 炒 去 鬚

右各半兩爲細末。每服一錢。水一小盞。煎至六分。溫服無時。

香石散 治伏熱中暑。煩躁發渴。泄瀉小便不利。

丁 香

滑 石

舶上硫黃

白芍藥

甘 草 各 等 分

右爲末。每服一錢。米飲調下。亦治吐瀉無時。

分水車前散 治暑月傷熱暴瀉。小水不分。

右以車前子爲末。米飲調下半錢。或一錢。量大小加減。

白朮膏 治暑月中熱瀉泄。小便不利。腹滿氣痞。

白朮半兩

白茯苓

人參去蘆

滑石各一

澤瀉半兩

右爲末。煉蜜和膏。每用一皂子大。米飲化下。無時。

香連散 治伏暑泄瀉。清濁不分。

木香

川黃連去鬚各一兩

人參去蘆

厚

朴去粗皮生薑製各半兩

右爲細末。每服半錢或一錢。米飲調下。乳食前。

草節湯 治冷熱不調下瀉。

胡黃連半兩

綿薑炮熟一兩

右爲細末。每服半錢。草節湯調下。食前。

樗根散 治水瀉裏急後重頻數。

樗根皮一兩

枳殼炒半兩

甘草一分

右爲末。每服半錢或一錢。粥飲調下。立止無時。

厚朴散 治洞瀉注下。

訶黎勒皮炒一兩

厚

朴去粗皮生肉豆蔻麵裹煨一兩

白

朮半兩



乾薑半兩

右爲細末。每服一錢。水一小盞。入生薑、粟米各少許。同煎至五分。去滓溫服。食前。

香蟾散 治如前。

右於五月五日取蟾一隻。燒末。飲調一錢服之。兒小量減。食前。

阿膠丹 治洞瀉暴注。

真阿膠粉炒一兩

乾薑炮一兩

芍藥半兩

當歸去蘆半兩

川黃連半兩

肉豆蔻半兩

右爲細末。煉蜜和丸。黍米大。每服十粒。粟米飲下。食前。

助胃丹 治洞注不止。手足冷。

附子炮一枚重半兩

硫黃半兩

乾薑半兩

肉豆蔻半兩

肉桂半兩

白朮半兩

右爲細末。麵糊爲丸。黍米大。每服十粒。米飲下。食前。亦治瀉脫危困。

火輪散 治虛滑洞瀉注下。日夜無度。

附子一枚半兩者  
炮裂去皮臍

肉豆蔻半兩  
裹煨

良薑一錢  
半

右爲末。每服一字或半錢。陳米飲調下。乳食前。

木香散 亦治冷熱不調下瀉。

木香

黃檗蜜炙各  
一兩

人參去蘆

縮砂仁各一  
兩

右爲細末。每服半錢。米飲調下。亦治痢。

豆蔻香連丸 治寒熱失宜。陰陽不調。泄瀉無度。腹痛腸鳴。

黃連去鬚三  
分炒

肉豆蔻裹  
煨

南木香各一  
分

右爲細末。粟米飯和丸。粟米大。每服二三十丸。米飲下。日夜四五服。量大小與之如聖。

小香連丸 治冷熱不調。水穀滑腸。泄瀉腹痛。脾胃不和。乳食不化。皆治之。

木香

訶子肉各一  
分

黃連去鬚半  
兩炒

右爲細末。飯和丸。菉豆大。每服一二十丸。米飲下。乳食前。一方。加肉豆蔻三箇。甘草一分。同爲末。每服半錢。飲調下。名香連散。

石榴汁 治下瀉五色。

右以酸石榴五箇。同穰殼搗爛。絞取汁。每服半合。量大小與之。

四色圓 治瀉青色。

硫黃

厚朴去粗皮  
生薑製

右各等分爲細末。糊丸黍米大。每服十五丸。米飲下。無時。

木香白朮散 治下瀉色青如涎。或如白沫。

木香

白朮

陳皮去白

丁香各一

麥蘖炒黃  
半兩

右爲末。每服半錢或一錢。水半盞。煎至三分溫服。如吐瀉。與前丁香散兼服。在吐門下。

六神散 治瀉多日。糞色與脣口皆白。因成虛困。亦治洞瀉吐利泄瀉。

人參去蘆

白茯苓

乾山藥

白朮

白扁豆

甘草炙

右各等分爲細末。每服一錢。水一小盞。生薑二片。棗一箇。煎至六分。通口服。此藥用處甚多。調氣和脾胃大良。如治冷瀉。用末二錢匕。附子末一錢匕煎之。



分三四服。量大小與之。

又治風證。加天麻。治利。加罌粟殼。吐瀉者服之。以助胃氣。防變痢病。

豆蔻丸 治傷乳食。脾胃不和。泄瀉無度。

木香一分

肉豆蔻麵裹煨

草豆蔻

檳榔

青皮去穰

陳皮去白各一分

京三稜炮一兩

右爲細末。麵糊和丸。菴豆大。每服五七丸。薑湯下。無時。

黃連菴莢散 治傷乳食下瀉。

黃連去鬚一兩

吳菴莢揀去枝梗半兩

乾薑二錢

巴豆肥大者一箇去皮

右剉細。同炒至焦黃。去巴豆不用。外爲細末。每服一錢。煎陳米飲調下。日三。乳食前。

緩中丸 治有傷泄瀉。

神麴炒黃

訶子皮炮各半兩

吳菴莢揀淨炒黑色二兩

右爲末。煉蜜和丸。麻子大。每服三二十丸。棗湯下。無時。

迴陽散 治下瀉虛極。或因服轉藥瀉脫。四支逆冷。目瞪項強。大便不禁。心胸煩

悶。不能乳食。

附 子大者一箇去皮臍天南星大者一箇炮過爲末薑汁和一箇炮過爲末

人

參去蘆一分

硫

黃一分

硃

砂一錢

麝

香少許

木

香一分

右爲細末。艾湯調半錢。乳食前服。

艾黃熨法 治瀉脫困乏危篤。

蓖

麻七箇去殼

熟

艾半兩

硫

黃研末二錢

右拌勻。於臍上先鋪紙。傅藥在上。又用紙鋪襯稍厚。用熨斗適溫涼熨之。不可令熨斗大熱。以臍內響爲度。

吐瀉方 閻孝忠曰。凡小兒吐瀉。多因寒冷。當溫補之。余每用理中丸。以溫其中。

五苓散以導逆。五苓治小兒吐瀉尤連與數服兼與異功散正氣溫藥調理之。往往

便愈。若已虛損。當速生其胃氣。與理中丸并研金液丹末。煎生薑米飲調灌之。

惟多服乃效。服至二三兩無害。得胃氣生。手足漸暖。仍頻與粥。雖至危者。往往

死中得生。十有八九。金液丹治小兒吐瀉虛極最妙。沈存中論金液丹。親見小

兒吐利劇。氣已絕。服之得活者數人。真不妄也。須多服方驗。若因吐瀉生風。身

冷瘧癰。變慢驚者。論在於驚門具之。其理中丸、五苓散、金液丹方。並在和劑集載之。

異功散 治吐瀉虛冷病。先與數服正氣。能溫中和氣進食。

人參去蘆 茯苓去皮 白朮 甘草炙

陳皮各等分

右爲細末。每服二錢。水一盞。生薑五片。棗二枚。同煎至七分。通口服無時。

參苓散 治傷風冷。脾胃不調。一切吐瀉。

人參去蘆 茯苓 白附子 羌活去蘆

白朮各一 肉桂 犀角鎔屑 藿香去土

川芎 芍藥 甘草各一錢

右爲細末。每用半錢。金銀薄荷湯調下。無時。

圃參散 治脾胃虛弱。氣不調順。傷於風冷。一切吐瀉。手足厥冷。

人參去蘆 白朮 白扁豆炒一 罌粟米別研四兩

山藥三兩 陳粟米三兩用生薑自然汁浸三宿取出曝乾 白茯苓去皮一兩



木香三分 川芎半兩 烏藥一兩半 甘草三兩

厚朴去粗皮生白芷一兩

右爲細末。每服一錢。水一小盞。生薑三片。棗一枚。去核同煎。至半盞溫服。空心

食前。

和中散 治三焦不調。停寒隔上。吐瀉不定。

藿香去土 白豆蔻 人參去蘆各 木香

丁香 乾薑炮 厚朴去皮生薑各 甘草一分

右爲細末。每服一錢。水一小盞。入生薑三片。煎至六分。溫服無時。

益中湯 治脾胃不和。傷冷吐瀉。

丁香 香半兩 草豆蔻去皮三 人參去蘆 青皮去穢

桂心一分 訶梨勒去核

右爲細末。嬰孩一字。二三歲半錢。五六歲一錢。煎木瓜紫蘇湯調下。日夜溫服。

無時。

沉香散 治脾胃不和。吐瀉不進乳食。

沉香一分

甘草炙一錢

丁香香炒一錢

木香炮五分

桂心見火不

法如前方用。

觀音散 治如前。

人參去蘆

甘草炙

白扁豆炒

石蓮肉去心各

茯苓半一錢

白芷

黃耆蜜炒碎塗

木香炮各錢

神麴二錢

右為細末。每服一錢。水半盞。棗半箇。煎三兩沸溫服。無時。

人參散 治如前。

人參

茯苓

石蓮肉去心各

甘草炙二錢

黃耆蜜炙半兩

右為細末。每服一錢。水半盞。棗半箇。煎三兩沸溫服。無時。

白朮散 治胃氣虛弱。吐瀉發渴。

白朮

人參去蘆

木香

白茯苓

藿香葉去土 甘草炙各一錢 乾葛二分

右爲末。每服一錢。水一小盞。煎至六分。溫服無時。

半夏湯 治脾胃虛寒吐瀉。及有冷痰等疾。

半夏好者一兩湯浸洗七次切焙乾 陳粟米三分無即得

右以咀。每服三錢。水一大盞。入生薑七片。煎至四分。溫服無時。

張渙七香丸 治吐瀉不進乳。心腹脹滿。小便不利。

青皮浸去穢用一兩半生 肉豆蔻半兩兩麵裹牽 牛一兩炒

右爲末。糊丸麻子大。每服二三十丸。生薑米飲下。無時。

治嬰小吐瀉。

亂髮半兩 鹿角一分末

右同研細。米飲服一錢。日三。

治嬰小吐瀉。

右以特豬屎燒爲末。水調汁。少與服。

丁香安胃丸 治小兒胃虛。氣逆嘔吐。泄瀉煩渴欲飲。精神昏困。



肉桂半兩 丁香皮 藿香去土 滑石

茯苓各一

右為細末。煉蜜和丸。雞頭大。每服一丸。溫湯化下。無時。

溫中丸 治胃寒瀉白。腹痛腸鳴。吐酸綠水。不思乳食。

人參去蘆 甘草炙 白朮各一

右為末。薑汁糊丸。菉豆大。米飲下。一二十丸。無時。

糯米湯 治吐瀉不止。

糯米粒一百 木香 黃連去鬚三味

右同炒至米焦黃。去木香。黃連不用。只以米為末。後用批杷葉去毛淨。焙乾等

分為末和勻。白湯調半錢。無時。

進食丸 治傷飽乳食不消。壯熱腹痛脹滿。吐哕無度。

木香 枳殼去穢炒 當歸洗焙 代赭石火煨醋淬不

碎為度 砂半兩 巴豆霜一分

右為末。糊丸黍米大。一歲兒一丸。溫水下。無時。

不二丸 治傷食吐瀉不止。

巴豆三十粒去皮心膜研別用好黃連半兩水浸濃汁染紙二張裹巴豆壓去油

硃砂研末一錢水飛

寒食餅炒一錢

右同研細。滴水和丸。菴豆大。新水磨化一丸。服無時。

感應丸 治脾胃虛怯。乳食過度。吐瀉身熱腹滿。

肉豆蔻仁四箇麵裹煨 丁香末三錢 川薑末二錢

木香三錢

百草霜四分 杏仁二十粒別研取霜

巴豆十四箇去皮膜出油盡取

黃蠟二兩銕濾滓卻入好酒同煮半時放冷凝

右同為細末研勻。先銕煉蠟和藥成膏。恐硬時更入油少許。每用旋丸如黍米

大三四粒。溫水下。乳食前。

豆蔻散 治伏暑傷熱。吐瀉煩渴。腹脹小便少。

硫黃一分 白滑石三分 丁香

白豆蔻麵裹煨各半分

右為細末。每服一字或半錢。米飲調下。無時。

藿香散 治伏暑冷熱不調。吐瀉不止。

藿香去土

白芷

丁香

縮砂仁各等分

右爲末。每服半錢。沸湯點服。無時。

香石散 治伏暑煩躁吐瀉發渴。

丁香

滑石

硫黃

白芍藥

甘草各等分

右爲細末。每服半錢。米飲調下。無時。

三和散 治伏暑吐瀉津液燥少。

白茯苓一兩

烏梅肉半兩

乾木瓜半兩

右爲細末。每服一錢。水一盞。煎至五分。去滓溫服。無時。

烏燼散 治中暑發渴煩躁悶亂吐瀉。

右以穀精草不限多少。燒存性。用器覆之。放冷研爲細末。每服半錢或一錢。冷米飲下。無時。

大七寶散 治霍亂吐瀉。

木香炮

丁香炒

桂去粗皮  
不見火

茯苓



人參

訶子去核

麻黃去根

當歸去土

甘草炙

大腹皮

川楝子去核

秦艽去土各一錢

地榆二錢

藿香錢半

肉豆蔻裏煨

右爲末。每嬰孩一字。二三歲半錢。四五歲一錢。水半盞。入棗半箇。煎數沸溫服。無時。

建脾膏 治霍亂吐瀉。

丁香

藿香去土

人參去蘆各一兩

沉香

木香各半

右爲細末。煉蜜和膏。每用雞頭子大。粟米飲化服。無時。

人參湯 治如前。

人參去蘆一兩

厚朴

甘藷去粗皮生

甘草半兩

白朮

生薑三分

右咬咀。以水一升二合。煮取半升。六十日兒服一小合。百日兒分四服。周晬兒分二服。乳空服之。乳母忌生冷油膩。

蒼朮湯 治小兒霍亂吐瀉。

人參去蘆 蘆薈各半 扁豆藤二兩 蒼朮一撮

右爲細末。每服二錢。水七分。煎至五分。去滓溫服。立驗。無時。又方 名同治同。

人參一兩 木瓜一箇 蒼朮一撮

右咬咀。量兒大小。用煎如前服。立效。

治小兒霍亂吐瀉。

右以牛涎一合。灌兒口中。量大小加減。

人參調胃膏 治霍亂吐逆。服藥不下。煩渴者宜先服此藥。

人參去蘆 白朮 丁香各一 乾薑炮

甘草 赤茯苓各半

右爲細末。煉蜜和丸。阜子大。每服一丸。熱湯化破。以新水沉極冷卽服。無時。

快膈散 治霍亂吐逆。服藥多卽吐。先服此藥。

甘草炙 良薑微炮 肉豆蔻煨 丁香各一

右爲細末。每服半錢。新汲冷水調下。

白朮膏 治傷暑伏熱。頭目昏痛。霍亂吐瀉。煩躁作渴。小便不利。心胸滿悶。

白朮 澤瀉各半 茯苓 人參去蘆

滑石各一分

右爲細末。煉蜜和膏。每用一皂子大。煎麥門冬湯。放溫化下。無時。

治霍亂不止。

右以訶梨勒一枚。去核爲末。沸湯研頓服。如未差再作。

丁香丸 治霍亂吐瀉。面青。四支冷。虛汗出。

丁香 藿香去土各一分 人參去蘆

右爲末。煉蜜和丸。麻子大。每服五丸。粥飲下。無時。

丁香散 治霍亂不食。

丁香 香一分 人參半兩

右爲細末。每服一錢。水一小盞。煎至五分。去滓服。

斗門散 治霍亂吐瀉轉筋。



附子生一枚 胡椒粒一百

右爲末。每服半錢。漿水一小盞。煎至四分溫服。

七寶散 治霍亂吐瀉。腹內撮痛。

白朮四兩 人參去蘆 白茯苓各一兩 甘草炮一兩

草果子炮大者二箇 訶子四箇炮 乾薑一錢

右爲細末。每服一錢。水半盞。入棗一枚。薑三片。同煎至七分。帶熱服。三歲下者

藥半錢。水半合。煎之。瀉不止。與香連丸間服。

香連丸 治冷熱不調。霍亂吐瀉。腹內疴痛。

黃連去鬚擇淨一兩 木香一分 訶子七箇炮

肉豆蔻二箇麵裹煨

右爲細末。薑汁糊和丸。棗豆大。每服十丸。十五丸。米飲下。無時。日四五服。

治霍亂不止。

寡婦薦草。治如前。

小兒霍亂吐瀉。右取寡婦薦草二七莖。煮飲之。

又方 右取蠟音蟪蠟音雍窠微炙為末。乳汁調下一字。乃螺

又方 右取芹葉細切。煮熟汁飲之。任意多少。得止為度。

香豆散 治霍亂煩渴吐瀉。

藿 香去土 甘草一分 肉豆蔻類裏煨各一兩 白扁豆

人參去蘆各半兩

右為末。每服一錢。水八分盞。入生薑二片。煎至五分。去滓溫服。

附吐瀉後證

醒脾散 治吐瀉初定。脾胃虛弱。恐生風者。便當與服。

右以天南星沸湯浸洗七次。為細末。一歲兒半錢匕。用河水七分盞。入冬瓜子七粒。同煎至半。放溫旋旋與之。

碧香丹 治吐瀉後。大渴不止。不得眠睡。甚則變疳。

天竺黃 不灰木燒赤放冷 赤石脂 龍骨煨各一兩先為細末

膩粉 定粉 鉛白霜 蛤粉別研各一兩

右拌勻。入麝香半兩。再研滴水。和丸雞頭子大。每用一粒。或半粒。同炮螺兒二

箇細研。沸湯浸化。卻用冷水沉極冷服。大渴即與。神驗。

丁香黃耆散 治吐瀉後脾胃虛弱。不能飲食。漸成羸瘦。面色青白。或作利。時下時止。

丁香

綿黃耆

人參去蘆

白朮

當歸洗焙

鼈甲醋炙黃耆去裙

胡黃連

甘草炙各半兩

右爲細末。每服一錢。水一小盞。入生薑二片。棗一箇。同煎至五分。去滓溫服。食前。

香薷散 治瀉後。但胸中不快。

藿香去土

蓬薷炮剉

茯苓等焙各

右爲細末。每服半錢。或一錢。白湯點服。無時。

中和散 治吐瀉定後煩渴。

人參去蘆

白茯苓

白朮

甘草剉炒

乾葛剉

白扁豆炒

黃耆切焙

藿香等去土各



右爲細末。每服二錢。水一小盞。棗一箇。去核。生薑三片。煎至七分。放溫服。無時。

# 小兒衛生總微論方

## 卷十一

### 八利論

小兒氣血怯嫩。藏府軟弱。因觸冒風寒。飲食冷熱。以邪干正。致脾胃不和。凝滯停積。蘊毒結作。或水穀不聚。或膿血純雜。變而爲利。其候有八。一曰水穀利。謂便下糞稀薄而不聚。駛利出易。水穀不化也。然雖是瀉便時。亦覺裏急後重。故爲利也。二曰冷利。謂便下純白膿也。三曰熱利。謂便下純赤血也。四曰滯利。謂便下膿血相雜也。五曰積利。謂有積傷爲利。浸久或差而復發也。六曰疳利。謂患疳瘡而下利也。七曰蠱利。謂如蠱毒下紫黑血。或如赤豆汁。或如雞鴨肝片也。八曰休惜利。謂下血黑黯中有白物。如腸中之脂。或如爛魚腸之狀。此腸胃潰傷。患者更休愛惜。故以名之。亦名休息者。謂患即無休息而至死也。凡利若粥藥不能進者。此便爲死候也。治水穀利方。已具前瀉項之下。

治冷利方

玉腸散 治冷利。初即大便青色。後乃作膿。

白石脂

當歸洗焙

丁香

白朮各一

草豆蔻去皮

厚朴薑製各

右細末。每服半錢。粥飲調下。無時。

厚朴圓 治藏寒泄瀉。下利純白。腹中絞痛。虛氣脹滿。手足逆冷。

厚朴薑製各

訶子半兩炮

白龍骨半兩

白礬半兩

右用一器盛之。鹽泥固濟。留一竅子。木炭火煨。煙息為度。取出為末。麵糊和圓。黍米大。每服十圓。米飲下。食前。

烏骨散 主治如前。

右烏魚骨去皮研細末。每服半錢。米飲調服。或炙黃用之。亦治婦人漏血。

藍汁 主治如前。

右以藍青取葉。搗令極爛。絞取汁略溫。每服半合。或一合。無時。

馬齒汁 主治如前。



右杵生馬齒莧絞汁略溫。每服一合。入蜜一匙頭許調勻。空心服。

石蓮散 主治如前。

右以石蓮不拘多少。去皮用沙糖炒過為細末。每服一錢。米飲調下。乳食前。屢驗。

胡黃連圓 治血利下多。久而不差。或作藏毒下血。帶青黃色。

胡黃連炒

蕪荑煉淨

夜明沙各一分

右末。猪膽汁和圓。黍米大。每服十圓。陳米飲下。無時。

治赤白滯利方

罌粟飲子 治赤白滯利。

罌粟殼半兩蜜炙

人參去蘆一分

厚朴去粗皮生薑製一兩白茯苓半兩

乾薑一分

烏梅三箇去仁

御米殼三箇阿膠三片去粉

右同末。每服一錢。水酒各半盞。煎數沸溫服。乳食前。嘔吐者不可服。

三奇湯 治白利。

御米殼二兩蜜炙

酸石榴皮一兩蜜炙阿膠

半兩蛤粉炒去粉

右細末。每服半錢。烏梅甘草湯調送下。乳食前。

治熱利方

勝金圓 治熱利下血。

黃 檗半兩 去粗皮 赤芍藥 四錢

右末飯和圓。如麻子大。每服一二十圓。米飲下。乳食前。

當歸散 治如前。

當 歸去蘆並土 一分 焙 芍 藥一分 炒

右為細末。每服半錢。水五分。煎至三分。溫服。下血多者。入甘草一寸同煎。乳食

前。

槐花散 治血利不差。

槐 花揀淨 炒 地 榆等分 炒

右為細末。每服半錢一錢。米飲調下。乳食前。

聖效散 治血利久不差。

赤石脂燒赤 一兩 白龍骨煨 一兩

阿 膠粉一兩 剉始 去粉 訶黎勒 煨去核 半兩

木香半兩

黃連去鬚半兩

乾薑半兩

甘草半兩

右細末。每服半錢。煎粟米飲調下。食前。

厚腸圓 治血利腸虛。

黃連去鬚

川棟子去核各一兩

木香

阿膠剉蛤粉炒去粉

當歸並土蘆

吳茱萸去枝梗微炒各半兩

右細末。粟米飯和圓。黍米大。每服一二十圓。米飲下。食前。

白梅飲子 治血利不止。

右以白梅一枚。去核鹽水研爛。合臘茶醋湯沃服之。昔陳應之治曾相利血百

餘日。諸醫不能療。陳用此一啜而差。又梁相亦病利血。應之曰。此挾水穀者。用

三物散數服而愈。

三物散

胡黃連

烏梅肉

竈下土各等分

右末。每服一錢。臘茶清調下。食前空腹溫服。

又方 治熱利下血。頻併不差。



右以白梅五箇取肉。臘茶二錢。同研勻細。每服一錢或半錢。白湯點服。或以醋湯沃服之。量大小加減。食前。

黃連丹 治如前。

黃連去鬚二兩

當歸去蘆並土一兩洗焙白頭翁去蘆三分

蔓菁根焙乾三分洗

木香半兩

川楝子核用半兩

右細末。粳米飯和圓。黍米大。每服十粒。米飲下。乳食前。或十五粒。

必效圓 主治如前。

川黃連去鬚二兩

大棗半升

乾薑一兩

肉豆蔻一分麝香去麝

右細末。糊圓黍米大。每服五七圓。米飲下。乳食前。兒大增之。

雄黃散 治腸胃虛冷。下利頻併。腹痛不可忍。後重努軀肛脫。

雄黃一分研細乳香一分研細白礬錢飛過一

右同研勻。每服嬰孩一字。二三歲半錢。陳米飲調下。日三服。乳食前。

艾葉湯 治虛冷下利白膿。

艾葉一兩微炒

當歸去蘆並土一兩

乾薑一兩

木香半兩

訶黎勒煨去核半兩

右細末。每服一錢。水一小盞。入粟米少許。同煎至五分。去滓溫服。食前。大小以

意加減。

又方 治如前。

右以臘茶一錢。入熱醋少許調服。乳食前。大小以意加減。

又方 治如前。

右以沙牛角鰓燒存性爲末。粥飲調下一錢或半錢。乳食前。

阿膠圓 治如前。

赤茯苓

赤芍藥各一兩爲細末

右以米醋煮阿膠一兩和圓。棗豆大米飲下一二十圓。乳食前。

酒煎湯 治腸胃虛冷。泄瀉不止。變成白利。

甘草炙半兩

右粗末。每服二錢。水一盞。生薑三片。棗一箇。煎至半盞。去渣放溫。量大小加減服。赤多者加黑豆十粒同煎。

三神丹 治如前。

右以肥大無尖草為頭三箇。各去皮。一箇生。一箇炮熟。一箇燒作黑灰。同為細末。麵糊圓。如蘿蔔子大。每服三粒。水瀉。并花水下。白利。乾薑湯下。赤利。甘草湯下。赤白滯利。乾薑甘草湯下。食前。

木香炒連圓 治脾胃虛弱。寒溼冷熱相搏。滑泄下利赤白。

黃連二兩粗好折開如金色者剉勻如豆大又用生薑四兩淨洗亦勻切不用只如豆大同一石銀器中炒不住手攪貴得勻也炒至生薑焦脆去薑用黃連 訶子煨去核用半兩 木香半兩

右同細末。以溼紙包粟米飯慢火煨。水脈溜取出和藥圓。如菉豆大。每服二十圓。食前米飲下。神效。

金鎖散 治赤白滯利。日久不差。

黃連去鬚一分用茱萸一分同炒去茱萸不用只用黃連 厚朴去粗皮半兩生薑製

右同細末。嬰孩一字。二三歲半錢。紫蘇木瓜湯調下。日三服。食前。

赤脂丹 治如前。

赤石脂 乾薑炮

肉豆蔻各一兩麵裹煨香去麵用



右細末。麵糊圓。黍米大。每服十粒。米飲下。食前。

治小兒下利膿血

葦澄茄一兩

破故紙半兩炒黃

黃連半兩去鬚

木香一分

右細末。每服半錢。陳米飲下。食前。日二服。小兒加減。

治小兒風邪所干。下利頻併。裏急後重。

以前。以天南星一兩。生爲末。每服半錢。水二盞。生薑十片。米十粒。煎至半盞。溫服。食

治小兒久利藏毒。下膿血不止。

以好大棗一箇。去核。入黃丹半錢。硃砂一阜子許。膩粉十文。並研細。置棗肉內。用大麥麵裹。慢火灰中炮香熟。去麵並棗皮了。研極細。入少軟飯。圓如麻子大。量兒大小加減圓數。煎槐花湯下。甚者二服定。食前。

小桃花圓 治小兒赤白利。

赤石脂

龍骨煨

蜜陀僧

定粉

黃丹炒紫黑  
色用

右等分。醋糊圓。菉豆大。每服十圓十五圓。米飲下。乳食前。

治赤白諸利。

以蜂房燒末飲服。量大小與。

又以雞腸草取汁一合。和蜜溫服良。以雲母粉半兩。更研極細。量兒大小加減。煮白粥拌勻。空腹食之。

又以胡粉熟蒸。熬令色變飲服之。亦治無辜痢良。大小以意加減。

治久利不差。

以沒石子二箇。剉熬令黃。研細作餛飩食之。

治小兒諸利薑連圓。

黃連去鬚

龍骨煨

白石脂

川薑炮

枯礬各一兩

右末。以粟米粥和圓。麻子大。每服三十圓。米飲下。乳食前。量大小與服。

木香黃連圓 治冷熱相雜。下利赤白。裏急後重。腹痛絞撮。及腸胃氣虛。暴傷乳哺。

木香

黃

連去鬚各一分

白附子尖炮二箇

右細末。粟米飯和圓。菉豆大。或黍米大。每服十圓至二三十圓。量大小與之。食前米飲下。日夜三四服。

四神散

治諸般赤白利。

當歸

土焙並

乾

薑炮

黃檗炒

黃

連

去鬚各等分

右四味。各自爲末。如水穀利。各用半錢和勻。量兒大小。一錢至半錢。濃煎烏梅湯調下。赤利者加黃檗倍之。白利者加乾薑倍之。後重裏急腸痛者加黃連倍之。腹中絞痛者加當歸倍之。並空心食前服。沈存中言。予家常作此藥。最獲大效。

槲皮湯

治如前。

右以新槲皮不拘多少。去外黑皮。細切曬乾。每服二錢。水一盞。煎至半盞。去渣更煎如膏。量大小溫服立差。食前。

又方

治如前。

右以雞子一箇取清。攤連紙一張令徧。曬乾。疊作四重。包撮烏梅十箇。有肉好



者。安熨斗內。炭火燒煙欲盡。存性取出。頓一碗中。上用盞子合之。候冷研細。更入水銀粉少許和勻。量兒大小。分三五服。空心并花水調下。如一服微利。止後服。

二色圓 治如前。

吳茱萸揀去枝梗二兩

黃

連去鬚二兩

巴

豆四十九粒去皮

右同於銚子內炒令黃赤色。去巴豆不用。只將上面二味。各自爲末。麵糊和圓。如蘿蔔子大。看大小緊慢加減圓數。如白利只服茱萸圓。赤利只服黃連圓。白多赤少者。多服茱萸圓。赤多白少者。多服黃連圓。赤白相等者。中半服之。

御米湯 治如前。

御米十粒和穀用

甘草二錢炙

當歸去蘆洗焙一分

黃連去鬚一分

右末。每服一錢。米飲調下。乳食前。

嬰粟圓 治如前。

嬰粟殼一兩密炒

酸石榴皮燒存性四錢

甘草半兩炙

阿膠一錢剉蛤粉炒去粉

右末。煉蜜和圓。小雞頭子大。每服一圓。水六分盡化開。煎至四分溫服。乳食前。

三烏圓 治如前。

川 烏 一箇 草 烏 一箇 巴 豆 七箇

右各燒及九分。同研細。酒煮黃蠟鎔化。入少好油拌和。攪勻成膏。每用旋圓。菜豆大。每服三圓。看大小加減。血利黃連湯下。白利乾薑湯下。水穀利。倒流水下。赤白利。乾薑甘草湯下。

固腸圓 治赤白滯利。多日不差。漸成羸瘦。

黃 連 二兩 去鬚 木 香 二兩 半 夏 二兩 湯洗七次 乾 薑 二兩 炮

赤石脂 二兩 煨 厚 朴 二兩 去粗皮 白 朮 二兩

右為細末。麵糊和圓。黍米大。每服十圓。米飲下。乳食前。

健胃丹 治赤白等利疾。日久疴羸。

黃 連 一兩 去鬚 白 龍 骨 半兩 白 石 脂 半兩 神 麴 半兩 炒

烏梅肉 半兩 乾 薑 半兩 白 礬 一

右細末。醋糊和圓。黍米大。每服十粒。十五粒。米飲下。乳食前。

妙應膏 治久利赤白。諸藥不效。

蜜陀僧末半兩

黃丹半兩

定粉半兩以醋拌勻。以上三味同於銚子內

訶黎勒皮

木香各一兩

巴豆十粒膜壓油盡。砒霜半錢

麝香一錢

右同研勻細。先以黃蠟四兩。慢火鎔化。入藥拌勻熬成膏。每用旋圓。黍米大。未  
啐兒一粒。二三歲兒二粒。四五歲三粒。六七歲五粒。血多。冷甘草湯下。膿多。溫  
艾葉湯下。臨臥服。忌熱物。亦治積利。

金華散 治滯利多時。羸瘦體弱不堪。疾勢困重。

右好黃連為細末。每服一錢。水一小盞。煎至盞半。入蜜少許。和勻放溫服之。日  
五六服。食前。

又方 治如前。

右以麻子一合。炒香熟為末。每服一錢。溫蜜漿水和服立效。

木香三使湯 治赤白久利。拖延時月。至天寒不斷。

右以木香方寸許。黃連半兩。水半升。同煮至水乾。去黃連不用。只將木香薄切。



焙乾爲末。分三服。第一服橘皮湯調下。第二服陳米飲下。第三服甘草湯調下。乳食前。

烏金散 治赤白滯利。及有所傷下利。

右以青州棗不拘箇數。去核入白礬末滿。以紙裹煨。存性爲末。每服半錢。米飲調下。未愈宜增之。如赤者。更入好茶半錢同調服。白者不用。

治積利方

軟金丹 治久積成利。

砒霜

雄

黃

飛研水

巴

豆

膜去皮

右三味等分。各研細末。先以黃蠟看多少於石銀器內炭火鎔化。入藥末。竹篦子左右手各攪四十九徧。如此七次數足。取下火。乘軟搓成小錠。以油單裹置新瓷器中。要用火烘軟。旋圓如粟米大。或如蘿蔔子大。三五粒。量大小病勢加減。赤利溫薑汁下。白利或赤白雜下。並米飲下。乳食前。

大尊重圓 治虛中有積。腸滑下利。裏急後重。臍腹疼痛。

粉霜三錢

黃丹半兩

定粉半兩

硃砂半兩

膩粉二錢

京三稜末一兩

白

麵

五錢少即量添些小

右爲末。同勻。滴水。和圓。曬乾。炭火上炒令烈焦。再杵羅爲米。棗肉和圓。菴豆大。每服一二圓。米飲下。乳食前。

硃砂萬應圓 治積利久利滯利。一切諸利。多日不差。

硃砂末一錢

硃砂末一錢

巴

豆

七箇去皮膜

蠟二棗大許

右於銚子內先鎔蠟。化入巴豆。熬至黑焦。去巴豆不用。卻入上二味。攪極勻。放凝爲劑。如用旋圓。如菴豆大。每服三圓。白利。艾湯下。赤利。黃連湯下。赤白利。黃連艾湯下。水穀利。新水下。乳食前。

針頭圓 治如前。

硃砂半錢

砒一錢

巴

豆

七箇用油煎

硫

黃只使散子大研末更用蠟

爲圓

右旋圓。針頭大。每服一圓。米飲下。量兒大小。加減圓數。食前。

燒青圓 治諸積利。

輕粉二錢

玄精石一分

霜粉一錢

硃砂一錢

右爲末。入白麵二錢拌勻。滴水。和劑。捻作餅子。文武火燒熟。再研爲細末。滴水。和圓。芥子大。漿水下三四圓。一方保州邵廉訪方。無硃砂。卻有龍腦一字。餘並同。亦不燒。只爲末。水浸蒸餅。圓麻子大。一歲兒一圓。二三歲二圓。四五歲三圓。六七歲五圓。並夜深空腹冷水送下。如虛中沉積。泄利膿血交下。腹痛煩渴。百藥不效。不敢取轉者。服之便愈。並不動氣。忌一切生冷油膩毒物。又名瑞白圓。

治疳利方在疳疾之下

治蟲毒利方

育腸湯 治蟲利下血。如豆汁赤水。腹痛。

罌粟殼五兩細剉蜜酒勻炒黃

地榆

槐花拌蜜炙

厚朴去粗皮薑製 甘草炙

橘皮去白

酸石榴皮

當歸洗去蘆焙 白芍藥

五倍子去其中蟲各一兩三錢

阿膠蛤粉炒二兩去蛤粉

右爲粗末。每服二錢。水一盞。入陳粳米二十粒。錫一塊。阜子大。煎至五分。去滓。溫服。食前。



緩腸湯 治蠱利如前。

人參去蘆 白朮

厚朴去粗皮 薑製 白芍藥

黃耆蜜炙 陳粳米炒各二兩

右爲粗末。每服二錢。水一盞。入生薑三片。棗一箇。同煎至五分。去渣溫服。空腹

食前。日三服。

犀角散 治蠱利如前。

犀角屑 地榆剉

黃檗微炙 黃芩

生地黃各一兩

右爲細末。每服一錢。粥飲調下。乳食前。

地榆圓 治蠱利腸中畜毒下血如豆汁。或諸惡物。

地榆多一兩 黃連去鬚一兩

川棟子去核半兩

乾藍葉一兩

川升麻一兩

當歸並去土蘆 白茯苓

甘草炙各一兩 阿膠蛤粉炒去粉

御米殼炙三兩 蜜

黃連去鬚剉 柏葉微炒

當歸去蘆土洗 赤薤荔取葉

右為細末。軟飯和圓。如黍米大。每服十圓。米飲下。量大小加減。乳食前。

地榆樽皮圓 治如前。

地榆四錢

樽根白皮三錢

白芍藥半錢

阿膠

蛤粉炒去

當歸去蘆洗一錢

烏梅肉半錢

木瓜半錢

枳殼

去穢炒

茯苓一錢

肉豆蔻煨去麩裏

甘草二錢

木香

一錢

綿薑半錢

金櫻子二錢

人參去蘆半錢

右為末。煉蜜圓。麻子大。每服二三十圓。米飲下。乳食前。

地榆散 治蟲毒利下血。或如雞鴨肝片。腹痛不止。

地榆一兩

甘草半兩

赤芍藥一兩

柏葉

微炒

茜根一兩

當歸去蘆洗淨一兩微炒訶黎勒煨用皮一兩

黃連

去蘆微炒一兩

右為麤散。每服二錢。水一小盞。煎至六分。去滓。乳食前溫服。

白頭翁散 治蟲毒利。如雞鴨肝片。隨膿血而下。

白頭翁去蘆

黃連去蘆微炒

茜根剉焙

蘇枋木剉

故鼓皮炙焦各一兩

犀角屑半兩

地榆剉半兩

甘草炙一分

右爲細末。每服一錢。水一小盞。煎至六分。去滓溫服。乳食前。

地黃汁 治蠱利畜毒下血。

右以生地黃汁一升。分四五服。量大小與服。食前立效。

治休息利方

鮓湯圓 治休息利。下五色膿血。如爛魚腸無糞。腸中攪痛。

粉霜一錢

輕粉一錢

硃砂一錢

硃砂一錢

白丁香錢末四

乳香半錢

巴豆七箇不去油

右爲末和勻。蒸去皮。棗肉爲圓。粟米大。嬰孩二三圓。二三歲兒四五圓。旋圓。兒大者圓如麻子大。鮓湯送下。日三服。及與調胃氣藥間服大良。亦治積利。蠱利。藏毒利。

神安圓 治如前。

砒霜一字

龍骨二字

烏魚骨三字

赤石脂二字

茯苓三字

黃連去穢三字

定粉三字

乾薑三字

黃丹三字



右爲細末。入麝香少許拌勻。飯和圓。黍米大。每服五圓。輕粉湯下。亦治諸利。赤者甘草湯下。白者乾薑湯下。赤白雜者乾薑甘草湯下。

檮根散 治積年毒利無休息。

檮根白皮

大眼櫚是也取北陰下根一截。破用之無北陰下者亦可。

訶子七箇取皮去核

右用河水三升。煮取一升。去滓。時時呷服。一方二味等分爲粗末。每服二錢。水一大盞。煎至半盞。去渣溫服。時時呷服。利住喫淡粥。飲乳將息。

治諸利雜證

龍骨散 治下利體熱煩渴。

白龍骨煨一兩

茯苓神三分

人參去蘆三分

胡黃連半兩

茅根三分

麥門冬去心焙三分

右爲散。每服一錢。水一小盞。煎至五分。去滓服。乳食前。

青黛散 治下利發渴不止。時舉方

青黛一分

乾藕節一兩

蜜陀僧半兩

漢羅乃旱螺一分

右爲末。每服半錢。米飲調下。無時。

冬瓜汁 治如前。

右杵冬瓜汁飲之。

烏 飲 治如前。

烏 梅 十箇 去核

麥門冬 一分 去心

蜜 二兩 半

右分爲五七服。用水一小盞。煎半盞。入蜜攪勻服之。無時。

楮葉湯 治下利發渴。得水飲便嘔逆不止。

右以楮葉炙令黃香。用漿水半升浸之。候水綠色去葉。以木瓜一箇切碎。內汁

中煮五七沸。去木瓜。放溫細細服。無時。

治嬰小下利。腹大且堅。

右以衣中白魚摩腹上。

治小兒熱下黃赤汁沫。及魚腦雜血。肛中瘡爛。坐臥生蟲。

黃 連 去土 去鬚

檳 皮 炒

苦 參

鬼 白

獨 活 去蘆

橘 皮

芍 藥

阿 膠 蛤粉炒去蛤粉 各半兩

右爲末。以藍汁及蜜和圓。小豆大。日服五圓至十圓。冬時無藍汁。用子一合爲

末。入藥內。

治小兒久利膿汁。溼蠱生瘡。

右以艾葉一味。每服二錢。水一盞。煎至半盞。去滓溫服。更量大小加減。乳食前。

治小兒下利。腹脹堅硬。

右以故衣帶多垢者切碎。水三升。煮取一升。分服。

治小兒卒暴下利。

以小鯉魚一頭。燒灰末之。米飲調下。

以雞子和黃蠟。作煎餅與服。

又以林檎楮子同杵取汁服。以意服之。

黃柿餅 治秋利。

以黃柿搗和米粉作餅。或作粥與食之。

治小兒洞下滑利。

以羊角中骨燒存性爲末。飲調服方寸匕。

治小兒脾胃虛怯。泄利腹痛。



以揀肉豆蔻絕大好者一箇。開一深竅。填乳香一塊。用酵麵裹了。慢火煨麵熟。將藥爲細末。麵糊和圓。菉豆大。每服二十圓。乳食前米飲下。

養胃丹 治小兒藏寒下利。白膿頻數。

附 子炮一枚重半兩者裂去皮臍

赤石脂一兩

川 薑炮一兩

訶黎勒皮一兩

右爲細末粟米飯圓黍米大。每服十粒。米飲下。乳食前。

## 脫肛論

小兒脫肛者。謂大腸肛頭脫出也。此因瀉利日久。腸滑冷氣相搏。裏急下重而便難。用力努軀。致肛頭脫而下出。寒冷干乘。不能收返得入。今敍治方於後。

治小兒肛頭脫出。

以故麻鞋底炙熱得所。按令入。頻頻按之。即不出。或燒鼈頭灰研細附上。然後按入永差。

以木賊燒存性爲末。摻上。用手按按令入。

鼈頭圓 治小兒因瀉利。及冷搏積久。脫肛下出。不能返收。腸中疼而不得入。

死鼈頭二箇炙令焦

小蝟皮一箇炙令焦

磁石火煨米醋碎不計偏數以易碎為度四兩

桂心三兩不見火

右為細末。煉蜜和圓。小豆大。三歲至五歲兒五七圓。溫服米飲。日三服。一方不用鼈頭。只三味。

赤石脂散 治因瀉利努軀氣下。推出肛頭不入。

真赤石脂

伏龍肝等分

右為細末。每用半錢。傅肛頭上。頻用按入。

蛛丹散 治因瀉利脫肛疼痛。又名黑神散

右以大蜘蛛一箇。瓠葉重裹繫定。入合子內。燒黑灰存性。入黃丹少許研勻。凡用先煎白礬葱椒湯洗。拭乾。將藥末摻在軟綿上。手掌按按入收之甚妙。亦治大人。又一方桑葉裹鹽泥固燒。

蕪荑丹 治久利大腸虛冷。肛門脫出。

白蕪荑去枝一兩

鼈甲一兩酥炙 蝟牛殼炙一兩焦

磁石燒醋碎十次研火飛

黃連去鬚微炒半兩 蜥蛇膽半兩

右爲細末。軟飯和圓。黍米大。每服十粒。粥飲下。乳食前。

二金散 治久利腸頭虛冷。肛門脫出。

龍骨一兩 枯鼈殼半枚。鹽酥炙黃用一兩

右爲細末。每用一字。或半錢。乾摻上。按按內之。

又方 以白龍骨研如粉撲之。

又以鼈頭燒灰細末撲之。

又以沿桑螺燒末。和猪膏傅上。立縮收之。此螺全似蝸牛而微黃小。雨後沿桑而生。

又以虎骨燒末。水調服半錢。或一錢。日三甚良。

治小兒大腸隨肛帶出。轉久不能收之。

以生栝樓取汁塗之。

以猪肉汁蘸手。隨按之。令暖自入。

又以乾胡荽切一升。燒煙熏之。則縮入。



又以木賊不拘多少。燒存性為末。摻上按之。

縮沙散 治小兒滑泄。肛頭脫出。

以縮沙一兩。去皮為末。每用一錢。以猪腰子一片批開。入藥末在內。綿繫。米泔煮熟。與兒食之。次服白礬圓。如脫肛氣逆。偏身虛腫喘急者不治。

白礬圓

枯白礬

定粉

寒水石煨各等分

右為細末。爛飯研勻和圓。黍米大。每服五圓。煎烏梅湯送下。乳食前。

斗門散 治小兒瀉利多時。青黃羸瘦。脫肛不收。

訶子肉

枳

殼去穢

地

榆各等分

右為細末。每服一錢。米飲調下。一歲下者半錢。乳食前。

又方 治如前。

香附子

荊芥穗等分

右為粗末。每用三匙。以水一大碗。煎十數沸。淋音幹。

又方 以浮萍草不拘多少。曬乾杵為細末。乾貼上。以蝴蝶兒不拘多少。陰乾為

小兒衛生總微論方 卷十一 脫肛論

末。塗手心。按上即止。

# 小兒衛生總微論方

## 卷十一

### 五疳論

小兒疳病。諸論叢雜。唯五疳之說爲當。其證候外則傳變不同。內則悉屬五藏。一曰肝疳。其候搖頭揉目。白膜遮睛。偏身多汗。喜覆面而臥。眼中澀癢。色澤青黃。髮豎頭焦。筋青胸熱。腹中積聚。下利頻多。日漸羸瘦。二曰心疳。其候渾身壯熱。頰赤面黃。心胸膈腕煩燥滿悶。口舌生瘡。盜汗多驚。下利膿血。神彩衰耗。三曰脾疳。其候腹大如鼓。上多筋脈。喘促氣粗。心腹壅脹。多啼欬逆。水穀不消。脣口乾燥。好食泥土。情意不樂。憎明好暗。利多酸臭。肌肉內消。形枯力劣。甚則大肉陷下。四曰肺疳。其候欬嗽氣逆。皮毛焦落。咽喉不利。揉鼻齧甲。口鼻生瘡。腹內氣脹。乳食不進。大腸不調。泄利不常。憎寒體慄。糞中米出。洞下白泔。五曰腎疳。其候上熱下冷。寒熱時作。齒斷生瘡。耳焦胸熱。手足逆冷。吐逆滑泄。下部生蠱。脫肛不收。夜啼饒哭。



漸成困重。甚則高骨乃敗。小兒疳疾。乃與大人勞瘵相似。故亦名疳勞。大人勞者。因腎藏虛損。精髓衰枯。小兒疳者。因脾藏虛損。津液消亡。病久相傳。至五藏皆損也。大人勞疾。骨削而氣耗。小兒疳疾。腹鼓而神羸。以其病之始也。其藏之傳受不同故也。至於傳久。五藏皆損。則一也。故五損者。經言一損於皮毛。皮聚毛落。肺也。二損於肌肉。肌肉消瘦。飲食不爲肌肉。脾也。三損於血脈。血脈虛少。不能榮於藏府。心也。四損於筋。筋緩不能自收持。肝也。五損重於骨。骨痿不能起於牀。腎也。病極則大肉陷下。高骨敗壞。以至死矣。凡小兒疳疾。多是下藥所壞。小兒藏府嫩軟。易虛易實。一切於諸病誤行轉下。致脾胃虛弱。津液內耗。皆能成疳。且如潮熱日中時發者。是脾藏虛。心藏實。日中乃心而內發其熱。法當先補其肝母。肝乃心母也肝實而後瀉心。心得母氣則平。而潮熱乃愈。醫見潮熱。妄謂其實。便以大黃牙消等冷藥利之。利既多而不能禁。則津液內亡。漸成疳也。又如癖病發作。寒熱飲水。脇下有形而硬痛。法當用藥漸消磨之。醫見有癖。便以巴豆。硃砂。輩駁藥下之。下既多而津液耗。則漸成疳也。又如傷寒五六日之後。有下證。因以冷藥下之太過。致脾胃虛而津液耗。即便引飲不止而熱生。如此則熱氣內耗於津液。肌肉外消而

羸瘦。他邪相干。證變百端。亦因成疳也。又如吐瀉病久。津液耗亡。亦能成疳也。又如小兒食肥甘物多。因傷為積。則蘊利發熱。津液內耗。亦能作疳。故甘即疳也。聖濟經云。肥甘之過。積為疳黃。乃謂是矣。故諸病皆能成疳也。甘疳之候。眼濇多困。或生白膜。脣口淡白。身色黃黑。食泥土生米。喜臥冷地。疥癬頭瘡。洞泄青白黃沫。下利膿血。腹滿喘欬。耳鼻生瘡。髮稀作穗。頭大項細。肚大青筋。脚手垂躄。瘦瘠飲水。筋痿骨重。形劣疳羸。皆其證也。本因脾虛津耗。久則傳變而成。傳緩者則為慢疳。傳緊者則為急疳。又當辨認冷熱肥瘦。其肥熱疳者。乃因食肥甘積聚生熱而作。故多病於初也。錢乙治用黃連圓。其瘦冷疳者。乃因轉下瀉利生冷而作。故多病於久也。錢乙用木香圓。通治冷熱疳者。錢乙用如聖圓。凡治小兒之病。必量虛實冷熱。不可妄行轉下。恐變生疳也。若病初之脾虛津少。發渴欲飲者。當生胃中津液。煎錢乙白朮散與服。惟多則纔好。其錢乙諸方。本集載之。又有一證。其候腹中有塊。身體羸瘦。毛髮焦稀。腹大氣喘。冷利脫肛。喫食愛吐。俗曰無辜。寶鑑云。按玄中記有無辜之禽。一名姑護。一名鈞星鬼。但喜夜飛。人有暴露小兒衣袂褊包。其禽飛立在上。令兒患此疾也。予性好尋閱異書。十餘年間。竟



不知玄中記之所出。又此禽既云夜飛。必有形狀。世間亦莫之曾見。是必巫覡假以鬼名而偽言者也。今鮮其證而對其病。實乃疳疾之候耳。特為破其邪說。以祛惑亂矣。

治五藏疳方

地黃圓 治肝疳拘急。疳氣入眼隱澀。或生白膜。暈瞖赤脈等疾。

熟地黃 八錢

山茱萸 四錢

乾山藥 四錢

澤瀉 三錢

牡丹皮 三錢

白茯苓 三錢

右為細末。煉蜜和圓。桐子大。三歲下兒一二圓。上者三四圓。溫水化下。空心。

熊膽天麻圓 治肝疳羸瘦。搖頭揉目。百脈拘急。

熊膽

天麻

羌活 去蘆

蟬殼 去土

使君子 去殼

胡黃連 各一兩

蘆薈

乾蟾 各半兩

右為細末。粳米飯和圓。黍米大。每服十圓。煎荊芥湯化下。量大小與。無時。

奪命丹 治心疳體熱。驚搐煩渴。髮稀肚大。泄瀉羸瘦。

硃砂

麝香

牛黃

腦子



蘆薈

沒藥

礪砂

熊膽

麒麟竭半兩

粉霜一錢

使君子去殼

青黛三錢

右爲末。滴水。和圓。豌豆大。每服一粒。薄荷水化下。日三。兒大二三圓。

硃黃丹 治心疳挾驚發熱煩渴盜汗羸瘦。

硃砂一分

天竺黃半兩

乾全蠍二十一分 天漿子十四箇 去

人參去蘆

胡黃連一兩

青黛一分

龍腦一錢

右爲末。拌勻。煉蜜和圓。黍米大。每服十粒。人參湯化下。無時。

黃聖圓 治脾疳發黃身腫。

黃土一兩

陳皮去白

木香一分

巴豆二十箇 去皮

右爲末。飯和圓。粟米大。每服三二圓。煎黑豆汁送下。無時。

木香煎 治脾疳因不知飢飽積滯內停腹大脚細下利無度。

南木香一兩

肉豆蔻一兩 裹

乾蟾二箇

胡黃連一兩

使君子去殼

五靈脂一兩

巴豆七箇 去皮

心膜

麝香一分

右爲末細勻。滴水。和劑。入石臼杵一二百下。圓如黍米大。每服一二圓至五七圓。量大小與溫生薑湯下。乳食後。一歲下者一圓。二歲上者三圓。以意加之。

肉豆蔻丹 治脾疳如前。

肉豆蔻 裏煨

使君子 去殼一兩

青皮 去穢一兩炒黃

牽牛子 四分炒黃

蘆薈 一分

麝香 半錢

右研勻細。糯米飯和圓。黍米大。每服十圓。生薑湯下。食後。

香連散 治脾疳泄瀉。腹大脚細。漸成瘦弱。及諸脾胃不和。氣不調順。並能治之。

木香 一分

黃連 去鬚半兩炒

訶子 煨去核取皮一分

肉豆蔻 三箇裏煨去麩

甘草 一分

右爲細末。每服一字或半錢。米飲湯調下。乳食前。

麝香丹 治肺疳皮毛枯燥。欬嗽上氣。

胡黃連 一兩半 夏洗七次

紫蘇子 微炒一分

五味子 一分

乾蟾 一箇炙酥末

麝香 一分

蘆薈 一分

硃砂 一分

右爲末細勻。棗肉和圓。黍米大。每服五七粒。米飲下。無時。

靈砂丹 治肺疳因欬嗽羸瘦。皮枯毛落。

人參去蘆半兩 甜葶藶炒一分 五靈脂一分 胡黃連味一分四分

辰砂半兩 麝香一分 蘆薈一分 杏仁炒去皮尖一分

右爲末拌勻。粳米飲和圓。黍米大。每服十圓。人參湯下。無時。

石綠散 治腎疳耳上生瘡。及治肥疳頭瘡鼻爛。浸久不差。

石綠 白芷各等分

右爲末。先以生甘草水洗瘡。拭乾傅藥。一日愈。

蛙雞灰散 治腎疳成羸腸虛。蟲蝕下部肛腸等。

右以長脚蛙青背一枚。雞骨一分。同燒爲灰。細研爲末。吹入下部中。令深入。數用大效。

桃白散 治如前。

桃根白皮一兩 黃檗蜜一兩 黃連去鬚一分 蛇蛻燒灰半兩

乾蝸牛燒灰一分 青州棗核五十箇去



右爲細末。入定粉一分。麝香一錢。同研勻。每服一字至半錢。粥飲調下。乳食前。量輕重加減用藥。

如聖丹 治如前。

乾 蟾 蟬 殼 去土盡

燒灰

蟬

殼 去土盡

蜈蛇膽 一分

大 棗 一箇 去核 燒灰

黃 丹 研 一分

定 粉 研 一分

麝 香 研 一錢

右同拌研勻細。用好醋看乾溼拌勻。白杵一二百下成膏。圓黍米大。每服五七粒。米飲下。量大小加減。又化三二粒塗調患處。若蟲出乃愈。

烏金膏 治腎疳入經。灌注陰囊。黃亮色腫。

通 草 燒 一分

黃 檗 燒 一分

大 黃 各 存 性 一分

右同研爲末。每用一錢。以豬膽調成膏。於陰腫處徧塗之。如未退。更煎蛇牀子湯洗之。再調塗必效。

二肝圓 治疳利不止。

龍膽草 去蘆 一兩

漏 蘆 去蘆 一兩

葛 蒲 節 者 一兩 九

胡黃連 半兩

地榆半兩以上雞肝一兩

豬肝一兩

右將藥末入二肝內裹定。以水二盞。入鹽少許。煮至肝熟。於石臼中杵一二百下成膏。圓黍米大。每服十粒。麝香湯下。食前。

金靈散 治腎疳時久。骨沉力弱。項細頭重。致天柱骨倒。不能擎舉擡頭。

右以白僵蠶不拘多少。揀直者去絲嘴。炒焦爲末。每服半錢或一字一錢。薄荷酒調下。日三。須臾用生力散塗之。

生力散 右以木鼈子三箇。草薺子三十箇。各去殼取肉。同研細。每用一錢許。津唾調攤紙上。先緊抱定兒。措項上。令熱貼。

治疳 治疳瀉方

赤石脂散 治疳瀉不止。

赤石脂 川芎各等分

右爲細末。量大小多寡。米飲調下。乳食前。

二聖圓 治瀉久不愈。羸瘦成疳。常宜服之。

川黃連去蘂 黃檗去粗皮

右爲細末。將藥入豬膽內。湯煮熟取出。圓菜豆大。每服二三十圓。米飲下。無時。

竹筴圓 治疳氣泄瀉煩渴。其效如神。

好黃連去土一兩

吳茱萸楸一兩

右二味。以蜜相和拌勻。炒赤黃色。去茱萸。只用黃連爲末。薄糊和圓。蘿蔔子大。每服十圓。煎竹茹米飲送下。無時。

六神丹 治疳氣羸瘦。藏府怯弱。泄瀉虛滑。乳食減少。引飲無度。心腹脹滿。

丁香

木香

肉豆蔻各半兩並用訶子半兩

使君子去殼半兩

蘆薈一兩

右爲細末。棗肉和圓。麻子大。每服五七圓。溫米飲下。乳食前。服此藥於夏秋間。應小兒泄瀉色白。或瀉多服藥不差者。但與之便定。

如聖圓 治冷熱疳瀉。

胡黃連

川黃連去土

白蕪荑去扇取仁使君子去殼

麝香半錢

乾蟾酒三箇

右爲細末。入蟾膏和圓。麻子大。二三歲以下者兒五七圓。以上者十圓一十五



圓。人參湯下。食前。

木香散 治疳瀉腹脹。

木香

青皮去穢各一錢

陳粟米一合

巴豆

豆三十粒去皮同米炒至巴豆黑色去巴豆留米用

草豆蔻二箇一箇生用一箇裏煨熟

蜆

蜆二箇去頭足翅糯米炒焦去米

右為細末。每服一字或半錢。米飲調下。食前。

硫黃圓

治疳瀉色白如米泔。

巴豆

豆十四箇去皮膜出油盡

硫黃末一錢

青黛末一錢

蕪荑

荑錢末一錢去皮一

右拌研勻。細水浸蒸餅和圓。菉豆大。米泔水送下三圓。食前。

金粟丹

治疳瘦泄瀉腹大好食泥土。

母丁香

草龍膽去蘆

厚朴去粗皮生薑製

硃砂研飛

青黛

黛一兩各一研

夜明砂微炒

蟬殼去土盡

訶子肉微炒

右為細末。和蜜一半。麵糊一半。相和。圓黍米大。每服十粒。米飲下。無時。

橘香圓 治疳積黃瘦。盜汗腹脹泄瀉。宿滯不化。氣促發喘。

陳皮

木

香

薑

黃切片

白朮

牽牛子

右爲細末。滴水。和圓。麻子大。每服十圓。葱白米飲下。食後。

木香芥粒圓 治如前。

陳粟米二合

巴

豆

陳皮半兩

檳榔

人

參

木香

右爲細末。飯和圓。芥子大。每用看虛實大小加減。三五圓。米湯下。不拘時。

麝香圓 治脾熱生疳泄瀉。氣弱不食。

川苦棟

取肉一兩。用童子小便浸一宿。焙乾。

巴

豆

蘆薈

檳榔

蕪

黃

沒石子一分

麝香少許

右爲細末。豬膽汁浸蒸餅和圓。黃米大。每服十圓。米飲下。食後。

吳婆散 治疳瀉不止。不計度數。漸成羸瘦。飲食減少。衆藥不效。

桃根白皮一分 黃柏蜜炙一分 蕪荑去皮一分 黃連去分微炒一分  
沒石子半錢 厚朴去粗皮薑木一錢 丁香一錢  
棟根白皮半分 檳榔一錢  
右為末。三歲以下兒每用半錢。以上至六七歲者一錢。煎紫蘇、木瓜、米飲調下。食前日三服。屢驗。此藥性小溫。暴熱瀉者不可服。一方無沒石子、丁香、檳榔三味。

水蘼丹 治疳氣羸瘦血利。

蛇蛻一兩 牛黃研粉別 雞頭殼燒一兩二味 胡黃連半兩  
水蘼焙半兩 硃砂研半兩 蘆薈一分 粉霜一分

右拌勻細軟飯和圓。黍米大。每服五七粒。麝香湯下。無時。

龍骨湯 治疳氣瘦弱。下利白膿。久而不差。

龍骨半兩 訶黎勒皮焙半兩 赤石脂半兩 酸石榴皮微炒一分

木香一分 使君子仁一分

右為細末。每服一字或半錢。麝香湯調下。無時。



丁香散 治如前。

丁香 香二箇

黃連一寸

大棗去核

右以棗裹二藥麻纏火上燒存性。研爲細末。米飲調下。無時。

芫蔚粥 治如前。

右以芫蔚葉

韋母也

煮粥食之。或取汁飲亦妙。

薔薇汁 治如前。

右以生薔薇根洗淨。細切煎膿汁。稍稍飲之。

勝金圓 治如前。及加腹脹。

右以雞子一枚。打一眸子如豆大。入去皮巴豆一粒。膩粉一錢在內。以五十重

紙裹。於飯甑內蒸三次。取雞子肉同藥研。更入麝香少許細勻。添少糊。圓如黍

米大。食後臨臥溫湯下二三圓。量大小與服。一方用雞子一枚打破。和膩粉炒

乾爲散。米飲調一字。或半錢服。

薤糯餅 治如前。

右以薤白一握。生杵如泥。同蜜和糯米粉研作餅。炙熟與喫。不過二三次差。

樽白棗子 治如前。

右以樽根白皮搗細碎。麵拌和。切作小顆棗子。日曬少時。又拌麵一次。凡三過為度。水煮熟。加鹽醋頓服。量大小與困重者服之差。

樽根米泔汁 治如前。

右以樽根白皮煮濃汁。半雞子殼。和粟米泔半雞子殼。同灌下部。再作即差。其驗如神。

木香使君丹 治疳氣羸瘠。雖能食不生肌肉。時時泄利無休。

使君子去殼二兩

木香一兩

丁香一兩

厚朴去粗皮生薑製一兩

沒石子一兩

胡黃連一兩

肉豆蔻兩裏煨去麩一兩

蘆薈一分

麝香一分

右為末同勻。以粟米飯和圓。黍米大。每服十粒。煎陳橘皮湯下。無時。乳食前。

君子圓 治疳勞發熱。掃指齧甲。髮疏腹脹。不思乳食。羸瘦虛滑。下利無度。愛食泥土。

厚朴去粗皮薑製

甘草炙

青黛

陳皮去白

訶

子妙法去核取皮用各半兩

使君子

去殼一兩白燕蕒三分

右爲末。煉蜜和圓。雞頭子大三歲下兒半圓。上者一圓。乳汁或米飲化下。若夾驚熱瀉。用之極妙。

青黛散

治諸疳瀉利。毛焦羸瘦。

右以青黛研爲細散。水調服之。量大小與。

〔歌曰〕

孩兒大病變成疳。

不問強羸女與男。

或似積傷食不進。

漸成柴瘦困耽耽。

體熱口乾頻飲水。

皮毛枯槁四支攤。

腹大時時更下利。

青黃白赤一般般。

眼濇面黃鼻爛赤。

口氣增寒臥不安。

忽然瀉下如泔淀。

又似膿膠涕作團。

肛頭凸出饒啼哭。

不忻哺乳淚潸潸。

腹中有病須醫療。

何須祈禱賽神盤。

此方便是青黛散。

孩兒服餌立安全。

赤虎圓

治疳積瀉利。

硃砂別研

胡黃連

川黃連去積

蘆薈



膩粉各一

硫黃別研

肉豆蔻新裹煨一

巴豆二枚去殼用巴豆別研至

麝香少許

右為細末。研勻細。麵糊和圓。如蘿蔔子大。用甘草湯送下。一歲兒一圓。以意加減。

漏蘆煮肝湯。治疳氣肚脹。冷熱不調。瀉利無度。

右以漏蘆一兩為末。每服一錢匕。豬肝一兩。鹽少許。水煮熟。空心頓服。大治無辜疳。

君子散。治五疳小便白濁。瀉利無度。

右以使君子仁為末。米飲調服。食前。

厚脾圓。治疳勞虛冷。白利泄瀉。手足逆冷。

厚朴去粗皮薑肉豆蔻煨去殼龍骨半兩

訶子肉腹去核

右為細末。糊圓菜豆大。米飲下十圓。無時。

蝦蟆圓。治諸疳疳瀉。

蘆薈研

黃連去鬚

穀精草

桂心

硃砂一研各錢 縮砂仁二錢 熊膽半錢 麝香半錢

右除研藥外。剉細用一大蝦蟆去了肚腸入剉藥在內。以線縫合。先用好醋浸少時。次慢火炙。酒醋又炙。至焦黑放冷。杵研為末。入研藥拌勻。取豬膽汁和圓。萊豆大。每服五七圓。米飲下。量大小加減。此乃知信州王紹祖方。

治諸疳蟲動方

肥兒圓 治諸疳久患藏府胃虛蟲動。日漸羸瘦。腹大不能行。髮堅作穗。肌體發熱。精神衰弱。

黃連去鬚 神麴炒各兩 使君子仁 肉豆蔻麵裹煨

麥蘖炒各兩 木香二錢 檳榔二箇不

右為細末。麵糊和圓。蘿蔔子大。每服二三十圓。熟水下。食空服。

蘆薈圓 治五疳羸瘦。蟲齧腹痛。肚大青筋。一切疳疾。

蘆薈 木香 胡黃連各一 乾蟾一箇酒

檳榔二錢 青黛二錢 青皮去穢稱一分 蟾蜍炙焦

使君子仁三十 燕萆薢一錢 麝香一字

又方 右爲細末。用豬膽汁和圓。黍米大。每服十圓。米飲下。無時。

蘆 薈 研 木 香 胡黃連 川黃連 去麩  
青 皮 去 穢 白 蕪 荑 取 仁 雷 丸 鶴 虱 半 兩 炒 各  
麝 香 研 一 錢

又方 右爲細末。粟米飯和圓。菉豆大。米飲下一二十圓。無時。

蘆 薈 半 錢 赤 石 脂 一 錢 使 君 子 七 箇 去 殼 雷 丸 一 錢  
薑 黃 一 錢 川 楝 子 一 錢 去 核 檳 榔 一 錢 巴 豆 七 箇 去 皮 出 油 盡  
右爲細末。積豬膽汁糊圓。黍米大。一歲兒二三圓。以上者三四圓。量大小與之。  
冷木香湯下。無時。

麝香黃連圓 治疳氣羸瘦。白蟲作。  
胡黃連 白蕪荑 去 兩 半 各 宣 連 半 兩 去 麩 辰 砂 研 一 分  
麝 香 研 一 字 木 香 半 兩



右爲細末。糊圓菉豆大。米飲下五七圓。三歲上者十圓。無時。

榆仁圓 治疳熱瘦悴。蟲作腹痛。

榆仁去皮 黃連去蘗各一兩

右爲細末。用豬膽七箇取汁。在碗中和藥安甑上。蒸九次。每日一次。候數足。研麝香半錢入之。以白湯浸蒸餅和劑。圓菉豆大。每服五七圓至一二十圓。米飲下。無時。

雄黃丹 治五疳羸瘦。多生蟲動。

乾蟾酥炙 胡黃連

白蕪荑去屑

川黃連去蘗

乾漆半兩 雄黃半兩

麝香一錢

右爲末拌勻。豬膽汁和圓。黍米大。每服十粒。新汲水下。無時。

乾漆散 治疳疾虬動。腹肚疼痛。

乾漆一錢 使君子十四箇

白蕪荑六片

棟樹東邊皮取白皮一分

右爲細末。每二三歲兒半錢。下者一字。沙糖熱水調下。無時。

使君子散 治如前。

使君子仁炒一錢

黑牽牛炒過為末二錢

輕粉二錢

右為末。每用半錢。於五更初。疏米飲調下。無時。

三根散 治疳疾。虬作腹痛。啼叫不止。每至月初間。即甚。狀如神祟。

貫仲根去土

棠梨根取皮

酸石榴根各一兩

栗刺

故綿

乾漆各半兩

右六味。並燒存性。為細末。每服一錢。水八分。盞煎至四分。去滓溫服。無時。

豬肚丹 治疳瘦盜汗少力。大便有蟲。曾經大效。

川黃連去鬚

胡黃連

木香各一兩

羌活去蘆

蘆薈

肉豆蔻麝香裏煨

白蕪荑去扇

鼈甲醋炙焦去裙襖各半兩

右為細末。用豬肚一箇。先刷令淨。以好白芷二兩。內肚中。蒸極軟熟。去白芷不用。卻入諸藥。縫合。再蒸如泥。取出。同肚入臼杵。二三百下。成膏。圓黍米大。每服十粒。米飲下。量大小加減。無時。

綠礬圓 治疳疾有蟲。愛食泥土。

右以綠礬爲末。豬膽汁和圓。菴豆大。每服五七圓。米飲下。無時。

又方 治如前。

右以市合人聚時。買市中羊肉半斤。用繩繫之。頓地上。令人把繩頭拖至家。水洗淨炒炙。依科與兒食之。未能食者。煮至汁與飲。一方肉一斤。繩繫曳數里。勿洗。炙與食。

除毒丹 治疳虵不差。傳染兄弟姊妹。

- |    |    |    |    |     |    |     |    |
|----|----|----|----|-----|----|-----|----|
| 鬼白 | 去毛 | 苦參 | 半兩 | 青箱子 | 半兩 | 草龍膽 | 去蘆 |
| 硫黃 | 一分 | 緋絹 | 一分 | 乾蟾  | 一分 | 白礬  | 一分 |

右件藥剉拌一處。並燒存性爲末。煉蜜和圓。麻子大。每服十粒。磨沉香湯下。無時。

治小兒疳虵。

右以鷓鴣糞乾爲末。炙豬肉蘸與之。啖奇妙。糞多在山石之上。紫色如花。就上刮取之。

治小兒疳溼痛癢。下部生蠹蟲蝕瘡。



以沒石子爲末。吹下部中。又以地榆煮汁洗之。日二。又以鐵衣著下部中。

治小兒疳溼生蠹蝕痛。

以地篇蓄一把。水二升。煮至半升。空腹服半合。大小以意加減。

治小兒疳熱。伏結腸中。下赤黃汁沫。及如魚腦雜血。肛中瘡。瘰癧生。蟲蝕痛癢。

黃連去鬚

檠皮炒

苦參

鬼臼

獨活去蘆

橘皮

芍藥

阿膠各半兩剉蛤粉炒去蛤粉

右爲末。以藍汁入少熟蜜和圓。小豆大。每服五七圓。米飲下。無時。冬時無新藍。取汁。用子一合。春爲末。入藥內蜜圓。

治小兒疳溼生蠹蝕下部癢痛。

胡粉

雄黃各一分研飛

右同研細。每用少許。傅下部中。

治小乳疳利不差。久成溼蠹。

右以艾葉半兩。水一升。煮取半兩。量兒大小。以意加減與服。

治諸疳雜證方

五疳保童圓 治五藏諸疳一切並主。

青 黛 研

雄 黃 研

麝 香 研

蘆 薈 研

熊 膽 研

胡黃連

黃 連 去 鬚

龍 膽 去 蘆

苦楝皮 取皮

蝦蟆灰

蝸 牛 微 炒

白 鯉 魚 炙 焦 黃 無 代 卽

夜明沙 微炒

五倍子

青 皮 去 白

天漿子 微炒 各 一 錢

蟾 頭 令 黃 炙

右爲細末。糯米飯和圓。麻子大。每一歲兒十圓。溫米飲下。日三服。無時。

龍香散 治五疳瘦悴。多啼叫喚。口瘡髮穗。

白 朮 一 分

石 膽 研 半 錢

龍 齒 一 錢

陳 皮 錢 末 一

麝 香 研 半 字

右爲細末。每服半錢。米飲調下。二歲下者服一字。無時。

聖功散 治五疳。

苦楝根皮 米生子東引者 微一宿

鶴 蟲 各 等 分

右二味爲末拌勻。每服半錢。熟水調下。連進二服。無時。

使君子圓 治諸疳。和脾胃。

使君子仁一兩 川芎生一分

厚朴去粗皮生薑汁炙用一分

陳皮白粉一分去

右爲細末。煉蜜和圓。阜子大。三歲以上一粒。以下半粒。陳米飲化下。無時。

二香青蟾圓 治久疳積熱。面青口乾。絞甲掃眉。愛鹽食土。欬嗽肚大青筋。柴瘦尪羸。

母丁香三箇

麝香半字

青黛一分

蟾蜍一隻去腸肚炙令焦黃

右爲細末。煮漿水飯和圓。粟米大。溫水送下三圓。無時。

蘆薈圓 治五疳不長肌肉。食減日漸黃瘦。

蘆薈

蕪荑去皮

青黛

檳榔

黃連去鬚各一分

胡黃連半兩

蟬殼二十去土

豬膽二箇

麝香少許

右除豬膽外爲細末。卻用豬膽和圓。麻子大。每服五七圓。米飲下。無時。

橘連圓 治疳氣脾胃不和。飲食不化。日漸羸瘦。



陳皮一兩

黃連去蠟一兩半  
米泔浸一宿

右爲細末。別研麝香末半錢。拌勻。用豬膽七箇。分藥入膽內。漿水煮。候至臨熟。各以針微割破。以熟爲度。取出。入粟米飯和圓。菉豆大。每服一二十圓。米飲下。無時。

熊膽圓 治疳羸瘦。

熊膽

使君子仁各等分

右研細。放入瓷器中蒸鎔。宿蒸餅就圓。麻子大。米飲送下二十圓。無時。

蝸牛殼 治一切諸疳。

右以蝸牛殼七箇。洗去塵土。曬乾。內酥蜜於殼中。瓷器盛之。紙封糊蓋。於蒸飯下鑊時。盛鑊中。蒸至飯熟。取出。細研。漸漸令服。一日至盡。

香蟾丹 治諸疳肌瘦。肚大筋多。髮稀脚細。

乾蟾

五箇水浸去骨用瓦藏瓶一箇頂上取一竅入蟾肉在內鹽泥固  
蟾通留竅子木炭火燒煙息存性取出放地上一宿出火毒爲末

胡黃連二兩

蛇蛻燒灰一兩

地龍去土半  
兩微炒

天竺黃一分

硃砂半兩

麝香一分

右爲末勻細。糯米飯和圓。黍米大。每服十粒。米飲下。無時。

夜明沙丹 治五疳腹脹。目瀯多睡。

夜明沙

微炒

胡黃連

半兩

草龍膽

去蘆半兩

苦楝根皮

半兩

乾蟾

五箇燒存性以五味先爲末

青黛

麝香

蘆薈

各一分

右研勻細。粳米飯和圓。黍米大。每服十粒。米飲下。無時。

紫霜圓 治諸疳發熱。肚大脚細。髮穗面黃。宿滯不消。或作寒熱。腹內痛疼。經年

瘦弱。及中惡等病。

代赭石

火煨米醋淬不拘遍數以手擦得碎爲度半兩研細水飛

黃

二錢

硃

砂研一分

麝香

研一錢

鼈

甲醋炙一分

巴

豆

膜一分去油盡

枳殼

去穢二錢

當

歸

甘

草

炙三分

木

香一分

生犀末

二錢

大

黃

三分

右爲細末。煉蜜和圓。黍米大。每服三五圓。米飲下。無時。

如聖圓 治五疳羸瘦。面黃腹急。盜汗體熱。乳食不消。

白蕪荑微炒去皮二兩

黃連去鬚

神麴炒

麥蘖微炒各一兩

右爲細末。豬膽汁煮糊圓。黍米大。每服一二十圓。米飲下。量大小虛實加減。一方有陳皮、木香各半兩。又名益兒圓。

鼈甲黃連圓 治諸疳羸瘦。發熱盜汗寒熱。肚大脚細。不肯進乳食。氣粗促急。脾

胃不調等證。

鼈甲童子小便米醋各半盞慢火上煎炙至盡色焦黃

黃連用巴豆七箇去皮膜用水一盞同煮水盡去巴豆不用只使黃

連

白朮

人參去蘆

茯苓

甘草炙

川棟子肉

使君子仁

木香

草豆蔻炮去皮

柴胡去蘆

陳皮去白

草龍膽各半兩

右爲細末。豬膽汁和圓。菉豆大。每服一二十圓。米飲下。如有潮熱。體熱不解。

烏梅湯下。

熊膽圓 治一切諸疳羸瘦。

熊膽

蘆薈

胡黃連各半兩

牛黃一分

麝香一錢

蟾酥少許研入麝



右勻細末。入蟾酥糊和圓。菉豆大。每服五七圓。麝香湯下。

金瓜圓 治疳熱黃瘦。作熱發渴。久服解熱。進食肥肌。

黃連去鬚

黃蘗

甘草炙

青皮去穰各等分

右爲細末。積豬膽汁和勻。卻入膽中線繫定。於銀石器內。以漿水煮五七沸。取出風裏懸一宿。於膽內出藥入鉢。再入麝香少許。同研爛勻。圓菉豆大。三歲下五七圓。上者數十圓。空心米飲湯下。日三服。無時。肥肌圓 治五疳黃瘦。久不美食。手與脚俱浮腫。煩渴飲水。常服退熱肥肌。殺蟲去疳。此衛小兒之寶也。

川棟子去核取肉二兩

川芎二兩

橘皮揀淨四兩

龍膽去蘆二兩

巴豆十四箇去皮同橘皮龍膽炒至焦去巴豆不用

右爲細末。麵糊和圓。麻子大。硃砂爲衣。每服十圓十五圓。米飲下。腹脹橘皮湯下。無時。

香蟾圓 治諸疳。

大蟾一隻去腸肚好醋浸三日焙焦乾

蕪荑去皮一分

黃連去鬚一分

甘草一分

夜明沙半合用麴米百粒同炒至焦黃去米

使君子去殼一分

麝香一字

右爲細末。豬膽汁和圓。蘿蔔子大。每服五七圓。米飲下。無時。

又方 名同治同。

乾蟾炙三箇酥

五靈脂去砂石二兩

蟬殼去土半兩

雄黃研飛半兩

訶子肉半兩

母丁香半兩

胡黃連一兩

黃連去鬚一兩

使君子仁一兩 青黛一分

右爲細末。麵糊和圓。菉豆大。湯下二三十圓。無時。

又方 名同治同。

鼈甲去裙襖炙黃

蝦蟆炙黃

訶子炮取

木香各一兩

蘆薈研

鐵粉研

雄黃研飛

胡黃連各半兩

麝香二錢

右都如粉細勻糊圓。粟米大。每服一十圓。米飲下。病大羸瘦者。不過五七服愈。曾經效驗。

牛黃煎 治諸疳食傷。氣脹體瘦。壯熱髮穗。多困疰羸。齒爛鼻瘡。瀉利丁奚。潮熱等疾。

大 蟾 酒一隻去皮骨肚腸炙焦爲末用無灰 黃 連

訶 子 肉炮取 使君子仁 蟬 殼去土 沒石子

蘆 薈 蕪 荑去扇 熊 膽 夜明沙

硃 砂水飛 雄 黃一錢各 木 香 肉豆蔻 麵裏煨去麝

冬一分秋 牛 黃一錢 麝 香一錢 腦 子別研

右爲末。入蟾膏和圓。麻子大米飲下五七圓。驚疳金銀薄荷湯下。乾疳腹脹桃仁苗香湯下。疳虬東引石榴苦楝根湯下。五歲上者十圓。此藥尤治疳利。若挾熱者不可服。

黃連圓 治疳氣眼濇多困。手足發熱。脾胃虛弱。髮黃作穗。漸漸羸瘦。不思乳食。

胡黃連 使君子肉 白蕪荑去扇各 巴 豆膜十四箇去皮

右爲末。豬膽汁和圓。麻子大。每服三五圓。米飲下。空心日二服。

蘆薈圓 治五疳面黃肌瘦。腹脹髮穗。目濇口臭。斷爛鼻瘡。咬甲擗眉。愛喫泥土。



瀉利無度。寒熱往來。

乾蟾

大阜角

末二味等分同燒存性爲

青

黛研一分

蘆薈一錢

麝香一錢

硃砂水飛研

右爲末和勻。浸蒸飯和圓。麻子大。每三歲下兒一十圓。上者以意加至二十圓。溫水飲送下。無時。

龍膽圓 治諸疳發熱。

龍膽草去蘆

黃連去鬚

使君子肉

青皮去穢各

右爲細末。豬膽汁和圓。蘿蔔子大。每服一二十圓。熱水下。無時。

粉糖圓 治疳愛食泥土。

右以膩粉一分。用沙糖拌和圓。如麻子大。米飲下一圓。良久取下泥土立差。

龍粉圓 治疳渴飲水。

龍膽草去蘆

定粉微炒

烏梅肉焙秤

黃連去鬚各

右爲細末。煉蜜和圓。麻子大。米飲下一二十圓。

香葛散 治如前。

藿香去土

乾葛

甘草炙各一兩

白梅肉炒半兩

右同為細末。煎浮萍草湯調下半錢。量大小與服。無時。

熊膽圓 治疳瘦肚腫。煩渴喫水。

熊膽

雄黃

佛頂青各半兩入研香少許同研

肉桂末

人參錢各一末

右為末同勻。糯米粥和圓。菉豆大。每服五七圓。米飲下。無時。此方大妙。

推水散 治疳渴衆藥不效。

天仙子不拘多少新瓦上焙乾四月乾

薑炮一兩

烏梅肉焙一兩

湯瓶鹹半兩

甘草一分

右為細末。每服半錢或一字。煎水索頭湯放冷調下。無時。良久推水不要飲是效。

覆蠶圓 治諸疳瀉痢驚風等疾。久不痊差。及斷乳後羸瘦疳羸。漸困不能治者。

回生神妙。

覆蠶一箇以線串其頭陰乾只取向後有黃處細研覆蠶是第二次出者蠶

辰砂三分研

麝香三字

萆撥三錢

雄黃三錢半

胡黃連三錢

右爲末。以新蒸粟米飯一塊泥裹煨之。取中心軟者和藥。圓菜豆大。每服五七圓。麝香湯送下。

雞肉煎圓 治十歲以上疳勞壯熱。形瘦骨熱。漸成勞瘵者。

宣連去土

柴胡去土

蕪荑去土

川鶴龜半兩

知母一兩

秦艽去土

黃芩一兩

使君子肉一兩

右爲細末。以黃雌雞一隻。重一斤許者。籠之。專以大麻子飼五日。殺之。去毛令淨。於臀間開一孔。去腸肚淨洗拭乾。入藥末在雞腹內。以線縫合。用一小甑。先於甑底鋪黑豆厚三寸。頓雞在中。四傍又以黑豆圍塞。上亦以黑豆蓋之。自日出蒸至晚衙後。放溫冷。取雞出腹中藥。別頓。將雞擘剔去筋骨頭翅。以淨肉研和藥得所。如乾入少酒糊圓。如麻子大。及菜豆大。兩等。每服一二十圓。以意量大小加減。空心臨臥煎麥門冬熟水下。如疳勞骨熱發蒸。年十五以上。溫酒下。忌豬肉。

蠍虎丹 治一切諸疳。羸瘦下利。證候全備。又如有邪。此乃疳毒傳深。俗呼無辜



者。此乃疳毒也。

乾蠍虎雄者一分

蝸牛殼細研一分

蘭香根一分

靛花一分

雄黃一分

麝香一分

龍腦半份

右爲末。入研拌勻。米醋煮麵糊和圓。黍米大。每服十粒。煎芝麻湯下。乳食後。量

大小輕重加減。無時。

香甲湯 治如前。能祛毒辟邪。

漏蘆去蘆一兩

沉香半兩

牛蒡子微炒

安息香半兩

訶黎勒皮半兩

鼈甲塗酥炙焦黃

乳香半兩

右爲末。勻細。每服一錢。水八分。入人參少許。同煎至四分。去滓溫服。量大小加

減。無時。

大麝香丹 治諸疳積癖羸瘦。肚大青筋。頭重項細。腹中有積。毛焦氣急。俗呼爲

丁奚。呼爲無辜。此皆疳證也。

麝香半兩

硃砂半兩

粉霜半兩

五靈脂揀淨一兩

肉豆蔻一兩

乾蟾一兩

夜明沙半兩

白礬半兩

地

龍去土一分

乾蜣蜋

七箇去翅足炙黃焦

右爲細末。入研拌勻。煉蜜和圓。黍米大。每服五七粒。溫水下。無時。

問命散

一切諸疳。可分輕重逆順。

瓜

蒂半兩

細

辛

去苗一分

乾地龍

去土一分炒

白礬灰

一分

藜

蘆去蘆一分

右爲細末。每用少許吹鼻中。得嚏卽吉。若有蟲出卽愈。

治小兒腦疳鼻癢。毛髮作穗。面黃羸瘦。

以鯽魚膽汁滴鼻中。連三五日效。

治小兒腹疳。以蜘蛛燒熟噉之。

治小兒疳熱煩渴乾瘦。

以蝸牛三四十箇。放一淨盤中。以物蓋之。令行卽有涎似銀泥。同膩粉和搯。便

圓如黍米大。溫水送下三圓。無時。

治小兒疳渴。飲冷水不休。

麝香

人中白各一分

右同爲末。蒸餅和圓。麻子大。一二歲服二圓。煎阜子湯送下。空心服。

還肌散 治小兒疳瀉。及洞瀉穀不化。

肉豆蔻 一箇

訶 子 二箇  
去核

沒石子 一箇  
火煨焦黃香熟勿令有煙出

木 香 半大

右爲細末。每服半錢。米飲調下。如人行五里久。更進一服神驗。仍調服。須用陳米飲也。

又方 治如前。

黃 連 一兩  
去鬚

木 香 半兩

蕪 荑 一分  
去扇

檳 榔 一箇

右爲末。豬膽汁和圓。菉豆大。每服十圓。米飲下。無時作三等圓。量大小與服。治疳利日夜無度。

治疳瀉 以赤石脂研如麵。粥飲調半錢。服立差。一方以川芎等分同爲末服妙。

蘆薈圓 治小兒諸疳。

蘆 薈

檳 榔

蕪 荑 炒取

胡黃連

川苦棟 和核剉  
片麵炒

使君子仁

雷 丸 浸剉去黑  
皮各一分

橘 皮 洗淨



巴豆四十九箇半去皮膜同橘皮炒至巴豆焦色

右爲細末。積豬膽汁煮糊和圓。麻子大。硃砂麝香細末爲衣。每服十圓十五圓。如頭面浮腫。木瓜湯下。若瀉而發渴。陳米飲下。更量大小加減。

又方 名同治同。

蘆薈

黃連去鬚

川棟子和核

蕪荑去屑各三分

天竺黃半錢

麝香少許

右爲細末。以豬膽汁和飯研爛和劑。於甑上蒸兩次。圓菉豆大。以硃砂爲衣。每服五七圓至十圓。熱水下。無時。

鼈血煎圓 治小兒諸疳。

吳茱萸

胡黃連剉碎用鼈血浸一宿同吳茱萸炒令乾焦去茱萸不用 白蕪荑仁

柴胡去蘆各等分

右爲細末。用積豬膽汁浸蒸餅和圓。菉豆大。每服十圓。熱水下。無時。

捉疳圓 治小兒一切諸疳。

蛆退先用米泔浸三日。以杖子攪擊漉出。又以泔水浸三日五日。攪擊淘漉如

前次。入清水浸淘二日。至無穢氣淨時。於日中曬乾。男子患用黃連。女兒患用黃蘗。與蛆退等分爲末。每藥末半兩。入麝香半錢。同研勻。以豬膽汁和圓。黍米大。每服三四十圓。量大小加減。空心陳米飲送下。神效屢驗。一方六月取糞坑中蛆。水淘淨。入竹筒盛。封口至乾時爲末。每服一二錢。入麝香米飲調下。甚妙。

消疳圓 治小兒諸般腹脹。四支腫滿。氣上喘促。小便不利。

木香 檳榔各二兩 青皮去穢 薑黃

蘿蔔子炒 牽牛子各取七錢半

右爲末糊圓。黍米大。每服二三十圓。食後薑湯送下。無時。

治小兒一切疳疾。以棘針瓜蒂等分爲末。每用取黍米許。吹鼻中。日二次用。

治小兒諸疳。以黃連不拘多少。同烏梅煮至黃連透時。只用黃連爲末。別以爲

梅肉和圓。如麻子大。每服二十圓。溫水下。無時。量大小加減。

熊膽麝香圓 治小兒一切疳疾。心腹虛脹。愛食泥土。四支壯熱。

熊膽一錢 麝香半錢 壁宮一枚去頭足尾

黃連去鬚取末一錢

右同研極細。以蟾酥和圓。黍米大。每服五圓。米湯送下。量大小加減。無時。

香蟾散 治小兒食疳。羸瘦不進乳食。

乾蟾一枚塗酥炙微黃 蜋一分去翅 麥一分 神麴一分

右同為細末。每服半錢。粥飲調下。無時。

又方 治同前。

硃砂一錢研 麝香半錢 端午日蟾眉脂

右將蟾眉脂和二味。圓麻子大。空心米飲下一圓。如腦疳。以乳汁調內鼻中。無時。

治爛疳水瀉。以川椒一分。去目並閉口者。為末。酥調少許。傅腦。三日三次。

治疳利垂死。以益母草煮食之。取足。即差甚佳。取汁飲之。亦治痔妙。以地榆煮

汁和錫糖食之。以樗白皮和倉朮米。葱白。甘草。香豉。同煎飲服。

治小兒疳渴。飲水無度。

以大鮎魚一頭。先燒一地坑。令紅。投魚坑中。使以蛤粉。專令一人摻在魚上。須



與取出。用蘆刀割下粉。入麝香少許。拌勻和圓。蘿蔔子大。每服五圓。桶繩根煎湯送下。一方云冷水旋圓服。

五疳圓 治小兒一切諸疳。

川棟子

川芎等分

右爲細末。以漿水煮豬膽取汁和圓。麻子大。每服一二十圓。溫水送下。日三四服。

治小兒疳氣不可療者。

以綠礬火煨通赤。礬醋淬之。如此三次。細研爲末。棗肉和圓。菉豆大。每服五七圓。溫水下。無時。日二三服。

桃柳湯 一切諸疳。服諸藥後。皆可用此法也。

右以桃柳枝各一握。並剉。用水兩大碗。煎數沸。通手浴兒甚佳。浴畢用一青衣蓋之。疳蟲自出爲驗。

小兒衛生總微論方 卷十二 五疳論

# 小兒衛生總微論方

## 卷十三

### 諸蟲論

經言人藏府中有九蟲。內三蟲偏能發動爲病。人藏府實強則不能爲害。若藏府虛弱。則隨蟲所動而生焉。故經亦別立三蟲之名。一曰蛭蟲。又曰居胃脘之間。動則令兒吐青白沫。或吐青水。心腹刺痛。若蟲貫心者卽死。二曰蟯蟲。居洞腸之間。動多則發動爲痔瘻。蠹蝕瘡疥。痂癩。三曰寸白蟲。居腸胃之間。動則損人精氣。令腰脚痛弱。更有一蟲。形若細絲。或如馬尾。故俗呼謂之馬尾蟲。此蟲不拘九蟲之數。或云飲食中誤嚥油髮所變。亦居胃中。動則令兒腹中攪刺。發痛不可忍受。小兒蟲動者。多病於諸病之後。藏府虛弱故也。患疳勞吐瀉者尤甚。錢乙論小兒蟲動之證。面眊白。心腹痛。唯是口不吐沫。及無清水出也。故乙又言心腹痛而吐者。蟲痛也。心腹痛而不吐水者。冷痛也。但吐水不心腹痛者。胃冷也。又蟲痛亦與驚癇



證略略相似。但目不邪。手不搐也。以此別之。則無誤矣。乙治蟲痛者。用安蟲散。然世人用治蟲之藥。多於臨臥服之。並無日分。故多不驗。唯於每月初四五日間。在五更時服之。至日午前蟲盡下矣。後以平調藥一兩服和之。不可多也。凡蟲在人腹中。每月上旬頭向上。中旬橫之。下旬頭向下。是以中下旬服藥。則不入蟲口。所以不驗也。亦如牛馬生子。上旬生者行在母前。中旬生者並母而行。下旬生者行在母後。又如貓之食鼠。上旬則食前段。中旬則食中段。下旬則食下段。此物理之自然。莫不知也。然蟲痛極者。雖不貫心。亦能斃人。昔錢乙治辛氏女五歲病蟲痛。他醫以巴漆硃砂之屬藥治之不效。至五日外多哭而俛仰臥睡不安。自按心腹時大叫。面無正色。或青或黃或白或黑。目無光而慢。脣白吐沫。至六日胸高而臥轉不安。召乙至詳而視之。用蕪荑散三服。見目不除青色。大驚曰。此病大困。若更加瀉。則爲逆矣。至次日見辛曰。夜來三更而瀉。乙於瀉盆中看如藥汁。以杖攪之。見有藥圓。乙曰。此子肌厚。當氣實。今證反虛。不可治也。何以然。師曰。脾虛胃冷。則蟲動。今日青此肝乘於脾。又更加瀉。知其氣極虛也。而藥圓隨糞下。卽脾胃已脫。兼形爲癰癥。乃食飲所作。經言積者陰氣也。聚者陽氣也。故陰沉而伏。陽浮而動。

氣之所積名曰積。乃五藏所生。其發有常處。其痛不離其部。氣之所聚名曰聚。乃六府所成。其發無根本。其痛無常處。是以積聚皆氣之所爲也。癖癥者。其始因脾胃虛冷。乳食不化。而以成傷。不爲早治。停滯留結。乃成癖癥也。癖者邪癖也。所居在脇下。癥者正證也。所居在腹中。皆有其形。或長或短。或塊或片。其狀不一。皆堅硬作痛。其因乳得者。名曰乳癖癥。俗云爛癖者是也。其因食得者。名曰食癖癥。其因水漿得者。名曰水癖癥。若因按之。或因轉動時。自有聲響者。此乃水癖癥也。是以癖癥皆飲食所作也。故小兒常當節適乳哺。調順寒溫。若少失保衛。則病從而生矣。如或乳哺不時。寒溫失宜。則脾胃不和。氣不調順。其候口頻撮。面眇白無精光。口中氣冷。不思乳食。便當以藥和之。若不卽治。則成胃冷。其候乳食不化。或但吐水。急當用藥溫之。又不與治。則脾胃浸以成虛。其候面眇白色弱。腹痛口吐痰沫白綠。急當用藥溫補。若下利者。更與調養。其中病不相應。故知死病。後五日昏篤。七日而死。錢乙用方本集載之。學者當以此爲法爾。今除疳勞蟲動者。已具於疳疾門之下外。諸蟲之方。敍而具後。

○由二頁十四行起至三頁十一行。其中病不相應。正。應移至十二頁十三行。積聚乃氣之所患。句下。

使君子 治虵蝥心腹疼痛

右以使君子火煨熟。去殼與食。以殼煎湯送下。

紅桃散 治虬蛟心腹痛。發歇有時。

風化石灰一兩燒赤 硃砂一錢細研

右拌勻細用飯飲一大盞入艾三五葉煎二三沸。看多少。調一字或半錢與服。但少用。多則難喫。

龍膽湯 治虬蟲攻心。其痛如刺。吐出清水。

右以草龍膽一兩剉碎。水二盞煮取一盞。去滓隔宿不食。至五更頭頓服。量大小與。

三角散 治如前。

右於七月七日採蒺藜子不拘多少。陰乾為散。每服半錢或一錢。飲服日三。量大小加減。無時。

木香桃仁丹 治虬攻心。痛不可忍。

木香 一兩

桃仁湯浸去皮尖並雙仁

檳榔 一分

鶴虱一兩

黑狗脊 一兩

苦楝根白皮 半兩



右爲細末。積豬膽汁和圓。黍米大。每服十粒。麝香湯下。無時。  
奪命丹 主治如前。病至危困者。

狼牙草一兩 篇蓄一兩 苦參一兩 雷丸半兩

薏苡仁半兩 鶴虱半兩

右爲細末。糯米和圓。黍米大。每服十粒。生地黃汁下。無時。

乳香圓 治蟲動心腹疼痛。

乳香末 青皮去穢炒黃爲末 槐花半合

風化石灰研細半兩

右爲末勻細。每服半錢。槐花湯調下。無時。

乾漆散 治如前。

乾漆炒煙盡一錢 使君子仁二七箇 蕪荑去扇六片 棟根白皮取東邊者一錢

右爲細末。每服一字。沙糖熟水調下。二三歲半錢。四五歲一錢。無時。

棟皮汁 治如前。

右取棟根皮。削去外蒼皮不用。只用白者。以煮濃汁。量大小與服。

抵聖散 治如前。痛不可忍者。

苦楝根白皮二兩 白蕪荑去屑半兩

右爲末。每服一錢。水一小盞。煎取半盞。放冷。待發時服。量大小加減。無時。

勝圓子 治如前。

龍腦研

蘆薈研

麝香各一字

牛黃半字

胡黃連半錢

右爲末。同研勻。熊膽和圓。菴豆大。每服三五圓。生米泔水化服。無時。

又方 以檳榔生爲末。用東引石榴根煮湯調下。量大小與服。或半錢一錢。治寸

白蟲神效。上旬空心食前服之。

治小兒蚘蟲動作。

以棟實一枚。煮濃汁。內孔中。亦治螻蟲。

以槐子杵爛。內孔中。亦治螻蟲。

治小兒寸白蟲。

以桃葉杵爛。絞汁服之。

雷丸散 治小兒三蟲。

雷丸 川芎等分

右爲細末。每服一錢。米飲調之。日二服。無時。

胡粉牛黃圓 治小兒虯動。腹內時時疼痛。

胡粉三錢 牛黃一錢 麝香一錢

右同研爲末。用豬膽一枚。取汁浸蒸餅。和圓菉豆大。五歲兒溫水下七圓。以意加減。無時。

又方 治如前。

以葶藶子一分。生爲末。水三合。煎取一合。一日服盡。以薏苡根煮汁作糜食之。甚香而效。

治蟯蟲內齧心腹疼痛。

以鶴蟲爲細末。用肥豬肉汁調服。五歲兒服二合。蟲出便止。更以意加減。

治蟯蟲及蟲攻蝕下部癢痛。

以篇蓄一把。水一升煮熟。五歲兒空腹服三二合。乳食前。



治蟻蟲攻蝕下部。

以胡粉、雄黃各一分。同研爲末。每以少許傅下部。

補胃膏 治如前。痛甚不可忍。啼哭不止。

良薑 薑一兩

肉桂 去粗皮一兩

肉豆蔻 半兩 裏煨

乾漆 半兩 煙盡

烏梅肉 半兩 乾

右爲細末。煉蜜和圓。雞頭子大。每服一二粒。米飲化下。無時。

香雷散 治如前。

雷丸

鶴虱

苦楝根皮

白蕪荑 半兩 去扇各

右爲細末。每服一字或半錢。用生豬肉煮淡湯調下。無時。

化蟲圓 治蟲齧腹中攪刺疼痛。

蕪荑 去扇一分

檳榔 二錢

川鶴虱 一分

右爲細末。豬膽汁和圓。麻子大。每三歲五圓。五七歲十圓。陳米飲下。無時。

川棟圓 治胃寒蟲動。心腹疼痛。及上中下焦因虛而蟲動。

乾漆

煙三分 出盡

雄黃

黃水 一分 研

巴豆霜 一錢

右爲細末。糊圓黍米大。每服五七圓。量大小加減。取東引石榴根煎湯下。痛甚者煎苦楝根湯。或煎蕪荑湯下。

蕪荑散 治上中二焦虛。及胃寒蟲動。心腹刺痛。危惡證候。與驚癇相似。

白蕪荑揀淨

乾漆等分煙盡

右爲末。每服一字或半錢。米飲調。發時服。兒大者一錢。無時。

五靈脂散 治蟲動攻心痛欲絕。

五靈脂去沙石

白礬枯半

右拌勻。每服一錢或半錢。水八分。煎至減半溫服。當吐蟲出。

綠礬丸 治腹中有蟲。愛食生物。

右以綠礬不拘多少爲細末。豬膽汁和丸。菴豆大。每服五七丸。米飲下。無時。

蜂窠蛹子 治腹有諸蟲。口中吐出。

右以蜂窠中蛹子與食之。

檳榔散 治寸白蟯虯諸蟲。

檳榔一箇

木香一錢

右同爲末。每用一錢。煎棟根白皮湯調下。如棟根赤者不堪用。用卽害人。須在月初四五日間。至五更頭。先嚼肉脯一小片。只嚥其汁。少頃服藥。至日午前蟲下。勿登廁。但用盆子。或在淨地上。庶見取下蟲多少也。一服永絕根本。且食粥一二日。不須服補藥。忌生冷硬物。五七日佳。

碧金散 治寸白。蚘蟯諸蟲。隨時大便糞下。

苦棟根皮炒一兩微

鶴

虱揀淨半兩

檳

榔半兩

猪牙皂角三錢燒灰

使君子仁半兩

青

黛半兩

麝

香一分

右拌勻細。每服一錢。淡猪肉湯調下。無時。

化蟲丹 治數歲上食肥甘物多而蟲動。

鶴

虱揀淨一兩

檳

榔一兩

苦棟根皮上一兩

胡

粉半兩

白

礬半兩

右爲細末拌勻。麵糊和丸。黍米大。每服十粒。溫漿水入生油一兩點攪勻送下。

無時。

黑金散 治蟲煩擾亂。服之煩已。得睡爲驗。



乾漆一兩

肉桂半兩

草豆蔻仁一分

石榴根

雄黃一分

右都於一瓦器中燒存性。研為極細末。每服一字或半錢。研麝香少許。煎粟米飲調下。

黃金散 專治吐利後蟲動。

乾漆一兩

白蕪荑去扇

肉豆蔻兩 麝兩 裹以上 煨去麝 末

雄黃三分

右研拌勻細。每服半錢。煎葱白湯入生油一二點同調下。須調令勻。熟即得。如藥冷再上火溫服。不拘時候。

胡粉丹 治蟯蟲發動。甚者成痔漏癢疥。

大棗五十箇 蒸去核

水銀半兩 研勻 細成膏

胡粉一兩 雄黃半兩

右同入棗膏研勻。丸黍米大。每服十粒。煎苦楝根湯送下。無時。

蝟皮散 治蟯蟲耗損氣血。已成痔者。

蝟皮燒灰一兩

鼈甲一兩去裙炙蛇蛻皮燒灰一兩

露蜂房燒灰半兩

右爲細末。入麝香末一錢拌勻。每服半錢。米飲調下。無時。

櫻櫚散 治如前。

櫻櫚燒灰一兩

荊芥穗一兩

側柏炙黃一兩

牛膝去蘆半兩

枳殼去穰炙炒黃者半兩

右爲細末。每服半錢。米飲調下。乳食前。

神蟾穀精丹 治諸病有蟲下如絲。或如馬尾。甚者便至危殆。

乾蟾三枚五月五日取者酥炙黃

穀精草三兩入一瓶內鹽泥固封慢火煨通赤

胡黃連半兩

皂角三寸燒灰

瓜蒂半兩

母丁香半兩已上先爲末

粉霜一分

蘆薈一分

麝香一分

右同拌勻。以猪膽汁和丸。黍米大。每服十粒。溫米飲下。無時。

### 食氣積癖論

小兒積聚癖癥者。其證不同。積聚乃氣之所患。又不與治。脾胃既已虛冷。飲食先

已不化。乳哺再稍失宜。即便乃成傷也。其候身體壯熱。口中氣溫。面黃腹脹。目無精光。或白睛多喜睡。四肢垂繻。畏食肚熱。大便酸臭。或爲吐瀉。水穀不消。須宜穩藥剋化。不可便行駛藥取轉。小兒氣實脾胃壯者。患之有漸。若氣怯脾胃弱者。但稍失調養。便成傷也。昔錢乙治黃承務子二歲。因傷食而瀉。他醫與止之。十餘日便青白。乳不消。身涼加哽氣昏睡。醫謂困篤而召乙。乙先與益黃散。補肺散。三日而身溫不哽氣。後以白餅子微下之。復與益脾散。而利止得安。或問何以其然。乙曰。此本脾虛傷食而作利。初不與下之。留連十餘日。上實下虛。脾氣弱則引肺亦虛。脾肺子母故也。今先補脾府。病退身溫。不哽氣是也。然後下其所傷。又問既有所傷。何不先下而後補。乙曰。糞青白爲虛冷。若先下之。必大虛也。故先實而後下。則不虛矣。後更與補之乃安。此乃治所傷也。若傷重而不與急治。則停滯留結。而爲癖癥。其候與食傷相似。而加更困重。及一向不食。但微飲少乳。或渴而飲水。時作寒熱。亦與潮熱相似。昔錢乙治曹宣德子三歲。病面黃時發寒熱。不食而微飲乳。及飲水不止。衆醫以爲潮熱。用退熱藥不愈。又用止渴藥反吐。請乙至。乙曰。此乃癖也。與白餅子下之。後補脾。乃以消積丸磨之。果愈。或問何以故。乙曰。不食但



飲水者。食伏於胃脘。內不能消。致令發渴。服止渴藥吐者。藥衝於脾。氣逆不得下。故也。下之乃愈。又錢乙論小兒癖癥。由乳食不消。伏在腹中。乍涼乍熱。飲水不止。或喘而嗽。與潮熱相似。不早治之。必成疳勞。以其有癖癥。則令兒不食。致脾胃虛而發熱。故引飲也。飲多則蕩滌腸胃。亡失津液。脾胃不能傳化水穀。脈沈細。益不能食。遂漸羸瘦而成疳也。錢乙所用之方。本集載之。及脾胃虛冷。米穀不化。下利者。已具於前瀉門之下。外合用諸方。敘後。

半兩丸 治五積六聚。

巴豆去皮 大戟剉碎各半兩

右二味。同入銚內。油炒焦黃。爲細末。糊丸麻子大。每服三丸。量虛實大小加減。與服。臨臥米飲下。乳食前。

三稜汁 治諸氣積。氣聚。氣癖。

右以京三稜取汁。作羹粥米麵任爲。與乳母食之。每日取棗大與兒喫。大者漸加之。又治十歲以下。至百日無辜疳癰諸疰癖。神妙大效。功不可述。

三稜煎丸 治氣積。氣聚。氣塊。疰癖。水氣奔豚。腎餘五疳五噎。及一切氣滯凝結。

京三稜炮

蓬莪茂炮各四兩洗淨

芫花枝梗一兩去

右將上二味入瓷瓶內。以米醋五升浸滿。封閉瓶口。用炭火攪煮之。度量微乾時取出。以餘醋炒芫花。至醋盡藥乾為度。同上二味剉。焙乾為末。醋煮糊丸。菴豆大。每服三五丸。生薑鹽湯下。乳食前。更量大小加減。

薑橘丸 治乳哺失宜。脾胃不和。

右以好陳橘皮不拘多少。極陳者尤妙。洗淨去白。焙乾為細末。每五兩入生薑末三兩和勻。煉蜜丸。麻子大。每服三四十九。米飲下。無時。更量大小加減與服。調中散 治乳哺冷熱失宜。脾胃不和。

木香一兩

人參去蘆一兩

青皮去穢一兩

丁香半兩

白朮半兩

白茯苓半兩

大腹皮半兩

甘草半兩

右為細末。每服一錢。水一小盞。入生薑三片。煎至五分。去滓服。無時。

益胃丹 治如前。

當歸去蘆洗焙

木香

白朮

沈香各半兩剉

白芍藥剉

人參去蘆剉

蓬莪茂炮剉

縮砂仁各一分

右爲細末。麵糊和丸。黍米大。每服十粒。麝香湯送下。無時。

枳木汁 治胃冷正氣。

右以枳木皮煎汁服之。

益兒丸 治胃冷氣不和。食不消化。亦治疳氣。

神 麵炒黃 白蕪荑去扇炒 宣 連去鬚 陳皮

木 香各半

右爲細末。猪膽汁和藥末成劑。再入膽內繫口定。以漿水煮數沸。取汁和丸。菴豆大。每服一二十丸。米飲下。腹脹木瓜湯下。無時。一方有沒石子

益脾散 治脾胃虛冷。腹痛不利。全不入食。

陳皮一兩 青皮去穢 訶子肉半兩 甘草半兩

丁香二錢 乾山藥三兩

右爲細末。每服二錢。水一盞。入生薑二片。棗一箇。同煎至五分。去滓溫服。無時。

消食丸 治傷飽乳食不化。壯熱腹脹疼痛。

木 香半兩 枳殼去穢 當歸去鬚 代赭石火煨不計 通散



以手撚得  
碎為度

硃

砂研水飛各半兩

巴豆取一分

右為細末。糊丸黍米大。一歲兒。一丸。溫水下。乳食前服。

大麥麵 治乳食過飽。煩悶腹脹。但欲睡。

右以大麥生麵水調服一錢。如無。麥蘖亦得。如無。只用白麵炒微香。調服一錢。

小兒食不知飢飽。但燒鼠屎二枚。為末服之。

香橘丸 治宿食不消痰滯。

木香

陳橘皮各半兩

牽牛子炒黃取一分

白朮一分

草豆蔻仁裹煨一分 薑黃一分

右為細末。滴水。和丸。黍米大。每服十粒。葱白湯下。大小便秘澀不通。乳食前服

之。

惺惺丸 治宿食不化。心腹脹滿。身熱不思乳食。

青皮溫湯浸軟去穢焙乾一兩

胡黃連一兩

蓬莪茂炮一兩

巴豆取一分

右為細末。麵糊和丸。黍米大。每服三五丸。乳汁下。大者白湯下。量大小加減。乳

食前。

小沈麝煎丸 治宿滯不化。滿悶身熱。

烏梅去核一箇

巴豆井心膜去殼

丁香香三箇

胡椒四箇

右爲末。醋糊爲丸。芥子大。每服三四丸。米飲下。臨臥。

消乳丹 治傷乳凝滯。能磨積化疳。大妙。

蝦蟆十箇

木香一兩

蓬朮茂炮一兩

青皮去穢一兩

青黛一兩

肉豆蔻麵裹煨去

膩粉二錢

續隨子炒一分

麝香少許

右爲細末。麵糊和丸。黍米大。每服五七丸。乳汁下。無時。

蠟梢丸 治乳食所傷。涎痰壅滯。諸般積聚。急驚食痢。

黑鉛二錢錢以水銀結炒子

輕粉二錢

粉霜二錢

天南星一分

木香四錢

白丁香四錢

青黛二錢

全蠍去毒二錢

乳香一錢

巴豆霜半錢

滑石二錢

麝香半錢

腦子半錢

右爲細末。麵糊和丸。黍米大。每服五七丸。乳汁或米飲下。治驚風搐搦者。更入天麻、白附子各二錢。此藥與千金紫丸同。然爲效更速。

大真珠丸 治如前。

滑石末三錢

輕粉三錢

半夏麴末二錢

天南星末二錢

全蠍七箇

巴豆十四箇去皮膜出油取霜

麝香少許

右爲細末。蒸餅和丸。菴豆大一歲兒一丸。葱湯送下。乳食前。

小真珠丸 治宿食凝滯不消。乳癖積聚。大小便秘瀉。腹脹氣痞。取磨虛中之積。

木香

白丁香直者

丁香各半

滑石末二錢

巴豆十四箇去皮膜水浸一宿研細爛

輕粉半錢留少許爲衣

右細勻。以溼紙裹陳米飯。燒取中間軟者和丸。麻子大一歲兒一丸。炮阜子湯放溫送下。挾風熱秘瀉難動者。先服涼藥一服。乳癖者。虛實加減丸數。隔日臨時更服。

葱湯丸 治諸般積癖。腹脹顛腫。

天南星末二錢

白附子末二錢

滑石末二錢

全蠍七箇



輕粉二錢

硃砂半錢

巴豆十四箇去皮膜出油盡取霜

右爲末。麵糊和丸。黍米大。每服三五丸。葱湯送下。臨臥服。

水晶丹 治一切積癖。及百物所傷。

天南星一錢

滑石一錢

水銀粉半錢

蕪荑仁去扇

巴豆

十四箇去皮膜取盡油留霜

右爲細末。爛飯和丸。菴豆大。每服二三丸。生葱湯送下。服時須令空心。不可與乳食。俟稍飢。臨臥服。利過忌生冷粘膩硬食果子等物。以藥補之。

北亭丸 治一切積癖。黃瘦吐食。

北亭末一錢

硃砂末一錢

膩粉

牙消一錢

巴豆二十箇取霜

右同勻細末。用蒸餅劑裹藥。煨熟。去焦硬者。取中心軟處。近藥潤者。用藥和劑。如硬。滴入水得所。丸菴豆大。每一歲兒一丸。荊芥湯下。乳食前。

消堅丸 取積癖。下交爛。隔實消食乳癖。

硃砂末一錢

水銀沙子兩大

明膠五錢

巴豆霜一錢

輕粉一錢 細墨少許

右同爲細末。麵糊和丸。麻子大。一歲兒一丸。倒流水下。食後。

神妙丸 取虛中積滯。化痰涎乳癖。

白丁香半錢 硃砂水一錢 定粉半兩 粉霜半錢

輕粉一錢 麝香少許

右爲末。粟米飯和丸。黍米大。捻作餅子。火炙紫色。粟米飲下一餅。乳食前。

妙香丸 取虛中積。及治發寒熱。心腹脹滿疼痛。

辰砂水一兩 牛黃 龍腦 麝香各一

金箔十四 粉霜 膩粉各一

巴豆一百二十粒去皮 蠟二兩

右於銚子內先鎔化蠟。入巴豆霜拌勻。及入諸藥攪勻和劑。量大小虛實。旋丸麻子大。每丸米飲下。要藥勢緊者。捻藥匾。若兒大或疾重者。加之。皆用針刺藥餅作孔。以行藥力。如取積癖。丸菴豆大。治吐逆。下胸中虛煩積滯尤妙。

靈砂丹 取虛中積滯。及治藏府虛滑。久經取轉。裏急後重。久積惡痢。或暴瀉不

止。神效無比。

通明辰砂

顆塊有牆壁者一分

通明礞砂

研細一錢各

右拌研細。用蠟半兩。先於盞內鎔化成汁。以去皮全者巴豆二十一粒入內。煎至紫色。漉巴豆出。研細與上二味拌勻。將蠟用三分中取一分。再鎔成汁。傾藥於內。急攪令勻。下火凝冷。刮出成劑。瓷盒貯之。如用取。即搗三丸。菴豆大。濃煎甘草湯。放冷送下。臨臥時服。久積病大者。藥隨病共下。小可病輕者。不動便安。治暴瀉惡痢。濃煎艾湯。先呷三五口。候冷下藥。治水瀉者。冷水下。兒大稍增丸數。

蒜貼膏 治乳癖。

石燕子煨

半

夏各等分

右爲末。用蒜一頭杵爛。攤在舊緋絹帛子上。比兒患處大小。剪作罌子。摻藥上。貼患處。候病兒口鼻中蒜氣時。揭去帛子作效。更不得喫藥。

神應散 治如前。

硫黃

礞

砂

訶

子

密陀僧

一塊

一錢

一錢

一錢

一錢

一錢



右爲細末。每服半錢。乳汁調下。服了時就有癖處。臥少時。當取下黑物效。

丁香餅子 治如前。

大丁香二錢

蜜陀僧二錢

木香半錢

硫黃半錢

白丁香兩錢。揀直者。硃砂半錢。

甘草半錢。

麝香少許。

右爲細末。湯浸蒸餅丸。菴豆大一。捻作餅子。每服二餅。乳香生薑湯下。乳食前。

軟銀丸 治如前。

水銀錢一錢。用鉛一錢。結砂子。

續隨子四十個。去殼。

白丁香末一錢。

膩粉一錢。鷹糞白錢末一。

巴豆膜十四個。去油盡。

右爲細末。棗肉和丸。菴豆大一。歲兒一丸。溫水下。乳食前。

丁香散 治如前。

黑丁香七個

蜜陀僧

硫黃

白丁香各一

肉豆蔻一個。煨去麩裏。

右爲細末。每服半錢。溫水飲調下。乳食前。

白丁香散 治如前。

白丁香十四個直者

石燕子一箇火煨瘦者乃是雄

硫黃子一大

膩粉十個

蜜陀僧半兩

黑丁香二十箇

右爲細末。每料分作十服。用麵絲湯調下。或煮麵湯亦得。服了取下如蝦蟆胎之類惡物是效。

三稜散 治癩癖結實。服藥不瘥。

京三稜一兩炮碎

鱧甲一兩酥炙去裙襖

赤茯苓去黑皮一兩

白朮半兩

木香半兩

枳殼麸炒去穢半兩

右爲細散。每服一錢。水一盞。入生薑五片。煎至五分。去滓溫服。時時與也。

聖餅子 治乳癖疳瘦。

粉霜一錢

礪砂一錢

膩粉五箇

石燕子火煨一箇

玄胡索三箇去皮

巴豆霜一錢

右爲細末。入生麵一大錢拌勻。滴水調和。分十二處。捻作餅子。用刀上煨熟。每服一餅。煎阜子湯下。

鼠肉汁粥 治諸癥。

右以鼠肉煮汁。作粥與食。

聖效丹 治癥結癖積久不差。

當歸去蘆土一兩

木香一兩

桂心一兩

甘遂煨一兩 慢火黃色

硃砂水飛一兩 研

京三稜半兩 炮

鼈甲半兩 塗酥炙

麝香仁去一分湯浸麝香一分

巴豆二十一箇 或一箇 好酒煮一宿 研膜

右為末。拌勻細研。用黃蠟六兩。慢火鎔化。入藥攪勻。成膏。丸黍米大。一歲兒一粒。二三歲者二粒。四五歲者三粒。六七歲者五粒。溫米飲下。乳食前。

大腹湯 治癥癖腹脹。小便不利。

大腹皮剉一兩

檳榔半兩

枳殼煨半兩 去 人參半兩

知母半兩

陳皮半兩 湯

甘遂煨一分 慢火

右為細末。每服一錢。水一小盞。煎至五分。去滓。放溫服。無時。治幼小胎中宿熱。乳母飲食粗惡。及多辛苦。乳汁不起。兒乳哺宿滯。不為肌膚。心腹痞滿。萎黃瘦瘠。四支痿躄。服之充悅。

芍藥二兩

大黃

人參去蘆各一兩

柴胡二兩



鼈甲酥炙去 茯苓各半 甘草半兩 乾薑半兩有熱者

實熱

右爲末。煉蜜和丸。大豆大。一歲已下兒服一丸。上者二丸。乳服。

牛黃鼈甲丸 治幼小癖實壯熱。食不消。中惡忤氣。

牛黃半兩 鼈甲酥炙去 麥麴炒 柴胡去蘆

枳實熬炒 大黃煨 芎藭各一 厚朴去皮

茯苓 桂心不見 芍藥 乾薑各半

右爲末。煉蜜爲丸。如小豆大。以意量大小與服。日二服。無時。

丁香散 治小兒癩癖。一服取效。不動藏府。不損胃氣。

舶上硫黃大塊 丁香二十箇 蜜陀僧大棗

右研細。量大小臨臥以荊芥湯調下。來日下黑物。乃病故也。永不再發。

治小兒乳癖。脇下結塊不消。

膩粉一錢 雄鼠糞頭一分微炒兩

右同研勻細。去皮棗肉和丸。粟米大。新汲水下一丸。取下惡物是效。更量大小。

虛實用之。

治小兒閃肭成癖。腹大痞滿。

以鵲雀脚骨及嘴煮汁服之。亦可燒灰存性。研爲末飲服。

治小兒積癖。髮黃羸瘦。及生瘰癧。

以生林檎杵爛。醋和傅上。若癖移則就傅之。以苦瓠未破者煮令熟。解開熨之。

亦入熱湯在內熨之。

治小兒乳癖。

橘皮揀淨

青皮去穢

牽牛各一分

右用蒜一顆。每瓣入巴豆一粒。煨熟去巴豆。研如泥。和藥末。豌豆大。硃砂爲衣。每服一丸。細嚼。酒送下。一方用蒜去青皮。同巴豆研爛和丸。臨臥冷茶清下一丸。更量大小加減。乳食前。

小兒衛生總微論方 卷十三 食氣積癖論



# 小兒衛生總微論方

## 卷十四

### 心腹痛論

小兒心腹痛者。由藏府虛而寒冷之氣所干。邪氣與藏氣相搏。上下衝擊。上則為心痛。下則為腹痛。上下俱作。心腹皆痛。更有一證。發則腹中撮痛。乾啼無淚。腰曲背弓。上脣乾。額上有汗。此各盤腸內弔之痛。亦由冷氣入藏所為也。今敘諸方於後。

木香丸 治心腹痛及脾痛。

木香一分 肉桂一分 茯苓去黑皮半兩 檳榔半兩

當歸去蘆一分醋浸一宿炙令黃焦

右為細末。酒糊丸。黍米大。每服五七丸。柳枝湯下。不拘時候。

蓬莪散 治氣刺心腹痛。

右以蓬莪朮炮熟透剉杵羅為細末。每服一錢。熱酒調下。無時。

寬中湯 治心腹疼痛不可忍。悶亂啼哭不止。

良薑

木香

丁香

桔

梗去蘆

青

皮去蘆

甘

草炙各一分

右為細末。每服半錢。溫酒調下。無時。

當歸木香丸 治如前。

當

歸去蘆

蓬莪朮

炮剉

木

香半兩

人

參去蘆

桂

心半兩不

黑

牽牛微黃炒

右為細末。麵糊和丸。黍米大。每服十丸。生薑湯下。無時。

當歸丸

治腸胃冷蘊而痛。啼哭不休。

當

歸去蘆

芍

藥等分

右為細末。麵糊和丸。菉豆大。米飲湯下。不拘時候。

乳香湯

治如前。

木

香

五靈脂

去砂

乳

香別研一錢

天

南星取中一錢

右爲細末同研勻。每服半錢。水半鍾。生薑一片。煎至三分。去滓溫服。無時。  
溫胃丸 治腹痛哭不止。

人參去蘆一兩

白朮一兩

木香一兩

良薑半兩

五味子半兩

當歸半兩

右爲細末。麵糊和丸。黍米大。每服十丸。米飲湯下。無時。  
橘香丸 治如前。

青皮去穢一兩炒

吳茱萸揀淨一兩

木香一兩

當歸去蘆一兩

乾薑半兩

丁香半兩

右爲末。每服一錢。水八分。生薑二斤。煎至五分。去滓稍熱服。無時。

烏藥散 治乳母冷熱不調。敗壞乳汁。因以飼兒。致兒心腹疼痛。或時下利。但令乳母服藥。調和乳汁哺兒。

香附子炒去毛

良薑

赤芍藥

烏藥各等分

右爲細末。每用一大錢。酒水各半盞。煎至六分。去滓溫服。無時。兒能服藥者。兼與之。



鯉魚腸 治腸胃中有瘡。而作疼痛。

右以鯉魚腸煮食之。

鈎藤膏 治盤腸內弔腹痛。

好乳香研

沒藥研

木香

薑黃各四錢

木鼈子仁二十個

右爲細末。煉蜜爲劑收之。一歲兒半阜角子大。煎鈎藤湯化下。無時。量大小加減。次用魏香散。

魏香散 右以溫水化阿魏一錢。去砂石。浸蓬莪朮半兩。一晝夜取出。焙乾爲細末。每服半錢。煎米飲紫蘇湯調下。空心服。

阿魏丸 治盤腸弔痛。日夜叫啼不止。

右以阿魏爲末。用大蒜半瓣。火炮熟研爛。和末丸。麻子大。每服五六丸。煎艾湯送下。無時。

乳香蠟梢丸 治盤腸內弔痛不可忍。

乳香別一錢半

蠟梢四箇

沒藥半錢

沈香一錢

右爲細末。煉蜜和丸。黍米大。嬰孩三丸。一歲兒五丸。三歲兒七丸。乳香湯下。不拘時候。

桃符丸 治如前。

銀硃 硃一錢

乳香 香一錢

大蒜 蒜一瓣煨熟

右上一味和勻。入蒜膏再研。硬軟得所。丸菴豆大。每嬰孩三丸。半歲五丸。一歲七丸。二三歲七丸。薄荷湯下。無時。

### 腹脹論

小兒腹脹。有虛有實。或因吐瀉動於脾胃。致脾胃虛而氣攻所作也。實者悶亂喘滿。治可下之。錢乙用紫霜丸白餅子。虛者不喘。治不可下。又不可以丁香、木香、橘皮、豆蔻、大溫藥治之。以脾胃虛氣未出。故雖腹脹而不喘。只好用藥使上下分消其氣則愈。錢乙用壅氣丸。若誤下之。則脾虛氣上附肺而行。脾肺子母皆虛也。肺主目胞腮之類。脾主四肢。色黃虛甚。則目胞頰頰四肢黃色而腫。錢乙用壅氣丸。若虛氣已出。附肺而行。即脾胃內弱。每生虛氣入於四肢面目矣。小兒易爲虛實。

脾虛則不受寒溫。服寒則生冷。服溫則生熱。當識此勿誤也。胃久虛熱。多生疸病。或引飲不止。脾虛不能勝腎。隨肺氣上行於四肢。面目腫若水狀。腎氣浸浮於肺。即大喘也。錢乙亦用壅氣丸。未愈漸加丸數。病愈後面未紅者。虛衰未復故也。若治虛腹脹。壅氣丸未愈。腹中有食積法。糞小便黃。時微喘。脈伏而實。飲水能食者。亦可下。蓋脾初虛而後有積法也。所治宜先補脾。後與下之。下後又復補脾。即愈也。若不先補而便下之。則大虛矣。又不可補肺。恐生虛喘也。錢乙所用方。本集載之外。敘諸方於後。

家寶壅氣丸 治小兒啼哭未定。或氣息未調。遽以乳飲。或寒冷相干。腹脹氣急。乳食不化。

巴豆十片

胡椒十粒

丁香十個

青皮十個湯浸一宿令軟去穢

右將青皮每個入巴豆一片。胡椒一粒。丁香一個。裹了。以麻線纏定。都裹十個。畢。頓鍋內入醋一椀。煮至醋乾。取出細切。同諸藥焙乾為末。粟米糊和丸。粟米大。每三歲下兒二三丸。上者五丸。五歲兒七丸。七歲兒十丸。米飲湯下。無時。褊銀丸 治痰涎氣壅。膈實上熱。乳食停滯。腹脹喘急。



巴豆去殼半兩 好墨研入錢 麝香研半錢 水銀半兩用鉛子二

右將巴豆霜與墨再研勻。次入沙子麝香。又拌研至細勻。以陳米粥和丸。菜豆大。捻扁。一歲兒一丸。二三歲三丸。煎薄荷湯放冷送下。不得化破。食後服。

厚朴丸 治風冷寒邪客於藏府。腹脹滿悶。氣不宣通。

厚朴去蘆皮一兩 丁香香一兩 木香一兩 白朮一兩

青皮半兩 牽牛子炒一錢

右為細末。煉蜜和丸。黍米大。每服十丸。煎陳皮湯下。無時。

分氣丸 治腹脹腹痛。

巴豆十個去殼皮 木香一錢 附子炮一個重半兩

右為細末。麵糊和丸。麻子大。每服三二丸。熱水送下。

又方 治腹脹又名塌氣丸

蠍半兩 胡椒一兩 木香半兩 巴豆一分去殼皮

右為細末。麵糊和丸。黍米大。每服三五丸。葱白湯下。無時。

胡粉鹽 治腹脹。



右以胡粉鹽炒色變。以摩腹上或以車轂中脂和輪下土作丸吞之。

韭根汁 治如前。

右杵韭根汁和猪脂煎服。或燒父母指甲灰。乳頭上飲。

半夏丸 治腹脹。及暴腹脹欲死。

右以半夏隨多少。火炮為細末。酒和丸。粟米大。每服三五丸。兒小者乳汁下。大者生薑湯或米湯下。未瘥加之。日二服。只用末貼臍亦佳。

又方 治心腹脇肋脹滿。煩悶欲死。

右以雞子殼燒末。酒服一錢。或半錢。

壅氣丸 治脾胃氣虛。腹脹滿悶。

全蠍一錢 黑牽牛四錢一錢半生炒

陳皮二錢去白 青皮二錢去穢 京三稜二錢炮 蓬莪朮二錢炮

右為細末。麵糊和丸。蘿蔔子大。每服一二十丸。生薑湯下。無時。

壅氣丸 治腹脹氣滿如腫。

胡椒半兩 甘遂一分 黑牽牛炒一兩 木香一錢

右爲細末。麵糊丸。菉豆大。每服五七丸。薑湯送下。無時。

塌氣丸 治脾虛腹脹。或面目四肢發腫。

胡椒一兩

蠍

尾

去毒

此方便是錢乙集中方也

右爲細末。麵糊和丸。粟米大。每服五七丸。至一二十丸。陳米飲下。無時。量大小加減。一方有木香一錢。一方全蠍一枚。胡椒十粒。同爲末。一剗耳米飲調下。五百丸 治氣虛腹脹。

郁李仁 別研

胡椒

丁香

黑牽牛

蘿蔔子 各一百粒

右爲細末。葱汁和丸。菉豆大。每服三五丸。兒大加之。煎葱湯下。無時。

白朮膏 治脾胃不和。腹脹氣痞。小便不利。

白朮半兩

白茯苓 去黑皮一分

人參 去蘆一分

滑石 一分

澤瀉 半兩

右爲末。煉蜜和丸。每用卓子大。米飲化下。無時。

豆蔻散 治腹脹煩渴。小便少而吐瀉。

硫黃一分

白滑石三分

丁香半分

肉豆蔻新裹煨半分

右爲細末。每服一字或半錢。米飲調下。無時。

托養丸 治陰陽氣痞不通。腹脹膨悶。嘔吐煩渴。手足時厥。

硫黃

水

銀硃各半兩同星附

子皮去

木香

當歸

去蘆洗焙

大

黃慢火煨熟

右爲末拌勻。煉蜜和丸。櫻桃大。每服一九。生薑湯化下。無時。

木香丸 治小兒氣脹。腹滿不下食。能去惡氣。

木香

訶黎勒

煨去核

右爲末。以沙糖水煮糊和丸。菉豆大。每服一二十九。米飲下。無時。

葛根汁 治小兒熱氣。痞滿腹脹。

以生葛根杵爛。絞汁飲下。

桂心丸 治小兒飲雜果。腹脹氣急。

以桂心爲末。飯和丸。菉豆大。熟水下五丸。未差再服。不拘時候。

治小兒腹中脹滿。或未能服藥者。



以晚桑葉不拘多少。濃煎湯。熏下部。通手時淋洗肚腹。

治小兒腹脹滿急。不能服藥。

以生薑煨熱。綿裹內下部。冷即易。

賺氣丸 治小兒腹脹。

丁香 香一錢

蘿蔔子半兩用巴豆一分拍破同炒至黑色去巴豆不用

右爲末。水浸蒸餅心和丸。菜豆大。每服五丸。橘皮湯下。無時。

治小兒上熱痞悶。氣壅脹滿。

以葛根搗汁。量大小輕重與服。

### 腫病論

小兒腫病有二。一者氣腫。因脾胃虛而氣攻腹。腹脹誤行轉藥下之。致虛氣上附於肺。行入四肢面目而作腫也。疳氣亦然。二者水腫。因上焦煩渴。飲水無度。脾胃虛而不能約制其水。腎反乘脾。土隨水行。上附於肺。肺主皮膚。脾主四支。故水流走於四肢皮膚而作腫也。甚則腎水浸浮於肺。則生大喘。爲難治也。

款肺散 治小兒風痰。欬嗽喘氣逆嘔吐。面目浮腫。

白僵蠶

五兩湯洗去灰絲并頭足焙乾

玄胡索

去皮三兩生

右爲細末。每服一字或半錢。煎淡薑汁放溫調下。如嬰孩。乳汁調半字。不拘時候。

熊膽丸 治小兒疳氣。體瘦肚腫。喫水。

熊膽

雄黃

研水

佛頭青

各半兩入麝香少許同研細

桂心

人參

去蘆各一錢爲末

右拌研勻。糯米粥和丸。菉豆大。每服五七丸。米飲下。食後。

檳榔丸 治小兒疳氣腹脹。四肢腫滿。氣急喘悶。小便不利。

檳榔

木香

各二錢

青皮

薑

黃

各一兩

蘿蔔子

炒

牽牛子

各取末七錢半

右爲末糊丸。黍米大。生薑湯下。二三十丸。食後。

緋綬丸 治小兒疳氣。黃瘦肚大。手脚浮腫。飲水不休。

川棟子

去核

川芎

各二錢

橘皮

去囊

龍

膽

去蘆二兩

巴豆十四個去皮膜將陳皮龍膽同炒焦黑時去巴豆不用

右四味爲末糊丸。麻子大。硃砂爲衣。每服十五丸。或二十丸。米飲下。腹脹。陳皮湯下。食後。

治小兒手足身體浮腫。

以小便溫煖漬之大良。

又方 治如前。

以巴豆五十個。去皮心。水三升。煮取一升。綿蘸拭病上。隨手卽消。

治小兒渾身頭面及陰囊虛腫。

以使君子一兩。去殼。用蜜半兩。炙盡爲細末。每服一錢。米飲調下。食後。只三服效。

內消丸 治小兒頭面手脚虛腫。

青皮五個湯去穢

巴豆七個去殼

木香一錢

防己一錢半

丁香十四個

右先以青皮巴豆銚內同炒。至巴豆蒼黑。去巴豆不用。將青皮諸藥爲細末。蒸

餅和丸。麻子大。每服三五丸。量大小加減。男孩兒煎陳米湯下。女孩兒煎艾葉湯下。七八歲者十丸。不拘時候。

紅粉散 治渾身虛腫。氣喘不食。

硃砂一錢 檳榔一錢 輕粉半錢

右爲末。每服一字或半錢。薄荷煎湯調下。一服利止後服。用家寶觀音散。或人參散調補。忌生冷堅硬之物。

通草散 治一身黃腫透明。

通草蜜塗炙 木豬苓去黑皮爲末各等分

右爲細末。再入研細。去土地龍麝香少許。每服半錢或一錢。米飲調下。神效。亦

治腎腫。

聖餅子 治氣腫。

大戟子半兩 甘遂末一分 牽牛末一兩

右拌勻。每用半錢。以白麵半錢。水和作餅子。如錢大。煮令熟。放冷細嚼。薑湯下。小者一餅。大者二餅。食前。



金華散 治水氣腫滿。通身明亮。

大黃末四錢

牽牛末三錢

朴消研末八錢

巴豆肉研五個

右同拌勻。每服一字。生薑蜜水調下。此方猛烈。斟酌所宜。

葶藶丸 治水氣腹腫。小便滯滯。

右以葶藶子半兩微炒。杵如泥。入棗肉。再杵和丸。菴豆大。每服五丸。棗湯下。空心晚後。

郁李仁丹 治一切諸腫。

郁李仁

半兩湯浸。去皮微炒。

榔半兩

牽牛子炒一錢

右為細末。滴水。和丸。每服十粒。煎葱白湯下。空心服。

海蛤散 治身體腫滿。大小便不利。

海蛤

桑白皮各一兩

漢防己半兩

赤茯苓去黑皮半兩

白朮半兩

甜葶藶紙襯炒紫

川朴消

木豬苓去黑皮各一分

右為細末。每服一錢。水一盞。煎至五分。去滓溫服。乳食後。

杏仁膏 治小兒卒然面目浮腫。杵杏仁膏傅之。

治小兒渾身虛腫。及頭面陰囊並腫。

木香一錢

檳

榔一錢剉以茱萸炒去茱萸

青皮七個錢以巴豆炒

豆豉

右同爲末。每服半錢或一錢。陳米飲調下。食前。

治小兒因瀉痢後。身體虛腫。

硫黃一兩

焰

消三錢

右同研細。蒸餅和丸。蘿蔔子大。蚌粉爲衣。每服十丸。米飲下。量兒加減。食前。

### 虛羸論

小兒虛羸者。由諸病之後。或誤行轉藥。或吐而利。致脾胃虛弱。不能傳化穀氣。飲食不入。肌膚消瘦。乃成虛羸也。有冷者時時下痢。脣口青白。有熱者身體溫壯。肌肉微黃。此冷熱虛羸也。錢乙治冷者木香丸。夏月不可服。如有證則少服之。治熱者胡黃連丸。冬月不可服。如有證則少服之。昔錢乙治齊郎中。其人好收藥散。施有子忽患藏熱。齊自取青金膏三服。併一服。餌之。服畢至三更瀉五行。其子困睡。

齊言子睡多生驚。又與一服。再瀉數行。加口乾而身熱。齊言尙有其熱。又欲與青金膏。其妻曰。用藥瀉十來行未安。莫生他病否。召乙看之。乙曰。已成虛羸也。先多煎白朮散。時時與服。後用香瓜丸。十日愈。乙又治朱監簿子五歲發熱。腮赤脣紅。煩躁引飲。前醫曰。此心熱也。遂用牛黃丸。及以一物瀉心湯下之。來日加無力而不能食。又下之。乃便利黃沫。召乙看之。乙曰。此心經虛而有留熱在內。必被涼藥下之。致此虛羸也。乙先用白朮散生胃中津液。以生犀散治之。朱曰。大便黃沫何如。乙曰。胃氣正即瀉自止。此虛熱也。朱曰。醫用瀉心湯何如。乙曰。瀉心湯黃連一物耳。性寒多服則利。能寒脾胃也。坐久前醫至曰。實熱。乙曰。虛熱。若實熱何以瀉心湯下之不愈。又加面黃頰赤。五心煩熱。不食而引飲。前醫曰。既虛熱。何大便黃沫。乙笑曰。便黃沫者。服瀉心湯多故也。乙復與胡黃連丸愈。乙又治一子夜發熱。曉卽如故。前醫作熱治。以涼藥解之不愈。其候多涎而喜睡。醫又以鐵粉丸下之。其病益甚。至五日大渴引飲。唇白不食。召乙看之。乙曰。此肺怯有熱。不可下之。若下之。則損脾胃。致虛羸也。乃用白朮散。更以朮一兩煎藥汁三升。使任意取足服。朱曰。飲多不作瀉否。乙曰。無生水不作瀉。縱瀉亦不作怪也。但不可下耳。朱曰。先



治何病。乙曰。止瀉治涎。退熱清神。皆此藥也。至晚服盡。乙看曰。更可服之。又作三升服。盡稍愈。第三日又作三升與服。其子不渴無涎。遂投阿膠散二服而安。已上三證。皆因誤行轉下之藥。亡耗津液。致胃虛發渴不食。而成虛羸。錢乙並先煎白朮散與服。以生胃中津液。得胃氣正。然後依本病為治也。如齊郎中子藏熱。與香瓜丸。朱監簿子心虛熱。與生犀散。胡黃連丸。次子肺怯。與阿膠散。並皆安愈。故閻孝忠云。轉下過多。洩瀉等諸病。煩渴者。皆津液內耗也。不問陰陽。煎錢乙白朮散。使滿意取足飲之。彌多彌好。今特為詳而論之。使學者法矣。錢乙所用方。本集載之外。治虛羸諸方。具於後。

丁香黃耆散 治脾胃虛弱不能食。漸致肌瘦虛羸。

丁香

綿黃耆剉

人參去蘆

白朮

當歸去蘆

鱉甲

塗酥炙焦去  
裙襖各一兩

胡黃連

甘草炙各  
半兩

右為細末。每服一錢。水一小盞。生薑二片。棗一個。煎至五分。去渣溫服。食前。

集香煎 治如前。



丁香

沉香

木香

藿香去土

厚朴

去麋皮薑  
製各一兩

白朮

白茯苓

白豆蔻各半

右爲細末入研細麝香一錢拌勻。以水一升。蜜半斤。大棗三十枚。生薑二十片。於銀器中慢火熬成膏。去薑棗不用。攪勻頓當風處陰乾。每用阜角子大。米飲化下。乳食前。

國老丸 治瘦瘠虛羸。惛惛少氣。

右以甘草炙焦黃杵末。煉蜜和丸。菴豆大。每服五丸。溫水下。日三服。一歲兒五丸。已上者七八丸。以意加減。無時。

欬嗽論

痰飲上  
氣附

夫欬嗽者。內經以爲肺感微寒而所作也。若七八月之間。肺氣旺盛之時。病嗽者。其病必實。非久病也。其證面赤痰盛而身熱。治當下之。錢乙用葶藶丸。若病久者。不可下。若十一月十二月嗽者。乃傷風寒嗽者。風寒從背第三椎肺俞穴入。其證煩悶惡風憎寒。晝輕夜甚。治當汗之。錢乙用麻黃湯。若有熱證。則面赤飲水。涎壅

咽喉不利。錢乙兼用甘桔湯。若嗽於五六月間。其病身熱痰盛唾黏。或痰盛不甚喘。面赤或時飲水。錢乙並以漏銀丸下之。若肺盛嗽而後喘。身熱悶亂面腫。或飲水不飲水者。錢乙用瀉白散。昔錢乙治張氏孫兒九歲。病肺熱欬嗽。前醫以珠犀龍麝牛黃藥治之。一月不愈。其證欬嗽喘急悶亂。飲水不止。全不能食。召乙治之。乙用使君子丸。益黃散。張曰。本有熱。何又行溫藥。他醫用涼藥攻之。一月尙無效。乙曰。涼藥久則胃寒不能食。小兒虛不能食。當與補脾。候飲食如故。卽瀉肺經。病必愈矣。服補脾藥二日。其子欲飲食。以瀉白散瀉肺。遂愈。張曰。何以不虛。乙曰。先實其脾。然後瀉肺。故不虛也。

又傷風寒欬嗽無熱證。而但嗽者。錢乙用麻黃湯。及化痰藥治之。若肺虛而嗽有哽氣。時時長出。喉中有聲者。此久病當補也。錢乙用阿膠散。昔錢乙治杜氏子五歲。自十一月病嗽。至三月未止。始得嗽而吐痰。乃風寒入肺也。風在肺中。故嗽而吐痰。宜以麻黃輩發散。後用涼藥壓之。卽愈。他醫卻以諸藥下之。其肺卽虛而嗽甚。至春三月間尙未愈。乃召錢氏看之。其候面青而光。嗽而喘促哽氣。又時長出氣。錢曰。病困十已八九矣。所以然者。面青而光。乃肝氣旺也。春三月者。肝之位。肺



衰之時也。嗽者肺之病。自十一月至三月久。即肺虛痿。又曾下之。脾肺子母俱虛。復爲之所勝。此爲逆也。故嗽而喘促。哽氣長出氣也。乙急與瀉青丸瀉肝後。與阿膠散實肺。次日面青而不光。乙又與補肺。其嗽如前。又與瀉肝。未已而又加肺虛。唇白如煉。乙曰。此病必死。不可治也。何者。肝大旺而肺虛絕。肺病不得時。而肝勝之。今三瀉其肝。而肝病證不退。三補其肺。而肺病尤虛。此不久生。故言死也。此證病於秋者。十救三四。病於春夏者。十難救一。果大喘而死。

又肺氣不足。謂寒邪所干。欬嗽喘滿短氣者。治補肺。昔錢乙治李轉運孫八歲。病嗽而喘滿短氣。他醫以爲肺經有熱。用竹葉湯。牛黃膏治之。三日加喘。召乙治之。乙曰。此肺氣不足。復有寒邪。即便喘滿。當補肺脾。勿服涼藥。李曰。已服竹葉湯。牛黃膏。乙曰。何治也。前醫至曰。退熱退涎。乙曰。何熱所作。醫曰。肺經熱而生嗽。嗽久不除。生涎。乙曰。本虛而風寒所作。何熱也。若作肺熱。何不治肺。而反調心也。竹葉湯。牛黃膏皆治心藥也。醫有慚色。乙依所論而治愈。又欬嗽咯膿血者。肺熱也。錢乙用甘桔湯。若嗽而吐痰涎喘者。先實其脾。錢乙用益黃散。後微下之。錢乙用褊銀丸。涎退即補肺。乙用阿膠散。昔乙治段齋郎子四

歲。病嗽身熱。吐痰數日咯血。前醫以桔梗湯。防己丸治之不愈。涎上攻。吐喘不止。請乙治之。乙下福銀丸一大服。復以補脾藥治之。或問此子咯血肺虛。何以下之。乙曰。肺雖咯血。有熱故也。久則虛痿。今涎上潮而吐。當下其涎。若使不吐涎。便爲甚。蓋吐涎能虛。又生驚也。痰實上攻。亦使發搐。故依法只宜先下其痰爲順。此治先下後補。與前論先補後下。其意相反者。經以謂病有緩急。治有先後也。治病證如錢乙。所以得聖人之旨趣。學者宜爲法耳。嗽而吐青白綠水者。此胃冷有停飲也。乙用百祥丸下之。嗽而吐痰涎乳食者。此有傷宿滯不化也。乙用白餅子下之。若久嗽肺虛亡津液者。乙用阿膠散補之。治嗽大法。盛則下之。久則補之。風則散之。更量大小虛實。以意施治。是以慎護小兒。須常著夾背心。雖夏月熱時。於單背心上當背更添襯一重。蓋肺俞在背上。恐風寒傷而爲嗽。嗽久不止。亦令生驚。若百晬內兒病嗽者。十中一二得全。亦非小疾也。又有停飲作痰者。由兒乳飲失宜。致脾胃不和。停滯其飲不散。留結成痰。若隨氣上干於肺而嗽者。此爲痰嗽。若不嗽者。則肺壅不利。咽塞唾涎。脇腹膈滯。又脾胃冷熱不調。涎不歸胃。致涎流口角。而無休止。冷者鼻上色青。及大便青白。



熱者鼻上赤色。及大便赤黃。已上除錢乙所用。方本集載之外。今敘諸方於後。  
金華散 治嬰小欬嗽。

鬱 金半兩

防 風去蘆及叉半 夏一分

巴 豆二粒

皂 角一挺

右以水一升。於銀器用煮諸藥。至水乾。去巴豆。皂角不用。外三味別用溫湯洗淨。焙乾為細末。每嬰孩一字。二三歲半錢。四五歲上者一錢。薄荷蜜水調下。不拘時候。

藿香散 治不因風寒所得。肺胃氣不和而欬嗽。

藿 香去土二十個 枳

殼二片去穢 煨令熟

蚌 粉枳殼大一塊

右為細末。嬰小服一字。二三歲半錢。蜜水調下。不過二三服安。兒大以意加之。無時。

紫金丸 治諸欬嗽。墜化痰涎。

右以葉子雌黃不拘多少。研細入鍋子內。微火中燒令成汁。候冷取出。再研細。輒飲和丸。蘿蔔子大。熟水下丸二個。臨睡。

杏仁煎 治小兒欬嗽上氣。

右以去皮尖炒黃杏仁一升熟搗。用蜜三合。先入一合。搗令強。次入一合。搗如膏。又入一合。搗熟。每食後用少許頓兒口中。含化咽之。日三次。無時。生薑煎 治小兒欬嗽。

生薑一兩 乾薑六錢 桂心一分 甘草四錢

杏仁去皮稍炒款冬花去枝 紫菀各四錢

右爲末。以蜜一兩入藥在內。微火上煎之。如飴。量大小多少。與含化嚥。百日兒如棗核大。甚效。

款冬花丸 治小兒咳嗽。日差夜甚。初不得息。不能復啼。

款冬花 紫菀各半 桂心半兩 伏龍肝一分

右同爲細末。煉蜜和如泥。每取棗核大。敷乳上。令兒吮之。漸漸令兒飲。一日三次。

麥門冬湯 治初生兒十日上至五十日。卒得聲。欬吐乳。嘔逆暴嗽。晝夜不息。

麥門冬去心 紫菀去蘆 甘草二錢 桂枝半兩

右爲末。每服二錢。水一盞。煎至七分。以綿蘸滴兒口中。晝夜四五遍。仍節乳哺。

五味子湯 治小兒風冷入肺。咳嗽氣逆。面青喘迫。晝夜不息。飲食不下。

五味子去枝

當歸去蘆各半兩

麻黃去節

乾薑炮

桂心

人參去蘆

紫苑

甘草各一分

細辛去苗分

大棗三枚

右爲粗末。每服二錢。水一盞。煎至半盞。去滓溫服。量兒大小。

人參半夏湯 治小兒痰逆。咳嗽不止。

人參去蘆

半夏麴

白芷各半兩

藿香葉去土

丁香

杏仁霜各半分

右爲細末。每服二錢。水一鍾。生薑五片。陳粟米五十粒。煎至七分。去滓時時呷

服。日三四。忌醋鹹炙博生冷。

款肺散 治小兒風壅痰盛。欬嗽氣急。壯熱煩赤。昏憤嘔吐。面目浮腫。乳食減少。

白僵蠶五兩淨洗去絲頭足焙乾

玄胡索去皮三兩

右爲末。每服一字或半錢。澹荳汁溫調服之。無時。嬰孩只乳汁調半字。



治小兒咳嗽聲不出。

杏 仁一兩錫浸去皮尖及雙仁者以水一鍾搗取汁

紫 菀去蘆半兩洗去土爲末

右將紫菀末入杏仁汁中更入蜜一合同煎成膏每服半茶匙清粥飲調下。無時。

阜莢豉湯 治小兒咳嗽。

右以阜莢燒灰研細末每服半錢或一錢豉湯調下。無時。

露蜂房散 治如前。

右以露蜂房二兩淨洗去蜂糞塵土以快火燒爲灰研末每服一字米飲下。無時。

葶藶散 治如前。

甜葶藶半兩炒

麻 黃去根節一分

甘 草炙一分

貝 母去心炒

杏 仁去皮尖一分炒黃研

右爲細末每服半錢水半盞煎至三分去渣溫服。無時。

訶子膏 治如前。

右以訶子一兩。每個分作兩片。甘草一分。水一大盞。煮至水盡為度。焙乾為末。煉蜜和膏。雞頭子大。每用一大豆許。薄荷熟水化下。無時。

生薑浴湯 治如前。

右以生薑四兩。煎湯沐浴。

一捻金散 治風痰欬嗽。煩赤痰盛。喘促氣急。吐嘔浮腫。乳食減少。

白僵蠶

直者去絲

甘草

炙半兩

玄胡索

去皮一分

右為細末。每服一捻。薑汁調下。嬰孩只乳汁調下半字。食後。

惺惺散 治傷寒風熱。痰壅咳嗽。

桔梗 去蘆

細辛 去葉

人參 去蘆

甘草 剉炒

白茯苓 去皮

白朮

栝樓根 各半

右為細末。每服二錢。水一盞。薄荷五葉。煎至半盞。溫服。如要和氣。更入生薑三

片同煎。一方更有防風一分。

保肺丸 治肺胃受風熱痰盛。欬嗽喘吐。連聲不止。及治久嗽不愈。

白僵蠶 去絲嘴

山藥 半兩

白茯苓 去皮

紫蘇葉 一兩

藿香去土一兩

百部半兩

黃芩一兩

防風去蘆一兩

杏

仁去皮尖熬一兩

百合半兩

五味子去枝梗一兩

右爲細末。煉蜜和丸。雞頭大。每服半丸。煎桔梗湯化下。食後臨臥服。

貝母湯

治肺感風邪。咳嗽喘滿。

貝

母去心炙黃一兩

半夏洗一兩七次白礬湯

乾薑半兩

麻

黃去根節半兩

款冬花去枝梗半兩

甘草炙半兩

右爲細末。每服一錢。水一小盞。生薑三片。杏仁二個。去皮尖。同煎五分。去渣溫服。不拘時。

服不拘時。

菖蒲煎 治肺中風邪。肩息喘鳴。或發欬嗽。

石菖蒲九節者良一寸款冬花去枝梗一兩

紫苑去土淨洗一兩人參去蘆一兩

桂心一兩

右爲細末。煉蜜和劑。入石臼中。杵一二百下。丸阜子大。每服一粒。煎糯米飲化下。食後臨臥服。

絳朱丹 治驚風涎痰。咳嗽喘滿。



天南星炮二兩

牛夏七次去湯洗枯白礬半一兩

滑石煨通赤

鉛白霜一分

右爲細末。麵糊和丸。麻子大。硃砂爲衣。每服十粒。薑湯送下。食後臨臥服。

人參犀角散 治時氣塞壅。咳嗽痰逆。喘滿驚悸。風熱。

前胡去蘆入錢

桔梗五錢

人參去蘆三錢

甘草炙三錢

杏仁乾爲末皮尖燬

右先將上四味爲末。入杏仁末拌勻。粗羅篩過。每服二錢。水一盞。煎至七分。去

渣溫服。食後亦能調和五藏六府。進美乳食。又治一切風熱。服尋常涼藥卽瀉

減食者尤宜與服。

油滾丸 治痰盛咳嗽。亦治乳嗽。

五靈脂末一錢

雷丸末一錢

巴豆三十箇去皮膜取霜

右爲細末。滴水丸。芥子大。每服三五丸。油滾井水送下。臨臥而服。

龍爪散 治涎喘欬嗽。

右以豬蹄甲四十九個。洗控乾淨。每個豬甲內入半夏、白礬末各一字。入一罐

子內封閉。不透煙火。煨通赤放冷。為細末。入研細麝香一錢拌勻。每服半錢。糯米飲調下。空腹。

辰砂半夏丸。治寒痰欬嗽。

栝樓根蜜炙

天南星湯洗

半夏湯洗

乾薑炮

右為末。生薑自然汁和丸。麻子大。硃砂為衣。每服十丸。生薑湯下。不拘時候。

玉珠丸。治諸涎嗽。

半夏湯洗十次

消石一分

右為細末。滴水丸。麻子大。每服三五丸。生薑湯送下。不拘時候。

百部丸。治肺寒咳嗽微喘。

百部焙乾秤

麻黃去根節秤三分

杏仁四十箇去皮

三五沸焙乾研細

右同勻細末。煉蜜和丸。阜子大。溫水化下二三丸。日三服。錢乙加松子仁五個。

糖和丸。含化大妙。

露蜂房丸。治肺胃虛寒。咳嗽喘滿。嘔逆不食。

露蜂房二錢 炒

蟬殼去土二錢 炒

蛤蚧一隻重四錢 酥塗炙乾

丁香

木香

人參去蘆

地黃

麻黃去節

馬兜鈴子

五倍子去蟲各二錢

五味子去枝

貝母去心

杏仁童子小便浸二宿去皮尖炒

半夏麴錢半

款冬花去枝梗

右爲細末。煉蜜和丸。菉豆大。每服二三十丸。生薑湯下。日三四服。食後。

緩息湯 治風傷肺氣虛喘咳嗽上氣。

桑白皮一兩

白茯苓半兩

白殭蠶絲半兩 去

甘草一分 炙

杏仁半兩 研後去皮

人參去蘆一分

桔梗去蘆半兩

白朮半兩

陳皮半兩 去白

右爲細末。每服一錢。水一盞。生薑三片。杏仁二個。煎至六分。去滓時時溫服。

白朮五味湯 治氣逆上喘欬嗽。

白朮

五味子去枝

人參去蘆

款冬花去枝梗各半兩

細辛去土葉一分



右爲細末。每服一錢。生薑三片。煎至四分。去滓放溫時服。

桔梗湯 治欬嗽痰壅。呀呷。咽膈不利。

桔梗去蘆半兩

甘草炙半兩

紫蘇葉土微炙半兩

石膏半兩

半夏泡半兩七次湯

阜英一分灰存性燒

右爲末。每服一錢。水一盞。生薑三片。煎至五分。去滓放溫。時服無時。

澹竹瀝 治欬嗽短氣。胸中吸吸。咯唾稠濃臭黏。

右以竹瀝一合服之。日三四次。

木香半夏丸 治肺胃有寒欬嗽。

木香

半夏湯泡七焙乾

肉豆蔻麵裹一兩

藿香去土

丁香

白朮各半兩

右爲細末。生薑自然汁和丸。黍米大。每服十丸。煎人參湯送下。不拘時候。

白蜆殼散 治卒然暴嗽不止。

右以白蜆殼不拘多少。杵研極細。每服半錢。米飲調下。無時。

五靈脂丸 治久嗽漸成羸弱。恐變疳癆。

五靈脂去沙石半兩

蟾頭炙一枚酥

蟬殼去土半兩微炒

款冬花去枝梗半兩

青黛研一分

雄黃水飛一分研

右同研勻細糯米飯和丸黍米大每服十丸煎人參湯下食後。

人參半夏丸 治痰飲欬嗽。

人參去蘆

半夏湯泡

白朮

川薑炮

南星微炒各半兩

右為細末生薑自然汁煮糊和丸黍米大每服十丸薑湯下月內百晬兒丸針頭大乳上吮服不拘時候。

馬兜鈴丸 治肺壅咳嗽氣喘大便不利。

馬兜鈴

紫蘇子炒

人參

參去蘆各一兩

木香

款冬花去枝梗各半兩

杏仁湯浸去皮尖研後入一分

右五味先為末入杏仁末拌勻研煉蜜和丸黍米大每服十丸生薑湯下不拘時候。

百合湯 治肺經風寒痰壅不利。

百合

紫苑洗焙

白朮

人參去蘆各一兩

白茯苓去黑皮

青皮去穢

甘草

麥門冬去心各半兩

右爲末。每服一錢。水八分。澹竹葉三片。薄荷二葉。煎至五分。去滓溫服。不拘時。

爽神湯 消寒痰。除肺壅。清神爽意。

白朮

人參去蘆

白茯苓各一兩

桔梗去蘆

栝樓

甘草各半兩

細辛去苗一錢

右爲末。每服一錢。水八分。荊芥。薄荷各少許。煎至五分。去滓溫服。不拘時候。

蘇香湯 治肺壅消痰滯。

紫蘇葉去土

木香

人參去蘆各半兩

五味子去枝

甘草

陳皮各半兩

右爲細末。每服半錢。生薑自然汁少許。荊芥湯調下。不拘時候。

蟬殼湯 治肺氣壅滯不利。

蟬殼去土微炒

人參去蘆

五味子去枝各一兩

陳皮

甘草炙各半兩



右爲細末。每服半錢。生薑湯下。無時。

神麴湯 治痰涎壅滯。氣不和順。腹脇滿悶。

神麴 微炒一兩

木香 一兩

半

夏 一兩用薑半斤同杵爛

蕪荑 一兩

青皮 兩炒半

甘草 半兩

白茯苓 半兩

右爲細末。每服半錢。鹽少許。沸湯調溫服。無時。

白金丹 消肺壅痰實。治胸膈不利。

桑白皮 一兩

前胡 一兩

半

夏 一兩

白朮 一兩

人參 半兩

陳皮 半兩

甘草 一分

右爲細末。煉蜜和丸。黍米大。溫水下五七丸。周晬至一二歲兒三丸。已上者以

意量加。不拘時候。

前胡半夏丸 治風熱痰實。肺氣壅滯。涎流口出。

前胡 一兩

半夏 一兩

黃炮 半兩

麥門冬 半兩

川朴消 半兩

右爲細末。生薑自然汁和丸。黍米大。每服十丸。煎人參湯下。不拘時候。

犀角丸

經音

治風熱面赤。胃氣不和。大小便秘瀝。痰實涎盛。三焦壅滯及積熱蘊毒。

生犀末一分

人

參半去蘆

黃連去蘆

枳實半去蘆炒

檳榔半兩

大

黃貼二兩酒浸一宿切作片子以巴豆一百粒去殼皮

右為細末。煉蜜和丸。麻子大。每服五七丸。臨臥熟水下。未動加丸數。服此疎利

極穩之藥。

治小兒痰壅。壯熱諸病。

以鷄子亂髮熬良久。得汁與服之良。

枳殼湯 治痰實壯熱。心膈煩悶。氣不調順。不早治。恐生驚癇。

枳殼一兩去

乾薑半兩

甘草半兩

前胡去蘆

木香一兩

半夏洗一兩湯

右為末。每服一錢。水一小盞。生薑三片。陳皮一片。煎至六分。去滓溫服。不拘時候。

溫脾丸

治脾胃宿冷。口角涎流。若涎積頤頤別立於後

丁香 香一兩 木 香一兩 半 夏 同一兩用生薑六兩

青 皮去穢半兩 白 朮半兩 乾 薑半兩

右為末。煉蜜和丸。黍米大。每服十丸。米飲下。不拘時候。

丁香湯 治如前。

丁香 香一兩 白 朮半兩 肉豆蔻半兩 半 夏半兩 白礬水

妙黃 乾 薑半兩 甘 草半兩 人 參半兩

右為細末。每服一錢。水八分。薑二片。煎至五分。去滓溫服。不拘時候。

治小兒口中涎出 以白羊屎內口中。

麻黃湯 治小兒風中肺經喘急肩息氣上不安。

麻 黃去根節二兩 半 夏 生 薑各二兩 甘 草一兩

桂 心半兩 五味子去枝梗半兩

右以咀。每服二錢。水一盞。煎六分。去滓服。無時。

馬通粟粒丸 治小兒喘急肩息氣逆脇下作痛寒熱往來不進乳食漸成羸瘦。

馬通中粟粒三分 杏 仁湯浸去尖 紫 苑去蘆 細 辛去苗各半兩



石膏

秦艽去蘆

半夏湯洗七次

茯苓去皮

五味子去枝梗各一分

右爲末。煉蜜丸。小豆大。每服十丸。生薑湯下。日三服。加至十二丸。不拘時候。

# 小兒衛生總微論方

## 卷十五

### 黃疸論

小兒有身體肌膚面目悉黃者。此黃病也。因將息過度。飲食傷飽。脾胃受熱。與穀氣相搏。蒸發於外。脾胃象土。其色黃。候肌肉。故爲是病也。慎不可灸。灸則熱轉甚矣。若身體痛。背膊強。大小便瀉。腹脹滿。一身盡黃。及目睛爪甲皆黃。小便如屋塵色。著物皆黃。此疸病也。若發渴。小便澀。腹滿脈沈細。爲難治也。黃病者。稍輕疸病者極重。又有自生下面身深黃者。此胎疸也。因母藏氣有熱。熏蒸於胎故也。經言諸疸皆熱。色深黃者是也。若身微黃者。胃熱也。若但面黃腹大。渴而食泥土者。脾疳也。此二項各在本病具之外。黃病。疸病。敘方於後。

三黃散 治黃病。

川大黃碎一兩剉

黃芩半兩

黃連去蘂半兩

右爲細末。每服一錢。水一盞。煎至五分。去滓放溫。食後時時服。

子芩散 治如前。

黃芩

栝樓根

茯苓

神各一兩去心內木甘

草炙

胡黃連各半

右爲細末。每服一錢。水一盞。煎至五分。去滓溫服。不拘時候。

韭根汁 治如前。

右杵韭根。取汁滴兒鼻中。大豆許。

丁香散 治黃病偏身如金色。

右六月六日收瓜蒂四十九個。丁香四十九個。入乾鍋子內。火燒煙盡。取出放

冷。研細末。每用半字吹鼻中。及揩牙。

蔓菁子汁 治如前。

右以蔓菁子汁水和服之。半錢或一錢。亦治疸病。

猪苓通草散 治黃病透明黃腫。

木猪苓去黑皮

通草塗蜜炙乾

右爲細末。更入研細麝香、去土地龍末各少許拌勻。每服半錢或一錢。米飲調下。不拘時候神效。

栝樓根汁 治小兒忽發黃。面目皮膚悉黃。

右以生栝樓根杵取汁三合。蜜一大匙。煖鎔相和。量兒大小服之。不拘時候。  
雙連丸 治諸疸病。

川黃連去鬚一兩

胡黃連一兩

右爲細末。用黃瓜一枚。切蒂頭留作蓋子。去穰。入藥末在瓜中。卻以蓋子蓋定。用麵裹。慢火煨令麵熟焦。去麵杵爛成劑。丸菉豆大。每服五七丸至十丸。溫米飲下。量大小加減。不拘時候。

茅煎湯 治黃疸病。

柴胡去苗淨洗一兩 甘草一分

右咬咀。每服二錢。水一盞。白茅根少許同煎至五分。去滓溫服。無時。

螺肉酒 治如前。

右取田螺肉一二十個。作剗剗酒服之。



驢乳汁 治嬰小熱黃胎疸。

右取驢乳汁。少少與服。

### 客忤論

小兒中客忤者。小兒神氣嫩弱。忽有非常之物。或未經識見之人。偶然觸而見之。其客氣與兒神氣相忤。以生病。謂之客忤。其候吐下青黃白色。水穀解離。腹痛夭矯。面顏變易。五色不常。狀似驚癇。但目不上視。其脈弦急數者是也。若不卽治。久則難療。聖濟經曰。出處不時。而爲客忤。戒其恐見非常人物爲病也。千金曰。小兒衣帛綿絮及鞋襪中。皆不得令有頭髮。又青衣不可用白帶。白衣不可用青帶。或諸不識人物外來者。並當令兒避之。勿見。若誤有觸犯。並令兒患客忤。或有犯而患者。急視其兒口中懸癰左右。有腫核如麻豆大者。便須刺摘令潰之。用綿纏釵續頭。展去其血。兼服諸藥爲治。

治小兒客忤腹痛夭矯。面色變易。

以香豉數合。水拌令溼。搗熟作丸子。如鷄子大。用摩兒顙上。及手足心各七徧。

及摩兒心臍上下行轉摩之食頃。破其丸。視其中當有細毛。卽棄擲丸於道中。痛乃便止。

治小兒卒中客忤塗法。

竈中黃土

蚯蚓糞等分

右研細。水調塗兒頭上及五心中大良。

又方浴法 治如前。

以馬糞三升。燒令煙絕。用酒三升。煮數沸去滓。漿以浴兒。

又方 治小兒客忤服法。

以牛口沫塗乳上飼兒。

以銅鏡鼻燒令赤。內酒中。能飲者令自飲。不能飲者含而灌之。

治小兒中客忤吐青白沫。及乳食皆出。腹中痛。氣欲絕者。

以桂心一兩爲末。一二百日兒。以半錢用水一小盞。煎至五分。去滓溫分四服。不拘時候。量兒大小加減。

又方 治小兒客忤。

右以白僵蠶七枚爲末。酒調服半錢至一錢。

又方 治如前。

右取書中白魚十枚。敷乳頭令兒吮服。爲衣魚呼

又方 治如前。

右取驢乳汁。少少與服。或以熟馬屎一塊。絞汁飲。嚥下即愈。

麝香乳 治客忤項強欲死。

右以麝香少許研細。用乳汁調抹兒口中。如大豆許良。

又方 治如前。

右以桔梗燒末半錢調服。量大小加減。

治馬毒客忤。

右以馬尾於兒面前燒。令兒嚥其煙氣。每日用之取差。

治客忤夜啼襁法。

右用本家廚下燒殘火柴頭一個。以焦頭爲上。朱書云。吾是天上五雷公。將來

作神將。能收夜啼鬼。一縛永不放。急急如律令。書了勿令兒知。立在兒牀下。倚前脚裏。廂立之。男左女右。

辟邪膏。治客忤及治中惡邪厲鬼氣。其候似癇。但目不視上倒視。脈弦急。中之卒暴者。立至蘇省。

真降香剉

白膠香別研

沈香

虎頭骨酥炙

鬼臼去毛

草龍膽去蘆

人參去蘆

白茯神去心內木

右爲細末。次入研飛過雄黃末半兩。研細麝香一錢。拌勻。煉蜜和丸。鷄頭子大。每服一粒。煎乳香湯化下。及丸一彈子大。用綠絹袋盛之。帶兒衣上。仍於臥處常燒炒。

## 三三庄論

小兒疳病有三。一者鬼疳。小兒神魂氣弱。早晚抱持。出入無時。爲鬼厲邪氣所干。其候皮膚掣痛。游易無常。或心腹刺痛。夭矯悶亂欲死。乃名中惡。甚者卒致於死。緩者延引歲月。更變沈滯。以至於死。又疳傍人。二者尸疳。人腹中有蟲。曰尸疳。小



兒血氣嫩弱。邪氣外傷。留滯身中。尸蟲移引。相乘爲病。其候沈沈嘿嘿。不知的病之處。或寒或熱。或心腹悶痛。涉引歲月。遂至於死。又疰傍人。三曰蠱毒疰。謂諸毒蟲之中。有一能噉其餘者。卽爲之最。名之曰蠱。或因人作。或因引疰。隨飲食而入兒腹中。食人藏府。其候心腹刺痛。懊悶欲絕。利下無時。或便血片。急者卽死。名曰中蠱之毒。緩者涉引歲月。以至藏爛乃死。又疰傍人。今敍諸治方於後。

虎頭枕 治中鬼氣爲游氣爲魔。

右以虎頭骨爲枕。與兒枕之。

千金湯 治小兒暴驚啼絕死。因人從外來。邪氣所逐。令兒得疾。衆醫不治。

右以蜀椒。左顧牡蠣各六銖碎之。酢漿一升。煮取五合分服。

豆豉丸 治中惡鬼氣寒熱。

右以溼豉丸鷄子大。摩兒腮上。及手足心六七遍。又摩心腹臍上。旋旋以言祝之了。卽破其豉丸看之。當有細毛。棄之道中。

又方 治中惡邪鬼氣。或於病間忽然而卒絕。

右以菖蒲根杵爛。取汁灌之。

又方 治如前。

右以羊屎燒煙。以熏鼻中。

又方 治如前。

右視其死者上脣裏弦有核子如黍米。以針挑破之。復蘇。

又方 治如前。

右以阜莢末或生半夏末少許。吹兩鼻中。

又法 治如前。

右凡中惡邪或魔死者。不得用燈火照之。亦不得近前急喚。或與接氣。恐被注染。多致殺人。但只與痛齧脚跟及足把指甲邊。多唾其面即活。

又方 治如前。

右以好酒浸綿半盞。及手按其汁。灌鼻中。

又法 治如前。

右以蘆管吹兩耳。並取病人髮二七莖。撚作任子。刺鼻中。

又方 治中惡鬼邪。遊痛如刀刺。或胸脇腹中絞痛急切。手不可近而按摩。

右以好酒灌鼻孔。亦治中惡。吐血下血。

又方 治如前。

右以鹽一錢。水一盞。攪和令勻服。並以冷水噀之。取吐即差。

又方 治如前。

右以蓬茂酒研令服。

又方 治如前。

右取竈下黃土。水調服之。

又方 治中惡鬼邪為祟。及鬼疰尸疰。

右以桃仁研細。水煮頻服。當吐即差。不吐或吐不盡。病再作。或以桃仁汁。煮米為粥與食。

鼈頭散 治尸疰瘦瘠。時發寒熱。

右以鼈頭一枚。燒灰杵末。新汲水調下半錢。

雌黃丹 治尸疰。

雌黃 研水

雄黃 研水

川大黃 慢火煨

鬼白 去毛各

麝香一分

桃

仁三十箇湯浸去皮尖研

白頭翁去蘆半兩

巴豆十箇去油盡

右爲細末拌勻以羊脂五兩。鎔化和藥成膏。丸黍米大。每服三五粒。荊芥湯下。無時。

立效散 治尸疰。

川大黃炮一兩

乾桃柳葉各一兩焙 梔子仁半兩

赤芍藥半兩

硃砂研一兩別飛

雄黃研一分別飛 麝香別一分

右爲細末拌勻。每服半錢。蜜湯調下。無時。

神攻散 治中蠱毒。

大甘草生半兩

晉礬末一兩

右拌勻。新汲水調下一錢或半錢。吐出毒物效。

雄麝散 專治蠱毒。

雄黃飛一兩水

麝香研一兩

羚羊角屑一兩

鬼臼半兩去毛

赤芍藥一兩

薺去蘆半兩

敗鼓皮黃一兩炙

馬兜鈴根半兩



右除雄麝外。為細末。入二味拌勻。每服半錢。濃煎甘草湯調下。無時。

麝犀湯 治如前。

犀角屑一兩

鬼箭一取兩

安息香一兩

苦參半兩

牡丹皮去心半兩已

雄黃一兩研

麝香半兩

右拌勻細。每服一錢。水一盞。煎至五分。去滓放溫。時時服。

甘草湯 治中蠱毒欲死。

右以甘草半兩剉碎。用水一盞。煎至五分。去滓溫服。當吐出毒物。

寶靈丹 治中蠱毒。

硃砂一兩研

雄黃一兩研

黃丹一分

苦藥子一分

續隨子皮一分去

山豆根生一兩

蜈蚣二條一條一條微

斑貓足一分生半炒

巴豆膜二分去皮盡麝

香研二分

右為細末拌研勻。於端午日。重九日。合之最佳。事急者不拘。修合時忌見雞犬。婦人。用糯米粥和丸。麻子大。若未能語兒。中毒即休。如能語兒。但將藥一粒入。門。即患兒先聞其香是驗。以臘茶清送下一丸。不得嚼破。須臾患兒必言心頭。

作響聲。毒物便下。或從口鼻出。或自大便下。嫩卽是血。老卽如諸蟲狀。其形不一。藥隨物下。凝血中裏之。取出丸。以香水洗淨收之。一丸可救四五兒。口噤者。拗灌之。如知用蟲之人。卽不得根究。必再發。不可治。

治中蠱下血欲死。

以藍搗汁。頻頻服半合。

治中蠱毒。腹中堅痛。面目青黃。淋露骨立。病變無常。

以桃上寄生爲末。茶點服。日四五。

桔梗丸 治鬼疰尸疰蠱疰皆療。

桔梗去蘆

藜蘆去蘆

皂莢去皮

巴豆去膜

附子各半

右爲末。煉蜜和劑。入臼杵萬下。每服二丸或一丸。如黍米芥子大。仰臥勿側眠。至食時許。病在膈上者卽吐。在膈下者卽瀉。取下惡物。如蝌蚪蝦蟆胎。或長一二尺。下後大虛口乾。但作雞羹飲五合。與極飲。或食粥三四日乃痊。病未除盡。再服。

### 夜啼論

小兒夜啼者。證候甚多。其所專者。不出三種。一者冷。謂脾藏寒則腹痛而啼。其候面青白。手冷腹肚冷。口中氣亦冷。曲腰而啼。不肯吮乳。又有從生下多啼。入夜則甚者。此胃寒也。亦曰胎寒。聖濟經言積冷而夜啼。夜則爲陰。冷則作痛。故夜間痛甚。令兒啼哭也。二者熱。謂心藏熱則煩躁而啼。其候面赤。小便赤。口中氣熱。心腹亦煖。仰身而啼。不肯吮乳。又有多驚悸惕跳。或睡中忽然叫啼。此風熱也。亦曰驚啼。心主熱。其候驚。故熱則生驚。又心爲火。熱則火旺。故熱邪燥甚。令兒啼哭也。三者邪祟。謂有鬼氣所持。其候睡臥不穩。或作疼痛。且鬼祟者。陰物也。入夜則旺。小兒精神怯弱。血氣嫩微。夜間被鬼所持。故令兒啼哭也。以外客忤蟲動。重舌口瘡等病。亦皆能爲夜啼。其治方各逐本項下具之。非若此三等之爲專也。今敘方於後。

蒜香膏 治冷證腹痛夜啼。

右以大蒜一顆。慢火煨香熟。取出切細研爛。於日中暴或火上炕半乾。可丸時



即以好乳香秤半錢。研細如粉。入拌。再研極勻。丸如芥子大。每服七丸。乳頭黏服。或乳汁送下。食空。

當歸丸 治如前。

當歸焙乾洗淨 白芍藥

人參去蘆各一分 甘草炙

桔梗去蘆 陳皮不去白

右爲細末。每半錢。水煎時時服之。

龍角丸 治小兒五驚夜啼。

龍角一分 黃芩半兩 牡蠣一分半火煨

蚱蟬去土二枚 牛黃小塊大一分 川大黃半

右爲末。煉蜜和丸。麻子大。尊中兒二丸。大小以意加減。

芎藭散 治小兒夜啼。至明則安。

芎藭 白朮 防己各半兩

右爲末。以乳和與兒服。以意量大小多少。又母用手掩入兒臍中。摩兒頭脊大驗。兒生二十日以內。未能服者。以乳和麻子大一丸。置兒口中。乳汁送下。



又方

取道中土、伏龍肝各一把。  
右同研細。水調少許飲之。

治小兒夜啼。

以蟬蛻去土爲細末。用生薑、蜜水調塗兒下脣。

又方 治如前。

男左女右臂上書尹喜二字。更於手心內書天字一個。

又方 治小兒驚啼夜啼。

以臘月縛豬繩燒灰。水調服。

以蝟皮三寸燒灰。著乳飲之。療如物刺啼。

鐙花丸 治如前。能祛邪止痛。

以鐙花二十個。乳香、皂子大兩塊。同爲末。粟米飲和丸。芥子大。每服七丸。桃心湯下。無時。

萬金散 治藏寒氣弱。面色青白。遇夜多啼。狀若神祟。

沈香

丁香

人參去蘆

五味子去枝梗炒

當歸

去蘆洗焙各一兩

白朮

赤芍藥各半

桂心一分

右爲細末。每用一錢。澹漿水一小盞。煎至五分。放溫時時滴口中。兒大稍稍飲立效。

當歸散 治胎寒氣啼不止。久能變癰。

右以當歸爲末。每用小豆許。乳汁調抹兒口中。日夜五服。

三黃丸 治熱證心燥。夜啼及諸熱證。

黃芩半兩

大黃去皮溼紙裏煨熟一分

黃連去分

右爲細末。麵糊和丸。菉豆大。每服五七丸。人參湯下。亦治晝啼。

又方 治熱煩腹痛夜啼。

右以真牛黃少許。如小豆大。乳汁化服。又於臍下書一田字差。

又方 治熱證心燥夜啼。

右以銚花三兩顆。用銚心煎湯。調抹兒口中。乳汁送下。日三。錢氏亦治藏冷夜啼。但頓乳上。令兒吮之。又經驗方。以銚心燒灰。塗乳上吮兒。

紅桃散 治風熱體如湯火。夜啼不乳。

天南星二箇每箇中心剉作窩子入硃砂裝滿用火木蓋蓋之水調取下中

全蠍半錢 白附子大者二十個爲末 膩粉一錢

右拌研勻。每用一字。金銀薄荷湯調下。

綠霞散 治如前。

柏葉二錢 蠍末一錢 天南星炮過爲末一分 白僵蠶去絲骨末一錢

鬱金錢末一錢 雄黃末一錢

右拌勻細。每服一字或半錢。薄荷蜜水調下。無時。

前胡丸 治風熱氣啼。

右以去蘆前胡爲末。煉蜜和丸。小豆大。日服一丸。熟水下。服至五六丸即差。

牛黃膏 治兒睡着時。忽然乍驚哭而覺。面赤口乾。狀若神祟。此雖夜啼。非名夜

啼也。乃風熱邪氣乘心藏而作。名曰驚啼。

真牛黃研 煨過牡蠣粉 硃砂研水 雄黃研飛各一分

人參去蘆 甘草炙各半兩 龍腦研半分

右爲末拌勻。煉蜜和膏。雞頭子大。每服半粒或一粒。薄荷湯化下。乳食後。  
安神丸 治如前。

麥門冬焙去心

馬牙硝

白茯苓

乾山藥

甘草半兩

寒水石研各半兩

硃砂水飛一兩研

龍腦一字研

右爲細末。煉蜜和丸。雞頭子大。每服半丸。砂糖水化下。無時。  
虎睛散 治驚惕夜啼。

右以虎睛爲散。竹瀝調少許。抹口中。

又方 治如前。

右取車轄脂小豆許。內口中。又取內臍中。

又方 治如前。

右以父亂頭髮燒灰研末。酒調服一字。更量大小。溫水亦得。

又方 治如前。

右以雞糞白灰燒研末。米飲調服。

明砂丸 治心神不寧多驚。心腹疼痛。夜啼不止。



硃砂通明者一錢 杏仁皮尖炒黃去 好坯子半錢

右爲末。輒飯和丸。黍米大。每服三五丸。薄荷湯下。

麝香散 治驚啼夜哭。發歇不止。

右以麝香研細。用半字。清水調下。日二三服。

鐵涎膏 治諸驚夜啼。

丁頭代赭石半兩火煨醋淬不記

鐵胤粉一錢

白附子一錢

辰砂一錢

麝香研一字

龍腦研一字

右爲細末。拌勻。蒸棗爛和成膏。旋用。嬰孩半阜子許。至二三歲一阜子許。金銀

薄荷湯化下。不拘時候。

七寶輕青丹 治驚啼夜哭。及諸熱等疾。

螺青半兩

蛤粉一分

鈎藤炒爲末一錢

白附子三字

鉛錫灰二錢

丁香香炒一字

天竺黃一錢

右爲細末。入麝香半阜子許。研細拌勻。米粉煮糊和丸。豌豆大。每服一丸。薄荷湯磨水下。無時。

又方 治夜間卒驚啼哭。似有痛處。而不知疾狀。

右取雄雞冠血。臨兒口上。滴少許入口中。即差。

又方 治如前。

右以亂髮燒灰爲末。塗乳上。令兒吮之。能食者飲調亦得。

甌帶法 治鬼祟邪厲夜啼。

右取甌帶懸戶上。

又法 治如前。

右以胡粉水調二大豆許與服。日三。

馬骨末 治小兒諸夜啼。

右以馬骨爲細末。傅母乳上。令小兒吮服即止。

又方 治如前。

右取狼糞中骨燒灰。研爲細末。服黍米許。便止。

又方 治如前。

右取雞窩中草。安於臥席之下。勿令乳母知之。

諸汗論

小兒有遍身喜汗出者。此榮衛虛也。榮衛相隨。通行經絡。營周於身。環流不息。榮陰衛陽。榮虛則津液泄越。衛虛則不能固密。故喜汗出遍身也。錢乙用香瓜丸。若睡中汗出。不自知覺者。此肌肉虛而盜汗也。如盜者竊物。使人不知覺也。又有但額上汗出者。此厚衣溫煖。將養過宜也。上二項。錢乙並用止汗散。若上至頭下至項有汗。而不曾過胸者。此六陽虛汗也。六陽脈皆上至於頭故也。若上至項下至臍有汗者。此胃虛汗也。當與補胃。昔錢乙治張氏三子。大者喜偏身汗出。次者汗上至項下至臍。小者但頭面有汗。至項下而無。他醫以麥煎散治之不效。遂請乙治之。大者與香瓜丸。次者與益黃散。小者與石膏湯。各五日而愈。錢乙治方。本集載之外。收諸方敘之後。

沉香黃耆散 治榮衛虛。偏身喜汗。

沈香

綿黃耆

人參

當歸

赤芍藥

木香

桂心

右爲細末。每一大錢。水一小淨盞。入生薑二片。棗一枚。同煎至半盞去滓放溫。食前時時與服。

蓯蓉丸 治血少喜汗。

肉蓯蓉刮去兩酒浸炙一宿

鱸 甲黃一兩酥炙綿黃耆半兩

何首烏半兩

右爲細末。煉蜜和丸。黍米大。每服十丸。米飲送下。食前。

木槿花 治盜汗。

右取木槿花開而復合者。焙乾爲末。每用一錢。豬皮煎湯調下。食後臨臥。

牡蠣散 治盜汗。

牡蠣煨赤

麻黃根剉二兩

甘草半兩

右爲末。每用二錢。以野水一盞煎至七分。去滓放溫服。無時。

升麻湯 治肌熱盜汗。

升麻

綿黃耆去蘆

人參去蘆各

熟乾地黄

天竺黃研

牡蠣粉研各



右爲細末拌勻。每服半錢或一錢。煎竹葉湯調下。無時。

柴胡人參散 治如前。

柴胡去蘆

人參去蘆

白朮

白茯苓

青皮去穢

桔梗去蘆

麥門冬去心

川芎

白芍藥

甘草炙

桑白皮

升麻

右等分爲末。每服一錢。水一盞。煎至七分。溫服。食後。

紫蘇飲 治肌熱煩躁。多渴盜汗。揉鼻腹滿。

柴胡去苗

藿香去土

甘草

烏梅肉

紫蘇葉去土

乾葛

人參去蘆

茯苓

麥門冬去心

秦艽去蘆

地骨皮去骨

防風去蘆并枝

右等分爲末。每二錢。水一盞。煎至七分。去滓放溫。時時呷。

沈香鼈甲丸 治潮熱盜汗。

沈香剉

草龍膽去蘆

鼈甲童子小便浸一宿。燒酥

綿黃耆一兩

川黃連去鬚

川大黃微炮

右爲細末。煉蜜和丸。黍米大。每服十丸。用麥門冬去心煎湯送下。無時。

柴胡黃連膏 治盜汗潮熱往來。

柴胡去苗 胡黃連等分

右爲末。煉蜜和膏。丸雞頭子大。每一二丸。銀器中用酒少許化開。入水五分。重湯煮二三十沸。放溫服。無時。

黃耆散 治虛熱盜汗。

牡蠣粉 黃耆

生乾地黃焙乾等分

右爲細末。每服一錢。水一小盞。煎至六分。去滓溫服。無時。

虎杖散 治實熱盜汗。

右以虎杖剉細。水煎服之。量大小多少與服。

黃連粉 治盜汗。

黃連去鬚

牡蠣粉

貝母去心各等分

右三味各一兩。即入米粉一兩。研勻細。以粉身。

龍膽粉 治如前。千金治頭汗。

牡蠣粉

茯苓各二兩

右同爲細末。於生絹袋子盛之。有汗卽撲身。

牡蠣粉 治諸汗。

牡蠣粉二兩

麻黃根

赤石脂

糯米粉各一兩

右勻爲細末。入龍腦末一錢拌之。每用一匙頭。新綿包撲有汗之處。止盜汗最佳。

又方 名同治同。

牡蠣粉二兩

麻黃根一兩

蛇牀子

乾薑各半兩

右同爲細末。用如上法。

治小兒藏熱多汗。犀角飲子。

犀角屑三分

茯苓去心

龍齒各一兩

麥門冬去心一兩

甘草半兩

白朮一分

右爲末。每服一錢。水一盞。煎至七分。去滓溫服。無時。

不語論

小兒有不能語者。其證有三。一者心氣不足。心繫舌本。氣營而舉之。則舌本動而語聲作矣。今氣怯而不能營用於舌。故不能語也。此證已在五氣項下具之。二者卒不能語。因風寒之邪。干於啞門。連絡舌本。使舌本緊急。故卒不能語也。又一證喉嚨爲氣之道路。會厭爲聲之門戶。暴爲風客於喉厭。則失音而語聲不出。非不能語也。三者因病後不能語。此因服清藥以利小便。致腎虛而不能上接於陽。故不能語。昔錢乙治王氏慢驚病愈後。有聲而不能語。衆以爲失音。乙曰。旣失音。何開目而能飲食。又牙不噤。口不緊。而能嚥藥。衆醫皆不曉。乙曰。此因用清藥利小便。致虛腎氣。不能上接於陽故也。遂用地黃丸補腎。而漸漸能言。一月而愈。其方本集載之。外收方具後。

菖蒲散 治感風寒。客於啞門。卒不能語。

菖蒲

桂心

遠志去心甘草水

右爲細末。每一錢。水一鍾。煎至五分。溫服無時。

桂散 治風寒客於喉厭。語聲不出。

川芎三分

遠志去心甘草水麥門冬三分

人參去蘆



右爲細末。煉蜜和丸。小豆大。平旦空心米飲下五丸。日三。兒大加之。久服取效。

### 渴論

小兒有渴而飲水者。此因藏府有熱。熱則藏燥。故多體熱發煩。亡耗津液。卽令作渴。欲飲水以解之也。又有疳渴。吐瀉發渴。霍亂發渴者。各逐本項具之。閻孝忠云。凡小兒諸渴。因亡失津液引飲者。但多煎錢氏白朮散與服。使任意取足飲之。彌多彌好。其方本集所載。熱渴者敘方於後。

蓮湯散 治嬰小發渴心燥。

右以粉霜研極細。每嬰孩一字。三四歲下者半錢。煎蓮花湯調下。冬月無花時。蓮肉代之。

香葛湯 治渴甚津液燥少。

木香

乾葛根剉

人參

去蘆各一兩

白茯苓

藿香葉去土

甘草炙各半兩

右爲細末。次用麝香半錢。研細入藥拌勻。每服半錢。或是一錢。生薑湯調。溫服。

無時。

葛根湯 治體熱煩渴。

葛根

人參 去蘆各一兩

麥門冬 去心

白茯苓

澤瀉

甘草 炙各半兩

右為細末。每服一錢。水八分。入生薑二片。薄荷三葉。煎六分。去滓溫。量大小服。無時。

涼肌丸 治肌熱臉赤。煩渴燥悶。

草龍膽 去蘆二兩

玄參 去蘆一兩

當歸 去蘆洗一兩

右為細末。煉蜜和丸。菉豆大。每服一二十丸。竹葉湯下。無時。

葛根飲子 治熱渴久不止。

右以葛根半兩剉碎。水一盞。煎至六分。去滓頻頻服。無時。

神蟬散 治一切諸渴。

右以大牡蠣。於臘日端午日。用黃泥裹煅通赤。放冷。去泥為細末。取活鯽魚煎湯調下半錢。只一二服差。

治小兒熱渴久不止。

右以石蓮心三十箇炒黃。浮萍一分。水一鍾。生薑少許。同煎至六分。去滓每服半合。徐徐服。

### 血溢論

小兒諸血溢者。由熱乘於血氣也。血得熱則流溢。隨氣而上。從鼻出者為衄。從口出者多則為吐血。少則為唾血。若流溢滲入大腸而下者。則為便血。滲入小腸而下者。為溺血。又有血從耳目牙縫斷舌諸竅等出者。是血隨經絡虛處著溢。自皮孔中出也。今敘方於後。

盆硝一分

亂髮一分燒

紅藍花為一分

右同勻細。以綿纏子搵藥。塞鼻孔中。

槐花散 治如前。

槐花炒一兩

蒲黃半兩

川蘗薑一分

右為細末。每服半錢。新水調下。無時。

又方 治如前。

右以滑石為細末。飯丸蘿蔔子大。每服二三十丸。微微嚼破。新水嚥下。未能嚼

者。搥碎與之。

又方 治如前。右以生蘿蔔剉碎。研取汁。入酒相當。量大小溫服立止。

華蓋散 治唾血吐血。

阿膠半兩蛤粉炒如珠去蛤粉

黃芩一分

人參去蘆一分

右為細末。每服半錢。陳米飲調下。無時。

紫參散 治如前。

紫參 山梔子仁

生乾地黃各一分

荆芥燒灰

亂髮燒灰

蒲黃

伏龍肝研各一分

右拌細勻。每服半錢。或一錢。煎竹茹湯調下。無時。

黃連散 治吐血。

右以黃連一兩。去鬚為細末。每服一錢。水七分。入豉二十粒。同煎至五分。去滓



溫服。無時。

又方 治如前。

右以蒲黃細研。每服半錢。用生地黃汁調下。無時。

又方 治如前。

右以蛇蛻皮炒焦黃爲末。乳汁調下。

又方 治如前。

三。右以黃明膠、新綿各一兩。並燒灰研爲細末。每服半錢或一錢。糯米飲調下。日

又方 治如前。

右以鎰心淨碗內燒灰。以物蓋之。研爲末。每服半錢或一錢。麝香湯調下。

甌帶灰 治大便下血。

右以甌帶燒灰研末。塗乳下。與兒吮之。南人以蒲爲甌帶。久經蒸溜。或敗爛者  
良。

又方 治如前。

右以車釭燒赤內水中飲服。

又方 治如前。

右取雌雞翅下血與服。或以鼈頭一枚炙黃黑為末。米飲調半錢服。

車前散 治小兒尿血。

車前子一分

牡

蠣半兩煨為粉

甘草一分

川朴硝一分

右為細末。每服一錢。水一小盞煎至五分去滓溫服。

又方 治如前。

右以甘草二兩炙黃為細末。煉蜜和丸。菉豆大。每服五七丸。溫水下。日二。或生剉以水六合煎取二合去滓服。

神白散 治諸吐衄便溺等血妄行。

槐

花半兩微炒

蛤

粉一兩

右為細末。每服半錢或一錢煎柳枝湯調下。

青龍丹 治小兒熱盛一切血妄行神效。

甘草

貫衆

茯苓

乾葛

龍腦

薄荷葉

藿香各一兩

縮砂五兩去皮

山茵陳葉

寒水石各六兩

右爲細末。麵糊和丸。櫻桃大。別研青黛爲衣。

又方 治諸血妄行。從耳目口中鼻中出。

右以赤馬糞燒灰。研爲細末。溫酒調下一字或半錢。看大小與服。

地黃散 治舌上出血如針孔。

生熟地黃一兩 明膠半兩

右爲末。溫湯調下一二錢。

又方 治如前。

右以豉一合。水一盞。煎數沸。溫服半盞。或一盞。亦治下血。

又方 治如前。

右以小豆一合爲末。水三盞。和攪汁飲之。

戎鹽丸 治舌上有黑孔。血出如湧泉。

戎鹽

黃芩

黃蘗

大黃各二兩

人參

桂

心各一兩

甘草半兩

右爲細末。煉蜜和丸。菴豆大。飲下五七丸。日三。如舌上孔穴大。血不止者。仍燒鐵烙之。

苦竹葉汁 治牙齒斷縫間出血不止。

右以苦竹葉不拘多少。水煎濃汁。入鹽少許。通口漱盥。

又方 治如前。

右以童子小便半盞煖熱。通口漱盥。

嚙法 治九竅四肢指歧間皆出血。此暴驚所致。

右勿令患人知覺。以井花水猛嚙其面。

治小兒尿血 以鵲巢燒灰。井花水調服。

以川升麻五分。水五合。煎取一合。去滓。一歲兒日服盡。



小兒衛生總微論方 卷十五 血盛論

# 小兒衛生總微論方

## 卷十六

### 寒熱論

小兒寒熱者。由風邪外客於腠理。痰飲內漬於藏府。致血氣不足。陰陽更勝而所作也。陽勝則發熱。陰勝則發寒。陰陽交爭。邪正相干。則寒熱往來。時發時止。然此證與瘧相似。而發寒不致戰慄。發熱不致悶亂。所以異也。今敍方於後。

人參前胡散 治寒熱往來。

人參 去蘆

柴

胡 去苗各一兩

前

胡 去蘆一兩

桔

梗 去蘆

半

夏 湯洗七次焙乾

地

骨皮 去骨

甘

草 炙各半兩

右爲細末。每一錢。水一盞。入生薑二片。煎至半盞。去滓服。無時。

秦朮湯

秦

朮 去蘆一兩

鼈

甲 黃一兩酥炙

川大黃 碎微炒

竹

茹 一分

麻黃去根節 甘草一分

右爲粗末。每服一錢。水一盞。入葱白二寸。煎至五分。去滓溫服。無時。  
又方 治如前。及治赤氣中人。

右以豬後蹄燒灰研末。以乳汁調服一錢。治中熱亦佳。  
香甲散 治寒熱肌瘦。

木香一兩 鱸甲一兩酥炙 川大黃半兩剉 當歸去蘆洗淨

檳榔三箇 陳皮湯浸去白 柴胡半兩 知母半兩

甘草半兩

右爲粗末。每服一錢。水一盞。生薑二片。煎至六分。去滓溫服。無時。

二薑圓 治痺疾。發寒熱似瘧。

乾薑 良薑各等分

右細剉。同炒黃。爲細末。餛餅和圓。菉豆大。每服三五圓。煎楊柳枝湯送下。空心服。亦治瘧。

冬瓜汁 治生下至五月以裏。乍寒乍熱。往來無時。

右以冬瓜炮熟。絞汁與服。或剉柳枝。煮汁浴兒。

### 瘧病論

瘧病者。由夏傷於暑。客於膚裏。致肌腠虛隙。至秋又寒溼乘之。動前暑熱。邪正相搏。陰陽交爭。會遇有時。更相勝負。陽勝則發熱。陰勝則發寒。陰陽互勝。則發寒熱。熱則煩躁悶亂。寒則慄慄戰慄。陰陽會遇。交爭已過。邪正相離。則寒熱俱歇。若邪動氣至。又復發作。故瘧休作有時也。其發晏者。邪正會遇遲也。其發朝者。邪正會遇早也。其間日發者。邪氣入深而行差遲。不能日作。故間日乃發也。今敘方於後。

桃仁湯

治小兒發瘧不止。

桃

仁湯浸去皮尖并雙仁者熬炒黃一兩

鼈

甲一兩酥炙黃去襖

桂

心半兩

黃

芩半兩

川升麻半兩

赤茯苓

去黑皮半兩

右為粗散。每服一錢。水一小盞。煎至五分。去滓溫服。無時。

靈豆膏

治如前。

大

蒜一枚去皮研

巴

豆三升去皮心



右同涇紙裏煨熟。一處研爲膏。圓麻子大。每服二三五圓。醋湯送下。吐瀉卽差。後用藿香湯補之。

藿香湯

藿香去土

肉豆蔻麵裹

甘草各一

右爲細末。每服半錢。水一盞。煎至七分。溫服。連服三服。無時。

朱衣使者 治如前。

砒半兩  
細研

菴豆末一分

黑豆末一分

右同研勻。細滴水丸黍米大。辰砂爲衣。間日發者。於好日夜臨臥時。面北冷醋水送下二圓。頻日發者。只於當日夜服如上法。兒極小者與一圓。端午日合佳。

又方 治如前。

右以生鹿角爲細末。發已前。乳汁調服一字。

又方 治如前。

右以鷄脰中黃皮炒極燥爲末。乳汁服之。男雄女雌。

又方 治如前。

右以蛇蛻皮一兩。取每條長五寸以上者。燒灰存性。研細末。每服一錢。新水調下。未發前服。三歲上半錢。下者一字。

又方 治如前。

右以黃丹二分。蜜水和之與服。如冷者以酒和冷服。

萬金丹 治痰盛挾積。發瘧久不差。

阿魏一作錢湯化去砂石和麵餅煨熟剉細炒乾

醋盡

丁香 香半兩

朱砂一分研 砒霜一錢用醋半

巴豆七箇去皮膜 油盡取霜

木香 半兩

相思子十四箇

右為細末。煉蜜和圓。黍米大。未發前新水下。一二粒。一歲加一粒。至十歲上止。十粒。絕早服。忌熱物一時辰。

知母圓 治瘧疾熱甚者。

知母一兩微炒

鼈甲一兩酥炙去裙襴 川大黃一兩微炒

朱砂一錢水

赤茯苓去黑皮

川芒硝 半兩

川升麻 半兩

龍腦一錢

右為末。拌勻細。煉蜜圓。黍米大。每服五七圓。生薑湯送下。得利即愈。量大小加。

減。

小兒溫瘧。炙兩乳下一指三壯。壯如小麥大。

恆山湯 治小兒瘧疾。

恆山 剉一兩

小麥 三合

淡竹葉 剉一

右為粗末。水煎去滓。臘中兒服一蜺殼。半月者二蜺殼。滿月者半小合。以意增之。

烏梅圓 治瘧疾寒甚者。

烏梅肉 焙乾一兩

母丁香 半兩

桂心 半兩

當歸

焙去麋半兩

乾漆 煙出盡

右為細末。入研細麝香末半錢拌勻。煉蜜和圓。黍米大。每服十圓。粥飲下。

茶清散 治諸瘧疾。

人言 一兩

黑豆 一升

河水 四升

右同煮至水盡。炒乾為末。每服一字或半錢。熱多者臘茶清調下。寒多者草茶清調下。間日者投發夜臨臥服。頻日者但臨臥。忌熱物一時辰。此方宜斟酌。

鬼見愁 治乳癩嬰小患瘡。無計可治。服此的驗神應。

代赭石

用丁頭五粒火煨醋淬十次研極細

硃

砂半錢明塊子砒

霜阜子大

右三味用溼紙七重同裹。慢火內煨至紙乾。取出頓地上出火毒。次入腦。麝各半字。金箔五片同研。共為細末。每一字。於發日早以麻油一滴。調藥傅鼻尖上。立止。

草果子湯 治脾寒發瘡。

草果子 三箇

甘草 五寸

大棗 七箇

右並剉碎。分三服。水一盞。煎至半盞。放溫服。更量大小加減。

符法 治諸瘡 僊 採 護

右於發日。不得梳頭洗面嗽口。及弄水漿。日出時用硃砂書上第一字於淨紙上。剪下。於兩脚心。於兩手心。兩頰上。并額上。并前後心。共九處貼了。然後喫飲食。如未止。書第二字。永除根本。鮮有書及第三字者。

## 弄舌論



小兒弄舌者。其證有二。一者心熱。心繫舌本。熱則舌本乾澀而緊。故時時吐弄舒緩之。二者脾熱。脾絡連舌。熱則舌亦乾澀而緊。故時時吐弄舒緩之。皆欲飲水。心熱則發渴。脾熱則津液耗。皆引飲。二證相似。宜加審別。心熱者面赤。睡即口中氣熱。時時煩躁。喜就其冷。齧牙上竄。治宜退熱。脾熱者大便稠硬。赤黃色。面黃身亦微黃。治宜微導之。不可用冷藥。又不可轉下。若誤下之。則脾胃虛。津液耗。又加五心煩熱。面黃肌瘦。變為疳也。若大病未已。用藥弄舌者。大凶也。今敘方於後。

人參知母散 治心熱弄舌。

知母 一兩

藍葉 半兩

人參 半兩去蘆

鈎藤 一分

川升麻 一分

乾葛 一分

黃芩 一分

右為細末。每服一錢。水八分。入竹瀝三兩滴。煎至五分。去滓溫服。無時。

瀉黃散 治脾熱弄舌。

藿香葉 七錢去土

山梔子仁 一兩

石膏 半兩

甘草 三兩

防風 去蘆并又枝

右並剉。以蜜酒洒拌勻。炒香燥。為細末。每服一錢。水一盞。煎至六分。去滓放溫。

取清汁服。一方有山藥二兩。

### 魛音奇病論

小兒魛病。其論有二。一者聖惠云。小兒生十餘月已後。母又娠。因以乳兒。令兒生病。其候精神不爽。身體痿痺。骨立髮落。名曰魛病。又曰繼病。又曰交嬭。二者巢氏云。小兒在母胎妊之時。其母被惡神導其腹中胎氣。至兒生下。往往尪羸。微微下利。寒熱往來。毛髮焦豎。多嗔不悅。其候頗似於疳。今敘方於後。

虎骨丹 治魛病。

虎頭骨塗酥炙黃一兩

鬼白一兩

草龍膽去蘆一兩

鬼箭取羽一兩

琥珀半兩令研

白膠香半兩令研

右爲細末。同研勻。煉蜜和圓。黍米大。每服十粒。乳香湯下。無時。

又方 治如前。

右取伏翼是蝙蝠也燒灰研細末。粥飲調下半錢。日三。若炙令香熟。嚼爛哺兒亦效。如得重一斤者尤佳。又得黃精自然汁塗炙之最良。

又方 治如前。

古取伯勞鳥毛。與兒帶之。又名博勞。又名鵓。

### 骨蒸論

小兒自周晔已上。至十餘歲。血氣隆盛。因厚衣溫煖。將養過宜。食羊肉肥甘果食諸物。藏府生熱。熏蒸肌骨。身體發熱。夜有盜汗。漸漸瘦悴。乃成骨蒸。若不卽治。則爲急勞。今敘方於後。

秦艽散 治潮熱蒸瘦減食。

秦艽去土切

甘草炙各一兩

乾貓兒薄荷葉半兩不見火

右爲粗末。每服一二錢。水一中盞。煎至七分。去滓溫服。食後。

地骨皮湯 治骨蒸體熱肌瘦。

地骨皮去骨

胡黃連各一兩

鼈甲塗酥炙盡

柴胡去苗

犀角剉取屑

嫩桃枝剉

川大黃炮

知母各半兩

右爲細末。每服一大錢。水一盞。煎至五分。去滓溫服。無時。

麥煎散 治童男室女。骨蒸肌熱。盜汗減食痿瘦。

鼈甲醋炙去

大黃紙裹煨熟

恆山

柴胡去苗

赤茯苓去黑皮

乾生漆炒煙

當歸去蘆洗淨一宿

朮

生地黄

石膏各一兩

甘草炙半兩

右為末。每服一錢。水一盞。入小麥五十粒。煎至六分。去滓溫服。食後臨臥。有虛汗者。加麻黃根一兩。

連芠散 治骨蒸肌瘦。漸為急勞。

黃連去一兩

秦芠去蘆一兩

天靈蓋酥炙一枚

甘草炙半兩

右為細末。每服半錢。粥飲調下。無時。

### 腹皮青黑論

小兒腹肚皮腠虛薄。為風寒邪氣所乘。而真氣微弱。不能滋其血氣。失榮養之。致邪氣著而不去。故腹皮卒然青黑也。此候危惡。今敘方於後。

二聖散 治腹肚皮膚。忽然青黑。



右以胡粉、苦參各一兩。爲細末。每服一錢。溫酒調下。兼塗患處。

又方 治卒腹皮青黑。不能喘息。宜急用此方。

右以大青爲末。納口中。酒送之。

又方 治卒腹皮青黑。不急治。須臾即死。

右以酒和胡粉塗之。乾則再塗。仍於臍四邊各半寸。并鳩尾下一寸共五處。各灸三壯。

### 難乳論

小兒難乳有二。一者兒初生客風邪熱中臍。流入心脾之經。即令舌厚脣燥而急。口不能乘乳。故乳而不能啞飲也。二者兒初生時拭掠口中穢血不及。嚥而入腹。則令兒心腹痞滿。短氣促急。故口不能吮乳飲之也。今敘方於後。

五福化毒丹 治心脾經熱。舌厚脣燥。急不能乘乳。

生乾地黄焙秤

孰乾地黄焙秤各

天門冬去心

麥門冬去心

玄參去蘆

甘草炙

甜硝各三錢

青黛半錢

右先六味爲細末。後研入硝黛拌勻。煉蜜和圓。雞頭大。每服半圓或一圓。食後熟水化服之。無時。

又方 治兒飲乳不快。喉舌似緊。不相從順。

右以沙牛角燒灰存性。研細末塗乳上。放兒口中。捻汁飲吮嚥下。

又方 治胸腹痞滿。短氣促急。不能飲乳。

右取雞子殼燒灰。酒服半錢。

又方 治心胸熱痞。飲乳不快。

右以生葛根杵爛。絞汁飲灌之。如無以乾葛煮灌之亦得。

治小兒不能乳。

右以雀矢四枚末之。著乳上令吮之。兒大增服。

治小兒初生不飲乳。及不小便。

右以乳汁二合。葱白一寸四破。於銀器內煎取一合。藥注灌之。立効。

## 大小便論

小兒大便有祕澁者。有不通者。皆由府藏有熱。乘於腸胃。胃熱則津液少。少則糞燥結實而鞭。大便難下。則為祕澁。甚者則不能便。乃為不通也。小便有滴瀝者。有不通者。由小腸與膀胱有熱。二經俱主水。水入小腸。傳於膀胱。循水道出而小便也。熱氣乘之。則水耗少而行澁。故滴瀝而下也。甚者水道乾而不通也。若熱入小大腸。則皆壅滯。不得宣利。故大小便俱不通也。

金花散 治大便秘澁便難。

皂角仁炒一錢

檳榔生一箇

甘草一錢

右為細末。每服一字或半錢。沙糖熟水調下。

柏子仁膏 治如前。

柏子仁揀淨

松子仁

胡桃仁各等分

右研和膏。每彈子大。熱湯化下。未快再服。

人參荊芥湯

右以人參、荊芥各自為末。每用人參末半錢。荊芥末一錢和勻。水一盞。煎至七分。放冷。量大小時時與服。

木香粗散 治大便不通。

木香

訶子煨取皮等分

右為粗末。每半錢或一錢。水煎去滓。放溫時服。

又方 治如前。

右以豬苓一兩為末。水少許。煮雞矢白湯調下一錢差。

又方 治如前。

右以麝不拘多少。先搗乾曝為末。麵糊為圓。菉豆大。每服五七丸。至十餘丸。量大小。米飲下。

木通散 治小便澁滯滴瀝。不得通快。

木通

滑石

甘草炙

焰

硝研各

三葉草一分

右為末細勻。每服一字或半錢。沸湯點服。乳食前。

滑石散 治如前。

滑石

瞿麥

葵子炒

藜蘆子



甘草炙

山梔子仁

鬱金

海金沙炒各錢

右爲細末。每服半錢。煎銚心葱湯調下。乳食前。如聖散 治如前。

海金沙炒

滑石等分

右爲細末。每服一字或半錢。煎銚心湯調下。乳前食。入正散 治如前。又治心經邪熱。又治熱淋。

瞿麥

木通

山梔子仁

地扁竹

車前子

甘草

滑石各三錢

大黃半錢

右爲細末。每服一錢。水七分。入薄荷二葉。同煎二分。去滓溫服。無時。治小兒小便不通。三日欲死。

葵根一握

壁魚七枚

右以水一大盞。煎葵根取汁六分。入壁魚末。再煎三五沸。去滓放溫服。治小兒小便赤澁不通。

蒲黃

滑石各等分

右研勻細。每服一錢。煎燈心湯調下。沙糖水亦得。亦治淋痛。乳食前。

治小兒卒不得小便。

以鹽安臍中灸之。

治小兒小便赤澀不通。

滑石二兩

木通一兩

葵子一合

右爲粗散。每服一錢。水一小盞。煎五分。去滓溫服。無時。

冬葵子散 治小兒卒小便不通。小腹急悶。

冬葵子一兩

木通半兩

右爲粗末。每服一錢。水一小盞。煎至五分。去滓不拘時候。

捻頭散 治小便不通。

延胡索 去皮

川苦楝 去核

右爲細末。每服半錢或一錢。捻頭湯調下。如無捻頭。卽於湯中滴油三兩點。食前服。一方車前草、小麥各一升。水二升。煮取一升二合。去滓煮粥服。日二。量兒大小加減。

葶藶散 治如前。

葶藶半兩

青皮去穢炒

右爲細末。每服半分或一分。空心薑湯調下。乳食前。

僵蠶散 治如前。

白僵蠶絲炒去

當歸淨等分洗

右爲細末。每服半錢或一錢。煎車前子湯調下。亦治血淋。若沙淋者。煎羊蹄草湯調下。無時。

又方 治如前。

右以綿黃耆爲末。每服一錢。水一盞。煎至五分。溫服無時。

又方 治如前。

右以烏梅肉爲末。每服一錢。水調服神效。

又方

右以地扁竹煎湯。放溫服。如熱水飲之效。

白朮膏 治小便澀滯不通。胸腹痞滿。

白朮半兩  
滑石一分

白茯苓一分

澤瀉半兩

人參去蘆一分

右爲末。煉蜜和膏。每阜子大。米飲化下。亦治脾胃不和。不美乳食。

硃砂散 治小便赤澀不通。心神煩躁。

硃砂研一兩

滑石半兩

犀角屑半兩

黃芩一分

車前子炒一分

甘草炙一分

右爲散拌勻。每服半錢。煎竹葉湯調下。乳食前。

葵石散 治小便不通悶亂。

葵根對一握

滑石一兩

木通一兩

牽牛子炒半兩

右爲粗散。每服一錢。水一大盞。入燈心、葱白各少許。煎至六分。去滓放溫。食前服。

雞腸草散 治小腸膀胱有熱。小便難澀。服冷藥過多。却致小便不能禁止。

雞腸草一兩

牡蠣粉三分

龍骨火炙半兩

麥門冬去心焙

白茯苓去黑皮半兩

桑螵蛸米泔水煮半兩



右爲粗散。每服一錢。水一盞。入生薑二片。棗一個。煎至六分。去滓溫服。亦治遺尿。乳食前。

郁李仁丸 治大小便秘澀不通。

郁李仁二兩湯浸去皮

大黃一兩

檳榔三兩

青皮去穢半兩

右爲細末。煉蜜和丸。菴豆大。每服十丸至十五丸。薑湯下。無時。

芎黃散 治如前。

芎藭一兩

川大黃三分剉碎微炒

郁李仁三分溫湯浸去皮微炒黃

右爲散。每服一錢。溫水調下。乳食前。

硃粉丹 治如前。心神煩。腹脅悶。臥中多驚。

硃砂半兩研細水飛

膩粉一錢

續隨子半兩

右爲末。研拌勻。煉蜜和丸。黍米大。每服七粒。食後溫水送下。

木通剉散 治大小便不通。

木通

瞿麥

滑石

山梔子仁各三錢

茯苓去黑皮

甘草各四錢

續隨子三錢

車前子一分

右吹咀。每服一錢。水一盞。煎至半盞。去滓溫服。更量大小加減。乳食前。  
紅綿散 治如前。

硃砂飛研水

鬱金

輕粉各一

馬牙消半兩

右入麝香少許。研勻細。每服半錢。薄荷蜜水調下。無時。

又方 治如前。

右以滑石爲末。每服半錢。清油調如稀糊。再入好酒一茶脚許。攪勻服之。如一  
時久未通再服。

又方 治如前。

右以不蛭阜角去皮核。生爲末。用二錢。取獨頭蒜一顆。沙盆內同阜角末磨擦  
蒜盡。以釀米醋少許和之。捻作餅子。如香花子。貼臍中立通。

又方 治如前。

右以露蜂房燒灰研細。酒調一錢或半錢。日二。

郁李仁膏 治襁褓小兒大小便不通。

郁李仁去一兩侵

滑石研半兩

大黃去粗皮取實者一兩剉碎  
酒浸半日。洗乾炒焦爲末。

右先將郁李研爲膏。和二味丸黍米大。每服一二十圓。量大小與。小者乳汁下。大者薄荷湯下。要疎風熱痰實服。但微澹極穩。

### 五淋論

淋病有五。一曰熱淋。二曰寒淋。三曰氣淋。四曰勞淋。五曰石淋。五淋之中。小兒有所患者。惟寒熱氣之三證外。勞石二證。虛極所致。小兒未親色慾。故無患者。內石淋恐兒本怯腎弱者有之。亦千人中無一矣。今並具五淋之證於下。熱淋者。因熱乘小腸膀胱二經。皆主水。水入小腸。傳於膀胱。行於水道。出於陰中。而爲小便也。故陰爲水液之路。膀胱爲津液之府。熱則水道燥爆。水液行澇。致水道不利。小便淋瀝。因名曰淋。其候出少而起數。小腹急痛。引臍連莖中痛也。熱甚者溺血。故亦曰血淋。血得熱則流散。滲入於胞。隨淋溺而下也。寒淋者。因寒冷干於二經而作。其候先寒戰而後溺之。是邪氣與正氣交爭也。寒氣勝則發寒戰。正氣勝則寒戰解而得溺。溺則出少澇滯。小腹連莖中而痛。寒甚者溺白如稀膏。故亦曰膏淋。亦如痢下熱則便血。寒則便膿也。痢下者寒熱搏於大腸也。今淋者寒熱



搏於小腸也。氣淋者。小兒因怒而啼。氣入二經。留滯不散。邪正相搏。胞內氣脹。其候每溺則臍下慙膨。水道瀦不能下。莖中相引而痛。常有餘瀝也。勞淋者。因房事過度。腎虛精竭。氣通於陰。水道乾瀦之所爲也。腎與膀胱爲表裏。今腎虛精竭。則膀胱亦虛。不能約制其水。故水液頻數而下。水道乾燥。則不能通利。其候尿留莖內。數起不出。引小腸連莖而痛也。石淋者。小者爲沙。大者爲石。皆云腎主水。水爲熱結。化而爲石。其言雖近。而不知其本也。且腎有二藏。左者爲腎。右爲命門。主水而爲壬。聖濟經云。壬者一水一石之謂歟。不知一水一石之道語。未達生化之妙。本太一精真在上。兆於水。立於石。是腎中本有真之物也。患者乃真精化而真物出焉。其候沙石從水道中出。塞痛悶絕。故痊者鮮矣。

琥珀圓 治熱淋疼痛。

琥 珀 研 雨

乳 香 研 雨

桃 膠 研 雨

右拌研勻。糊爲丸。菉豆大。每服一二十丸。煎萱草湯下。

又方 治如前。

右以黃芩二兩。絹袋貯之。用水二升。煮取一升。時時服。無時。



蒲黃散 治血淋瀝痛。

蒲黃 半兩

冬葵子 半兩

生地黃 半兩

右爲細末。每服一錢。水一盞。煎至六分。去滓溫服。無時。

又方 治如前。

右以雄雞屎尖白如粉者。炒微黃研細末。酒糊圓。菉豆大。酒下三五丸。日連連四五服。取效。

玉粉丹 治寒淋。膏淋如神。又治下痢。

牡蠣粉 四兩

乾薑 末二兩

右拌勻。麵糊爲丸。麻子大。每服一二十丸。米飲送下。無時。

二膠散 治氣淋。小腸慙膨不通。

桃膠

李膠 等分

右爲末。每服半錢。葱白湯調下。無時。

又方 治氣淋。

右以蠶退紙燒灰研細。每服半錢或一錢。煎去心麥門冬湯調下。無時。

又方 治如前。

右以馬兜鈴炒焦黃爲細末。每服半錢或一錢。麝香酒調下。溫酒亦得。無時。葵子散 治沙石淋。痛不可忍。

冬葵子 一兩

石南葉

榆白皮剉去末

石 葦去毛

木 通剉各一兩

右爲細末。每服半錢。葱白湯調下。一方只煮冬葵子汁服。

二石散 治如前。

滑 石

石 葦去毛各一兩一方更有括樓根一兩

右爲末。每服半錢。煎大麥湯清調下。無大麥米飲亦得。

治小兒淋閉。

露蜂房

亂髮灰等分

右爲末。每服一錢。水調服之。日二。

又方 治如前。

以冬葵子一兩。杵粗散。每服一錢。水一小盞。煎至五分。去滓溫服。無時。

又方 以衣中白魚摩臍下及小腹。

又方 治如前。經效小兒諸淋。

治小兒遺尿。

瞿麥穗

龍膽草去蘆

阜英去弦皮

桂心各半兩

人參去蘆一兩

雞腸草一兩 車前子一分兩炒

石葦去毛半兩

右同爲末。煉蜜和丸。小豆大。每服五丸。食分日三。

又方

以小豆葉搗汁服之。

以雞腸燒灰研末。漿水調服一錢。面北斗服。日三。

# 小兒衛生總微論方

## 卷十七

### 癰疽論

小兒癰疽。由怒啼軀氣。衝擊腎經。氣下通於陰囊。故令腫大堅硬。又偏腫者。氣乘偏虛而作也。其有水者。腎主水下通陰。因怒啼軀氣。腎水隨氣而下作。

海蛤散 治氣擊於下。陰腎腫大而堅硬。

海 蛤三分

懷香子三分炒

薏苡仁半兩

白 朮半兩

檳 榔半兩 煨

右爲細末。每服半錢。溫酒調下。早晚乳食前。

又方 治外腎腫硬。漸欲成癰。

右以乾地龍去土盡。爲細末。唾調塗之。常避風冷溼地。

勝金桃仁膏 治卵癰腫大。



右杵去皮尖桃仁爲膏傅之。

川棟子丸 治疔氣偏墜一大一小。

川棟子去核取肉一錢續隨子去皮淨一錢輕粉二錢

右爲細末。麵糊和丸。黍米大。每服十丸。葱白湯下。不過十服愈。

荆三稜散 治如前。

荆三稜炮 斑貓去足并翅等分

右爲細末。每服半錢。米飲調下。

三香昆布丸 治如前。

薰陸香三分 青木香三分 藿香葉去土半兩 昆布去鹹味三分

牽牛子半兩微炒

右爲細末。棗肉和圓。麻子大。每服十丸。空心牡蠣湯下。

治小兒狐疔。傷損生癰。

地膚子半兩 白朮一分兩 桂心三分

右爲末。煉蜜圓如小豆大。酒服七圓。量大小增減。

又方 治如前。

芍藥

茯苓 各三分

防葵 一作防風

大黃 各半

半夏

桂心

蜀椒 去目并閉者一分

右為末。煉蜜和丸。如大豆。每服一圓。日三四。

五等圓 治小兒卵核堅癰。或陰卵偏大。

黃蘗 炒

香豉

牡丹 去心

防風 去蘆并枝

桂心 各半

右同為末。煉蜜和圓。如大豆許。三歲兒飲服五丸。

又方 治小兒癰。

以蜥蜴二條。燒灰研為末。酒服之。一二歲兒半錢。

治小兒卵腫。

以鷄翅六莖。燒灰服之。隨在左右取翮。能治陰大如瓠。

治小兒氣癰。

土瓜根

芍藥

當歸 去鬚洗焙各一兩

右咬咀。每服二錢。水一盞。煎至半盞。去滓溫服。量大小加減。

又方 治如前。

以三月上除。取白頭翁。去蘆搗之。隨左右偏處傅一字作瘡。二十日愈。亦治腎癰。

又方 治小兒卵腫。搗牆衣傅上。

治小兒偏癰。或氣攻小腹疼痛。

蛇牀子爲末 馬鞭草取汁

右相和如膏。塗病處。

又方 治如前。

以枳殼去穰三兩。微炒杵爲細末。每用煎柏枝至濃汁。調膏厚塗腫處。良妙。

治小兒陰癰。腫大不消。

以礬沙一分。以水研化。塗之立效。

治小兒陰癰。偏大氣脹。

以雄黃一兩。研極細。甘草一錢剉。同煎湯淋凈。

又方 治如前。

牡丹皮去心

防

風

去蘆并叉枝等分

右爲末。每服半錢。米飲調服。無時。

治小兒卒卵腫痛而脹。

赤小豆

末半兩

桂

心

末一分

右以生牛蒡取汁二大盞煎稠。入二味相和爲膏。塗病處即消。

治小兒陰囊腫痛虛熱。以蚯蚓屎。用甘草汁調塗之。

又方 治疝氣腫痛。連小腹如刺。

右以生射干汁杵服之。亦可作丸服。

又方 治如前。

右以藜蘆煎濃汁一升。煎取七合。每服半合頓服。量大小加減。

蜘蛛散 治癰疔。或腫堅。或偏墜。或大小。時時上下。

蜘蛛

十四箇焦炒

桂

心

半兩

右爲散。每服一字或半錢。米飲調下。或蜜丸服。



玉粉散 治水癩。上下不定。

煨熟牡蠣粉二兩 炮裂乾薑末一兩  
右拌勻。冷水調稀稠得所。塗病處。以小便大利即愈。此方若用糊爲圓服之。治冷淋、膏淋、下痢膿血及婦人帶下。

### 陰腫生瘡論

小兒有陰腫及生瘡者。由腎經虛而邪氣乘之。腎氣通於陰。邪搏衝於下。則陰爲腫。甚者衝攻以生瘡。又有因風溼外干皮膚。則陰爲之痒。搔之以成瘡者。並敘方於後。

桃仁圓 治小兒陰腫。

白蒺藜半兩 剉

桃仁三分 湯浸去皮尖 雙仁者 剉炒黃

牡丹去心

桂心半兩

郁李仁一分 湯浸 去皮炒

右爲細末。煉蜜和丸。黍米大。每服十圓。溫酒下。乳食前。  
胡連散 治陰腫生瘡。

胡黃連半兩

胡粉半兩

白礬灰一分

右爲細末。每用少許。油調塗患處。一方只用黃連、胡粉等末。香脂油和傅。

又方 治如前。

右以人尿或狗屎燒灰傅之。

又方

右以馬骨或狗骨燒灰研細傅之。

治小兒陰腫。

以狐莖炙焦黃。杵細末服之。以蕪青搗傅上。以衣中白魚傅之。以斫取

桑白皮汁塗上。

治小兒陰瘡痛癢。搔之黃赤水出。不差。

五倍子

臘茶等分

右爲末。更入膩粉少許。先以漿水葱白椒煎湯洗之。帛子拭乾。用藥傅之。

治小兒陰上生癰。瘍醫不能療。

右以鼈甲一枚。燒灰研末。鷄子白和傅之。

治小兒陰瘡。

右以黃蘗水煮汁。洗了拭乾。白蜜塗之。

治小兒惡毒瘡腫。生於陰髀間。痛牽入腹不可忍。一宿殺人。

右以茴香苗葉搗取汁。量大小與服。日二三。其滓傅腫處。冬月無苗葉。取根用。

又方 治小兒陰腫生瘡。

右濃煎狼牙草湯洗之。冬月取根用。或搗爛傅之。

治小兒卒然陰腫痛脹。

赤小豆末半

肉桂末一

生牛蒡根取汁

右先將牛蒡汁煎稠。後入二末和膏。傅病處。

治小兒陰腫。虛熱作痛。

以蚯蚓糞用甘草汁調

治小兒陰頭忽生腫瘡。此名尿灰瘡。

以黑豆皮嚼爛傅之。以伏龍肝研末。和雞子白塗之。

又方 治陰頭生瘡。

右以蜜煎甘草塗之。若陰頭生瘡。不痒不痛。但潰蝕者。此名下疳瘡。方具於後。  
又方 治陰腫瘍。搔之成瘡。

蛇牀子

細辛

吳茱萸去枝梗各一兩

右爲末。每用一匙。水一大碗。葱白三莖。煎至數沸。通手淋洗。三五上極妙。  
又方 治陰癢生瘡。

胡椒半兩

紫稍花一兩

右爲粗末。水煎浴洗如前。

又方 治如前。

右以黃蘗剉碎。煎湯洗浴。

### 腋氣論

小兒腋氣者。血氣不榮。腋下有孔。一如毛孔而稍大。臭穢之氣。從其中出。若狐氣之臭。故俗呼曰狐臭也。亦有父母遺體相傳者。又有乳養之人。而有染著者。今敍方於後。



綠銀散 治腋氣。

銅 綠

蜜陀僧 各三錢

白

芫 性一箇燒存九錢

右爲細末。每用半錢。津唾調塗腋下。三五日一次。以效爲度。

又方

右以輕粉一錢。匕分兩處。麝香酒調一半服之。好酒調一半塗腋下。以不臭爲度。

又方

右以左桃開通錢五文。火燒通赤。內醋中淬之。凡七次。杵羅爲末。用老生薑一塊。刀背斫斷。將生薑以斫斷處擦腋下。有毛擦不倒者。乃是病也。拔去其毛。以生薑自然汁調藥塗之。屢驗。若些小腋氣汗氣。只以生薑擦塗腋下亦可。

### 顙門腫陷論

小兒初生。皆有顙門者。藏氣未充。骨髓未完。滋養未備故也。藏府皆以脾胃爲養。兒自生以後。得五穀所滋。則藏氣充而骨髓完。所以兒至能食。則顙門合也。顙門

者繫於脾胃。聖濟經言。衛顙之天五。五者土也。脾胃屬焉。小兒有顙腫者。由脾胃不和。冷熱不調。或怒啼飲乳。或喘急咳嗽。致陰陽氣逆。上衝而顙腫也。熱則腫而軟。冷則腫而硬。又有顙陷者。或因瀉痢。或小便頻數。或曾服清藥以利小便。或本怯氣弱。或別病纏綿。皆使藏虛而不能上榮於顙。故令顙陷也。此皆小兒惡證。得愈者鮮矣。

治小兒顙腫軟。

右以青黛冷水調傅之。及兼服化毒丹。方已具前。

治小兒顙腫硬及陷。

乾熟地黄焙八錢

山茱萸去肉

乾山藥各四錢

澤瀉

牡丹皮去心

白茯苓去皮各三錢

右爲末。煉蜜和丸。菉豆大三歲下者三五丸。溫水化下。空心。兼服錢氏益黃散。

治小兒顙陷。

以狗頭骨炙黃杵末。雞子清調傅。

## 滯顙論

小兒滯頤者。脾冷所致也。脾之液爲涎。脾冷則不能約制。故涎常從口角流出。滯漬於頤頰。浸久生瘡。名曰滯頤。

治小兒滯頤。涎從口出。浸漬頤頰。口角下生瘡。以桑白皮汁塗口中。又方 治如前。

以東行牛口中沫。塗兒口及頤上。

治小兒口角下黃肌瘡。

以羖羊鬚燒灰。和臘月猪脂傅上。以羊角燒灰。和臘猪脂傅上。

溫脾圓 治脾冷多涎。流漬頤下生瘡。

丁香

木香

半

夏用生薑六兩同杵碎炒黃色各一兩

青皮去穢

白朮

乾

薑剉碎微炒各半兩

右爲細末。煉蜜和丸。黍米大。每十丸。米飲下。無時服。

溫脾散 治如前。

丁香

肉豆蔻麝香煨

半

夏白礬水浸白朮

乾薑炮

人參去蘆

甘

草各半兩

右爲末。每服一錢。水八分。生薑二片。煎至五分。去渣溫服。食前。  
又方 治口中涎出。流瀆頰下不乾。

右以白羊屎內口中。服前藥。仍更洗瘡淨。以燒錫末傅之。

### 腸癰論

小兒腸中有癰瘡者。由寒熱之氣搏於腸間。氣血結滯而生也。其候食少。腹中痛悶。小腸微強者是也。  
治小兒腸生癰瘡。  
右以鯉魚腸煮令食之。

### 針刺誤傷論

小兒有因動作。誤被針刺。骨刺。竹木籤刺。傷而入肉。或已折在內不出者。紮方於後。

右以白梅肉爛杵。和象牙末傅上。若針卽以象牙屑水調傅之。或以磁石末傅



之。仍更以瞿麥爲末。水服方寸匕。或煮汁飲之。日三。

又方 以松脂如乳香者末傅之。帛裹三五日。不覺而出落。

諸物梗喉論

小兒有誤吞諸物在喉中。不能下。不能出。妨礙飲食。氣出不快。甚者塞刺疼痛。霎時不任。便致危殆。

磁石 治誤吞針刺喉中。

右以磁石如棗核大。磨令光。鑽作竅子。以線穿繫定。令兒含之。針則自出。若誤吞錢者。用棗大。

又方 治誤吞竹木入喉。

右燒秤錘通赤。漬酒飲之。

又方 治誤吞金銀銅鐵錢物。在喉中不下。

右以南天燭根燒灰研細。熟水調服一錢。立下。  
通氣散 治如前。及治鈎繩之類在喉。

鵝毛燒灰一錢

磁石大一塊

象牙一錢燒存性

右爲細末。每服半錢。新水調下。

又方 治誤吞金銅銀鐵錢等物。在腹內不下。

右以石灰一皂子許。硫黃半皂子許。同研爲末。酒服之。

又方 治如前。

右以胡粉一兩。水調分服。量大小加減。

又方 治魚骨鯁喉不下。

右以硃砂少許。口中咀嚼嚥之。立下。

又方 治如前。

右以故魚網覆頸項則下。未可。煮汁飲之。立下。

又方 治如前。

右以鰓鰓毛燒灰。水調服。量大小與。

又方 治一切諸般骨刺。竹木籤刺梗不下。

右於臘月取鰓魚膽。北簷下陰乾。每用少許。酒煎化溫呷。得逆便吐。梗乃隨出。

未吐再服。其梗刺雖嚥在腹內。久痛黃瘦者。服之亦出。極妙。無鰕魚取青魚鯉  
蠡魚膽亦可。并治喉痺。

又方 治桃李果梗喉。

右以狗頭煮湯。摩頭下。

又方 治一切諸物梗喉。

右以瞿麥爲末。水調半錢。或一錢服。

大聖玉屑無憂散 治諸物梗喉。及一切咽喉諸病。解毒治百疾。

玄參 去蘆

貫衆

白茯苓 炒黃

縮砂仁

滑石

荊芥

川黃連 去鬚

山豆根

甘草 炙

礪砂 各半

寒水石 三兩 火煨埋土中出火毒七日

右同爲末。每用半錢。抄口中新汲水一口嚥之。治誤吞叫子骨刺、棗核、金銀、銅  
鐵、瓦石、麥稻、針刺等諸物梗喉。及治咽喉一切諸疾。喉痺、乳鵝等疾。又解巴豆、  
杏仁諸藥之毒。能殺人者。又治蛇蠍諸蟲咬蜇。毒氣入腹。并心腹脹滿。脾積癥  
塊。風涎癩癖。他藥不能治者。但服此藥。立見效驗。能潤三焦。消五穀。除九蟲。益

五藏。辟溫疫。無所不治。

治小兒一切珠璫錢等梗喉。

右以弩銅牙燒赤。內水中。放冷飲之。

### 疣子論

小兒有附貼皮膚生核。如麥豆大。其色與皮肉無異。謂之疣子。有一兩個生者。又有數個連續生者。割破其裏。狀如結筋。亦有微血。與肉相似。此由風邪客搏。血氣變化所生。又有一種。初生核小。日久漸長。滋益而大。名曰瘤子。亦由邪搏血氣變化所生。久則氣血順活。故漸長大也。今敍方於後。

以針或小刀子決疣子四面。微微血出。取患瘡人瘡中膿汁。傅之。莫得近水。三日外膿潰。其根動自落。

以白梁米粉於鉢內炒令赤色。用衆唾相和。傅上。厚一寸許。即消。

治疣子連續生十數箇者。

以艾炷一枚。如麥豆大。灸最生者一個。名疣母。餘即自消。核大者稍增艾炷。



治瘰子 以稻科上花蜘蛛十餘個。取頓於桃科子枝上放之。候絲垂下。取東邊撚爲線子。繫定瘰子上。七日後換。其瘰自落。沈興宗待制有老母病瘰如拳。用此法繫之。至三換遂乾落於枕畔。得之一似乾栗。

諸蟲齧蜚論

小兒有爲諸毒蟲齧蜚者。多於夏熱之時。取涼解脫。就地坐臥。忽然誤有觸遇。因被齧蜚。其痛不可忍。直至終夜乃歇。甚者連引一邊。痛無少止。又有毒瘰。瘡中腫潰苦楚。或有蟲因臥誤入耳中不出者。並敘方於後。

治蛇咬所傷。

以生猪血調雄黃末傅之。如倉卒間只用猪血亦效。若獨用雄黃卽不驗。以冷水先洗瘡了。搥乾。用茱萸一合。水半碗。研取汁服之。將渣傅瘡上。

一方 用酒調茱萸末服之。油調末傅瘡上。

治蛇齧毒氣內攻。腫痛不任。以人屎厚傅之。用綿裹卽消。

以白礬、雄黃等分研末。於刀頭上搏令鎔。便滴瘡上。即自差。  
治蠍蜇。

以吃勒藤。令患人自嚼爛塗之。  
以乾薑令患人自嚼爛塗之。

治蜈蚣咬。

以醋磨生鐵汁塗之。亦治蜘蛛咬。以獨頭蒜磨較著處。痛止爲度。以活蜘蛛一個。安口在較著處。則自然吸噉其毒。痛乃即減。至蜘蛛肚脹時放之。別取如前用。不爾則直脹死不休。恐傷生命。故放之。又同將用過蜘蛛放水中。即解其毒不死。

治蜘蛛咬。

以活蚯蚓入葱葉筒中。緊捻兩頭。勿令泄氣。頻頻搖動。則自然化爲水。滴在較著處。又治蚰蜒入耳不出。點藥滴入。即化爲水。

治壁鏡咬。

以生薑汁調阜角末塗之。破者取烏梅肉貼。

治蚰蜒入耳。

以礬醋灌耳中即出。以小蒜汁灌之。以驢乳汁灌之。以龍腦大豆許線繫。左入塞右。右入塞左。立效。以香油灌之。

又方 治如前。

道人頭

棟葉

車前子各等分

右爲末。唾調置耳門中。則自出。傳方人直尋蚰蜒自送入耳。用此藥試之乃出。治百蟲入耳。

以椒末醋調灌耳中。如行十里久自出。

以豬肉炙香熟掩耳。蟲聞則出。

又方 治如前。

白礬

雄黃各半兩

右研爲細末。生油調成膏。用阜子許塞耳。蟲自出。

撲墜損傷論

人之血氣。循身周流而無停止。小兒有因落牀。或從高墜。或打撲損傷。致血氣失度。隨損處停留。或流行入腹。瘀蘊不散。致羸瘦痿黃。時作疼痛。齕齕微寒。翕翕微熱。重者有至筋傷骨損。舉動不能。敘方於後。

蒲黃散 治小兒因打撲墜。血氣停滯。或敗血入腹不散。作疼痛。寒熱羸瘦痿黃。

蒲黃

當歸去麋洗焙

生乾地黄各一兩

琥珀另研

赤芍藥

桂心各半兩

右為細末。每服一錢。水一小盞。煎至五分。去渣溫服。無時。

扶神丸 治如前。

扶神內木

當歸去麋洗焙

麥門冬去心各一兩

人參去蘆

黃芩

草龍膽去蘆

桃仁湯浸洗去皮尖并雙仁者熬炒香熟研細後入各半兩

右為細末拌勻。煉蜜和丸。黍米大。每服十圓。用生地黄汁少許。同酒送下。無時。

三黃散 治小兒因損傷敗血不出。但傷不斷者。服之立效。

黃連去麋半兩

黃芩三分

甘草半兩

玄胡索去皮半兩



右爲末。每服一分。用童子小便半小盞。酒三分之二。同煎四五沸。熱服。取下惡物立差。

靈龜散 治撲墜內有傷損。

當歸淨去蘆洗 白芷

漏蘆去蘆各

右爲末。每服一錢。溫酒調下。食前。

又方

以生地黃不拘多少。杵爛絞汁。用溫酒調服。量大小與之。其效如神。如內損熱血衝心。甚者氣絕不認人。下咽卽醒。取下惡物遂好。

沒藥丸 治撲墜損傷。骨節痛疼。或已可而有時發作。痛不可忍。時發赤腫。數服立效。永除根本。

沒藥

澤蘭葉

香白芷

骨碎補

草烏去皮

破故紙炒

敗龜酥炙

虎骨炙酥

續斷

白頭翁去蘆

烏金石各一

自然銅燒赤醋淬過

右爲細末。醋糊圓。桐子大。焙乾。醋磨濃墨爲衣。生薑溫酒下三五圓。筋骨損者。

用虎骨散貼之。

虎骨散

虎

骨酥塗炙黃一分

金毛狗脊

去毛一兩

穿山甲

燒一兩

骨碎補

一兩

右爲末。以倉米煮粥。臨熟更入米醋煮如糊。攤紙上。然後摻藥在上。包裹貼損處。如大段損折。即以杉夾正。不過三上即安。此二方屢用大效。亦治大人四黃散。治落牀墜地。瘀血在腹。陰陰寒熱。不乳啼哭。

蒲黃

大黃

黃芩各十銖

黃連去鬚十銖

麥門冬十銖

甘草八銖

芒消後入七銖

右絞咀。以水二升。煮取一升。去滓內消。令烺看大小分服。羸瘦者忌冷食。大小便血即愈。

### 藥毒論

小兒腸胃怯弱。藏府嫩軟。血氣未壯。因服藥不勝其味之毒。致煩躁悶亂。或口舌麻木。或如針刺。甚者吐利。有致衄血也。

玄胡索散 解諸藥毒。煩躁悶亂。吐利嘔血。

玄胡索去皮 甘草生 白礬生

右爲末。每服半錢。水一小盞。煎至六分。去渣放溫服。時時呷。

礬茶散 治諸藥毒煩躁。口舌麻木。或如刺痛。

草茶一兩 白礬一兩

右爲末。每服半錢。或一錢。汲新水調下。立解。

又方 解百毒藥。

以白扁豆爲末。水調一二錢服。以出了蠶者。故紙燒灰細研。冷水調下半錢。頻服。

龍腦散 治藥毒吐血如神。

大黃蒸 半夏湯洗七次。薄切

金星石 銀星石 寒水石

甘草炙 禹餘糧火煨七次

不灰木煨 青蛤粉各半兩。青蛤粉即青黛

右爲細末。入細研龍腦末一字拌勻。每服一字。或半錢。新水調下。錢乙更有甘

松、蘆香葉末各一錢。減大黃一半。



小兒衛生總微論方 卷十七 藥毒論

# 小兒衛生總微論方

## 卷十八

### 頭上諸病論

#### 頭瘡

小兒頭瘡者。由藏府有熱。上衝於頭。外被風溼。復相乘之。搏於血氣而生其瘡。故曰頭瘡。此候與禿瘡特異。且禿瘡者有白有赤。硬痂徧滿。其頭瘡者。但一兩處生。其痂並不白硬而乾。時時常有膿血溼汁。俗呼爲長頭瘡。小兒失於沐髮者。便生此瘡也。

玄精石散 治小兒頭瘡。

太陰玄精石

寒水石各一分

輕粉

麝香各少許

右爲細末。先以淡漿洗去瘡痂。拭乾。油調藥塗之。甚者不過再。括樓散 治如前。

括樓一枚

鹽

豉一合入括樓中和

竈下黃土一分

膩粉一分

右爲末。入麝香一字拌勻。每用少許。油調塗之。溼者乾摻。

淡豉散 治如前。

淡豉炒黑

絳礬各一

膩粉二錢

右上二味先末。入粉研勻。先以桑柴灰淋汁。熱洗瘡淨。用甘草末摻瘡上。後以生油調藥塗之。溼者乾摻。

黃連散 治如前。

黃連去鬚

胡粉一兩

右爲細末。先洗去瘡痂。拭乾。傅之。即差。再發用前。

胡粉膏 治頭瘡久不差。經隔年歲。

松脂

苦參

黃連去鬚各

大黃生

胡粉各一

黃芩

水銀各一分

白礬半兩

蛇牀子三分

右爲細末。以臘月豬脂和研。至不見水銀星爲度。傅之。

又方 治頭瘡久不差。

膩粉少許

胡

桃

和皮鏝上燒過存性  
用槐蓋出火毒研末

右爲細末。以生油調塗。仍剃去瘡下髮塗之。只一二次差。

又方 治如前。

以梁上塵和油脚塗之。仍先用皂莢湯洗訖塗藥。一馬骨燒灰研末。醋和傅之。一虎脂煇令凝塗之。日三四次。一蓼末蜜和塗之。有蟲出而愈。不作瘡。

又以鷄卵七枚去白皮。於銅器內熬和油塗之。亦治乾禿不出汗者。以鷄卵殼燒灰研末。豬脂和傅之。

又以雞屎研末傅之。以醋少許。和淨水洗去瘡痂。再以溫水洗之。搥乾。用百草霜入輕粉研細。用少許生油調塗。以免絲煎湯洗之。以竹葉燒灰研細。豬脂和塗。以黑豆炒煙盡杵爲末。入膩粉研勻細。生油調塗之。

治頭瘡出膿水不差。差而復發。

以杏仁一百枚燒灰。入膩粉一分。同研勻細。生油調塗。



治頭瘡漸引不效。

以烏麻油嚼爛塗之。亦治浸淫瘡及乾瘡。

治頭上惡瘡。

以黃泥裹豆豉煨熟。放冷取豉研末。以純菜油調傅上。

### 輭癰

小兒頭上生輭癰者。由風邪冷熱之氣客於皮膚。搏於血氣。壅滯經絡。蘊結而生。亦如身上生癰無異。但生在頭上。始則赤腫而硬。其邪微者。散則自消。其邪甚者。腫赤內搖。潰膿血作痛。以頭上皮緊至熟。多不能去膿。根中有惡汁不盡。因而復發。或在根邊別生。連續不差。常常生膿。故名曰輭癰。

如聖膏 治輭癰。

菜油一兩

黃蠟半兩

瀝青一錢

黃丹半錢

羊筒骨內髓一筒

右一處熬成膏。攤於紙上。貼患處。上用冷鐵一片。於瘡口上壓定。四面針破。如膿出不快。以紙撚搥之。熬藥不得犯銅鐵器。

又方 以青澁柿子連皮薄切焙乾。杵爲細末。每用時先以溫湯洗。捻去其膿。用藥少許。入輕粉三分之一拌勻。以薄薄牛皮膠水調成膏。攤熟帛子上貼愈。

又以炒油麻銚子中取乘熱嚼爛傅之。

以生油餅劑子一箇。捻薄。留一竅於癰上貼。來日膿自出。便效屢驗。

又以免毛皮不拘多少。燒灰研細。入膩粉少許。生油調塗。

又方 用枳殼去穰。週圍用糊合於瘡上。去膿生肌即愈。極效。

治頭皮虛腫。如蒸餅裏水之狀。以口嚼麥麵傅之。

### 禿瘡

小兒頭有禿瘡者。按九蟲論云。是蟻蟲動作。與風邪相乘。上於頭之皮膚。搏於血氣。傷其榮衛而所生也。榮爲血。受病則爲赤禿。衛爲氣。受病則爲白禿。榮在內。邪稍難干。故患赤禿者少。衛在外。邪易得著。故患白禿者多。其始生如癬之斑點。上有皮屑。漸漸作痂。以成其瘡。遂至滿頭髮落逮盡。若刮去其痂。則瘡皆是孔眼。大小不等。如蟲之窠。有膿汁出。不痛而癢。癢乃不可憐。是知有蟲爲風也。

又一種俗呼爲鬼舐頭。小兒有頭瘡。遇夜被鬼舐之。則引及滿頭有赤痂。或云便赤禿也。

治小兒白禿。頭上團團然。以蒜搯白處。早朝使之。

治小兒白禿。乾殼不出汁。

以鷄子七枚。去白皮。銅器中熬。和油塗之。

治小兒白禿。以葶藶子杵末。湯洗去痂。塗之。

以陳香薰煮濃汁少許。同脂和胡粉傅之。以白頭翁根杵爛傅一宿。已作瘡

者。二十日愈。以榆白皮杵末。醋和塗。蟲當出。以鷄窠中草和白頭翁花一

處燒灰研細。用臘月豬脂和勻。先用醋泔洗瘡。後傅之。

又以椿楸桃三般葉心取汁傅之。大效。一方只用楸葉杵汁傅。以人屎燒灰末之。

用臘月豬脂和傅。

治赤禿。

以白馬蹄燒灰細研。臘月豬脂和傅。以靛滓傅之。

治鬼舐頭。

以兒糞臘豬脂和傅。以臘月豬屎燒灰末傅。以屎燒灰研細。和臘月豬脂塗傅。

### 耳中諸病論

#### 耳聾

小兒有忽患耳聾沉聽者。由風邪乘於手太陽之經也。邪隨其經入於耳內。邪正相搏。氣停塞滯。則令耳聾。不能聰聽於音聲也。輕者則為沉聽。謂耳中沉沉然。輕小之音則不辨。重大之聲纔聞也。

通鳴散 治風邪惡入耳。令兒耳聾。

葛蒲節一斗九

遠志

甘草水煮去

柴胡去苗

麥門冬去心

防風

去蘆各半兩又細

辛去苗

甜葶藶炒

磁石火煨醋淬分

杏仁

十四箇湯浸去皮

右為細末。每服半錢。煎葱白湯調下。乳食後。日二三服。

烏麝湯 治如前。

大川烏頭了一箇重二錢上者以豬脂油煎令裂不得割通 草半兩薄切片相



似以糯米粉作稀糊  
拌勻焙乾杵羅爲末

右二味入麝香末少許研勻。每服一錢。水一小盞。入薄荷二葉。棗一枚。煎數沸。放溫服。或只以溫酒調服。

菖蒲圓 治如前。

菖蒲一寸

巴豆一粒去心

右二物合杵爲劑。分作七丸。用一粒綿裹塞耳中。一日一易。

又方

菖蒲末一

杏仁半兩湯浸去

右二物合杵如泥。每服用一麻子許。綿子裹內耳中。一日一易。

草麻膏 治如前。

草麻子十枚

棗肉七枚

右同研爲膏。每用蕤核許。綿裹內耳。一日一易。

新治久耳聾。

以巴豆一粒。蠟裹針刺令通透。塞耳中。以貓兒捉住老鼠奪之。取其鼠膽汁

灌病耳中。一云只以鼠膽用之亦可。以地龍一條。鹽少許。俱貯葱筒中。時動搖則化爲水。用點耳中。以米醋一碗。用鐵一塊。彈子大燒赤。投醋中。令病耳就上。使氣熏人耳中即效。三二日可治。

又以葱白於灰火中煨令熟。將葱白頭內耳中。一日三易。以芥子杵爛。人乳汁和。綿裹內耳中。一日一易。

以荊子中蚱蟲白粉。和油滴耳中。二亦治沉聽新聾耳。以驢脂和生椒杵爛作丸。綿裹塞耳中。治久聾。

又以醇醋微火煎附子至軟。削令矣。塞耳中。

### 耳中鳴痛

小兒有耳中或鳴或痛者。由風邪入耳。與正氣相干。搏於血氣者。即爲鳴。搏於經絡者。即爲痛也。

### 治耳中痛

以乾百合爲末。溫水調下一錢。乳後。以柳樹蚱蟲糞水化取汁。調白礬末少許。滴耳中爲妙。以鹽二三升。蒸熱包裹。以耳枕之。冷即易。亦治洪洪聲。

治耳鳴如流水。或如風聲。

以生烏頭。纔搗得。乘溼削如棗核。塞耳中。旦用夜易。夜用旦易。不過三日愈。及治耳癢。無即用乾者。

治耳中常鳴。

以生地黃。截塞病耳。數數易之。或以紙裹微煨用。

耳中腫。瘡出膿汁。

小兒有耳中腫。或生瘡。出膿汁者。由風濕相乘。入於耳。邪正相干。搏於氣血。傷於經絡。輕則為腫。重則生瘡。若津液結漬。變為膿血。汁出。

又有因水。或眼淚入耳。停搏正氣。亦為膿汁。俱名停耳。又名膿耳也。

治耳內腫。及生瘡。出膿汁。或只癢痛。虛鳴應耳中。一切諸病。悉皆主之。

龍硃散

龍腦一字

硃砂一錢

竹箭幹內蚰蟲糞三錢

坯子臘脂半錢

麝香一字

右勻研細末。以幹耳子挑藥入病耳中。如有膿水者。先以新綿撚子纏之淨盡。

方傾入藥。每夜臨臥時一次。

治耳中腫或生瘡。

以白礬燒灰研細。每用少許。以葦筒吹耳內。日三四次。或以綿裹塞耳中。生瘡

者胡桃油調藥著耳。

治小兒聾耳內生瘡。或有膿汁。

礬香散

白礬燒灰一兩

蛇牀子爲粉

右相和。入麝香末五分。同研細。每用一字。摻入病耳。

藍花散 治如前。

紅藍花焙乾一兩洗

黃蘗剉一兩

烏魚骨半兩

黃芩上爲末

雄黃半兩研

麝香一分

右拌勻。每用少許。以新綿子纏撚子搵藥塞耳中。一日二易。

麝香散 治如前。

蜘蛛一箇

坯子臘脂

麝香半字



右曬極乾研勻細。每用半幹耳許。以鵝毛管吹入耳。

桃紅散 治如前。

白礬燒灰一錢 坯子臘脂一錢 麝香一字

右研勻細。每用少許。以綿撚子振耳中膿盡。搽藥入耳內。

箭蚱散 治如前。

竹箭內蛀蟲糞屑二錢 坯子臘脂二錢 凌霄花乾者二錢

海螵蛸二錢 麝香後入一字研

右爲細末拌勻。每用時先以綿撚子振耳中膿盡。乃以紙撚蘸藥入耳中。日三。

紅綿散 治如前。

信砒一錢 坯子臘脂三錢 麝香一字

右爲末拌勻。以柳絮滾和勻。每用黃米許。摻入耳中。如遶耳生瘡。膿汁不差者。以此傅瘡上。紙片封之妙。

油引散 治如前。

石鷲子雄雄一對用磚壓一地 號丹飛等 膩粉

麝香各少許

右同研勻。先以綿撚子振耳中膿汁盡。時側臥。搽藥一字許。入耳中。以好油一滴引下立效。

綿裹散 治如前。

桂心一分

青羊屎令轉色

右同末。每用一字。綿裹塞耳中。

治小兒聾耳膿汁出。

以硫黃細研。每用少許。摻入耳中。日一次。夜一次。

以白礬末一錢。麝香一字研勻。少少摻入耳。以桑木上毒蜂房炙黃杵末。溫

酒調下半錢。空心。以蚯蚓糞研細。吹耳中極效。

治小兒耳上生瘡。

以雞子白傅之。

## 眼目病論

小兒眼目生病者。多因恣食甘酸。藏生邪熱。熏炙肝經。衝發於目。或爲赤腫癢痛。或眵淚隱澀。或生赤脈。或生翳膜。又痰飲毒氣漬肝。致藏氣不得宣通者。則精華未得明審。故黑睛雖全。而視物眊眊。此名睛盲。若晝日明。至瞑不見物者。此邪干經之陰也。謂之雀目。言如鳥雀之目。瞑時無所見也。又有障眼者。乃氣毒障縵其睛也。又有疳肝之氣。衝於目者。亦能生其膜翳。以爲遮障也。

博金散

治眼赤腫痛不可忍。

白藥子半兩

黃芩半錢

右爲末。每用一字。沸湯點洗之。

又方 治如前。

右取嫩槐芽。或嫩葉煎湯。放溫洗之。白睛如血淚多者。最宜用。

又方 治如前。治赤眼腫痛。纔覺便截。

右以銅綠研細。抄二錢半。用乳香阜子大二塊。同研勻極細。點之立效。

又方 治赤目。

右以黃芩爲末。煎湯洗脚神效。

又方 治同前。

天南星一分去 乾一分

右爲末。每用一字。茶調下。服了搖頭數次立驗。

又方 洗熱毒眼。

右以細朴消沸湯浸。澄去滓。乘熱洗之。

又方 洗風毒熱赤。

銅綠一錢 滑石二錢

右研極細。每用少許。沸湯點洗。

洗心散 治心藏邪熱。目赤腫痛。

大黃一兩 荊芥穗半兩 甘草半兩 麻黃一兩去節

右爲細末。每服半錢或一字。蜜水調下。

洗肝散 治三焦壅熱。眼目赤腫。隱澀多淚。

芍藥一分 羌活半分 防風去蘆並又 大黃半分

甘草半分



右爲細末。嬰小一字。二三歲半錢。上者一錢。水半盞。入銚心、黑豆各少許。煎數沸。食後放冷服。須銀石沙銚中煎。仍與四順散間服。並用青涼膏貼太陽穴。

四順散

當歸洗去蘆

芍藥

大黃紙裏煨

甘草炙各

右爲末。每服一錢。水一盞。煎至半盞。去渣溫服。更量大小加減。無時。

清涼膏 治眼赤腫痛。貼太陽穴。

右須立秋日已後。取芙蓉葉陰乾爲末。每一字或半錢。井花水調。貼太陽穴。

地黃散 治壅熱目赤腫疼。或赤脈白膜。四邊散漫者。猶爲易治。若遮黑睛。多致

失明。宜用此。

生乾地黃切焙

熟乾地黃切焙

當歸去蘆焙

黃連去鬚

大黃去皮取實

防風去蘆並

羌活去蘆

生犀屑

蟬殼去土

沙苑蒺藜炒去

木賊

穀精草去根

白蒺藜炒去刺

玄參去蘆

木通

甘草炙各

右爲細末。每服一字或五分。煮羊肝湯調下。日三。乳食後。

玄精石散 治眼生赤脈。

玄精石一兩 甘草半兩

右爲細末。每服半錢。竹葉湯調下。

羌菊散 治眼生浮翳障膜。

羌活去蘆一分 菊花煉淨半兩

防風去蘆並叉一分 山梔子去殼一分

甘草半兩炒 白蒺藜半兩炒去刺

右爲末。每服半錢或一錢。蜜湯調日三。與決明丸間服。

決明丸

決明子煉淨

車前子

菊花煉淨

川芎

宣連

當歸去蘆洗淨各一分

大黃

黃芩各半

右爲細末。煉蜜和丸。麻子大。每五歲下三五丸。上者七八丸。煎桑枝湯。或麥門

冬湯送下。

又方 治目生黑物。浮翳澀痛。

右以貝子一兩。燒灰研極細。入龍腦末少許。點之。

又方

凡小兒數歲。眼中生膚。醫未堅者。不可妄用。但以珊瑚研如粉。每日少少點之。三日見效。

鎮肝散 治痰熱眼生醫膜。

胡黃連

梔子仁各一兩

甘草微炒

馬牙消

青箱子以上各半兩

真珠另研一分

牛黃別研一分

右爲末拌勻。每服一錢。水八分。入荊芥、薄荷各少許。煎至半盞。去滓溫服。食後。

又方 治目睛上生白膜。

右以白礬一分。水四合。於熱銅器中煎取半合。下白蜜調之。用綿摠過。每用芥子許點之。日三。

又方 治醫膜重厚。

右以豬膽白皮曝乾。合作小繩。如麤釵股大。燒作灰。放冷研細。點醫。二三五度差。

真珠膏 治眼眊眊不見物。睛盲者。

真珠末一分

甘菊花揀淨一分

香豉炒黃一分

井泉石一分

右爲末拌勻。用白蜜一合。鯉魚膽一枚。同藥於石銀器中。慢火熬成膏。次入好龍腦末一錢。攪勻。每少許。時時點之。

又方 治目盲。

右以豬膽一枚。取汁。微火上煎之。可圓。圓黍米大。或芥心大。每用一九。內眼中。食頃。

又方 治睛盲神法也。如用之。視物如鷹鵠。有奇效。

右於正月八日。二月八日。三月六日。四月四日。五月五日。六月二日。七月七日。八月二十日。九月十二日。十一月二日。十二月晦日。每遇上件神日。用桑柴灰一合煎湯。於瓷器中澄令極涼。稍熱洗之。如覺冷。卽重湯煮令得所。不住手沃之。如遇上件神日。不得不洗。此神日本法也。

復明散 治雀目至瞑不見物。

蒼朮二兩米泔浸去皮切焙乾

穀精草一兩

地膚子半兩

決明子半兩

黃芩半兩



右爲細末。每服一錢。水八分。入荊芥少許。煎至五分。去滓溫服。食後。

又方 治如前。

右以黃蠟不拘多少。器內鎔成汁。取下入蛤粉相和得所。團成毬子。每用以刀子切下一二錢許。以豬肝一二兩批開。摻藥在內。麻縷扎。水一碗。鉢內煮熟。乘熱氣熏眼。至溫時並肝食之神效。日二服。

又方 治如前。

右以豆豉於新瓦上炒令黃色。入雄黃半兩。同研爲細末。每用藥一錢。積豬肝一片批開。摻藥裹合。陳米飲煮熟與食之。

又方 治如前。

右以石膏爲細末。每用一錢。豬肝一片薄批。摻藥在中。麻縷纏定。入砂瓶中煮熟。切作塊子與食。此方治諸藥不效者。服之如神。

千金僊朮散 治氣障眼。又治肝熱。目赤生病。

蒼朮四兩米泔浸七日逐日換泔至日足取出刮去黑皮細切入青鹽一兩同炒色黃去鹽

木賊二兩童子小便浸一宿水

陶淨焙乾一兩

右二味同爲細末。每用米飲調下一錢。服之甚效。

四仁膏 治毒氣障眼。亦治疳眼。

桃仁四箇去尖

杏仁四箇去尖

蕤仁五箇去尖

郁李仁五箇去尖

蕪荑五箇取肉

海鯽鮓取半錢

北庭小豆大一塊

右於乳鉢內研極細。將白蜜看多少攪勻。絹或綿濾過。別入龍腦細末。輕粉細末各少許點之。

治小兒雀目。

以夜明沙炒過爲末。豬膽汁和丸。菴豆大。每服十丸。米飲下。

井泉石散 治疳熱攻眼。生障翳。致損睛瞳。

井泉石一兩

決明石半兩

甘菊花半兩

夜明沙半兩

黃連半兩

晚蠶沙半兩

右爲細末。每用一錢。米泔一盞。入豬肝少許。煎至肝爛熟爲度。放溫時服。

又方 治疳眼。

右以烏鰂魚骨、牡蠣各等分。研爲細末。糊丸阜子大。每用一丸。用豬肝一葉。同

藥入清米泔煮至肝熟爲度。和肝食之。汁送下。

## 目病引論

小兒有腦熱注目。則瞼澀常閉不開。又有諸物因入眼。眯之不出。又有誤被諸物衝觸傷損目睛者。敍方於後。

治腦熱注目。常閉不開。

右以大黃一分。麝剉。以水三合。浸一宿。一歲兒每日分半合。餘塗頂上。乾卽更塗。兒大以意加服。

治誤飛麥芒入目不出。

右用新布覆目上。持蟬螬於布上摩之。其芒出著布上。甚良。

又方 治諸物入眼。眯之不出。

右用好墨清水研汁。銅筋點之卽出。

又方 治誤被諸物衝觸傷目。

右以牛尿點之。日二。仍避其風。雖黑睛破損亦愈。

鼻中病論

肺氣通於鼻。氣不和。為風冷所乘。停滯鼻中。搏於津液。使涕凝結。壅氣不通。快。不聞臭香。謂之鼻塞。若風冷搏於血氣。而生癰肉。塞滯者。謂之鼈鼻。若風濕相搏。則鼻內生瘡。而有膿汁出也。若腦熱攻鼻中乾燥。或生瘡痂。則鞭而無膿汁也。

辛夷散 治鼻塞

辛夷葉焙一兩洗乾

細辛半兩去苗

木通半兩

白芷半兩

木香半兩上為末

杏仁皮尖研後入

右為末拌勻。用羊髓、豬脂各二兩。同諸藥於石銀器內慢火熬成膏。赤黃色。入腦麝各少許。攪勻放冷。再用少許塗在鼻中。乳下兒因風吹著。顙子鼻塞者。只塗顙上。

菊花散 治鼻塞涕濁。

甘菊花揀淨

防風去蘆並叉枝

前胡去蘆各一兩

細辛去苗

桂心各半兩

甘草炙一分



右爲末。每服半錢。入乳香少許。煎荊芥湯調下。食後服。

蒺藜子散 治鼻塞不聞香臭。水出不止。

右以蒺藜子半掬爲細末。以水一小盞煎至減半。令患人仰臥。滿含飯一口。以藥汁灌鼻中。不過再卽嚏病出。兒大者有此病。小者未有。

治鼻中生瘡有膿。

右取黑牛耳中垢。先擦鼻中膿盡。傅之。

犀角升麻散 治腦熱攻鼻。燥爆生瘡。鼻中乾癢。

犀角屑一兩

馬牙消研半兩

川升麻爲末半兩

黃連去鬚半兩

硃砂研飛

牛黃研一分

龍腦研一分

右拌勻細。每服半錢。溫蜜湯調下。

清柿膏 治鼈鼻不聞香臭。出氣不快。或生瘰肉。

瓜蒂半兩

赤小豆一分

細辛去苗

甘草炙一分

附子去一箇炮

右爲細末。入龍腦少許拌勻。煉蜜和丸。阜子大。綿裹納鼻中。

又方 治鼽鼻有息肉。出氣不快。不聞香臭。

右以白礬末和面脂綿裹塞鼻中。數日息肉隨藥自出。

### 面上瘡論

小兒面上忽遇有經絡虛隙。爲風濕寒熱所乘。搏於氣血則生其瘡。或如火燒。或出膿。或出黃水。日久不能痊差。今敘方於後。

治面上生瘡如火燒。

又方 治如前。

右以赤薺荔葉杵末。生油調傅。一名山喬麥。

又方 治面上生瘡出膿汁。

右蛇蛻皮炙焦爲末。和豬脂傅上止。

又方 治面瘡出黃水。

右以鯽魚頭燒灰研末。和醬清汁傅上。一日易。

又方 治面生諸般瘡。

右以免絲湯洗之。

又方

以大麥燒存性爲末。生油、膩粉調塗神妙。大麥只炒黑焦亦得。

又方 治面瘡出黃水。

豆豉一合炒

黃蘗一兩

右爲細末。每用先以熱灰汁洗瘡淨拭乾傅之。亦治身生如此瘡。

又方 治面瘡赤腫焮痛。

以地榆八兩細剉。水一斗。煮至五升。去滓適寒溫洗之。

### 唇口病論

風毒濕熱。隨其虛處所著。搏於血氣。則生瘡瘍。若發於唇上生瘡。乍差乍發。謂之緊唇。又曰藩唇。其發頻者。唇常腫大羸厚。或上有瘡。不較甚者。以至唇腭。若發於唇裏。連兩頰生瘡者。名曰口瘡。若發於口吻兩角生瘡者。名曰驚口。俗云因乳食

看視燕子。則生齩口瘡也。並敍方於後。

葵根散 治緊唇。

葵根燒灰一兩

烏蛇半兩 燒灰

黃蘗半兩 爲末

鼈甲半兩 燒灰

右爲末。每用半錢。豬脂少許。和塗唇上。時時用。

青液散 治赤口瘡。

以青黛一錢研末。入腦子少許。拌勻。少少傅上。

治小兒及老人虛人口瘡咽痛。

吳茱萸去枝

地龍去土

右爲末。米醋入生麵調塗足心。

治小兒口傍瘡久不輟。

亂髮燒灰

故絮灰

黃連去土

乾薑各等

右爲末。每用少許傅上。不過三次愈。

治小兒緊唇。

右以馬芥汁即大刺芥是也先刺唇血出。以汁傅之。日七次。



治小兒熱口瘡。

以故錦燒灰研末。傅瘡上。

治小兒諸口瘡。

以五月五日蝦蟆炙燥爲末。傅瘡上。兼治尋瘡。

治小兒唇口邊肥瘡。

白礬燒灰一兩

蛇牀子爲末兩

右爲末。乾摻瘡上立效。亦治耳瘡、頭瘡、癩瘡。

綠雲散 治如前。

黃蘗半錢

螺青二錢

右同研勻細。每服一字或半錢。摻患處。

又方 治口中赤爛。

右取牯羊生乳含之。

又方 治白口瘡。

右以黃丹一兩入龍腦少許研勻。蜜和調傅瘡上。

又方 治口中瘡通白者。或白漫漫然。亦治疳蝕。

右以白僵蠶炒黃色。拭去毛盡。爲末。蜜和。傅之。立效。或以父髮拭口中淨。桑汁塗。

又方 治諸口瘡。

右以大天南星去皮。只取中心龍眼大一塊。爲細末。醋調塗脚心。

又方 治如前。

右以香白芷、銅綠等分爲末。摻上立效。

又方 治如前。

右以湯瓶內鹼爲末。臨臥時以好醋調於脚心底。明書箇古字立驗。  
檳榔散 治如前。

檳榔

銅綠

貝母各等分

右爲細末。如患乾口瘡。生蜜調掃之。若患溼口瘡。乾摻。

血餘散 治齔口瘡。吻兩角生。

右以亂髮燒灰研細。和豬脂傅之。

又方 治如前。

右以白錫燒灰傅之。

### 牙齒病論

小兒牙齒病者。由風熱邪毒。干於手太陽之經。隨經入於齦齶。搏於血氣。則生宣爛。又云因恣食酸甘肥膩油麵諸物。致有細粘漬著牙根。久不刷搽去之。亦發爲疳宣爛。斷作臭氣惡血。若風濕相搏。則爲牙癰。如風毒入於牙中。與正氣交爭。則爲風痛。有蟲動銹齒。則爲蚘病。更有一證疳。銹口鼻牙齒者。名曰走馬疳。別具疳瘡門之下收之外。敘方於後。

治牙齒宣爛。臭氣有血。

阜 角一挺肥好 羊脛骨一挺

右並於炭火燒煙盡。以盆覆之候冷。用紙一張。鋪濕地上。頓藥出火毒一夜。爲末。如常揩牙用之。三上差。

又方 治如前。

燕 夷半兩 炒黑 白 礬半兩 生

右為細末。入麝香少許拌勻。先以水漱口齒淨。然後用少許揩牙。

又方 治如前。

右以風化石灰一塊。大火中煅通赤。取出放冷為末。每用少許。旋入麝香少許。傅牙根瘡上。

桃紅散 治牙癰腫爛膿血。

硃砂一錢 飛研 菴豆粉一兩 硼砂半錢 腦各一 麝香

右為末。每用一字傅患處。或揩貼之。

麝香散 治如前。

銅綠半錢 菴豆粉一兩 膽礬半錢 煨過 腦子一字

右為末。入麝少許研勻。每服一字。擦貼患處。有涎即吐。

甘露散 治小兒胃熱。牙斷宣露。出血口臭。臉腫赤眼口瘡。不欲乳食。肌體煩熱。

及瘡疹已未發。皆可服。

熟乾地黃 生乾地黃 天門冬去心 麥門冬去心



枇杷葉刷去毛淨

枳殼去穢炒

苦參

石斛去根

山茵陳

甘草各等分

右爲末。每服二錢。水一盞。煎至半盞。去滓溫服。食後。量大小加減。

治小兒牙宣。常有鮮血。斷縫臭穢。

砒黃一錢

麝香半錢

右同研細。以紙條子生油塗過。摻藥在上。少少用末。剪作小紙基子。看大小用。插在病處縫內。

治小兒牙齒宣疳。

以黃連爲末。入麝研勻。貼病處。亦治口瘡。

治風虫牙疼。

右以馬鞭草煎湯。含漱之。

又方 治如前。

莽草

升麻

細辛去苗

甘草各一

右麝剉。水一椀。煎數沸。盥漱之。冷卽吐。別含漱。

葉本散 治如前。

葉 本去蘆

白附子

川芎

莽 草各半兩

青 黛一錢

盧 會一燒

麝 香各研並

右拌勻細。每服一字或半字。搯患處。

又方 治如前。

右以肥皁一箇去子。滿填鹽在內。炭火燒煙盡。放冷研細。每用一字或半錢。搯患處。有涎即吐。

### 舌上病論

小兒舌上偶生瘡腫者。由風毒邪熱。搏於血氣。隨其虛處。著而生病也。發於舌上。紫腫者。名曰紫舌脹。若腫大木悶而鞭者。名曰木舌脹。若風濕相搏而生瘡者。名曰舌瘡。若風多而舌腫如吹胞者。名曰鼓舌。其紫舌木舌鼓舌腫甚者。則滿口溢出。塞閉氣門。皆能殺人。

治紫舌腫。

右取羊乳飲之。

又方 治如前。

右以新鯽魚薄起肉片子。頓舌上。數數易之。

治舌上生瘡不能飲乳。

右以白礬研末。和雞子置醋中。塗兒足底。一七愈。

又方 治如前。

右以蒲黃傅之。

又方

以桑白皮汁。塗乳上吮服。

又方 治如前。

右以胡粉細研。用豬筒骨中髓調傅之。日三。

治木舌腫。滿口逡巡。氣閉則殺人。

右以釜底煤和鹽等分。以酒調。表裏塗舌。須臾即消。無酒亦得。

又方 治如前。

川朴消半兩

真紫雪一分

白鹽半分

右和研勻細。每用半錢。入竹瀝三兩。滴白湯少許。調塗舌上。咽津不妨。

治舌卒腫如吹胞。滿溢出氣不得通。奈無可治。

右以半夏十枚。湯洗去滑盡。以苦酒一升。煮取五合。稍稍含漱之。不得咽津。戟人咽喉。加以生薑一兩。同煮亦得。

又方

右煎甘草濃汁含之。

又方

以糖醋滿口含之良。

又方

治紫舌木鼓。腫滿閉氣。諸藥不效。當用此救。

右以舌兩邊。以指刮破。或以鉸刀決破。出其毒血。慎勿傷舌下中央脈也。若血出不止。已及數升者。燒鐵篋烙瘡數過已絕之。燒鐵篋約度。不可太過。



小兒衛生總微論方

卷十八

舌病論

三六

# 小兒衛生總微論方

## 卷十九

### 咽喉總論

小兒咽喉生病者。由風毒濕熱搏於氣血。隨其經絡虛處所著。則生其病。若發於咽喉者。或爲喉痺。或爲纏喉風。或爲乳鵝。重者或爲馬喉痺。又或懸癰腫。或腮頰腫。或喉中生瘡。一切諸病。隨證具方於後。

治喉痺腫悶。

以露蜂房燒灰研細末。每服一錢。乳汁調服。以蛇蛻皮燒灰研細末。每服一錢。乳汁調服。以鯉魚膽二七枚。和竈底土塗患處。以川升麻令含一片。以韭一把杵爛熬傅上。冷卽易。以白礬棋子大含之。以陳白梅一箇。取肉裹白僵蠶一枚。含咽津。以地龍一條研爛。內雞子白和勻。便傾入喉中。以繩纏札手大指屈於節上。針挑刺出血卽差。

鐵粉散 治如前。

鐵華粉一分

礪砂一分

白礬生半兩

右爲末。每服半錢。冷水調下。連二三服。

蛇蛻散 治如前。

蛇蛻一分

白梅肉一分

牛蒡子炒半兩

甘草生一分

右爲散。每服一錢匕。綿裹湯浸少時。含咽津汁。小兒吮之。

又方 治喉痺咽腫。出氣不快。

右以鼠粘子二兩炒焦。甘草半兩炙黃。同爲細末。每服一錢。新水調下。更入蜜少許。

又方 治喉痺不能語。

以大豆煎汁。放冷含之。亦得。收得以青黛釀之。

以鰓膽少許。生薑薄荷汁化服。得吐便愈。青魚膽

治纏喉風。束氣不通。

蛇蛻焦黃

當歸去蘆焙各等分

右爲末。溫酒調下半錢。得吐良。

又方 治如前。

蓖麻子二箇 去皮

朴 消二錢

右爲末。新水調下一錢。未效再服。

又方 治如前。

天南星 生

白僵蠶生去絲蟬 各等分

右爲末。每服一字或半錢。生薑自然汁調下。

又方 治如前。

右以白僵蠶二箇。去絲爲末。生薑自然汁調。更入蜜少許拌勻。分二三服。或只用半錢一字。旋調服之。

定命散 治纏喉乳鵝等病。

川大黃剉炒

黃 連去鬚

白僵蠶直者妙 去絲蟬

甘 草生熟

五倍子 一分

膩 粉五箇

右爲細末。每用一字。竹簞筒子吹入喉中。如毒氣攻心肺。喉中生瘡。嚥飲不得。



者。以孩兒乳汁調藥一字。雞羽蘸之。深探入喉中。得吐者活。不吐者死。

又方 治纏喉乳鵝喉痺。咽喉領項腫悶閉塞。氣不得通。

右令患人先呷好麻油少許。後以蔡葉燒灰研細末。水調下半錢立效。大者增之。

犀角散 治馬喉痺。其候如喉痺。更加連咽項領頰腫甚。咽喉閉塞。但數數噴氣。此證極惡。

犀角屑半兩

射干三分

桔梗三分

馬蘭根三分

甘草炙半兩

川升麻半兩

右爲粗末。每服一錢半。水一盞。入竹葉五片。煎至六分。去滓。入馬牙消半錢。攪勻細含嚥。

又方 治如前。

右以馬嘴一具。水二盞。煎至半。量大小分服。

治懸癰暴腫妨悶。

以乾薑半夏等分爲末。少少以筯點藥著上。半夏以白礬湯洗數次去滑。以

硃砂半錢綿裹含之。細細嚥津。

又方 治懸癰忽倒。

右以白礬、灰、鹽各半兩研細。筋頭點上撥正。亦治腫悶。日七八遍。

治咽喉腮頰腫悶。

右以蒜塞耳鼻中。

又方 治如前。

右以馬鞭草根截去兩頭。取在中者搗汁服之。

又方 治如前。

右以黃蘗、寒水石等分爲末。量腫處以薄荷水調藥。用雞羽掃上。乾卽再掃。  
綠雲散 治喉痺、馬喉、纏喉、乳鵝、重舌、木舌。一切咽喉之疾。

螺 青

盆 消

生蒲黃

生甘草各等分

右爲細末。每服一錢。生薑自然汁調。細細含咽。若已閉塞不通者。用葦筒入藥。吹入喉中。重舌、木舌。生薑汁調塗患處。腫痛咽領者。依此用之。  
口瘡舌上生瘡。用此藥塗之。最效。李方叔、閻孝忠皆以此方救人甚多。以瓷盒

密封收貯。

如聖湯 治咽喉一切諸疾。

甘草一兩

桔梗去蘆一兩

右爲粗末。每服一大錢。水一盞。煎去滓。放溫。時時呷。煎六分。

龍石散 治如前。并治口舌瘡腫。

寒水石煨通赤一斤

硃砂研飛半兩

腦子研半

右爲細末。每用少許。摻患處。病在咽喉者。吹入喉內。細細嚥津。日五七次。臨臥一兩次用妙。

如聖圓 治咽喉一切諸病。

川大黃一分

白礬一分

馬屁勃一分

蝸牛十四箇

陳白梅肉十分

右於五月五日午時取蝸牛。以白梅肉同研爛。入藥和丸。如棟子大。每用一丸。綿裹含化嚥津。若病重不能開口。卽研藥作末。葦筒吹入喉中。滴水三兩點送之。或以淨水磨藥灌之。立差。

通關散 治如前。

枯白礬

雄黃水飛

藜蘆微炒

白僵蠶去絲

猪牙皂角去皮

右各等分爲細末。每用一字。鼻內搐之。甚者葦筒吹入喉中。涎出或血出立愈。

治小兒咽喉腫痛塞悶。

以桑上螳螂窠一兩燒灰。馬屁勃半兩同研勻細。煉蜜和丸。桐子大。三歲下煎

犀角湯研下三圓。大者加之。

治小兒飲乳不快。覺似喉痺。

以沙牛角燒刮取灰塗乳上吮兒。嚥下即差。

射干湯 治如前。治咽喉一切諸病。

射干

衍川升麻各一兩

馬牙消

馬屁勃各半兩

右爲末。每服一錢。水一盞。煎至六分。去滓溫服。

金露膏 治如前。

寒水石煨通赤

雄黃一兩

硼砂二錢

甘草末四錢



腦子研一字

右拌勻。煉蜜和圓。桐子大。食後含化一圓。

荊芥桔梗湯 治喉中生瘡。

荊芥穗

桔梗去蘆

甘草生

牛蒡子等分

右爲細末。每用一錢。水一小盞。煎至六分。去滓溫服之。

又方 治如前。

桔梗去蘆

甘草生

牛蒡子炒各一兩

右爲粗末。每用一錢。水一小盞。入青筍少許。煎至六分。去滓放溫。時時呷。

又方 治如前。

右以葱鬚陰乾爲末。又別以膽礬爲末。並各貯。每用以葱末二錢。膽礬一錢和勻。以半字或一字。葦筒吹入喉中病處。

### 項癭論

小兒項癭。由啼怒未定。遽以乳飲。致氣逆不散。留結而生。其狀在項。壘壘然。漸漸

長大。而分有辦。又云葛根在地泉流浸之。人因取其水以食飲。則生項癭。故近山居人多有之。以葛生在山中故也。

昆布圓 治項癭。

昆布 鹹味 一兩 洗

海

藻 鹹味 一兩 洗

草龍膽 去蘆 一兩

檳榔 半兩

甜葶藶 紫色 一兩 隔紙炒

牽牛子 炒 半兩

右爲細末。麵糊和圓。黍米大。每服十圓。人參湯下。

又方 治或生項癭。已及一二年。

右以黃藥子半斤。須萬州緊重者爲上。若輕虛者。卽是別州所出力慢。須用一倍。取無灰酒一斗。入藥固瓶口。以糠火煨燒一伏時。火不可猛。酒不可有灰。待冷卽開瓶。令患者時時飲半合。一合不可令絕酒氣。經三五日看之。覺消卽止。飲不爾便。令兒項細也。劉禹錫亦著效驗。其驗如神。唯燒酒候香氣出。瓶頭有津出便止。不必須待一伏時也。仍禁喜怒。但以線子逐日圍度。乃知其效也。

## 惡核瘰癧論

小兒府藏不和。及遇項邊經絡虛隙。為風熱毒氣所干。與血氣相搏於項邊。結成核子。復遇風寒所加。則不消不潰。名曰惡核。若更風寒相加。搏於津液。與府藏相乘。則潰化膿血。或效而復發。或根傍別生。以至數箇。連續不差。名曰瘰癧。俗呼癧子。此府藏血氣內外相屬之病也。

皂角膏 治項邊生核子不消。

皂角大者一挺 糯米一合炒 草烏頭生二錢 黃皮二錢炒

右為末。量多少以井花水調貼核上。未消與水晶丹下之。利過以觀音散補之。仍再貼之即消。

水晶丹

天南星洗淨生為末 石二錢生為末 水銀粉秤半 蕪荑取仁一

巴豆五十粒去殼不去油

右先研巴豆極細。次入蕪荑仁復研。方入衆藥研勻。爛飯和圓。黍米大。每服三五圓。量大小加減。臨臥稍飢。葱白米湯送下。利過忌生冷硬物。仍以觀音散補之。方已具前。

如聖散 治如前。

綿黃耆剉一兩

連翹一兩

鴿糞半合

川大黃剉半兩

糯米半兩用斑貓七箇同炒米黃去斑貓

犀角屑半兩

右為細末。每服一錢。水八分。入酒三四滴。同煎至五分。去渣放溫。時時呷。

紫檀散 治如前。

紫檀香

木香

川朴消

卷柏各一

赤芍藥

川大黃各半兩

右為細末。每服少許。以雞子白調稀稠得所。塗患處。

取瘰癧內消。

右以長三寸鯽魚一箇去腸。以和皮巴豆填滿。麻皮札定。以一束稗草燒烟盡。

取出放冷。研為細末。爛稠粥和圓。黍米大。每服一丸。粟米飲下。臨臥未利加一

丸。以利為度。

又方 治如前。

右以斑貓一兩去翅足。用粟米一升。同炒至米焦。去米不用。只以斑貓為細末。



入薄荷細末四兩拌勻。烏雞子清和丸。黍米大。空心茶清下一丸。一日加一丸。至五丸止。一日却減至一丸。以後每服五丸。

胡麻圓 治瘰癧。

胡麻炒香四兩

羊躑躅焙一兩

右以爲末。煉蜜和丸。麻子大。每服七圓。漸加至二十一圓。熱水下。日二。見效爲度。已破者。更用黑母牛糞燒灰研末傅之。

治一切瘰癧經效方

右以牡蠣火煨通赤。取出濕地上紙襯出火毒一宿。每四兩用玄參三兩同爲末。麵糊和丸。菉豆大。早晚食後酒下。各下三十丸。藥盡則病除根本。

又方 治瘰癧已破未破。其效如神。

右以如前煨過牡蠣四兩。用甘草二兩同爲細末。每服一錢。臘茶點服。日二。

治小兒瘰癧。

以蝸牛殼一兩。用牛乳半升。銚子中慢火熬令乳盡。取蝸牛殼研如粉。入大黃末一分。更研勻。每服半錢。阜莢子仁湯調下。大小便中出惡物差。

又方 治如前。

以白僵蠶去絲嘴。炒過爲末。每服半錢。溫水調下。日三。

### 龜胸論

小兒有龜胸者。因乳母有宿乳惡汁。不捨去之。仍以乳兒。忽遇風熱邪毒相干乘。傷於肺經。致肺氣滯停。重壅胸膈。骨漸高起。狀如龜殼。故曰龜胸。

百合圓 治小兒龜胸。

百 合一兩

川朴消 半兩

木 通 半兩

桑白皮 半兩

川大黃 半兩

天門冬 半兩 去心

杏 仁 半兩 湯浸 去皮尖

右爲細末。共蜜和圓。黍米大。每服十圓。米飲下。

又方 治如前。

右以龜尿擦摩胸骨。取龜尿法。以蓮葉內頓一物。安龜在上。用鏡照之。則尿自出。流蓮葉。以物盛用之。甚佳。

### 龜背論

小兒有龜背者。由兒在嬰小時。髓骨未成。強令獨坐。則背隆阜。而偶為風邪干襲。與血氣相搏。入骨髓壅滯不散。致背高隆起。若龜殼之狀。故曰龜背。又名隆背。若如駝有峰塊起者。是名駝背。乃胎孕之病。不可治。

松藥丹 治兒龜背。

松 花焙乾一兩

枳 殼麩炒一兩

獨活去蘆一兩

防風去蘆并叉枝一兩

前胡去蘆半兩

麻黃去根節半兩

桂心半兩

川大黃炮半兩

右為細末。煉蜜和丸。黍米大。每服十粒。米飲下。

又方 治如前。

右以龜尿摩背脊骨。取尿法在前。

### 手足拳攣論

小兒有手脚拳攣者。由本氣不強。筋骨力弱。血氣不榮。而為風邪所乘。搏於經絡。則筋脈縮急。骨本無力。則手拳而不能展開。脚攣而不能伸舉也。若生下便拳攣者。此胎孕中病。不可治也。

薏苡仁圓 治手拳不能展開。

薏苡仁一兩湯浸洗淨去皮當歸去蘆一兩焙乾

秦艽去苗一兩

防風去蘆一兩

羌活去蘆一兩

酸棗仁去皮一兩

右為細末。煉蜜和丸。雞頭實大。每服一圓。麝香荊芥湯化下。兒大增之。

海桐皮散 治脚攣不能伸舉。

海桐皮

當歸去蘆洗淨焙乾

牡丹皮去心

熟乾地黄

牛膝去蘆酒浸焙乾各一兩

山茱萸

補骨脂各半

右為細末。每服一錢。水八分。入葱白二寸。煎至五分。去滓溫服。

### 風疾癰疹論

小兒風疾癰疹者。小兒肌膚嫩。血氣微弱。或因暖衣而腠理疎開。或天暄而汗津潤出。忽為風邪所干。搏於血氣。藏流於皮膚之間。不能消散。而成碣成猷。相連而生。其狀如生薑片。輕者名曰風斑。不至改色。重者名曰癰疹。改赤紫色。發搔痒。搔之不解。甚者使人心神悶亂。右先看其色澤。白者以牛膝酒浸一宿。焙乾為末。每



服一錢或半錢。溫酒調下。若色赤者。以竈下黃土研細末。生薑蜜水調下一錢或半錢。

又洗方 治如前。

荊芥

細辛去苗

白芷

薄荷葉各等分

右爲粗末。每用兩大匙。水一桶。取羊蹄菜一棵。連根葉枝莖細剉。同煎至葉爛。傾盆中。先以尋常熱湯煖處浴身體。候有汗出。即用藥湯淋洗。洗畢避風。忌海鮮鮮醬毒物。

又塗方 治如前。

右以白礬一兩二錢。煖酒投化。用馬尾搥塗之。

防風湯 治如前。

防風去枝蘆

鼠粘子

荊芥穗

人參去蘆各一兩

甘草炙

天麻各半兩

右爲細末。每用一錢。水八分。入生薑、薄荷各少許。同煎至五分。去滓溫服。治卒發風疹。

右以石灰不拘多少。和酸漿水調塗之。隨手滅。

治小兒癰疹。若不治。入腹即能殺人。

以鹽湯洗了。用蓼子按爛傅之。又以枳殼剉末。煎湯洗之。又以蠶沙二錢。水二碗。煮一碗洗之。

又方 治如前。

右以吳茱萸半升。酒二升半。煮取五合。以綿蘸拭。

三奇散 治風疾癰疹偏身。搯之不認痛痒。

凌霄花

白扁豆

甘草各等分

右為細末。每用一字或半錢。蜜湯調服。

又方 治風疾癰疹。心神迷悶。

右以巴豆二兩搥破。用水七升。煮取三升。綿蘸搥拭之。

麝犀丹 治風疹不差。甚者如癩。服之神驗。

犀角屑一兩

烏蛇肉半兩酒浸去皮骨焙天

麻半兩

白附子半兩

白僵蠶半兩炒已龍腦

硃

砂一兩研

麝香錢各一

右拌勻。煉蜜和圓。黍米大。每服十粒。煎金銀薄荷湯下。

又方 治風疹入腹。身強舌乾。亦能殺人。

右以蔓菁子爲末。溫酒調下一錢或半錢。又以蠶沙二錢。水二碗。煮一碗洗之。

### 疥癬論

小兒血氣熱。爲風所干。搏於血氣。散於皮膚之間。而發生疥癬。又云蟻蟲作動。內外相乘之所生也。

雄黃膏 治小兒徧身疥癬如粟。痒而搔之膿血出。

雄黃 一兩 研

雌黃 一兩 研

松脂 一分

川烏頭 一箇 去皮

亂髮 一分

右以豬脂六兩。於銚子中煎成油。入烏頭、松脂、亂髮。煎至髮消盡。以綿濾去渣。入二黃末攪勻。盛瓷器中。候冷成膏。每用少許塗擦瘡上。日三亦治癬。

又方 名同治同。

雄黃 錢末一

黃丹 一錢

膩粉 一匣

蠟 一塊

巴豆十粒去皮

葱五根切碎

右用油一兩入葱巴豆煎黑焦濾去滓入餘藥攪勻候蠟鎔取下器中盛放冷成膏每用抓破疥瘡塗擦

碧粉散 治如前

蛇牀子微炒一兩

狼毒半兩

硫黃半兩

青黛半兩

右爲末膩粉少許拌勻好油調塗擦神效

又方 治如前

大腹子二分

蛇牀子二分

硫黃一分

右爲細末入輕粉少許好油調勻臨臥抓破疥上及以藥少許塗手心脚心用手擦極熱甚者不過兩次上

治癬新生

右以沙糖硃砂各一小塊同爛抓破塗之

又方 治諸癬

右以蛇牀子爲末和豬脂爲膏塗之



又方 治溼癬。

右以桃樹青皮爲末。和醋傅之。

又方 治圈兒癬。

右以羊蹄根乾生爲末。與白礬等分。研細勻。好醋調塗。

又方 治諸癬。

右以決明子爲末。入少許銀粉研勻。以物擦破癬上。塗之立差。

又方 治如前。

斑 貓五箇去翅足微炒 鹽 豉四十九粒 砂 糖阜子大塊

右先研斑貓將細。入二味同研成膏。每用一大豆許。唾津調塗上。大效。

又方 治爛癬。

黃 連去鬚 赤芍藥等分

右爲細末。入輕粉少許。嚼芝麻揉汁調藥。先洗淨拭乾。以藥傅之。不過數次而愈。

治下練癬瘡。常對在兩脚。

右以白犬血塗之立差。

治上練癬常在頭上。

右以蘆薈一兩甘草半兩同爲末。先以溫漿水洗之。以帛子拭乾。用藥傅之。立乾便差。甘草炙過用。

又方 治如前。

右以大梔子不限多少。燒存性爲末。好油調傅之。

又方 治疥癬。

因用硫黃砒霜藥。病愈後臭毒之氣不歇。欲去之。又以藁本煎湯浴之。及用浣衣。

### 金瘡論

小兒有誤被尖刀硬物傷其肌膚。其輕淺者。雖有血出。不至危殆。其重深者。有損傷於經脈。血出不止。又有因傷風者。則口噤身強。俗云破傷風也。

治諸金瘡

檳榔

黃連去鬚各一兩

木香半兩

右爲細末。如治一切金刃所傷。血出疼痛。以末傅之。血定不痛不膿。如斫下指來。血未定。速將藥裹。便得連接。

又方 治諸金刃所傷。血出不止。

檳榔

黃連去鬚

石膏各一兩

黃蘗半兩

右以爲細末。隨多少。摻傅瘡上。血定便入水不妨。

又方 治如前。

右以白芍藥爲末。貼傅卽住。

又方 金瘡深者。不可以藥速合。則內潰傷肉。

右但以黃丹、滑石等研細末傅之。

天蛾散 治諸金瘡。

右以晚蠶蛾不拘多少。爲細末。摻傅傷上。用絹帛封裹。隨手血止瘡合。大妙。

又方 治如前。

右以五倍子刷淨爲末。掩傷處。血立止。較卽無痕。

又方 治如前。

右磁石末。燒氈灰。甌帶燒灰。千金石灰末。若倉卒之間。得一味傅之皆可。

治破傷風口噤身強。

右以天南星一個。防風二寸。同爲末。先用童子小便洗瘡口。後用藥傅之。追出赤水是效。

又方 治如前。

右以肉蓯蓉切作片子。曬乾。用一小盞子。底上穿一孔。合蓋。火燒。藥如香煙從孔中出。熏瘡口。累驗。

又方 治如前。

右以好鰾膠二錢。火上炙焦爲末。熱湯調下。分二服連服。一方用一仰一合瓦。內燒鰾至煙斷。研細末。熱酒調下。汗出愈。

又方 治破傷風腰脊反張。牙關噤急。四支強直。

右以雞糞白半升。大豆二升半。和炒令變色。乘熱用酒沃之。微煮令豆味出。量性飲之。



追風散 治破傷風。

草烏頭四箇二箇生用  
二箇炮熟用

椒二十  
八粒

右爲末。貼瘡上。風毒自出。

又方 治如前。

右以黑豆四十粒。硃砂一字。同研爲末。酒半盞。調下一字差。

又方 治如前。

右以白麵鹽各一撮。新水調塗瘡。

又方 治如前。

右以蘇木剉。煎濃汁灌瘡中。十數盞不令絕。候瘡中黃水出是效。

又方 治瘡口作白痂無血者。殺人最急。

以雄雀直糞研。熱酒調下一字或半錢。

又方 治破傷風經驗。

右以狗頂上毛燒灰。貼瘡上。

湯火傷論

小兒有偶被湯燙火燒成瘡者。輕則初乃炮起。破有黃水而爲瘡也。重則便皮破肉傷而爲瘡也。切不可用冷物泥蜜之類塗之。恐令熱氣不出。伏留潰爛。深傷經脈。宜加慎之。今敘方於後。

麻子膏

治湯火瘡經驗。

大麻子一合

柏木白皮一兩

香白芷一兩

甘草一兩

生地黄 兩

右爲粗末。以豬脂八兩。同藥熬色黃。以綿濾去滓。盛瓷器中成膏。每用少許塗瘡上。

又方

以洗麵脚日曬乾。炒焦黑研細。好麻油調塗。更解熱毒。以蓼葉燒灰研細。油調塗之。止痛無癢經驗。以水煮大豆汁塗之。易差無癢。以醋和泥傅之。孫光憲家婢抱一孩兒。誤落炭火上燒瘡。便以醋和泥傅之。較無癢痕。以柏子房曬乾。通風處掛之。要用時旋爲末。好油調。雞翎掃上。如鋪冰。痛便止。以蛤蜊殼爲細末。油調塗之。如冰無癢。

以小麥麵炒焦黑。研如粉。生麻油調塗。雞羽掃上大妙。又以風化石灰不拘多少。銚子中炒黃色。地上出火毒畢。研細末。生麻油調塗。凡傷至重。焮痛不已。敗壞筋骨皮肉者皆治。

又以捉一大活鼠。先用銚子煎芝麻油一斤至熱。旋打死鼠。候冷頓油內煎。直至毛骨俱散。濾去滓不用。入乳香末、沒藥末、各半兩攪上。炭火熬成膏。瓷器盛封繫定。掘一坑深一尺許窖之。候三月取出。凡遇湯火傷。塗之立效。亦治金瘡。

# 小兒衛生總微論方

## 卷二十一

### 疳瘡論

小兒有諸疳瘡者。由內有疳氣。因而蟲動。外被風毒所干。內外相乘。搏於血氣。蝕發之所作也。若發於口鼻牙齒者。初則瘡小。漸漸蝕大。其蝕有緩急。緩者名曰常疳。急者名曰走馬疳。有至鼻口蝕爛。牙齒脫落者。若發於緣身四支者。只名疳瘡。若發於陰物者。名曰下疳。其疳皆不甚痛。但微痒而已。不覺之間。蝕以深大。若不早治。皆能爲害也。

澤瀉散 治疳蝕其鼻生瘡。及鼻下赤爛。

澤瀉

川鬱金生

甘草炙

山梔仁炒各一分

右爲細末。每嬰小一字。二三歲半錢。五七歲一錢。甘草湯調下。日二。及用青金散傳之。



青金散

銅 青

白

礬 生各  
一錢

右爲末。每少許傅瘡上。

黃連散 治如前。

右先以米泔水洗瘡訖。用黃連細末傅之。日三四。

蘆薈散 治如前。

右以蘆薈爲末吹鼻中。鼻下有瘡卽傅。

又方 治如前。

右以熊膽半分。湯化塗患處。

又方 治如前。

右以黑牛耳中垢傅瘡上。

又方 治如前。

右以鯽魚膽滴鼻中。連三五日甚效。

石膽散 治疳蝕口鼻。生瘡赤爛。

石 膽 一兩

亂

髮

燒灰 半兩

荳蔻子

生 半兩

地

龍 焙去土洗淨 一分

右爲細末。入麝香半錢。同研勻細。每用一字貼瘡上。

又方 治疳瘡口齒蝕透。

右以白僵蠶去絲嘴。炒黃爲末。蜜傅之。

又方 治疳蝕牙齒斷爛瘡潰。

右以髮不拘多少。燒作灰。麝末少許。同研細勻。搽上立效。

龍骨散 治走馬疳蝕口齒瘡爛。

砒 霜 一字

粉

霜 半錢

龍 骨 一錢

定

粉 半錢

蟾 酥 一字

右先研砒細。入龍骨研細。方入諸藥。入龍腦半字。同研勻細。每用少許傅上。

治小兒牙疳蝕斷肉潰出血。

人中白

取法用一瓦盆。或衆人尿。旬餘日至滿。澄去其清。取白。脚暴乾。秤半兩。

麝

香 半兩

右爲細末。入糯米飯研勻。和劑搓細小短條子。臨時隨牙縫大小。割在病處縫

中甚效。一方只用末傅之。

治小兒走馬牙疳。

右以雄黃不拘多少研細。以連紙條子摻上。撚作紙。鐙上燒過。入鉢中。同麝香少許研細。摻瘡上。

治小兒走馬疳蝕。牙斷損爛。

以膽礬爲末。薄切蘿蔔作片子。反覆搥末。於火上炙令乾研。更入麝香研勻。傅患處立安。已驗。

以五倍子中蛭末研細。更入麝香拌勻。先用漿水漱口。小兒未能漱者。以帛子搥漿水搥之。須令留漿水氣。以藥傅之。若斷爛卽病已深矣。若小兒面上或骨節上生赤瘡無頭。如爛梨齧者。卽用此藥貼之。一方用五倍子燒存性。爲末傅之。

又方

以不蛭阜莢一挺燒灰。膽礬四錢爲末。鹽一彈子大。用紙包了。黃泥固濟。炭火煨。青煙起爲度。頓冷地上。碗覆一宿。出火毒。三味同研勻細。每用先以鹽湯漱口了。以藥於病處措至痛。復用鹽湯漱之妙。

以楊花少許。燒灰存性。入麝研勻。傅之。

治小兒忽疳蝕口鼻。數日至盡欲死。

以文蛤燒灰。臘月豬脂和傅。

治小兒疳蝕鼻爛。

以膽礬一塊。燒令煙盡。研末。搽病處。一二日差。

治小兒疳蝕口鼻作瘡黃瘦。

石 膽一分 蘆薈一分

右同研細末。搽病處。但頻用。卽爛肉自然成膿。便生好肉。亦不別損。漸漸差愈。

治小兒疳蝕鼻下兩道赤者。名曰疳鼻。

以黃連去鬚爲末。先以米疳洗淨。用末傅之。日三四次。

又方 治如前。

石 膽一分 黃連去鬚末一分

右同研勻細。生油調塗之。

又方 治如前。



五倍子三分爲末

黃丹一分水飛

右同研勻。細以綿裹貼病處。或塗之亦得。日四五次。

治小兒疳蝕。滿口徹鼻。

麝香一錢研末

蟾酥三片如柳葉大於鐵上慢火煉焦黃色別研末

五靈脂去砂石一錢

蜜半兩

右相和於銚子內。慢火鎔成膏。每用先去却瘡上爛物。後以藥塗之。日夜四五次。

治疳瘡。

以胡粉熬八分。猪脂和傅。油亦得。

又方

以蛆蛭洗淨焙乾爲末。每用先以葱湯洗瘡拭乾。用藥摻之。以栗子嚼爛傅之。龍腦膏 治走馬急疳蝕口鼻。

龍腦一字

麝香一字

砒一字

白欬一字

右爲細末。用積豬膽汁調藥適稀稠。以紙任予塗上。卽差。

又方 治走馬急疳蝕口鼻。數日間欲死。

右以藍澱傅之。令徧。日十次。夜四次。取差。

又方 治走馬急疳。蝕牙齒。斷透損骨。

右以天南星一箇。當心取作坑子。安雄黃一塊在內。用麵裹燒之。候雄黃作汁。取出。以盞子合在淨地上。出火毒了。即去麵裹。研爲細末。入麝香少許。勻之。傅瘡上。量多少用。

熊膽膏 治走馬急疳。蝕口鼻牙齒。

熊膽研半

蛇膽研

蘆薈研

牛黃研各一分

龍腦研一錢

右同末。更入麝香末一錢。拌勻。以井花水一小盞。攪和藥勻。入瓷器中。重湯慢火熬煮成膏。每服一豆大。薄荷湯化下。兼塗瘡上。一方更有黃礬一分。治緣身疳瘡。用少許塗之。

蟾蜍散 治走馬急疳。蟲傷府藏。上蝕口鼻。牙齒赤爛。

乾蟾燒灰半兩

葇荂子燒微黑半兩

白礬半兩

生硫黃一分上先末

熊膽半兩

雄黃一分研

蘆薈一分

麝香一分研

右拌勻細末。每用一字煎荊芥湯調下。及傅瘡鼻中痒生瘡者。以少許吹入鼻中。日三。

蘭覆散 治走馬急疳蝕口齒。惡血臭氣。不喜所聞。牙齒脫落。

黃連末去鬚三錢

銅綠一錢

水銀一錢用黃蘗同研

麝香一字

右同勻細。先淨漱口了。以藥傅瘡上。用生蘭香葉覆之。蝕肉成坎者。一傅肉生。

三白散 治走馬急疳蝕唇。牙齒臭爛。逡巡狼狽者。

砒霜

粉霜二物先

石灰研細羅三次

右相合。先左研千下。却右轉研千下。當極細膩如粉。每用以雞羽尖搨少許掃瘡上。其瘡便乾。慎勿多用。恐毒入腹。無令嚥津。此藥兒小者難用。

治疳瘡立效方。

黃連去鬚一分

膩粉一筒

麝香少許

右為細末。先含水洗瘡淨。乾貼之。

又方 治如前。

大糞內蛆

踏洗淨

蝦

蟆

只用四

蜜陀僧

史君子

去殼

右各等分爲末。先以溫水洗瘡淨。用藥摻貼之。及以滴水。和丸菴豆大。煎四君子湯下五七圓。

又方 治急疳瘡。

右以蜥蛇膽研細。水調傅之。

治下疳定效散

訶子去核

好臘茶一兩

膩粉十筒

麝

香少許

右同爲末。先用漢葱、木賊、川椒三味煎湯。乘熱熏瘡。候通手洗滌。令膿血淨。將藥量多少傅之。

又方 治如前。

右先以韭菜根打碎。百沸湯泡。洗瘡淨。帛子搵乾。用蜜陀僧不拘多少。研細末。入輕粉和勻。乾摻傅之效。

又方 治如前。



右以朝生暮老花一錢爲末。入膩粉十文。同研極細勻。生油調塗。仍先以蔥椒湯洗瘡淨。帛子搵乾。然後用藥。忌酸辣酢醬毒物。

### 癰癤論

小兒生癰癤者。由六府不和。風毒邪熱干於皮膚。搏於血氣。入客經絡之間。留結而生。小而有頭者爲癰。大而無頭者爲癰。初生則赤腫。漸漸腫起。外則皮薄而光。內則肉腐敗潰。變而爲膿。無頭者須針刺破。有頭者不必刺也。熟則捻去膿血。得盡者。隨即便差。若膿血不盡。瘡口合者。雖暫時得差。終須更發。或根邊別生。若邪毒入深。附骨留結者。則爲附骨癰。若出膿血。復遇風冷所乘。傳搏日久不差者。則爲疽瘡。若外面皮膚雖合。而毒氣入裏。攻潰轉深。只有瘡孔。時出惡汁者。此變癰瘡也。

右以甘草一兩剉。各二寸長。用水八分一碗。將甘草蘸水。文武火上炙。至水盡爲粗末。別用水一碗。煎至半碗。時時放溫。量性服。取微利。其毒自消。未利再服。又方。治癰癤欲成。未見其頭。但腫痛不已。

官桂 陳皮等分

右杵末。水調傅腫處。

又方 治如前。

右以大黃、朴消等分爲末。每用三錢。入麵一錢。新水調塗。

雄黃膏 治癰癤纔發。赤腫作痛。用龍角散、忍冬散三方大炒。

雄黃半兩 研 天南星半兩 生末 寒水石兩 煨過一 黃丹一分

乳香半兩 研

右拌勻。細蜜調成膏。攤帛子上貼之。

龍角散

地龍去土 秤一兩 荊芥穗一兩 甘草一兩 角刺一兩 取紫色洗

只擣去骨 用皮

右爲粗末。每用一合。水三盞。酒一盞。煎至二盞半。去滓再至二盞。入研細乳香

末一錢調勻。量大小漸漸與服。五七歲兒半盞。已下分二服。日日與服神驗。

忍冬散

忍冬草乾者半兩

甘草節半兩

大黃生半兩

右同爲細末。每用三錢匕。水一大盞。煎至七分。調乳香末半錢。服如上法。

又方 治癰疽無頭要生。

右以葵菜子一粒。新汲水吞下。卽生頭破而膿出。要兩處破。服二粒。要破處卽逐粒加之。

又方 治癰疽無頭。

右以穿山甲、豬牙皂角去皮弦。各一兩。共炙焦黃爲末。每用一錢。熱酒調下。服藥畢。其瘡便破甚妙。仍以冬瓜藤爲末。傅瘡乾卽水調傅之。諸癰瘡皆可用。

乳香膏 貼癰癤。

乳香研一兩

膩粉半兩

松脂半兩

蜜陀僧半兩

生地黄汁半兩

右拌勻。先用一銚子煎好油四兩。黃蠟二兩。至鎔熟。下瓷器盛之。窖一宿。每用看大小剪貼子。攤藥在上貼之。一日兩換。

下諸藥攪勻。入麝香細末一錢。熬成膏取。

沉香散 治癰癤。

沉香半兩

黃耆半兩

白欬一分

川朴消一分

川大黃炮一分

甘草一分

右爲粗散。每用一錢。水一小盞。入麝香少許。煎至五分。去滓溫服。

又方 治背上生癰癤。凡瘡生背上者。非善瘡也。

右以多年煙熏壁土并黃蘗二味。等分爲細末。生薑自然汁調成膏。攤紙上貼之。更以茅香湯調下一錢。大妙。

治附骨疽。

右以槲皮燒末。每服一錢匕。已破者。以蜣蜋七枚。和大麥爛搗貼封之。

治癰瘡久不差。敗壞成蟲。

大蝦蟆死者一枚自

亂髮子一塊雞

豬脂一斤

右同煎之。至消盡上二物時。取下入鹽一合攪勻。放冷成膏。每用先以龍骨研作粉。圍瘡四面。厚二分許。

以膏藥着瘡中。日二易。有蟲出如髮。出盡愈。

又方 治如前。



右以白楊葉杵末傅之。

又方 治如前雞舌香散。

雞舌香

木香

沉香各一

麻黃節去根

海藻洗去鹹味

大黃炮各

右爲粗散。每用一大錢。水一盞。入竹瀝二三點。煎至五分。去滓溫服。兼煎適溫

熱淋瀝其瘡。

治癰疽瘰癧。餘治瘰癧方並在後

銅綠

溼生蟲

右同研細末。每用芥子心許。紙撚蘸藥。任入瘡口。

惡瘡論

小兒有緣身生諸惡瘡者。由府藏有熱。衝發於外。外被風溼所干。內外相乘。搏於血氣。隨其經絡虛處。停滯留結而生。或大或小。或痒或痛。破潰成瘡。或膿或血。或腐或敗。挾毒所作者。久而不差。皆曰惡瘡。若毒行攻裏。亦皆能變癰瘡也。

治兒身生小瘡作痒痛。

宣連去鬚一兩

膩粉一分

白芨一兩

蕪荑去皮半兩

右爲細末。先洗浮瘡拭乾。生油調塗。

治生大瘡作焮痛。

黃丹一兩

膩粉一錢

右研細勻。嚼杏仁取汁調傅。

治生瘡如火燒。

右以赤薜荔葉杵末。油調塗之。

治肺毒風瘡如癩。

右以好桑葉洗淨。蒸一宿。日曬乾爲末。每服一錢。溫水調下。無時。

治惡瘡不識者。

右以蜣螂杵爛。絞汁傅之。亦治疳瘡。

治諸惡瘡。

右以黃牛蹄用燒灰。須再三燒令極細末。入麝香少許拌勻。乾摻瘡上。

又方 治如前。

右以地骨皮先刮取浮皮。別收之。次取浮皮下白皮如粉者。爲細末。又以其下赤堅皮細剉。共浮皮一處相和爲粗末。粗細各貯之。每用以粗末一合。煎濃汁。乘熱洗瘡。直候湯冷。以軟帛拭乾。用細末傅之。每日洗傅一次。取差。

又方 治如前。

右炒豉焦至煙絕爲細末。傅之。不過數次差。

又方 治如前。

右以陳小麥半升。不犯鐵器中炒黑色。枯白礬灰半錢。同爲細末。每用少許貼瘡上。

又方 治如前。

黃 蘗厚者去粗皮

黃 連去鬚

山梔子去殼

甘 草各一兩

右各剉如豆大。於沙石銚子內炒令煙絕。如煇炭樣。放冷研細。入麝香一錢拌勻。先以溫漿洗瘡去膿血淨。軟帛拭乾。摻藥在瘡上。以紙片子蓋了。軟帛子包繫護之。隔日再用。不得入水。昔衛州一老兵患瘡九年。潰爛見骨。得此藥效愈。

治療灸瘡傷。

右以猪脰骨髓、膩粉和爲劑。却入骨內。泥裹火煨熟取出。先以鹽水洗瘡淨。後乃傅之。立效。

追惡瘡膿血。

右以巴豆二十粒槌碎。用清麻油二兩。煎至黑焦。去豆濾過。入黃丹一兩。以東引柳條數枝攪之。煎成膏。每用以絹帛攤藥貼之。以茭節燒灰傅之。

治小兒魚臍瘡。謂瘡形狀似魚臍也。此亦惡瘡候。

此蛇蛻皮炙焦黃一兩。燒灰細研。用雞子清旋調少許塗之。

治小兒魚臍瘡。

以寒食錫燒灰研末傅之。以白蒿苳杵爛絞汁。先以針刺瘡四畔。滴汁於瘡口上。

治小兒風氣相搏。身生瘡瘍。

地龍去土一兩

白僵蠶去嘴絲一兩

川芎一兩

甘草生一兩

右爲細末。薄荷湯調下一錢或半錢。



治惡瘡久不效。黑肉爛膿。色黑赤。

右先以不灰木、檳榔各一分為細末。摻貼瘡上。候肉紅膿黃。即用後木香散。

木香二錢

檳榔一錢

黃連四錢

右同為細末。乾摻貼上用之。必效。

馬莧散 治諸瘡久不差。變癰瘡。

馬齒莧一兩生者

烏蛇肉一兩酒浸焙乾 蒺藜子半兩炒

亂髮半兩灰

曲頭棘針半兩

緋帛子半兩

右為細末。每量瘡大小。用白酒調藥。攤帛子上貼瘡上。

貼久癰瘡。

白膠香

赤石脂

黃蘗

蜜陀僧各半

右為細末。乾貼瘡上。

又方 治諸癰瘡。

右以蝸牛三箇。瓷合子內收。入麝香少許蓋了。火內燒過。研為細末。水和小圓子。每用一圓內瘡中。

又方

以牛膝末傅之妙。

又方

治如前。

右以赤小豆黃連等分爲末。溫漿水入鹽。洗瘡淨。摻藥。或只以白膠香末。摻之亦效。

烏金散 治疳瘡癢出膿水。痛不止。諸藥無效者。有蟲。

右以羊羔兒骨不拘多少。入藏瓶內。鹽泥固濟。炭火燒合。宜研細。每用末五錢。入麝末一錢。雄黃末一錢。同研拌勻。時看瘡大小。先以通手湯洗膿血淨。口含洗之。軟帛拭乾。將藥滿填瘡口。當次生肉。三日外瘡合。

### 浸淫瘡論

小兒生浸淫瘡者。由府有熱。熏發皮膚。復爲風溼相持。搏於血氣。而其瘡初生。碎小。後有膿汁。浸淫漸大。膿汁著處便生。故謂之浸淫瘡也。又一證風毒溼瘡。頗似浸淫瘡。亦膿汁浸引而生。但膿痂徧周。比浸淫瘡稍大爾。

治浸淫痛不可忍。發寒熱。

右以刺薊爲細末。新水調傅瘡上。乾則易之。

雄黃膏 治浸淫瘡經效。

雄黃 一兩 研

雌黃 一兩 研

川烏頭 一箇 去皮 研爲末 松

脂 研 分

亂髮 燒灰 分

右以豬脂六兩。於銚子內熬成油。後入下三味。煎至髮消盡。以綿濾去滓。入二黃末攪勻。盛瓷器中成膏。每用少許塗瘡上。日三次。

又方 治如前。

右以蠟胭脂於鐙下用鏡子照瘡口。念咒曰。浸淫瘡。好夜粧。明鏡照。紅粉粧。每念一遍。抹胭脂塗瘡上。如此七遍。胭脂抹周徧。其瘡即愈。此法極驗。甚者不過再。

苦瓠散 治風毒淫瘡。

乾苦瓠 一兩

蛇蛻 半兩 燒灰

露蜂房 半兩 微炙

右爲細末。每用半錢。生油調塗瘡多添之。

四生散 治如前。

綿黃耆

白附子

羌活去蘆

蒺藜

各等分

右爲細末。每服一錢。溫酒調下。

### 漂漿瘡論

小兒生漂漿瘡者。由風熱毒氣客於皮膚。搏於血氣而所生也。始生如火燒湯盪。作泡而起。尋卽皮破。漂漿出以成瘡。亦甚疼痛。漸引相續而生。有至徧身潰爛。皮肉不可救者。故又名爛瘡。宜治之。又一證生瘡狹長如魚臍。黃水出。四面亦漂漿泡起。此雖與漂漿相似。而有少異。漂漿瘡者。先起漿泡。破而成瘡。此瘡乃生瘡後。卽四面續生漿泡。其狀狹長。渾似魚臍。故名曰魚臍瘡。漂漿瘡卽不似魚臍也。治漂漿瘡神效屢驗。

又方 右以柏葉洗淨切碎。細研傅之。隨手便乾。更取汁半盞。水解服之。

以桃仁去皮尖熟研。和面脂傅之。



又方 治爛瘡黃爛。

右燒艾葉灰傅之。一方燒馬骨灰傅之。

生地黄膏 治熾瘡毒甚發引徧身。

生地黄洗去蠟

川升麻

藍葉

梔子仁

大黃各一兩

右研細。以豬脂八兩。同於銚內慢火煎色變。濾去滓。以瓷盒盛放冷成膏。每用少許塗瘡上。

治小兒面目緣身卒生慄泡。

右以殺羊角燒灰研細末。雞子白和塗神驗。卒無□□□和亦妙。

治小兒慄漿如魚胞。赤爛成瘡。熱痛不可忍。

右以磨家驢糞。或塊結而不散者。不以多少曬乾。地上堆定。用手壘作屋狀。以鐙點著。燒至欲過盆子。合殺令作黑灰。勿令白。研爲末。每用一錢。和膩粉二錢。殘鐙油調塗如冰。除熱痛甚妙。

治小兒慄漿瘡。起如丁蓋。發頭上。一兩日後。面上胸背緣身皆生。其瘡熱痛。

硃砂半兩研 胡粉一兩 水銀半兩

右一處研入水二三滴。研至水銀無星。用臘月豬脂三兩。於鉢內慢火熬鎔。去滓入藥末攪勻成膏。瓷盒盛放冷。即用少許塗之。治緣身生火皰瘡。如麻豆有膿汁作痒痛。一身盡徧。

甘草 芍藥 白欬 黃芩

黃連去鬚 黃蘗去粗皮 苦參各等分

右爲細末。用蜜和傅之。日二夜一。亦可作粗散煎湯。治小兒皰爛瘡。

以鐵燒赤。淬水中二七遍浴洗。以燒艾熱灰傅之。又以酒煎茱萸拭上。又以桃仁杵爛和面脂傅。又以赤小豆煮汁洗。不過三次差。

### 凍瘡論

小兒有凍瘡者。多生於耳輪或脚上。由冬月嚴寒之氣傷。客於肌膚。搏於血氣所作。初卽腫痒。須漸破而成瘡。頗難得差。至春暖時自可。到冬月冷時復發。故名凍瘡。

瘡。

黃蘗膏治凍瘡。

黃 蘗末

白

斂末各一兩

白

芡末半兩

生芝麻爛二合杵取汁

右同研勻細。以蒸蘿蔔一枚好酒一盞。一處杵爛成膏。每用少許。先以童子小便洗瘡了。後以藥塗。

又方

以雀兒腦髓塗之。立差。

### 癩瘡論

小兒夏月多生癩瘡。此由盛熱汗津出而腠理開。被風熱毒氣干於血氣所生。其狀細碎。纍纍如粟芥之類。色赤而痒。多生額頭胸背之上。甚者徧身。俗呼癩子。痒而搔之。亦能成瘡。

治癩瘡。

以兔絲子莖按湯洗之。亦治頭瘡。及女人面瘡。

治癩瘡痛不止。

乾藕節末三

生麻油三合

右先杵油麻爛後。下藕節末更入生蜜。和調得所。塗之三五次差。

龍腦散 治癩瘡。

龍腦研一分

黃蘗末

白麵二兩

臘茶研末

右拌勻。每以新綿搵藥撲上。破者傅之取差。

又方

右以蚌粉研細。用雪水稀調。臨臥塗之。能以熱湯浴畢塗之更佳。無雪水用新水。

又方

右以雪水磨檀香。鵝毛蘸掃上。

### 漆瘡論

小兒偶有謂漆瘡者。本不耐漆。或因見聞。或因使新漆器。被漆氣所觸。便著其毒。



而生腫赤。狀似癰疹。破而作瘡。微有膿汁。亦頗疼痛。俗呼爲漆皸瘡也。  
化毒散 治漆瘡痒痛。

木 通剉一兩

藍 葉半兩

麥門冬半兩 去心

犀角屑一分

馬牙消一分

甘 草一分 炙後赤剉

右粗散。每服一錢。水一小盞。煎至半盞。去滓溫服。

垂柳膏 治如前。

垂柳枝五兩

苦 參二兩

黃 芩一兩

右剉散。每用三匙。水兩碗。煎至一碗。去滓研入好墨汁半匙。攪勻再熬成膏。以瓷盒盛候冷。用少許塗瘡上。

又方

以好麻油生用塗上。以黃蘆朮剉碎。煎濃汁放冷淋之。

### 月蝕瘡論

小兒有月蝕瘡者。或生耳鼻。或生手指。隨月生死。世云月初生之時。兒以手指月。

乃生其瘡。故因以名之。

治耳傍生月蝕瘡。

右以黃連爲末傅之。

治手指生月蝕瘡。或腫或破。隨月生死。

右以生薤一把。苦酒中煮數沸熟。出以傅之。

治諸處月蝕瘡。

右於月望夕。取兔屎內蝦蟆腹中。同燒研細傅之。

又方 治如前。

右於五月五日。取蝦蟆燒灰研細末。和豬膏傅之。

又方 治如前。

右取蛇蛻皮燒灰研末。和豬脂傅。

又方 治如前。又治月蝕。九竅皆有瘡。

右燒蚯蚓糞研末。和豬脂傅。

治月蝕瘡生兩耳。出膿水不止。

水銀

胡粉各一兩入水銀三兩點研至水銀星盡

黃連去鬚爲末二兩

松脂研一兩末

右並同研勻細。以粉瘡上。若乾卽用煉成豬脂和膏傅。仍先以鹽湯洗瘡淨。拭乾塗藥。一方只用胡粉和土傅之。

又方 治耳後月蝕瘡。

敗豉皮燒灰一兩

蝦蟆燒一枚

右同研爲末。以煉成豬脂和膏塗之。

### 蠅螬瘡論

小兒生蠅螬瘡者。因居處屋壁之間。有其蟲名曰蠅螬。其形寸許。脚甚多而細瘦。其遊走之時。偶遇人影。則尿之。隨所尿著處。人身則應而生瘡。多在腰間。初生赤小瘡。瘡如黍粟麻豆。荏苒不已。長出膿汁成瘡。因其蟲名而名之也。北方人便爲浸淫瘡也。未知的否。今兩存具之。

治蠅螬尿瘡。

右取胡鷲巢中土。水和傅之。或以豬脂、苦酒和傅。

又方

右取白扁豆葉傅之最佳。

又方 治蠅蝮瘡繞身周匝則死。一云繞腰腹。

右取蒺藜葉搗傅之。無葉用子。

### 水毒論

小兒有諸般瘡瘍。因洗面或洗手脚或澡浴等。偶然水入瘡中。則發腫而疼痛。各曰水毒。宜早治之。不爾則潰發其瘡。變出膿汁。遷延時日。久不能效也。

治湯水入瘡爲水毒發腫痛。  
右以香附子、乾薑各一分。皆燒存性。研細末傅之。

### 赤遊論

小兒患赤游腫痛者。內由有積熱熏發於外。外被風毒所干。內外相乘。搏於血氣。



則皮膚赤腫。其風邪毒氣隨經絡行遊不定。故爲赤遊也。若重者隨血氣虛處流注爲赤腫。或片或渦。毒漸引大。疼痛難忍。若遊至於心。或毒入腹者。皆能殺人。治腫痛遊偏身上下不定。若至於心卽危。

右以芒消投湯中。取濃汁拭之。亦治丹毒。

又方 治如前。

右以蒴藿煎汁澆淋之。

治小兒緣身赤腫。漸引腫起。

以米粉熬令黑色。研細唾和傅之。

治小兒半身赤。漸漸長引不止。

以牛膝、甘草二味等分。㕮咀。一方甘草減半。每用一兩。水一盞。煎五分。去滓調

伏龍肝末塗之。大效。

又方 治如前。

以亂髮燒灰。同伏龍肝末。用膏油和傅。

治赤熱毒腫。遊行身上下。至心卽死。

以草鞋亂髮燒灰。醋和傅之。以伏龍肝研末。雞子白和傅。乾卽再。又以生景天杵爛傅上。亦治丹發。一方用一握絞汁拭之。以水中苔杵爛傅之。又以松菜杵爛傅之。以白豆末水和傅之。乾卽易。

治頭面緣身生赤毒。腫起作片。

以栝樓根二兩。伏龍肝半兩爲末。醋調塗之。乾卽再傅。

治赤遊腫半身紅。漸漸展引不止。

以紅藍花末。醋調傅之。又以薔薇葉杵爛傅之。

又方 治如前。赤腫遊行上下。徧身不定。

右以芭蕉根汁煎塗之。

防己散 治如前。

防己 半兩

川朴消

犀角屑

黃芩

黃耆

川升麻 各一

右爲細末。每服半錢。煎竹葉湯調下。

木通散 治赤遊成片。渴赤色如染。腫毒漸漸引大。

木通一兩

川升麻

川大黃剉碎

川朴消各半

梔子仁

甘草微炙各一分

右爲粗散。每服一錢。水一小盞。煎至五分。去滓溫服之。

截毒散 治如前。

川大黃生

鬱金

赤芍藥

膩粉

豬牙皂角

去皮子各半兩

右爲細散。每用少許。生油調塗之。

又方 治如前。

右以五味子去枝梗。焙乾爲末。熱酒調下一錢。痛自消神效。

又方 治如前。

右以黃蘗、寒水石等分爲末。用薄荷水稀調。雞翎掃塗之。乾即再。

治赤游腫徧身。入腹即殺人。

右取灶下黃土研爲末。油調塗。勿令乾。若入腹及入陰者。以慎火草取汁一盞分服。如無生者。用乾者末之。水調服。

## 赤毒論

小兒丹毒者。由風熱毒邪客於腠理。搏於血氣。發於皮膚之所作也。又千金論。小兒黃丹惡毒。皆熱積所成。或冬間向火烘衣。夜間蓋覆太暖。或乳母愛食燒炙飲酒。皆令兒病丹。發處其熱如火。輕輕手近。則痛不可忍。又有五色丹。雖赤色者最多。皆熯熱作痛。甚者徧身壯熱。煩渴悶亂。更有諸火丹。其名證甚多。不可盡述。皆赤丹之異名也。其毒入腹者。亦能殺人。宜速治之。

治赤丹。此熱毒所作。其色純赤。如丹塗之。故名赤丹。  
右以蕎麥麵醋和傅之。用蕎麥麵用鳩腦和餅。索串吊起放乾。要用時研末。雞子清調膏。以雞羽翎掃上。效如神。

又方

以胡荽汁傅之。又以寒水石半兩。白土一分。研細末。米醋調傅。以藍澱。或慎火草、水苔、生地黃、梔子仁。但得一味爲末。水調傅之。皆可。  
治白丹虛腫如吹。此風熱所作。而風多者。其色則白。



香 豉二合炒 伏龍肝 一兩

右同爲細末。每用半錢。生油調塗之。

治黑丹痛腫。此本熱毒。復有冷以乘之。互相瘀抑。故黑色。

川升麻

川芒消

漏蘆去蘆各二兩

黃芩

梔子仁各一兩

右爲粗末。每用兩匙。水三盞。煎至二盞。去滓稍熱。以軟帛蘸。壅患處。以消爲度。

治丹五色變易不常。此風毒冷熱相搏。盛衰不同。故色無定也。

棗木根 四兩

丹參去蘆三兩

菊花揀淨二兩

右細剉拌勻。每用兩匙。水二碗。煎數沸。適溫熱。避風處浴洗。

又方 治如前。

右以蜜和乾薑傅之。

治急丹引上。

右以雞子白和赤小豆傅之。

治赤丹。

以葛勒藤蔓輕輕摩破。醋研訶黎勒汁塗之妙。以淬鐵水飲一合。得打鐵處淬鐵槽中水。澄清用。

治黑丹。此本熱毒搏於血氣。熱輕而挾於風多。故色黑也。

以風化石灰二兩。屋四角茅草三兩。燒灰同研細末。雞子白調塗。日三五次效。以豬槽下泥塗之。

治白丹。此本熱毒搏於血氣。熱輕而挾於風多。故色白也。

以豬糞燒灰研末。雞子白調塗。

治殃火丹。生於兩脇腋及膀上。

以川朴消研細。竹瀝調下半錢。更量大小加減。

治天竈火丹。發於膀裏尻間。正赤流陰頭腫。或血出。

以蠶沙一升。水煮去滓。取汁洗之。

治廢竈火丹。發足趺赤色。

以赤小豆末一兩。牛角二兩。燒灰同研勻細。雞子白和塗。

治尿竈火丹。發膝股起臍間。走腹頭。

以屋四角茅草燒灰研細。雞子白和傅。

治火焰丹。發兩背及背膝如火炙。

以老雅眼睛草葉和醋研爛傅之。亦治赤腫。

治五色丹。徧身壯熱如熱燒。若遶臍即損人。

以葫蘆葉杵爛水和傅之。

治丹毒從臍中起。

以伏龍肝研末。用屋漏水和傅之。乾即再用。取效爲度。如無屋漏水。新汲水亦得。

治丹腫起於兩脇心背。不速治。即殺人。

以羚羊角屑八兩。水五升。煎至一升。絹濾去滓。入煉子豬脂五兩。和勻傅之。

治丹毒忽生頭上。皮赤腫起。暈有碎瘡。初發如錢。漸開及身長一二尺。良久徧體入口耳。到藏府胃爛即死。此候可畏。宜速治之。

以甘草一兩劈破。入水一大盞。煎湯溫溫。令乳母滿口呷含鼓漱。徐徐吐洗病處。以掌摩揩。不得犯指甲。恐傷破。仍更甘草湯服之。三用即差。

治丹毒。

以鯽魚肉細切五合。小豆屑三合。同杵如泥。水和傅上。

千金漏蘆湯 治小兒熱毒赤白。諸丹癰疽瘡癤。

漏蘆去蘆

連翹

白斂

芒消

甘草炙各一分

大黃煨

升麻

枳實熬炒

麻黃去根節

黃芩各三分三字

右咬咀。以水一升半。煎取五分量。兒大小增減服。

治一切諸丹。

小馬齒莧杵爛傅之。赤丹熱如火。繞腰即損人。以黃芩末水調傅之。以蓖麻子五箇去殼。並皮研細。入麵一匙。水調傅之。以水煮棘根洗之。以粟子刺殼煎湯洗之。以柳葉一斤。水一斗。煮取三升。去滓挹洗病處。日五六次。以蚯蚓糞水和傅之。以蒴藋葉。浮萍草。五葉藤。海藻葉。但得一味為末。水調傅之。

又方 治諸丹已破作瘡。出黃水。膿痛。右以豆豉炒焦。煙絕為細末。油調傅之。



千金麻黃湯 治諸丹惡毒發處如火。輕輕手近。則痛不可忍。急與砭針出血。仍與此湯并壩湯治之。

麻黃去根

升麻

葛根各一兩

射干

雞舌香

甘草炙各半兩

石膏半兩

右咬咀。以水三升。煮取一升。三歲兒分三服。日盡。

壩湯 治諸般數十種丹毒。

大黃生

甘草生

當歸

芎藭

白芷

獨活去蘆

黃芩

赤芍藥

升麻

沉香

木香

木蘭皮各一兩

芒消三兩

右咬咀。以水一斗二升。煮取四升。去滓內芒消攪烱。以綿搵壩之。乾則易。仍適溫熱。用取差止。

消毒散 治諸丹發赤腫作痛。甚則赤遊腫背。

川升麻

黃芩各半兩

麥門冬

川大黃剉碎

川朴消各一

右爲粗末。每服一錢。水一小盞。煎至五分。去滓溫服。

### 鱗體論

鱗體者。謂皮膚之上。如蛇皮鱗甲之狀。故又名蛇體。此由氣血否澀。不能通潤於皮膚矣。又生下便有者。此兒在母腹形像未具之時。母曾觀看或曾食喫或服藥餌。有犯鱗甲網罟穢毒之物。兒胎中感而化之。故又謂之胎複垢。謂生下身皮黑垢。若鱗者也。此必難治。

治小兒身上皮膚若蛇皮之鱗。

以白僵蠶去絲嘴爲末。煎湯適溫煖浴之。一云與蛇蛻同煎。

### 疵靨論

疵靨者。謂皮膚之上生赤色或黑色之點。大小不等。如滓粒之狀。緣身猶可。若生面上。則多惡之。女子尤甚。此由風邪搏於津液之氣而作。又言因傅胡粉。皮膚虛

而爲粉氣入於腠理化生。又有生下便有者。此由胎中形像未具之時。母食雜有毒。感氣而化。又有父母遺體所生者。此下二項不可治也。

治小兒皮膚上生赤疵。

以馬尿洗之。日四五次。

又方 治小兒生赤黑疵。

以針刺父脚中血。滴疵上卽消。

又以狗熱屎傅之。疵自卷落。

小兒衛生總微論方終

## 後序

醫書有云。寧醫十男子。莫醫一婦人。寧醫十婦人。莫醫一小兒。是小兒爲醫家最難也。其爲業既難。而其方書傳於世者無幾。扁鵲華佗。世不恆有。後之業小兒醫者。將焉所持循哉。寧國通守朱公。一日與愚萃於公所。出所藏小兒方書一部。且曰。是書也。昔有人得之古塚中。以獻津要。往往愈疾有奇驗。若職居子民。刊布以濟人。是亦仁愛之一端也。愚領閱之。未詳作者何人。其分類著論。因論著方。既詳且備。誠醫家之寶鑑。活幼之指南。世不可無者也。於是命工鐫梓。以永其傳。以溥其濟。抑先哲有云。不爲宰相。必爲各醫。以醫之功。足以濟世故耳。然一醫之所濟有限。而是書流布。將濟天下後世。以及於無窮。朱公之功不淺矣。公名臣。字時佐。世族濟南。起家鄉進士云。

弘治己酉孟秋之吉。賜進士文林郎宣城知縣前河南道監察御史濟南李延壽書。



跋

小兒衛生總微論方二十卷。宋嘉定丙子何氏刊於行在太醫局。序中已言不知作者謂誰。卷中多引聖濟經及錢仲陽方論。蓋宋南渡後隱君子也。第七卷末自記編傷寒類證諸方。亦頗詳備。考傷寒類證三卷。初刊於金大定。宋氏謂得之異人。至明虞山趙氏覆刻。附入仲景全書。今其書具在。條件分明。俾讀長沙書者。犁然有當。蓋不獨精於幼科。而其名亦不著。可不謂賢與。此書一名保幼大全。當是明人所改。范氏書目以爲明朱臣編。蓋偶記刊書姓名耳。明刻脫誤甚多。傳世漸少。茲請武昌醫館館長蕭孝廉北承。詳加校訂。重爲梓行。仲陽心法。實亦推闡無遺矣。宣統二年三月三日武昌柯逢時。

## 小兒衛生總微論方校記

卷首何序一葉末行「丙午」按嘉定無丙午恐誤

范序二行「制」下脫「方」字三行「悉」上脫「纖」字四行「君」上脫「朱」字  
朱序八行「久矣」作「尙矣」

目錄第一葉小字胎熱原作膽熱檢本書卷一第二十五葉作小兒胎熱後小字  
發搐逆順原在發搐真假上檢本書卷四第五葉應在發搐陰陽上

三葉下面二行「別」下原脫病字

六葉後一行小字遺尿原作遺尿論三大字檢卷第十七無論字應作小字附五  
淋論下

### 卷一

一葉七行「舉止」原作「舉乃」

二葉十行「象」原作「衆」

六葉五行勿令濕著「濕」原本作「溫」

十二葉八行「此候」原作「此後」

十四葉後十一行「先刺」原作「先利」雀甕卽天漿子多生石榴樹間作繭形如甕雀喙而食之故名見本草蟲部

十六葉四行栗蒺蒺音孚栗內薄皮也見本草果部十六頁十一行全蠍「全」原作「金」

十八葉七行「衣魚」卽「蠹魚」見本草蟲部

二十葉十三行「不收乳」千金作「不取乳」準繩無收字作不乳

卷二

四葉十行取葬家未閉戶盜食哺之日三便能起行千金翼作葬家未閉戶時盜取其飯以哺之不過三日卽行勿令人知之準繩注謂未閉戶嬰孺就墓門中哺

七葉四行「結也解顛」原作「結解也顛」

十一葉十三行聖濟經原脫「濟」字

十六葉二行事也「事」字原脫

二十一葉十四行「不拘」原作「不俱」

二十二葉一行「流珠」原作「琉珠」十一行「熱入於目」原作「氣入於目」二十四葉九行白下原無「沫」字據準繩補入十二行小注「謂」原作「證」

### 卷三

四葉一行氣血先榮於四支「先」原作「彩」

九葉二行沈數有熱在骨間「數」原作「縮」

十一葉九行不可下下之原脫「下」字十一行「大引飲」原作「大分飲」準繩作大引飲

十二葉四行小字治宜下之「宜」原作「宣」

十五葉七行龍腦薄荷葉檢本草薄荷有一種名龍腦薄荷十二行剪刀「刀」字原作「力」字

十八葉八行苦參「苦」字原脫

十九葉五行「丹參」原作「丹沙」千金翼作丹參

二十三葉十三行桔梗散原本上有「紅」字桔梗下脫「散」字



二十四葉九行「擘豆許」「擘」原作「擘」字典無此字準繩作擘考擘斷也於義通

卷四

二葉七行「脣口頰頤者」「者」字應係「赤」字之訛

三葉五行「臉連」原作「臉連」

七葉十二行「駛藥」原作「鳩藥」

八葉四行「廣親宅」「廣」原作「麻」五行「尉弟」原作「尉子」八使者錢書作八使緣宋王子生卽予以使職故例稱使者也

八葉八行「似睡」原作「似捶」

十一葉三行「理中」下原脫「丸」字

卷五

一葉八行「稀」下原脫「粥」字

八葉十四行「不蚘皂角」凡蟲所食之物曰蚘不蚘謂未經蟲食之皂角也

九葉五行「紙筋」原作「紙筋」

十六葉一行「鼻中木」原脫「木」字

十七葉七行置枯子考枯與礎同斫木櫝也

二十一葉六行「荊芥」原作「荊茶」

二十二葉六行「全蠍中」原本「中」下重「中」字疑衍

二十六葉十行滌涎「滌」字原缺

三十四葉八行凡治病「凡」字原作「丸」

三十九葉九行及治心肺中風「及」原作「乃」

四十頁五行「乳頭上」原作「與頭上」

四十三葉十二行「數沸」原作「數服」

四十三葉十四行「譚氏」原脫「氏」字

四十五葉十一行「子」字原脫

## 卷六

二葉五行氣血壯盛發原無「發」字

四葉十二行豬蹄甲「蹄」字原作「啼」十三行「漿」下原空一格恐誤漿字應直  
接水字爲允

五葉十三行「取」下原空一格恐誤取字應直接啄字不空格爲允

六葉七行恐不可並「並」字原作「病」字

十葉三行兒稍大「兒」字原作「光」

十一葉五行「瘕癥」二字原本上一字空格下一字模糊不辨

十五葉一行小字別研「別」原作「荆」

十五葉十四行乳母「母」字原作「毋」

十六葉九行下餘「餘」字原作「余」十一行「胡黃連」原作「胡連黃」

十九葉三行「診」下原空一格恐誤「診」字應直接下「其」字爲允

二十二葉十二行「上至四五歲兒」原本脫「歲」字

### 卷七

一葉七行「溼」下原空一格作圈恐誤「溼」字應與下方「病」字連書不空格

三葉五行涎唾「涎」字原作「延」同行「候」下空一格作圈恐誤「候」字應與下方「表」字連書爲允九行「及」下「有」上原空一格作圈恐誤「及有」二字應

連書

四葉十一行「鬱」原作「燠」

四葉十二行有寒相搏「搏」原作「搏」

五葉五行親家「家」字原作「儗」

六葉十一行化風膏原本「風」下「膏」上空一格恐誤「風膏」二字應連書

九葉十二行薄荷兩葉原本脫「葉」字

十二葉九行貝母原本「貝」作「具」

十三葉七行「五苓散」原本作「五靈散」

十七葉五行「熱」下「毒」上原本空一格作圈恐誤「熱毒」二字應連書十行勝

金餅子原本「餅」作「錠」

十九葉四行「脫」原本作「晚」

### 卷八

二葉二行斑疹「斑」字原本均作「班」

三葉一行「相搏」原本作「相搏」

三葉十三行嘴先出也原本「嘴」作「皆」



五葉十三行「一大王」原本作「十大王」錢氏小兒直訣作「一」

八葉六行和而灌之原本「灌」作「權」十三行令母慎「母」原本作「毋」

九葉十三行「不」字下空一格作圈疑誤「不上」二字應連書

十葉十一行障腎原本「醫」作「醫」

十二葉二行去渣原本「渣」作「租」

十五葉十二行「溫壯」原本作「溫北」

二十二葉六行減腎氣不旺或疑「減」誤錢書云凡痘疹以百祥圓下之耳翹反熱者死以腎氣大旺脾虛不能制故也則此作「減」爲允

二十六葉九行牛蒡子「蒡」原作「東」

二十七葉七行石斛原作「石蟹」準繩甘露飲子作「石斛」按石斛乃脾腎之藥甘淡入脾而除虛熱鹹平入腎而固元氣若云石蟹微論石蟹之性險蟄反使瘡疹倒陷且於去根二字說不去矣

卷九

八葉十二行「及旋覆麥門冬」等錢書作「旋新合麥門冬」等

卷十

二葉八行番胃巢氏病原作「反胃」史記扁鵲倉公傳作「番」

三頁四行「旋攣」原作「旋掌」

九葉九行「坯蓮丸」查十三葉十行復有「坯蓮散」此治冷熱吐逆不止後治吐逆及煩渴此以坯子石蓮湯送下後用坯子胭脂石蓮湯調下後加胭脂二字更爲明哲

二十一葉十三行小字和麵研之「研」原本作「符」

二十三葉五行醋糊和「醋」原本作「酢」按「酢」集韻音都醬也

二十三葉十一行每服一錢「一」原作「大」

二十七葉二行白朮「朮」字原作「樹」

三十一葉十二行飯和丸原本脫「丸」字

三十五葉九行犀角小注「鎔屑」按玉篇鎔削也

四十六葉二行芹葉原本「芹」字不甚明瞭按千金治霍亂洞下不止方艾一把水三升煮取一升頓服又外臺療霍亂煩躁方濃煮竹葉飲五升令灼灼爾以

淋轉筋處又子母祕錄治小兒吐瀉取芹葉切細煮汁飲之不拘多少據此則  
芹艾竹葉均能療霍亂故備論之

卷十一

五葉一行乾薑「乾」字原本作「甘」

六葉五行麵裹「裹」字原本作「裏」

八葉五行炒連「連」字原本作「蓮」

九頁四行食下原本脫「前」字

十葉十行川薑原本「薑」作「香」

十一頁六行水穀利「穀」字原本作「殼」七行加黃蘗倍之「倍」原本作「焙」

十五葉五行宜增之「增」原本作「取」

十五葉十四行礪砂「礪」原本作「硃」

十六葉五行「蠟」原本作「臘」

二十葉六行「礪砂」原本作「硃砂」

二十四葉一行麵裹了「裹」原本作「裏」七行「脫肛」下原本脫「論」字

二十五葉十行 重裏「原本作「重裏」

卷十二

三葉十一行多則纔好原本「纔」作「綠」

七葉九行下部肛腸原本「肛」下有「盡」字

八葉十一行如未退原本「未」作「末」

十葉十二行小注「去扇」考修治蕪荑唯有去殼去皮去衣各法茲云去扇蓋以

蕪荑形類榆莢如扇去扇卽去殼也

十一葉十三行「蟬殼」原本作「蟾殼」因前後屢用蟬殼「蟾」應作「蟬」

十二葉八行米湯下原本「米」作「木」

十三葉八行小字「別研末」原本作「研末別」

十六葉十一行「啼哭」原本作「吸哭」

十八葉一行縮砂仁原本「砂」作「紗」

十九葉三行蘆薈下「研」字原本作「沌」

二十三葉四行「痊」原本作「坐」按內經楊注瘕小瘕子說文瘕小腫也



二十五葉五行「柴瘦」原本「柴」作「紫」

二十七葉九行小字「不拘遍數」原本「遍」作「變」

三十二葉十行「沙糖拌」原本「拌」作「搜」

三十四葉十四行「蠍虎」原作「蠍骨」查下有乾蠍虎一味應作「蠍虎」

三十五葉十一行「項細」原本作「頂細」十二行「丁」下原本脫「奚」字

三十九葉一行「無穢氣」原本「穢」作「穗」

四十葉二行「蟾酥」原本作「膽酥」

卷十三

一葉八行「九蟲」原本「九」作「久」十行「諸病」之下原本空三格

二葉十二行不可治也原本不作也錢書作不

七葉二行小字「等分」原本「分」作「錢」

十葉一行「不堪用用卽害人」原本下「用」字作「赤」

十四葉十二行「作羹」原本「羹」作「美」子母祕錄作「羹」

十六葉七行「數沸」原本脫「沸」字

十七葉五行「屎二枚」原本無「屎」字

二十葉十三行「交嬾」查小兒疳瀉有因食交乳之說交乳卽交嬾也寶鑑所謂  
淫乳令兒吐瀉者殆謂此也

二十二葉五行「攀」原本作「絕手」二字準繩作「攀」

二十六葉十三行「雄鼠糞」原本「鼠」作「鵲」查雄鵲糞是直豎者其兩頭尖者  
蓋雄鼠糞也

### 卷十四

五葉十三行「脾胃」原本「脾」作「皮」

九葉一行「麵糊丸」原本脫「麵」字

十一葉十二行「附於肺肺主」原本脫「肺」字

十四葉一行「男孩兒」原本「男」作「兒」

十八葉五行「閻孝忠」原本作「閻忠孝」錢書作「閻孝忠」

二十五葉一行「四五遍」原本「遍」作「過」「乳哺」原本作「乳吐」

二十六葉七行「露蜂房」原本脫「房」字

二十九葉四行「塞壅」原本「塞」作「寒」

卷十五

五葉十行「牛口沫」原本「沫」作「洙」

七葉十三行「延引歲月」原本「延」作「涎」

二十葉六行「鐵胤粉」本草綱目作「鐵華粉」日華子作「鐵胤粉」法取鋼煅作葉如笏或團平面磨錯令光淨以鹽水灑之於醋甕中陰處埋之百日鐵上衣生卽成粉矣刮取細搗篩入乳鉢研如麵和合諸藥爲丸散此鐵之精華功用強於鐵粉又大明謂懸鐵於醬瓿上生霜者名鐵胤粉淘去粗滓鹹味烘乾用據此則「胤」應作「胤」

二十七葉四行「暴爲風客於喉」原本「客」作「容」又八行「地黃丸」原本「丸」作「元」又十行「風寒客於啞門」原本「客」作「容」

三十三葉三行「米飲」原本脫「米」字

三十五葉八行「指歧間」原本「歧」作「岐」

卷十六

十葉八行「乾貓兒薄荷葉」查薄荷有數種有龍腦薄荷有金錢薄荷龍腦薄荷產蘇州府學莖小細葉臭勝諸芳宛如龍腦故名金錢薄荷謂葉小頗圓如錢小兒方多用之此貓兒薄荷或云此薄荷貓喜食之故名未知確否姑存之以俟博物君子

十三葉一行「食後熟水」原本「熟」作「消」準繩作「熟」

二十一葉十四行小字「挽乾」莊子庚桑楚篇而手不挽注挽音藝手筋多也又正韻音擊捻聚也俗作「捏」

### 卷十七

十七葉六行「風邪客搏」原本作「風邪容搏」

十八葉十一行「傳瘡」原本「傳」作「傳」十三行「綿裹」原本裹作「裏」

二十葉一行「蚰蜒」原本作「蜒蚰」

二十一葉一行「落牀」原本「牀」作「妝」

二十三葉三行「金毛狗脊」脊上原本空一字四行「包裹」原本「裹」作「裏」六行「落牀」原本「牀」作「妝」



二十四葉二行「白礬」原本作「北礬」八行「白扁豆」原本「扁」作「遍」

卷十八

二葉一行「竈下黃土」原本「竈」作「奎」

二葉六行「右」下原本脫「上二味先末入粉研勻先以」十一字

三葉六行梁上塵原

本脫梁字

三葉九行「豬脂」原本「豬」作「褚」

四葉九行「生膿」「生」原本作「烘」

五葉八行「裏水」原本「裏」作「裏」

五葉十二行「邪稍難干」原本「干」作「于」

六葉十三行「豬脂」原本「豬」作「諸」

八葉六行「綿裏」原本「裏」作「裏」

九葉七行「作丸」原本「丸」作「瓦」

十葉二行「生烏頭」原本「烏」作「烏」

十一葉四行「胡桃」原本「桃」作「挑」

十四葉二行「華未」二字原本作「葉」三行「眈眈」原本作「眈眈」按靈樞經脈篇「目眈眈無所見」

十七葉五行小字「揀淨」原本「揀」作「棟」

十九葉五行「微火」「微」原本作「徵」

二十三葉四行「則鞭」原本「鞭」作「鞭」九行「在鼻中」原本「在」作「任」

二十五葉一行「息肉」千金作「宿肉」

二十九葉九行「鹵」原作「減」綱目作「鹵」同行「古」字原本作「十」綱目作

「古」

三十葉十行小字「一挺」原作「一捷」案鄉飲酒禮「薦脯五挺」義蓋取此

三十二葉六行「翦作小紙菓子」字原本「翦」作「煎」

### 卷十九

三葉十三行「膩粉」原本作「贖粉」

八葉四行「牛蒡子」原本「牛」作「生」

十四葉十二行「展開」原本「開」作「用」據十三葉一行應作「開」

卷二十

一葉三行「疳瘡論」原本作「疳疳論」

七葉五行「傳」原本作「傳」

十葉三行「癰癰者」原本「癰」作「癰」

十二葉八行「諸癰瘡」原本「癰」作「癰」

二十葉六行「綿濾去滓」原本「濾」作「瀘」十三行「露蜂房半兩微炙」下原本

有「櫟」字

二十二葉九行「卒無」下原本空三格

二十七葉十四行「月蝕」下原本脫「瘡」字

三十五葉十二行「足跌」原本「跌」作「跌」

三十六葉十行「濾去滓」原本「濾」作「瀘」

三十八葉十三行「甚則」原本「則」作「欠」「腫背」下復有「欠」字

## 重校小兒衛生總微論方記

是書乃柯巽菴中丞創辦武昌醫館時出以相示。余時方主持館事。見是書明刻訛誤過多。如蘆作芦義作义因萃館中諸生詳爲讎校。甫經歲事。余適有龍江之行。時天門周少樸師巡撫龍江全省防疫會會長爰歸之中丞俾付剞劂自後余奔走四方撫署參事并龍江中丞亦捐館舍。其梓行與否無暇過問。越十數年。余因手校內經太素脫稿遄返武昌。亟謀付梓。適晤梓人陶子麟。詢及前事。陶告以是書正擬開雕。而武昌義起。幸當時與錢氏小兒科一井藏之笥篋。攜往滬上。未經散佚。因以原書歸余。余展卷披閱。曩時所校墨迹猶新。不勝狂喜。特走謁吾宗珩珊巡使。巡使素以活人濟世爲心。卽慨捐巨貲。與內經太素及錢氏小兒直訣三書同時付梓。仍屬余董理其事。余因留居武昌。重加讎校。不數月而三書次第出版。昔昌黎云。莫爲之前。雖美弗彰。莫爲之後。雖盛弗傳。今是書之成。中丞與巡使可謂前後輝映矣。至原序謂得是書於古塚中。乃方技家假詭異以駭俗。語本無稽。茲觀其書中一則曰。余流落錢塘。再則曰。予在行朝。作者當爲宋南渡時人。蓋士君子生際亂世之末流。



既不得假斧柯以行其志。而悲天憫人之心。終不能自己。特託爲仁術。冀消疹戾而普慈祥。亦猶宣公罷相。廣集醫方。文正微時。願爲良醫之意。惜是書雖著作詳備。而名氏缺如。致令後之景仰者。徒溯洄於葭蒼露白之中。不識伊人之宛在其賢。更加人一等矣。余旣喜是書之成。特爲誌顛其末。以見善本之流傳。良非偶然也。

民國十三年歲次甲子長夏黃陂蕭延平謹識

## 後記

《小兒衛生總微論方》二十卷。不著撰人。系南宋太醫局何大任取其家藏本刊刻于嘉定年間，明·弘治二年（公元一四八九年）濟南朱臣重刻于寧國府，更名《保幼大全》，《四庫全書》本考嘉定本原序，復題本名。

全書共載幼科證論百餘（條）篇，廣采《聖濟總錄》、《小兒藥證直訣》等方論，自嬰孩初生以至成童之各科疾病無不悉備，實乃集南宋以前兒科證治之大成者。卷一總論小兒稟受、初生、回氣、斷臍、洗浴、乳養、食忌及新生兒不乳、臍風撮口等病治，并于卷首冠以「醫工論」篇，以昭示幼科醫從業要求。卷二主要介紹小兒望色及察指紋等診斷方法。卷三論小兒變蒸、脈診等。卷四至卷十六為內科雜病證治。卷十七至卷二十分述小兒外科、五官科、皮膚病等脈證病治。其論病證，由病

因病機而及臨證表現，繼之以治法方藥，條理井然，論理允當，辨證精審，方治實用，故《四庫全書提要》譽之爲「保嬰之要書」。

是書明刻本訛誤較多，民國十三年（公元一九二四年）蕭延平曾校正錯誤百餘條附于書後。此次重刊，復據《四庫全書》文淵閣本審訂正訛。

陳 熠